

„О'ҚИТУВСИ“

У 37
М-15
Р. МАВЛОНОВА, О. ТҮРАЕВА,
К. ҲОЛИҚБЕРДИЕВ

ПЕДАГОГИКА



Р. МАВЛОНОВА, О. ТҮРАЕВА,
К. ҲОЛИҚБЕРДИЕВ

ПЕДАГОГИКА

Мустакиллик шарофати туфайлк. бб Ук ұлттық педагогика фани равиқида хам буюк "бүрилиш ва ўзғаришлар содир бўлди. Бу шу фанни миллий тарбия асосига куриш билан боғлиқдир.

, Мазкур дарсликда аждодларимиздан мерос бўлиб қолган тарбия анъаналари ва ақидалари, метод ва йўл-йўриклари назарий жиҳатдан таҳлил қилинганд/Айникса, унга миллий мустакиллик мафкураси ғоялари сингдирилган.

Дарслик олий ўқув юртларининг бошланғич таълим методикаси факультетларининг талабалари, педагогика лицейлари ва коллежлари ўқувчилари учун мўлжалланган.


Тақризчилар:

Професор К. ҲОШИМОВ,
педагогика фанлари доктори, профессор
О. МУСУРМОНОВА

Ушбу нашрга доир барча хукуқлар ҳимоя қилинади ва нашриётга тегишилдири. Ундаги матн ва расмларни нашриёт розилигисиз тўлиқ ёки қисман кўчириб босиш тақиқланади.

4303000000-50
353(04)2001 Буюрт.вар.-20

18В^л 5-645-03725-1



«Ўқитувчи» нашриёти, 2001 й.

КЙРИШ

Истиқлол барча соҳаларда бўлгани каби халқ таълими соҳасида хам катта ўзғаришлар ясади, буюк бүрилишлар қилди. Маълумки, собиқ шўро тузуми даврида халқ таълими тизими, таълим-тарбия ишлари коммунистик мафкура қолипига мослаштирилган эди. Сиртдан қаралганда ҳамма нарса жойида бўлиб кўрингани билан таълим ўзининг миллий рангларини йўқотиб бораётган эдики, бу жараён миллий педагогика фанининг ривожланишига тўсқинлик қиласди. Жумладан, педагогикага оид қўлланма ва дарсликлар муайян бир минтақа миллий шароитига мўлжаллаб яратилгани йўқ. Ўзбекистон ўқув юртларида совет педагог-олимлари тарафидан ёзилган дарслик, ўқув-методик қўлланмалардангина фойдаланиб келинди. Шутариқа миллий тарбия ғояларига зид коммунистик мафкура ғоялари янада чуқуррок илдиз отди, мустахкамланди. Натижада, ёш авлод бирёқдама фикрлайдиган бўлиб қолди, ота-боболаримиздан мерос қолган яхши ахлоқ-одоб анъаналари, урф-одатлар унтила бошланди. Шунинг учун хам собиқ шўро тузуми даврида халқ таълими соҳасида сифат ўзғаришлари юз бермади, балки кўплаб мактаб бинолари яратиш билан чекланилди, холос. Миллий таълим-тарбия анъаналари эса бир чеккага суриб кўйилди.

Истиқлол шарофати боис бу каби бирёқламаликларга чек қўйилди. Эндиликда миллий педагог-

гикамиз жадал суръатларда тарақкий этаётир. Отабоболаримиз азал-азалдан бола тарбиясига алохидә эътибор қаратганлар. «Болани бошдан...» нақли сўзимизга далил. Ал-Бухорий, Ат-Термизий, Берунний, Аз-Замахшарий, Навоий, Бобур, Оғаҳий, Абдулла Авлоний, Абдурауф Фитрат, Абдулҳамид Чўлпон сингари улуғ олиму адиблар, фозилу фузалолар таълим-тарбия борасида кўп асарлар битганлар. Улар таълимдаги миллий хусусиятларга диккат-эътиборни каратишган. Истиқчолга эришленига қадар уларнинг панд-ўйтитлари етарли даражада ўрганилмади. Чунки, бизда Европа, собиқ совет педагогикаси жорий этилган эди. Тарихдан маълумки, бир вактлар Шарқ педагогикаси ниҳоятда гуллаб-яшнаган. Олмон олими Херлер «Шарқ Европанинг муаллимидир» деганида ана шу ривожланиш даврларини кўзда тутгандир, эҳтимол.

Зотан, шарқ педагогикасининг камрови кенг. Уни уммонга киёсламоқ мумкин. Ҳозир ўрганаётганимиз ана шу уммондан бир қатрадир, холос. Биз ўзлигимизга қайтиб, мутафаккир боболаримиз месросидан унумли фойдалана билсак, хеч муболағасиз айтиш мумкинки, таълим-тарбия соҳасида дунёнинг энг илғор мамлакатларига етиб оламиз. Зотан, бу хар қандай бойликдан афзалдир. Улуғ мутафаккир Алишер Навоий айтганидек: «Эл адаби хушрок эрур олтунидин». Шунинг учун ҳам ўзбек халки ёш авлод тарбияси борасида дорилғунун яратиб қолдирган. Зардустийлик динининг мукаддас китоби саналмиш «Авесто» дан тортиб то ҳозирги кунда яшаб ижод этаётган педагог-олимлар асарларига қадар некбин педагогик мафкура ўз аксини топгани бежиз эмас.

Педагогика жамиятнинг ривожланиш конун-коидаларига таянган холда тарақкий этади. Бугунги кунда эса ана шу жараён авж палласига чиқмокда. Ҳусусан, хуқукий давлат барпо этиш йўлида амалга оширилаётган ишлар, миллий онг кун сайин юксалаётганидан далолат беради. Инсон онги тарақкий этмас экан, ижтимоий ҳаёт жабхаларида хеч бир ўзгариш сезилмайди. Модомики, замон жадал суръатларда ўзгараётбими, демак, педагогика ҳам шу ўзгаришларга ҳамоҳанг бўлмоғи даркор.

Октябр тўнтаришидан кейин барбод этилган миллий педагогикамиз аста-секин қайта тикланмокда. Бугунги ёш авлоднинг эҳтиёжлари ҳам шўролар давридагидан мутлақо фарқ қиласи. Шуларни назарда тутган холда биз ушбу қўлланмани шарқ мутафаккирлари асарларидан унумли фойдаланилган холда яратдик.

Якинда қабул қилинган «Таълим тўғрисида»ги Конун ҳамда «Қадрлар тайёрлаш миллий дастур»-ида ёш авлодни миллий истиқдол мафкураси руҳида тарбиялаш, дарсликлар, ўқув-методик қўлланмаларни миллий таълим-тарбия анъаналари асосига қуриш масалалари кўтарилиган ва шу муаммони ҳал қилиш йўл-йўриклари кўрсатилган. Шу маънода мазкур «Педагогика» ўқув қўлланмада тарбиянинг янгича усувлари ва методлари ўз ифодасини топган.

Мазкур дарсликнинг I, II, III, XXI боблари К. Ҳоликбердиев, IV, V, VI, VII, VIII, IX, X, XI XII, XXII боблари Р. Мавлонова, XIII, XIV, XV, XVI, XVII, XVIII, XIX, XX бобларий О. Тўраева қаламига мансуб.

I б о б . П Е Д А Г О Г И К А Н И Н Г Б АҲСИ ВА УНИНГ ИЛМИЙ ТАДҚИҚОТ МЕТОДЛАРИ ПЕДАГОГИКА ВА УНИНГ БАҲСИ

Педагогика нима? Нима билан шуғулланади? Нималарни тадқик килади деган саволлар педагогика фанини ўрганишга киришган одамнинг ақлини банд этади. Педагогика дарсларида, педагогикага оид қомусларда педагогиканинг баҳси турлича, айrim холларда, бир-биридан фарқланадиган дарражада талқин қилинади. Масалан, педагогика — тарбия ҳақидаги фан; педагогика — ўсио^ткелаётган ёш авлодни тарбиялаш ҳақидаги фан; педагогика — умуман инсонни тарбиялаш ҳақидаги фан ва хоказо.

Бу таърифлардан воз кечмагай ҳолда таълим-тарбия муассасаларида шунга мутассадди бўлган шахслар томонидан амалга ошириладиган тарбиявий фан олиятни педагогиканинг баҳси деб қабул қилиш максадга мувофиқдир.

ТТёдагогика тарбия ҳақидаги фан сифатида тарбиянинг моҳиятини тушунишни, унинг қонуниятларини очиб беришни ва шу орқали инсон манфаатлари учун тарбия жараёнига таъсир этишни назарда тутади.

ТАРБИЯНИНГ ИЖТИМОИЙ ҲОДИСА ЭКАНЛИГИ

Тарбия кишилик жамияти ибтидосида пайдо бўлган ва башарият манфаатлари учун хизмат қилиб келган. Тарбия авлодлар ўртасидаги алоқани таъминлайди. Катталар ўзлари турмуш жараёнида орт-

тирган тажрибаларини ўзидан кейинги авлодга ўргатиб борганлар. Кичик авлод эса фаолияти давомида янги-янги муаммоларга дуч келиб, уларни ечимини топиш баробарида билим ва кўникмаларни эгаллаб олдинги авлоддан мерос қолган билимларини янада бойитиб ўзидан кейинги авлодга колдиради. Инсоният тарихий тараккиёт мобайнода катта йўлни, бу йўлда у турли ижтимоий босқичларни босиб ўтди. Формацияларнинг ўзгариши натижасида иш муносабати билан ишлаб чиқариш муносабатлари тараккӣ этди. Бу хол тарбия жараёнининг такомиллашиб боришига ўз таъсирини ўtkазди.

Жамият тараккиёти, меҳнат қуролларини такомиллашиб натижасида кейинги авлодга мерос қолдириладиган тажрибалар ҳажми ҳам ўсиб бора-веради.

Агар ибтидоий жамиятнинг бошларида болалар катталарнинг меҳнати жараёнида бевосита иштирок этиш билан малака, кўникма ва билимларни эгаллаб ббрган бўлса, кейинчалик ибтидоий формацияларнинг табакаланиши натижасида меҳнат турлари ҳам ўзгариб борди. Айrim болаларни (қабила бошликларининг диний маросимларни бошқаридиган шахслар болаларини) диний ақидаларни адо этишга ўргатиш зарурияти туғилди. Шундай қилиб, ибтидоий жамиятнинг ўзидаёқ билимларни табакалаштириш анъанаси пайдо бўлди.

Кулдорлик даврига келиб, бу анъана кўзга яққол ташланади. Масалан, қулларнинг болалари оғир ишларни бажаришга ўргатилди. Кулдорларнинг болалари эса, қуллар устидан ҳукмронлик қилишга тайёрланди. Шу боис уларга сабок бериш зарурияти туғилди. Бу эса ўқитишга маҳсус, шу соҳани билан

диган одамларни жалб этишни тақозо қилди. Бу хол мактаб ва ўқитувчиларга бўлган заруратни келтириб чиқаради. Ижтимоий формацияларнинг кейинги равнақи мактабларни ривожлантиришга, янги янги ўкув юртларини, жамият тараққиёти талабига жавоб берадиган ўкув юртларини барпо этилишига сабаб бўлади.

ПЕДАГОГИКА - ТАРБИЯ ҲАҚИДАГИ ФАН

Педагогиканинг фан сифатида шаклланиши ёш авлодни хаётга тайёрлаш, улар тарбиясини самарали амалга ошириш эҳтиёжидан келиб чиқади. Бу эҳтиёж тарбия борасида орттирилган тажрибалар тўплангандан кейин ўша тажрибаларни умумлаштириш, ёшлар тарбияси ҳақида қонун-коидаларни ишлаб чиқиши заруратини тақозо этади.

Аввало педагогиканинг назарий куртаклари фалсафа негизида пайдо бўлди. Баъзи фалсафий фикрлар кулдорлик жамиятидаёқ ривожлана бошлаган эди.

Қадимдан инсон тарбиясига оид бўлган фикрлар халқ мақолларида, афсоналарда, достонларда ўз ифодасини топган. Унда ростгўилик, ота-онага хурмат-эҳтиром каби фазилатлар тараннум этилган. «Алпомиш», «Тўмарис» каби достон ва эртакларда ватанпарварлик, инсонпарварлик туйғулари улуғланади. Таълим ва тарбия масалалари ҳамиша мутафаккир, ёзувчи, олимлар хәёлини банд килиб келг^тн. Бу зотлар, ўзларининг бола табиати, уларни баркамол инсон қилиб тарбиялаш ҳақидаги ёрқин мулоҳазалари билан педагогик фикрлар равнақига улуш қўшганлар. Машхур хинд масали «Калила ва Димна», Низомул Мулкнинг «Сиёсанома», Носир Хисравнинг «Саодатнома», «Рўшноннома», Юсуф Хос Ҳожибининг «Кутадѓу билик»,

Маҳмуд Кошғарийнинг «Девони луғатит турк», Ахмад Юғнакий, Кайковус, Алишер Навоийнинг кўпгина асарлари одоб-ахлоқка бевосита дахлдордир.

Бу алломаларнинг асарлари педагогик фикрларни ривожлантиришда муҳим аҳамият касб этади. Чунки бу асарларда инсонпарварлик, ҳалол меҳнат, дўстлик, чин муҳаббат, садоқат каби юксак ахлоқий фазилатлар ўз аксини топган. Улуғ алломалар Сукрот, Афлотун, Демокрит каби файласуфлар томонидан мураккаб фалсафа тизими яратилган.

Педагогиканинг фан сифатида шаклланишида чех педагог олими Ян Амос Коменскийнинг хиссаси катта бўлди. Унинг «Буюк дидактика» асари ҳақли равишида педагогика соҳасида яратилган биринчи илмий асар хисобланади. Ўн саккизинчи асрга келиб Ўрта Осиёда ҳам педагогик фикрлар тараққий эта бошлади. Асримиз бошларида Махмудхўжа Беҳбудий, Абдулла Авлоний, Саидрасул Азизий, Саидахмад Сиддикий каби маърифат жонкуярлари этишиб чиқди. Бу олимлар янги усул мактаблар тузишда, дарсликлар яратишида, халқ ўртасида маърифатни тарғиб этишда жонкуярлик қилдилар.

Педагогика фанининг мазмунини бойитиб ва ривожлантириб борадиган қатор манбалар мавжуд. Маколларда, эртаклар ва достонларда, ашулаларда, удумларда, топишмокларда тарбия ҳақидаги халқ донишмандлиги камраб олинган.

Алломаларнинг педагогика назариясига оид фикрларидан фанда унумли фойдаланилмоқда. Ва шу баробарида педагогика фани янги ғоялар эвазига бойимоқца.

АСОСИЙ ПЕДАГОГИК ТУШУНЧАЛАР

Педагогикада «тарбия» сўзи турли маънода ишлатилади. Чунончи, тарбия кенг социал маънода, ижтимоий ходиса сифатида кўлланилганда жамиятнинг барча тарбиявий воситаларини: оиласи, мактабгача тарбия муассасаларини, ўкув-тарбия муассасаларини, меҳнат жамоалари, ахборот манбаларининг тарбия йўналишида олиб борадиган хараткаларини ўз ичига олади. Бу тарбия воситалари ўсиб келаётган ёш авлодни хар томонлама камол топтириш йўлида хизмат қилади.

Педагогик адабиётларда ва амалиётда «тарбия» сўзи аник, тор йўналишни белгилаш учун хам ишлатилади. Худди шу маънода тарбиячий раҳбарлигида аник мақсадга қаратилган жараён тушунилади.

Ўқитиш — ўқитувчи ва ўқувчининг биргаликдаги фаолияти ва бу жараёнда болаларнинг маълумот олиши, ўкув кўникума ва малакасини эгаллаши, тарбияланиб, ривожланиб бориши назарда тутилади.

Маълумот — бунда нафақат ўқитиш, балки ўзича мустакил билим олиш, оммавий ахборотлар таъсирида бўлиш билан бирга инсоннинг илмий тизимни эгаллаши, илмий дунёкарашини шакллантириши кўзда тутилади.

Инсон камолоти — бу инсоннинг кенг маънода ички ва ташки омиллар таъсирида шаклланиш жараёнидир. Бу жараёнда тарбиянинг муҳим аҳамият касб этиши таъкидланади.

Инсоннинг шаклланиши — бу инсоннинг хаёт йўли давомида ривожланишининг ўзига хос шакли бўлиб, маҳсус олиб бориладиган тарбиявий таъсир натижаси ҳисобланади.

Ю

Педагогикада яна бир канча тушунчалар мавжудки, удар ҳакида педагогиканинг бошқа бобларини ўрганиш жараёнида фикр юритилади.

ПЕДАГОГИКА ФАНИНИНГ ТУЗИЛИШИ ВА УНИНГ БОШҚА ФАНЛАР БИЛАН БОҒЛИҚЛИГИ

Фан ва техниканинг тез суръатлар билан ривожланиши, турли йўналишларда билим хажмини ўсиб бориши фанни табақаланиб, турли тармоқларга бўлинишига сабаб бўлмоқда.

Яқин ўтмишда фалсафадан ажралиб чиқкан педагогика фанида хам кўпгина тармоқларга бўлиниш жараёни кўзга яққол ташланади. Айрим тармоқлар эса мустакил фан сифатида шаклланди. Масалан, мактаб педагогикаси, мактабгача тарбия педагогикаси. Айримлари эса фан сифатида энди шаклланиб келмоқца. Катталар педагогикаси, олий мактаб педагогикаси шулар жумласидандир. Хозирги замон педагогикаси кўп тармоқли фан бўлиб, аввало у тарбия ижтимоий ходиса эканлиги жиҳатидан педагогика тарихи билан боғланади. Кўзи ожиз, ақли заиф, кулоғи кар — жисмоний камчиликларга эга бўлган болаларни тарбиялаш ва уларни хаётга тайёрлаш билан шуғулланадиган педагогиканинг яна бир тармоғи маҳсус педагогика (сурдопедагогика, тифлопедагогика, олегофренопедагогика) дефектология билан чамбарчас боғликцир.

Педагогика фанини тармоқларига предметларни ўқитишнинг қонуниятларини ўрганувчи фан — методика хам киради. Шу билан бирга педагогика алоҳида тараққий этган фан сифатида бошқа фанлардан ажралган холда ривожлана олмайди. Педагогиканинг тарбия соҳасидаги объекти ўсиб кела-

ётган ёш авлод бўлганлиги учун педагогика инсонни ўрганувчи фанлар билан боғланади.

Инсон биологик эволюциянинг маҳсули сифатида биология фанларининг ўрганадиган обьекти хисобланади. Шунинг учун бу фанлар педагоглар ўрганиши лозим бўлган фанлар каторида ўкув резжаларига киритилган.

Педагогика фанининг методологик асосини фалсафа ташкил этади. Чунки, тарбиянинг максади, илмий дунёкарашни шакллантириш; жамоа ва шахс муаммолари ва шу кабилар икки фанни бирлаштиради. Иктисад ва хусусан унинг бир бўлгаги бўлган халқ таълими иктисади педагогика билан боғланиб кетади. Чунки, икгисодчиларнинг олиб борган тадқикотлари натижасига кўра ишлаб чиқаришнинг юксак самарадорлиги умумий таълимнинг юкори даражада ривожланганлигига боғлиқ экан.

Педагогика бола тарбиясида унинг ёш ва индивидуал (психологик) хусусиятларини хисобга олиб боради. Шу боис педагогика учун педагогик психологиянинг бола хусусиятлари, уларда ўтадиган психик жараёнларининг конуниятлари хакидаги маълумотлар муҳимдир. Шунга кўра педагогиканинг психология фани билан боғлиқтиги анъанавий тус олган.

Кейинги вактларда педагогиканинг кибернетика (муҳим динамик тизимларни бошқаришни ўрганадиган фан) билан боғланishi кўзга ташланмоқда. Бу холни кибернетиканингумумий ғояларидан таълимда фойдаланиш тажрибаларини программалаштирилган таълим мисолида кўриш мумкин.

Педагогиканинг бошқа фанлар билан боғланиш тизимида этнография, халқ педагогикаси кабилар алохида ўрин тутади.

Педагогика бошқа оралик фанлар маълумотларидан тайёр холда фойдаланмайди. Бу маълумотлар педагогик нуктаи назардан танловдан ўтгандан кейин максадга мувофикалаштирилган холда амалга жорий этилади.

ПЕДАГОГИКАНИНГ ИЛМИЙ-ТАДҚИҚОТ МЕТОД 1

Педагогика ўз тадқиқот обьектига ва тадқиқот методларига эга. Илмий тадқиқот барча фанлар каби педагогика фанини хам такомиллашиб боришига, айрим педагогик ходисаларни текширишига, уларни тўғри ҳал этиш йўлларини аниқлашга ёрдам беради.

Ходиса унинг тараккиёти давомида бошқа ходисалар билан боғлик холда ўрганилади. Микдор ўзгариши сифат ўзгаришига ўтиш дақиқаларида кузатиласиди.

АДАБИЁТЛАР БИЛАН ИШЛАШ МЕТОДИ

Педагогик муаммоларни тадқиқ этиш адабиётларни ўрганишдан бошланади. Ўрганиладиган хужжатлар ва манбаларга халқ маорифига алокадор хужжатлари, конуншуносликка оид хукукий хужжатлар киради. Шу билан бирга педагогика фанига оид бўлган тарихий-педагогик адабиётлар, архив хужжатлари, педагогик матбуот материаллари, дарсликлар, ўкув-методик ишланмалар хам киради. Адабиётларни ўрганиш методи муаммоларнинг қай томонлари яхши очилганини, қайси масалалар ҳал этилмагани кабиларни билиш имкониятини беради.

Адабий манбалар билан ишлаш қуйидаги методлардан фойдаланишини назарда тутади: библиография тузиш, аннотация, конспектлаштириш. Ишнинг максадидан келиб чиқкан холда юкоридаги Усуллардан бири танлаб олинади.

Библиография — бу хал этилиши лозим бўлган муаммони тадқик этиш жараёнида зарур бўлган адабиётлар рўйхати. Адабий манбалар билан ишлаш аник маълумотларни библиография тузиш йўли билан расмийлаштиришни талаб этади. Бунда маълумотлар муаллифининг исм-шарифи, асарнинг номи, нашриёт номи (мақолалар учун ойнома ва рўзномаларнинг номи), жойи ва нашр этилган йили кўрсатилади.

ИЛФОР ТАЖРИБАЛАРНИ ЎРГАНИШ МЕТОДИ

Педагогиканинг кўпгина муаммоларини хал этишда таълим-тарбия соҳасида орттирилган тажрибаларни ўрганиш мухим ахамият касб этади.

Илфор ўқитувчилар тажрибаси билан бир қаторда оддий ўқитувчиларнинг фаолиятлари хам ўрганиб борилади. Чунки, тажрибаларни ўрганиш жараёнидаги муаммо: ютуқ ва камчиликлар аниланади.

Педагогик тажрибаларни ўрганишда кузатиш, интервью олиш, анкеталаштириш, ўқувчиларнинг ёзма ва ижодий ишлари, педагогик хужжатларни ўрганиш методларидан фойдаланилади.

Кузатиш — ўрганиш лозим бўлган педагогик ходисани маълум мақсад нуктаи назаридан келиб чиқкан ҳолда кузатувчи кузатиш баённомасини олиб боради. Кузатиш обьектига оид бўлган аник фактик материал тайёрланади. Кузатиш белгиланган аник режа асосида олиб борилади.

Сұхбат — факт-далиллар тўплаш ёки кузатиш давомида тўпланган материалларга аниқлик киритиш мақсадида олиб борилади. Сұхбат тадқикотнинг мустакил ёки ёрдамчи методи сифатида қўлланилади.

Анкеталаштириш. Бу оммавий равишда материал тўплаш мақсадида анкеталар тарқатиш йўли билан амалга оширилади.

Тадқикот учун мухим бўлмаган материаллар ўқувчиларнинг ёзма ва бир қанча фанлар бўйича мустакил ишларни бажарган дафтарларини текшириш, ўрганиб чиқиш йўли билан турларга ажратилиши мумкин.

Мактаб хужжатларини ўрганиш — ўқувчиларнинг шахсий делолари, методистнинг хабарлари, синф журналлари, кундаликлар, йиғилиш ва мажлислар баённомалари тадқикоти учун олиб борилаётган таълим-тарбия ахволи, даражаси хақида обьектив ахборот манбаи хисобланади.

Педагогик ҳодисаларни тадқик қилиш жараёнида эксперимент мухим ахамият касб этади. Махсус ташкил этилган эксперимент қўлланилаётган ёки қўлланиши мумкин бўлган у ёки бу метод ва усууллар самарадорлигини аниқлаш мақсадида амалга оширилади.

Математик метод. Бу метод оммавий материалларни таҳлил қилишда (масалан, анкеталаштириш йўли билан тўпланган материалларни ёки маълумотларни умумлаштириш учун) қўлланилади. Бу метод эксперимент натижаларини аник баҳоланишини, хулосаларнинг ишончли бўлишини таъминлайди.

Тадқикот натижалари ва уларни амалга татбиқ этиш. Педагогикада бу жараён турли йўллар билан амалга оширилиши мумкин. Чунончи, тадқикотчиларнинг семинарларда, илмий конференцияларда тадқикот натижалари бўйича маърузалар билан чиқиши, илмий мақолалар, китоблар нашр этиши, ўқитувчига мўлжалланган методик тавсиялари

бўлиши мумкин. Педагогикада ҳали ҳал этилмаган муаммолар жуда кўп. Булар илмий тадқиқот олиб бориш йўли билан ҳал этилади.

Савол ва топшириклар

1. «Педагогика», «Педагогиканинг предмети», «Тарбия» каби тушунчаларга таъриф беринг.
2. Ҳалқ мақоллари ва эртакларининг педагогик маъноси нимада деб ўйлайсиз?
3. Педагогик ходисаларпи тадқиқ этишда қандай тадқиқот методларини билиш, улардан фойдалана олиш керак?
4. Нима учун ўқитувчи илмин-тадқиқот методларидан фойдалана олиши керак?
5. Қандай ойнома ва рўзномаларни оласиз? Уларни диккат билаи ўқинг. Уларда тарбияга оид мақолаларни таҳлил этишга ҳаракат қилинг.

II боб. ҲАР ТОМОНЛАМА РИВОЖЛАНГАН ИНСОН ТАРБИЯСИНИНГ МАҚСАД ВА ВАЗИФАЛАРИ

Тарбиянинг максади. Тарбия ижтимоий ходиса эканлиги хусусида фикр юритганда (тарбияни) аник максадга нўналтирилган ходиса эканлиги таъкидланади. Инсон камолотига таъсир этувчи омилларни таҳлил қилиш шуни кўрсатадики, бу омиллар ичida тарбия мухим ва етакчи роль ўйнар экан. Ҳакли савол туғилади — тарбиянинг максади нима? Унинг максадини ким ва нима белгилаб беради?

Тарбиявий ишнинг самарадорлиги мана шу саволларга тўғри жавоб топишга боғлик. Яъни биринчи навбатда, тарбия билан шуғулланадиган ҳар бир тарбиячи аввало ўз фаолиятини' ва унда кўзда тутилган максадни аник тасаввур эта олиши, бу максадни мухимлигини тушуниши лозим. Демак, қандай одамни тарбия қилиш даркор, тарбия на-

тижасида инсон қандай бўлиши керак, деган саволларни аввалдан тасаввур этиш зарур экан. Бу максад жамиятнинг комил инсонни тарбиялашдек мақсадига мос келиши керак.

Тарбиянинг вазифалари кенг ва кўпкирралидир. Таълимнинг асосий вазифаси ўқувчиларни билимлар, кўникумга ва малакалари билан қуроллантириш бўлса, тарбия эса ёш авлодни жамиятимизда қабул килинган одоб-ахлок коидаларига мос келадиган эътиқодини, ахлоқий малака ва кўникумларини, эҳтиёжи ва интилишларини таркиб топтиришдан иборат. Тарбияшунос олим Абдулла Авлоний ўзининг «Туркий гулистон ёхуд ахлок» асарида инсон камолотида тарбиянинг ролини алоҳида таъкидлаб, шундай деган эди: «Жаноби ҳак инсонларнинг асл хилқатда истеъодод ва кобилиятли, яхши ила ёмонни, фойда ила зарарни, оқ ила корани айирадиган килиб яратган. Лекин, бу инсондаги кобилиятни камолга етказмок тарбия воситасида бўладир. Агар бола яхши тарбия топиб, бузук хулқдан сакланиб, гўзал хулқларга одатланиб катта бўлса, баҳтиёр бир инсон бўлиб чикади. Агар тарбиясиз, ахлоқи бузилиб ўssa, насиҳатни қулоғига олмайдиган, ҳар хил бузук ишларни киладиган нодон, жохил бир расвои одам бўлиб чикади».

Ахлоқимиз биносининг гўзал ва чиройли бўлишида тарбиянинг таъсири каттадир. Юкорида биз тарбиядан максад баркамол инсонни тарбиялаш деган эдик. Хўш, баркамол инсон деганда кимларни, нималарни тушунмок керак?

Шарқона тарбия минг ииллар мобайнида исломий ахлок коидалари асосида таркиб топиб боргани тарихдан маълум. Куръони Карим оятлари, Пайғамбар алайхиссалом Ҳадислари, уламо ва

хукамоларимизнинг китоблари тарбиямизнинг манбай бўлиб хизмат қилган. Исломий тарбия мусулмонлар ҳаётининг барча жабхаларини камраб олган.

Исломий тарбия болани етти жихатдан тарбиялашни маслаҳат беради. Бу^лгар^лсоғлик ва бадантарбияси, ақлий тарбия, нафосат тарбияси, ахлоқий тарбия, виждоний-нафсоний тарбия, диний-рухий тарбиядир.

Жаноби Расулуллоҳ: «Фарзандларингизни иззатикром қилиш билан бирга, тарбиясини, одобини хам яхшиланглар!», деганлар. Шу билан бирга «Хеч бир ота ўз фарзандига хулк-одобдан бўлакрок меррос беролмайди» деб тарбияда ота-онанинг ролини белгилаб ўтганлар.

Исломий (шаркона) тарбия барча мўмину мусулмонларни ниҳоятда хуш хулқли, ширин сўзли, олижаноб бўлишга даъват этади.

Шарқ ривоятларида яхши тарбия кўрганнинг ўнта нишонаси ифода қилингандир:

1. Халқ тўғри деб топган нарсага нотўғри деб қарамаслик;
2. Ўз нафсига инсоф бериш;
3. Айб қидирмаслик;
4. Бирорда ёмонлик содир бўлса, уни яхшиликка йўйиш;
5. Агар гуноҳкор узр сўраса уни узрини қабул килиш;
6. Мухожирлар хожатини чиқариш;
7. Эл ғамини ейиш;
8. Ўз айбини тан олиш;
9. Эл билан очик юзли бўлиш;
10. Одамлар билан ширин муомалада бўлиш.

Турли тарихий даврларда тарбиянинг мақсади хам, хусусияти хам ўзгариб борди. Буни ибтидоий

18*

жамиятда, кулдорлик, феодализм ва капитализм формациялари мисолида кўриш мумкин. Ибтидоий жамиятда тарбия мақсади оддий бўлиб, шунчаки, инсонни ҳаёт кечиришини таъминлашга хизмат қилган.

Кулдорлик тузумида, кулдорлар ва қулларни пайдо бўлиши тарбия хусусияти ва унинг мақсадини хам ўзгартирди. Қулдорларнинг болалари ҳукмрон бўлишга интилдилар, босқинчилик урушлари олиб бориш учун ҳарбий санъатни ўрганиб бордилар. Қулларнинг болалари оддий қора ишни бажариш, меҳнат жараёнида иштирок этишга ўргатилиди.

Феодализм тузумига келиб тарбия Кескин табакалана бошлади. Ишлаб чиқариш кучларининг ривож топа бориши, таълим мазмунини ўзгартириб юборди, таълим секин-аста идмий характер касб эта бошлади, бу ўз навбатида умумий таълим куртакларини пайдо бўлишига олиб келди. Энди феодал болаларига илмий билимлар бериш, уларни махсус мактабларда тарбиялаш зарурати туғилди.

Капитализмга келиб тарбиянинг табакалаш хусусияти яна кучлироқ сезила бошлади. Ишлаб чиқариш куч ва муносабатларининг ривожланиши, ишлаб чиқариш корхоналарида ишлаш, дастгохларни бошқариш, иш унумдорлигини ошириш ишчилардан саводхонликни, илмли бўлишини талаб этди. Бу даврга келиб ишчилар болаларига хам анча юкори илм бериш, ўқиш даврида уларга шахсий мулкни муқаддас эканлигини уқтириб бориш тарбиянинг асосий мақсади бўлиб қолди.

Ақлий тарбия. Инсон ҳамиша одамлар курсовида яшайди, ижтимоий мухит шароитида унинг ақлий ривожланиши, фикрлаш қобилияти амалга

оша боради. Бунда инсоннинг нормал жисмоний ривожланиши учун хам шароитлар бўлиши керак.

Инсоннинг ақлий ривожланиши социал мулоджот ва тарбия таъсирида интенсив ривожланиб боради. Агар тарбиячилар ўз вакти ва ўрнида режали равишда унинг билиш фаолиятига таъсир эта борсагина ақлий ривожланиш муваффакиятли кўчади. Демак, аклий тарбия леганла тапбиячининг ўқувчиликлар ақлий кучини ва тафаккурини ривожлантириш, унда ақлий меҳнат маданиятини таркиб топтиришга қаратилган мақсад йўлидаги фаолияти тушиунилади.

Ақлий тарбия ижтимоий тарбия тизимининг бир қисми бўлиб унинг мазмунни барча фанлар бўйича билимлар системасини билиб олишни ва шу асосда ёшларда илмий дунёкарашни таркиб топтириш; тафаккур ва нутк кобилиятини ўстиришдан иборатdir.

Ақлий тарбия барча фанлардан умумий маълумот бериш оркали амалга оширилади. Бу жараёнда ўқувчиларга мактаб дастурлари асосида билим берилиб, уларда хотира, диккат, фикрлаш, тасаввур килиш каби хислатлар тараккӣ эттирилади.

Абу Носир Форобий инсон-акл-заковати хусусида фикр юритиб бундай дейди:

1. «Барча масалани, мухокама ва мuloхazani тезда тушина оладиган, унинг маъносини англайдиган, сўзловчининг мақсади, айтилган фикрининг чинлигини тезда пайқай оладиган бўлсин;

2. Хотираси жуда бақувват бўлсин, кўрган-эшитган, сезган нарсаларининг биронтасини хам эсидан чикармай, ёдида саклаб коладиган бўлсин;

3. Зехни шу даражада тез ва ўткир бўлсинки, бирор нарсанинг аломатини сезиши билан бу аломат нимани билдиришини тезда билиб олсин;

4. Сўзлари аник бўлсин, фикрини ва айтмоқчи бўлган мuloхazalariни равон ва равшан баён эта олсин;

5. Билим ва ўқишига мухаббати бўлсин, ўрганмокчи бўлган билимини чарчаши сезмасдан осонлик билан ўзлаштира олсин.»¹

Ақдий тарбия шахсни ҳар томонлама камол топшигининг асосини ташкил этади. У меҳнат унумдорлигини оширади ва меҳнатга ижодий муносабатни таркиб топтиради.

Ахлоқий тарбия. Ахлоқ — ижтимоий онг шаклларидан бири хисобланаб, ҳар бир кишининг жамият ва оиласадаги юриш-туриши, тартиб коидаларининг ийғиндиси сифатида гавдаланади. Хулоса қилиб айтганда, «**инсоннинг теварак-атрофдаги воқеа ва ходисаларга бўлган муносабатида ахлоқ намоён**» бўлади. Халқимиз ахлоқий фазилатларини қадим замонлардан бери бойитиб келган. Ахлоқ одобга оид фикрлар «Авесто» диний-ахлоқий китобида, қадимги битикларда, пандномаларда ва бошка ёзма манбаларда ўз ифодасини топган.

Ўтмишнинг улуғ алломаларининг ахлоқ ҳакидаги кўплаб фикр-мuloхazalari бугунги кунда хам муҳим тарбиявии аҳамиятини йўқотган эмас.

Жумладан, комусий олим Ал-Форобий ахлоқий фазилатлар ҳакида гапирав экан, унинг хислатлари ҳакида қўйидаги фикрларни билдиради:

1. Бундай одамнинг барча аъзолари шударажада мукаммал тараккий этган бўлиши керакки, у бу аъзолари билан бажармокчи бўлган барча ишларни осонлик билан амалга ошира олсин...;

2. Овқатланиша, ичимлик истеъмол этишда очкўз бўлмасин, табиати қимор ўйинларини ўйнаш-

¹ Абу Носир Форобий. Фозил одамлар шаҳри. Тошкент. 1993 й.

дан узок бўлсин ва улар келтирадиган хурсандчиликдан жирканадиган бўлсин;

3. Ҳақиқатни ва ҳақиқат тарафдорларини севадиган бўлсин, ёлғон ва ёлғончиларга нафрат билан қарайдиган бўлсин;

4. Ғурури ва виждонини қадрлайдиган бўлсин, унинг руҳи ўз табиати билан паст ишлардан юкори ва олижаноб ишларга ишлатиладиган бўлсин;

5. Дирхам, динор ва шу каби турмуш буюмларига жирканиш билан қарасин;

6. Ўз табиати билан адолатни севадиган ва адолат учун курашувчиларга, адолатсизликка, жабрзулм ўтказувчиларга нафрат билан қарайдиган бўлсин... адолатли бўлсин... ;

7. Адолатли бўлсин, аммо қайсар бўлмасин...»¹

Инсон шахсининг камолоти унинг бутун умри давомида амалга ошиб бораверади. Бу фазилат инсоннинг бошқалар билан бўлган муомаласида, воқееликка, жамиятга бўлган муносабатида ва унинг хатти-харакатларида, феъл-аворида намоён бўлади.

. Ахлоқий тарбия, умуман олганда тарбиячилар томонидан тарбияланувчиларда ахлоқий тасаввурлар тизимини шакллантиришни, ахлоқий хис-туйғуларини ривожлантиришни, воқеа ва ходисаларга тўғри муносабат билдира олиш кабиларни назарда тутади.

Инсоннинг ахлоқий қиёфаси бутун умри давомида шаклланиб боради. Инсон онадан меҳнатсевар ҳам, дангаса ҳам, жоҳил ҳам бўлиб туғилмайди — бу ва шунга ўхшаш ахлоқий сифатлар болани ўраб олган ижтимоий мухитнинг, тарбиянинг таъсири хисобланади.

¹ Абу Носир Форобий. Фозил одамлар шахри. Тошкент, 1993 й.

«Тарбия икки негизга — ахлоқ ва оқилликка таянмоғи лозим. Биринчиси яхши фазилатни ўстирса, иккинчиси ўзгалар иллатидан химоя қиласи. Демак, тарбия ҳам ахлоқка, ҳам инсоний муноса батларга асрлар оша ҳалқ тажрибасида синовдан ўтиб, ўзининг умрбокийлигини исботлаган қадриятларга, анъана ва урф-одатларга боғлансангина кузатилган натижага олиб келади».¹

Жисмоний тарбия. Жисмоний тарбия инсон камолотига таъсир этадиган энг қадимий тарбия во-ситаларидан хисобланади. Умумтаълим мактабларда амалга ошириладиган жисмоний тарбиянинг асосий вазифалари ўқувчиларни саломатлигини мустахкамлаш, уларни меҳнатга, мустақил мамлакатимизни химоялашга ва ижтимоий ҳаётга тайёрлашдан иборади.

Мактабда ўқувчиларга жисмоний тарбия, характерли ўйинлар, гимнастика, спорт, синфдан ва мактабдан ташқари спорт машғулотлари турлари воситасида берилади.

Бошланғич мактабларда физкультура дарсларидан кўзда тутилган мақсад асосан болаларни ўз қадиди-коматини тўғри ушлашга одатлантириш, муҳим харакатларни (юриш, сакраш, югуриш) тўғри бажаришга одатлантириш ва тўғри предметлар билан машқ бажаришларини ўргатишдан иборат. Энг муҳими, болаларга саломатлиги ҳақида ўзи ғамхўрлик қилиш зарур эканлиги тўғрисидаги фикрни сингдиришdir. Чунки, инсон саломатлиги, жисмоний баркамоллиги нафақат унинг шахсий иши, балки бу давлат аҳамиятига молик вазифа ҳамдир.

¹ М. Темурова. Бошланғич таълим журнали. 9 — 12-сонлар. 1995 й.

Мехнат тарбияси. Мехнат тарбияси олдида турған асосий вазифа ўқувчиларга мехнат таълимига оид илмий билимлар бериш, меңнат қороллари билан мұомала қилишга ўргатиб, хаётта, ижтимои-фойдалы меңнатта тайёрлашдир. Бу вазифаларни икки түркүмга бўлиш мумкин. Биринчидан, меңнатта бўлган муносабат жараённан зарур билим ва кўникумаларни ўз ичига олади. Ёшларда халки, ватани манфаати йўлида меңнат қилиш хошишини тарбиялаш, меңнатта ҳаёттаги зарур фаолият деб карашларини таркиб топтиришга эришилади. Иккинчидан, гурӯх вазифалари, меңнат фаолиятини бажариш жараённан зарур бўладиган билимлар ўзлаштирилади, фан асослари, политехник таълим ўрганилади.

Мехнат тарбияси тушунчаси умумий бўлиб, бу тушунча бирқанча хусусий тушунчаларни ўз ичига олади. Булардан биринчиси: политехник таълим, бу ишлаб чиқаришнинг барча соҳаларига тааллукли бўлган илмий асосларни ва принципларни, меңнат кўникумга ва малакалари, оддий меңнат қороллари билан мұомала қилиш кабиларни ўзлаштириши тақозо қиласи.

Иккинчиси: бу умумий меңнат. Умумий меңнат ўқувчиларни маҳсулот ишлаб чиқариладиган фаолиятга жалб этилишини тақозо қиласи. Учинчидан: ижтимои-фойдалы меңнат. Бу меңнат тури ўқувчиларни ижтимои-фойдалы аҳамиятга эга бўлган, кўпчилик фойдасига ишлашни назарда тутади (төмір-терсак, макулатура йиғиш, синф, мактабни таъмирлашга ёрдам бериш, мактаблар участкасида ишлаш). Тўртинчи: ўз-ўзига хизмат қилиш. Бу маиший хизмат турига киради, синф, мактаб озодалигини сақлаш, ўзининг иш жойини, кийим-кечаги,

ўкув қуролларини озода, тартибли сақлашни назарда тутади. Бешинчидан: уй меңнати, бу ҳам майший меңнат турига кириб, уйда озодаликка риоя қилишни, ота-онага уй меңнатларида ёрдам беришни тақозо қиласи.

Эстетик тарбия. Эстетик тарбия санъатдаги, табиатдаги қуршаб олган ҳаёт воқелигидан гўзаллик воситалари асосида тарбиялаш, жаҳон педагогикасида инсонни гармоник тарбиялаш воситаларидан бири деб хисобланиб келинган.

Эстетик тарбиянинг асосий вазифаси табиатдаги, санъатдаги, ҳаётдаги гўзалликни қабул қила олиш, тушуниш қобилиятини тарбиялаш, фахмлашдан, гўзалликка риоя қилишга одатлантиришдан иборат. Эстетик тарбия давомида бола ҳаётдаги гўзалликни тушунади, гўзалликни муҳофаза қилишга, ўзи ҳам гўзаллик яратишга интилади.

Умар Хайём гўзаллик, унинг хосияти хусусида фикр юритиб, шундай дейди: «Гўзаллик барча тилларда васф этилади ва ҳар қандай ақлга хуш келади. Дунёда яхши нарсалар кўп, уларни кўриб баҳраманд бўлиш одамларни шод этади ва табиатларини покиза қиласи, аммо ҳеч нарса гўзал юзни ўрнини босолмайди, чунки гўзал юз шундай қувонч баҳш этадики, бошқа ҳеч қандай қувонч унга тенг кела олмайди. Айтадиларки, гўзал юз дунёда саодат сабабчисидир.»¹

Эстетик тарбия ўқувчиларда ахлоқий қиёфа, ижобий хулқ-автор нормаларини таркиб топтиришга, уларни ижодий қобилияtlарини тараққий эттиришга таъсир қиласи.

¹ У. Хайём. Наврӯзнома. Тошкент. 1990 й.

Бошланғич мактабда ашула, расм, мусика, ўқиши дарслари, шу билан бирга синфдан ва мактабдан ташқари ташкил этиладиган тадбирлар эстетик тарбия воситаси ҳисобланади.

Савол ва топшириклар

- 1. Тарбиянинг асосий вазифалари нимадан иборат?**
- 2. Комил инсон десандаги сиз қандай фазилатларга эга бўлган инсонни тушунасиз?**
- 3. Шарқона тарбиянинг манбаларини санаб беринг.**
- 4. Шарқ ривоятларида учрайдиган яхши тарбия кўрган инсонларнинг нишонасини айтиб беринг?**
- 5. Ҳозирги кунда таълим-тарбиянинг асосий ахамияти нимада?**

III боб. БОЛА ШАХСИНИНГ РИВОЖЛАНИШИ, ТАРБИЯСИ ВА КАМОЛОТИ АСОСИЙ ТУШУНЧАЛАР

Педагогика курсининг муҳим методологик муаммоларидан бири бу шахс тарбияси ва унинг ривожланиши муаммоси ҳисобланади.

Ўсиб ва ривожланиб борувчи инсон тарбия обьекти ҳисобланади. Бутун хаёти давомида инсоннинг ривожланиш жараёни давом этаверади. Бу жараёнда у турли ўзгаришларни, жисмоний, психик, микдор ва сифат ўзгаришларни ўз бошидан кечириб боради. Инсонда бўладиган жисмоний ўзгаришларга унинг бўйини ўсиши, вазнини оғирлашиб бориши, суяқ ва мушак системаларини, ички органлари ва асаб системасини ўзгариб бориши киради. Психик ўзгаришлар эса, унинг ақлий ривожига алоқадор бўлади ва инсонда шахснинг психик сифатларини шаклланиб бориши, унда хаёт учун зарур бўлган социал сифатларни таркиб топиши ҳисобланади.

Кўради. Унинг интенсив жисмоний ва психологик ривожланадиган даври оила таъсирида шаклланади. Халқимизда «Куш уясида кўрганини қилади» деган нақл бекорга айтилмаган. Оиланинг хаёт тарзи, ундаги бола тарбиясига ижобий таъсири этадиган тарбиявий муҳит унинг камолатида муҳим ахамият касб этади.

Бола камолатида ижтимоий муҳит муҳимдир. Чунки бу ерда ишлаб чиқариш муносабатлари ва уларни тартибга солиб турадиган ижтимоий қонункоидалар кишига алоҳида таъсири қилади. Ижтимоий алоқасиз, одамлар билан алоқа қилмасдан одам инсон бўла олмайди. Бу хил муносабат натижасида одам боласи ҳаётга ва меҳнатга тайёрланади, керакли тажриба ва билимларни эгаллайди.

Инсон камолатига ижтимоий муҳитнинг таъсири турли тарихий даврда (формацияларда) турлича бўлади, турли социал гурӯхларга хам турлича таъсири этади. Шундай экан, ҳозирги замон педагогика фани муҳитга, унинг инсон ривожланишидаги таъсирининг ролига алоҳида эътибор беради. Муҳит тушунчасига кирадиган ижтимоий хаёт воқеаларининг шахсга таъсири ўюят муҳим эканлигини кўрсатади ва ижтимоий муҳит абадий эмас, ўзгарувчан деб қарайди. Унинг учун муҳит инсон тақцирини белгилаб берадиган омил деб ҳисобланмайди. Аммо унинг таъсирини рад этмайди, хам.

ИНСОННИНГ КАМОЛ ТОПИШИДА ТАРБИЯНИНГ РОЛИ

Тарбия муҳит каби инсон камолатига таъсири этувчи ташки омиллардан ҳисобланади. Унинг фарқли томони ва хусусияти шундаки, тарбия аниқ максадни кўзлаб, системали равишда, инсонда ижобий фазилатларни таркиб топтириши йўлида

тарбиячининг раҳбарлигига амалга ошириб борйлади.

Аммо тарбия таъсириниң кучи ва унинг натижаси ирсият ва мухит каби омилларниң ҳамкорлиги билан белгиланади.

Инсон камолати ирсият йўли билан орттирилган ва табиий лаёқатлар билан белгиланиб қолмай балки, бутун хаёти даврида уни курсаб олган воқелик таъсирида орттириган хусусият ва сифатлар билан ҳам белгиланади.

Шубҳасиз тарбия одамнинг кўзи, сочи, терисининг рангига, унинг бадани тузилишига таъсир эта олмайди. Лекин шу билан бирга тарбия жисмоний тараккӣётга таъсир этиши мумкин. Чунки маҳсус ташкил этилган жисмоний машқлар орқали боланинг саломатлиги мустахкамланади ва чинқирилади. Маълумки, инсоннинг табиий қобилияти фақат тарбия орқали, уни маълум бир фаолият турига жалб қилиш орқали ривожланиши мумкин.

Маълумки, бола лаёқатини ривожлантириш уни қобилиятга айлантириш ва хаётига мос холда ўстириш учун меҳнатсеварлик ва ишchanлик керак. Меҳнатсеварлик ва муттасил ўтириб ишлар каби фазилатлар фақат тарбия натижасида орттириладиган фазилатлардир. Гарчанд инсон камолатига таъсир этадиган омиллар бир канча бўлса ҳам лекин, маҳсус тарбия муассасаларида тарбиячининг раҳбарлигига амалга ошириладиган тарбия жараёни етакчи хисобланади. Чунки, биринчидан, тарбия таъсирида мухит таъсири бера олмаган фазилатлар ўзлаштирилади ва нарсалар ўрганилади, яъни билим, маълумот эгалланади, меҳнат ва техник фаолият билан боғлиқ бўйик қўнилмалар, малакалар ҳам маҳсус уюштирилган тарбия орқали хосил бўлади.

Иккинчидан, тарбия туфайли туғма камчиликларни ҳам ўзгартириб шахсни камолга етказиш мумкин. Масалан, кўрлар, гунглар ҳам ўқитилиб, соғлом кишилар қатори хаётга тайёрланади. Учинчидан, тарбия ёрдамида мухитнинг салбий таъсирини ҳам йўқотиш ёки бартараф қилиш мумкин.

Тўртинчидан, тарбия доимо келажакка қаратилган мақсадни белгилайди. Шу туфайли, у шахснинг камолга етишини тезлаштирувчи роль ўйнайди. Инсонни камол топишида мактабнинг аҳамияти катта. Болалар мактабга қадам кўяр экан, улар ўқув меҳнати билан банд бўладилар. Болалар мактабда фан асосларни эгаллаб олиши билан бирга уларда секин-аста илмий дунёкараш шаклланиб боради. Ўқитувчи-тарбиячиларнинг раҳбарлигига инсонга хос бўлган юксак фазилатларни эгаллайдилар. Режа асосида тарбиявий ишларни ташкил этиб, болани тарбиялашда оиласа ҳар вақт ёрдам кўрсатади. Тарбиячи ўз тарбияланувчисининг оила шароитидан хабардор бўлиши, педагогик маслаҳатларга, ёрдамга муҳтоҷ бўлган оиласаларга ёрдам бериши мухим. Тарбиячи учун бола бўш вақтини кимлар билан ва нималар билан машғул бўлиб ўтказаётгани аҳамиятсиз эмас. Чунки ўз ҳолига ташлаб қўйилган бола қўчанинг салбий таъсирига берилиб кетиши мумкин.

Хулоса килиб шуни айтиш керакки, инсон фақат фаолиятда ривожланади, фаолиятдан ташқарида ривожланиш йўқ. Бола жуда ёшлигидан бошлабоқ катталар ёрдамида ташки мухит билан турли хил алоқада бўлади. Мактаб ёшида бу алоқалар ўқиш ва шу билан боғлиқ бўлган бошқа фаолият билан боғланади ва булар ривожланиш учун манба саналади.

Педагогик жиҳатдан тўғри ўюштирилган ҳар қандай фаолият шахснинг ақлий ва иродавий ривож-

ланишига таъсир этади. Демак, бола улғая борган сари унинг фаолияти ҳам шакли ва мазмуни билан ўзгариб бораверад экан.

Масалан, боғча ёшида болаларнинг асосий фаолият тури ўйин бўлса, мактаб ўқувчиси учун ўқиш, меҳнат қилиш асосий фаолият бўлиб қолади. Демак, бола ҳаётида фаолият турларининг ўзаро муносабати ҳам ўзгаради ва бунинг таъсири остида бола камолати ҳам янги, юкорироқ босқичга кўтарилади.

Умуман, педагогик жиҳатдан тўғри уюштирилган ҳар қандай фаолият бола шахсининг ақлий, ахлокий, эстетик, жисмоний ва иродавий ривожланишига ижобий таъсир этади. Раҳбарлик қилинмаган фаолият эса бирёклама ёки салбий таъсир этиши мумкин.

Шундай қилиб, инсон тараққиётининг илмий концепцияси инсон камолатига таъсир этадиган омилларни таҳлил этиб, инсой камолати ва унинг шахсини шакллантиришни ягона ва бир бутун нарса эканлигини таъкидлайди. Бу жараёнда инсоннинг ўз фаоллигига катта ўрин берилади. У ўз фаоллиги билан ўз шахсини шакллантира олади. Тарбиячи томонидан қўйиладиган мақсад аниқ бўлса ва бу мақсадга эришиш учун одам астойдил харакат килса кутилган натижага эришилади.

Савол ва топшириклар.

1. Шахс камолотига қандай омиллар таъсир этар экан?
2. Одамниг инсоний фазилатларини айтиб, таърифлаб беринг.
3. Ижтимоий мухит ва унинг инсон камолотига таъсирини очиб беринг.
4. Тарбиянинг инсон камолотидаги ўрни нимадан иборат?
5. Шахс камолотида оила тарбиясининг аҳамияти қандай?

IV б о б. ЎҚИТУВЧИ ВА УНИНГ ЖАМИЯТДА ТУТГАН ЎРНИ

Хозирги замон педагогика фани олдида турган муҳим муаммолардан бири — ўқитувчи ва педагогик меҳнат шароити муаммоси ҳисобланади. Чунки, ўқитувчидаги барча педагогик ғоялар мужассамланган бўлиб, унинг фаолияти оркали бу педагогик ғоялар амалга оширилади ва ҳаётга татбик этилади.

Ўқитувчининг кўпкиррали ва мураккаб фаолият заминида ёш авлодни одобли, эътиборли қилиб тарбиялаш, уларни илмий билимлар билан қуроллантириш каби муҳим вазифалар ётади. Буларни амалга ошириш эса ўқитувчининг хилма-хил фаолиятига боғлиқ: болаларни ўқитиши, мактабдан ва синфдан ташқари тарбиявий ишдарни ташкил эта билиш ва ўтказиш, ота-оналар ўртасида педагогик тарбибот ишларини олиб бориш ва ҳоказо. Буларнинг ҳаммаси ўқитувчидан чуқур билимларга эга бўлишни, ўз соҳасини, болаларни севишни талаб этади.

Республикамиз мустақиллиги эълон қилинган сана 1991 йил 31 август ҳалқимиз ҳаётида улуғвор воқеалардан ҳисобланади. Энди ҳалқимиз ўзининг бой тарихи, маданияти, урф^л-одатларини ўрганиш, тарғиб қилиши, ўзлигини таниш имкониятига эга бўлди. Бу воқеадан сўнг кўп сонли ўқитувчилар жамоалари олдига Ватан равнаки учун хормай-толмай хизмат қила оладиган, буюк Ватан йўлида ўз жонини ҳам аямайдиган ёшларни тарбиялаш вазифаси кўндаланг қўйилади. Бу вазифа олий таълим концепциясида алоҳида таъкидланади. Ўзбекистон Республикаси олий таълим концепциясида ўқитувчи-мутахассис олдида турган вазифалар қуйидаги-

ча белгиланади: «Мутахассис малакаси — чукур умумий билим, кенг дунёкараш ва касб тайёргарлиги, компьютер бўйича саводхонлиги, ўз билимини тезлик билан янгилаш ва тўлдира олиш қобилияти сингари омиллардан ташкил топади... Шулар қаторида уни интизоми, масъулият, зиёлилик, ўз ишига, мамлакати мустақиллигига, ватан ва жаҳон тараккӣ эти йўлида эзгулик ва адолатга садоқат туйғуларини хам тарбиялаш зарур».

Бу вазифа ва талаблар бошланғич синф ўқитувчи-сида айниқса тўла мужассамланган бўлиши лозим. Зеро, мактабга илк бор қадам қўйган боладунёнинг, хаётнинг қонун ва қоидаларини, сир-асрорларини ўқитувчидан ўрганади. Ўқитувчи эса болага ўз билганини ўргатади. Агар болани чукур билимли, эътиқодли, маданиятли қилиб тарбияламокчи бўлсак, шу фазилатлар ўқитувчидаги мужассамланган бўлмоғи зарур. Шундай экан, ўқитувчи, умуман бошланғич синф ўқитувчиси кандай фазилатларга эга бўлиши керак? деган савол туғилди. Бу саволга жавоб беришдан олдин ўқитувчининг ҳозирги кунда жамиятимизда тутган ўрни ҳакида фикр юритсак.

Маълумки, Ўзбекистон Республикаси Президенти фармонига биноан октябр ойининг биринчи якшанбаси халқтаълими ходимлари куни деб эълон қилинди. Бу воқеа давлатимизда ўқитувчиларнинг жамиятда тутган ўрни нақадар юксак эканлигидан далолат беради. Илғор ўқитувчиларимизга юксак унвонлар, давлат мукофотлари берилиши уларга масъул вазифалар ҳам юкламоқда. Айниқса, Республикаиз мустақилликка эришгандан кейин, ўқитувчининг жамиятдаги роли ва масъулияти ортиб бормоқда.

Кейинги даврларда педагог ходимларнинг маиший шароитини яхшилаш борасида катор хужжатлар қабул қилинди. Имтиёзлар берилди, уларнинг иш хақи оширилди, барча турдаги мактаб, хунар техника билим юртлари, олий ва ўрта маҳсус ўкув юртлари педагог ходимлари билан меҳнат шартномаси тузиш системасига ўтилди.

Ўзбекистон Республикаси олий таълим концепциясида мутахассис вазифалари қуидагича белгиланган:... «мутахассис ўз фаолияти, соҳасидан катъи назар, ижодий жамоаларда ишлай олиш қобилиятига, менежмент ва маркетинг соҳаларида тайёргарликка эга бўлиши, янги технологияларни жориий этишининг хўжалик, ижтимоий ва маданий жиҳатларини аник тасаввур қила олиши керак». Ушбу фикрлар ўқитувчиларга хам бевосита тааллуқли. Чунки жамиятимизда содир бўлаётган туб ўзгаришлар, бозор муносабатларига кириб боришимиз ўқитувчидан на факат касбий билимларни, балки иқтисодий, юридик, техниковий билимлардан ҳам хабардор бўлишни тақозо қилмоқда. Бу ўринда бошланғич синф ўқитувчиси хусусида алоҳида тўхтамоқ зарур.

ЎҚИТУВЧИННИГ ШАХСИГА ҚЎЙИЛГАН КАСБИЙ ТАЛАБЛАР

Ҳозирги замон ўқитувчисининг асосий фазилатларидан бири ўз касбига садоқатлилиги, ғоявий эътиқодлилиги, ўз касбини севиши, бу касбга бўлган чексиз садоқат ўқитувчини бошқа касб эгаларидан ажратиб туради. Чунки мактабда таълимтарбия ишининг юқори савияда олиб борилиши факат ўқитувчига, унинг касбий тайёргарлигига боғлик.

Ўқитувчи Шахсига қўйиладиган мухим талаблардан бири шуки, у ўди ўқитаётган предметларни чукур билиши, унинг методикасини ўзлаштириб олган бўлиши зарур. Предметни ва унинг назариясини чукур билиши, уни қизиқарли этиб ўқувчиларга етказа олиши болаларни шу предметга бўлган қизиқишини бширади. Ўқитувчи обрўсими кўтаради. Ўқувчилар ўқитувчи билимининг бу билимларни болаларга етказа олиш имкониятларини қадрлабгина қолмай, балки унинг шу предметга бўлган қизиқишини, унинг фидойилигини ҳам тақдирлашади.

Ўқитувчининг юксак маданияти, унинг теран билим доираси (айниқса, Ўзбекистон мустакилликка эришгандан сўнг халқимизни ўз тарихини, маданиятини, урф-одатини ўрганишга, билишга бўлган қизиқиши ортиб бораётган даврда) таълимтарбия ишларини муваффақиятли кечишига ёрдам беради. Хозирги замон ўқитувчиси ва айниқса, бошланғич синф ўқитувчиси миллий қадриятларимизни билибгина қолмай, уни кенг ота-оналар жамоатчилиги ичida, синфда оташин тарғиботчиси ҳам бўлиши керак.

Ўқитувчи касбига хос бўлган мухим фазилатлардан, талаблардан бири — болаларни севиш, уларнинг хаёти билан қизиқиш, ҳар бир шахсни хурмат қилишдан иборатdir. Болани севган, бутун куч ва билимини болаларни келажаги буюк Ватанга содик фуқаро қилиб тарбиялашга сафарбар қила оладиган одамгина ҳақиқий ўқитувчи бўла олади. Болага бефарқ, унинг келажаги билан қизикмайдиган, ўқитувчилик касби лоқайд одам ҳақиқий ўқитувчи бўла олмайди.

«Бошланғич таълим концепцияси»да бошланғич синф ўқитувчиси қиёфаси таърифланади: «... энг

мухими, болаларда ўқиши, ўрганишга- чинакам хавас, иштиёқ уйғотувчи, эътиқод хосил қилувчи устоз сифатида алоҳида ўрин тутади» ... ва яна шу концепциядан бошланғич синф ўқитувчиси фазилатларига қўшимча келтирилади. Ўқитувчи: «... Ўзбекистон — келажаги буюк давлат эканига ишонадиган миллий ифтихорли (бўлиши);

— болаларни ҳалқ педагогикаси дурдоналари ҳамда миллий қадриятларимиз асосида тарбия қила олиши;

— нутки равон, ҳалқ тили бойлиги, ифода усули ва тасвир воситаларини адабий тил услуби ва меъёрини тўла эгаллаган бўлиши» зарур.

Ўқитувчилик касбига хос бўлган бундай фазилатларни ундаги педагогик одоб шакллантиради. Педагогик одоб бу ўқитувчининг юксак касбий фазилатидир. У ўқитувчининг саботли бўлишга, ўз ҳиссиётини идора қила олишга, болаларга педагогик таъсир ўтказиш восита ва меъёрларини белгилаш, аниклашда ёрдам берадиган фазилат ҳисобланади./ Юксак педагогик одобга эга бўлган ўқитувчигина синфда мўътадил психологик иқлим ўрната олади, болалар қалбига тез йўл топа олади.

Ўз хизмати хусусиятига кўра ўқитувчи ташкилотчилик фазилатига ҳам эга бўлмоғи лозим. Бунинг учун ўқитувчи ташаббускорлик ва ташкилотчилик қобилиятига эга бўлиб, ҳар доим тетик, ғайратли, ўз кучи ва имкониятига ишонган бўлмоғи зарур. Ташаббускор ва ғайратли ўқитувчи болаларни ўз орқасидан эргаштира олади, ўқувчилар унга эргашади.

Ўқитувчилик касби жуда катта руҳий ва жисмоний куч талаб этади, шунинг учун ўқитувчининг саломатлигига ҳам маълум талаблар кўйилади.

Ўқитувчининг овоз пайчалари ривожланган, кўриш қобилияти яхши бўлиши керак, узок вақт тикка турга олиш, кўп юриш, эпчил харакат қилиш каби фазилатларга (айникса бошланғич синф ўқитувчилари) эга бўлмоғи шарт. Чунки, кичик мактаб ўқувчилари ўз хусусиятларига кўра тиниб-тинчимайдиган, ўта қизиқувчан, серҳаракат бўладилар. Бу шароитда ўқитувчи хам шу даражада бўлмоғи лозим.

Ўқитувчи шахсига қўйиладиган умумий талаблар билан бошланғич синф ўқитувчиси касбининг ўзига хослиги айрим специфик талабларни келтириб чиқаради. Чунончи, бошланғич синф ўқитувчиси анатомия, физиология, мактаб гигиенаси фанларидан хабардор бўлмоғи, ўқувчилар фаолиятини шу фанлар тавсияси асосида ташкил этиши лозим; (синфлари гигиеник талабга жавоб бериши, ўқувчилар режими, уларни ақлий ва жисмоний ривожланишини кузатиш ва тўғри йўналтириш); ўқитувчи ўз нутқини идора қилиши; адабий нутқ нормаларига риоя қилиши, овознинг баланд-пастлигига ахамият бериши (ортиқча каттиқ (баланд овоз билан) гапириш хам, секин гапириш хам болаларни чарчатиб қўяди); нутқнинг жонли, информали бўлишига эътибор бериши; болаларни чарчатиб қўймаслик мақсадида дарсда иш турларини тез-тез ўзгартира олиши; ота-оналар ўртасида педагогик билимларни тарғиб қилиши, улар билан яқиндан алоқа ўрната олиши (бу фаолият тури бошланғич синф ўқувчиларининг хулқ-атворини, майилларини, жисмоний холатини ўрганишга ёрдам беради) ва уларга тарбиявий таъсири ўтказишига ёрдамлашиши керак. Нихоят, у ўз устида тинмай ишламоғи лозим. Айникса, кадриятларимизни ўрга-

нишга, ўзлигимизни танишимизга, қадимий маданиятимизни билишга эҳтиёж катта бўлмоқда, зоро, бу нарсаларни билмай туриб мустақиллигимизни мустаҳкамлаб, буюк давлат қуриб бўлмайди. Шундай экан, бошланғич синфдан бошлаб болалар шарқона тарбия таъсирига олинмоғи, ўз кадриятини билмоғи лозим. Бу ўқитувчидан шу соҳада чуқур билимли бўлишини талаб этади.

ЎҚИТУВЧИННИГ КАСБИЙ ШАКЛЛАНИШ ЖАРАЁНИ

Ўқитувчининг касбий шаклланиш жараёни институт даргоҳида таълим олиш жараёнидан бошланади. Педагогика институтларининг ўкув-режа ва фанлар бўйича дастурларида бўлажак ўқитувчиларга шу касбнинг сиру асрорларини ўргатиш, илмий билимлар бериш, бошланғич синф ўқитувчисига касби ҳақида маълумот ва кўникма бериш назарда тутилади.

Таълим жараёнидаги фанлар бўйича амалга ошириладиган семинар, амалий ва лаборатория машғулотлари назарий билимларни мустаҳкамлашгагина эмас, балкиуларни амалий иш жараёнидаги қўллашга имкон хам беради. Бундай машғулотлар танлаган касби тўғри эканига ишонч хиссини уйғотади.

Кўпгина талабалар I курсдан бошлаб педагогика ва психология фани бўйича илмий-тадқиқот ишларига жалб этилади. Илмий жамият аъзолари бўлишади, шу жамият орқали семинар ва конференцияларга маъruzалар билан қатнашадилар. Шу билан бирга талабалар факультет ва институтнинг касбий йўналишга эга бўлган жамоа ишларида иштирок этадилар. Талабалар билан олиб борила-диган бундай тадбирларнинг муҳим аҳамияти шун-

В б о б. ЎЗБЕКИСТОНДА ХАЛҚ ТАЪЛИМИ ТИЗИМИ

ХАЛҚ ТАЪЛИМИ ТИЗИМИ ҲАҚИДА ТУШУНЧА ВА УНИ ТАШКИЛ ЭТИШ ТАМОЙИЛЛАРИ

Халқ таълими тизими деганда аниқ мақсадни кўзлаб мамлакат ёшларига таълим-тарбия берадиган муассасалар тушунилади.

Ҳар бир мамлакат халқ таълими тизимининг тараққиёти шу мамлакатда ишлаб чиқариш кучларини, ишлаб чиқариш муносабатларининг ривожига ва жамият тараққиётига таъсир этадиган ижтимоий, иқтисодий масалаларга ва миллий хусусиятга боғлиқ бўлади.

Мамлакатимиз истиқлолга эришганидан кейин халқ маорифини ривожлантириш масалаларига, етук мутахассис кадрлар тайёрлашга катта эътибор берилмокда. Бунга хукуматимиз томонидан қабул қилинган қатор қонунларни мисол тариқасида келтириш мумкин.

Ўзбекистон Конституцияси ва Хукумат қарорларига асосланган ҳолда ҳозирги вақтда халқ таълимининг куйидаги тзм^{й!}_л_r2{_зар_р_р_” топди: ЎзШкистон фуқароларининг миллатидан, динидан, жинсидан, ижтимоий ахволидан қатъи назар таълим олишга тенгхуқуқлилиги тамойили. Бу тамойил Халқ маорифининг демократик руҳидан дарак беради.

Ҳамма мактаб ёшидаги ёшлар учун билим олиш мажбурий эканлиги тамойили. Бу тамойил ёшларимизни маълумотли бўлиши, замон талабига жавоб берадиган илмий билимларни эгаллаши, хаётда ўз ўрнини топа олишлари ҳақида Давлатимиз ғамхўрлигидан дарак беради.

Барча таълим муассасалари давлат ва ижтимоий хусусиятга эга эканлиги тамойили. Бу Ўзбекистондаги барча таълим-тарбия муассасалари давлат ихтиёрида эканлигини, бу ташкилотларни давлат маблағ билан таъминлашини назарда тутади. Таълим-тарбия муассасаларининг фаолияти давлат томонидан бошқарилиб борилади. Шу каби тадбирлар давлатни халқ таълими хусусидаги сиёсатини амалга ошириш, ўқув-режа ва дастурларини ягона бўлишини таъминлаш имкониятини беради.

Қайси тилда ўқитиш ота-оналарнинг истагига боғлиқлиги тамойили. Ўз фарзандини қайси тилда ўқитиш эркинлиги давлатимизнинг байналмиллик, инсонпарварлик сиёсатининг ёрқин намунасиdir. Ўзбекистонда яшаётган ҳар бир миллат аъзоси хоҳлаган тилда болаларини ўқитиш хуқуқига эга. Ўзбекистон Республикаси Конституциясининг 4-моддасида Республикада давлат тили ўзбек тили деб белгиланган. Лекин шунга қарамай, Республика худудида яшаёттан бошқа халқларга хурмат билан қараш, шу тилларни ривожланишига шарт-шароит яратиб бериш кўзда тутилган. Бунинг ёрқин мисоли бўлиб, Ўзбекистон мактабларида ўқув етти тилда олиб борилаётганлигини келтириш мумкин.

Таълимнинг бепуллик тамойили. Конституцияда Республикализнинг ҳар бир фуқаросининг бепул таълим олиш хуқуқи, таълимнинг давлат назоратида эканлиги кафолатланган. Таълимнинг ҳамма турлари бепул бўлиши мамлакатимизда яна бошқа қатор молиявий чоралар билан қўллаб-қувватланиб келинмоқда. Масалан: айрим кам таъминланган Ўқувчиларни давлатнинг ўзи таъминлаши, талабаларни стипендия билан таъминланиши ва уларга

Таълим олиб бориладиган тил	мактабларнинг сони		ўқувчи-лар сони	ўқувчилар умум сони нисб. фоиз
	мустакил	аралаш		
Ўзбек тили	6661	1055	3855977	82.0
Рус тили	222	778	459753	12.2
Қозоқтили	266	339	144970	2.9
Коракалгюқтили	218	127	125060	2.6
Қирғиз тили	26	32	11569	0.2
Тожик тили	260	61	129971	2.8
Туркман тили	39	31	19221	0.3
Бошқа тилларда	2	1	327	*

бошқа моддий ёрдамлар кўрсатилиши кабилар Республикада Халқ Маорифи ривожланишига таъсир этадиган омиллардан хисобланади. Ҳозир кўпгина таълим-тарбия муассасаларида болалар давлат хисобидан тарбияланиб келинмоқца. Шунга мисол тариқасида айрим мактабгача тарбия муассасаларида, дефектологик мактабларнинг барча турларида ногирон болалар учун очилган соғломлаштириш санаторийларида таълимнинг бепул эканлигини. таъкидлаш мумкин.

Ўқувчиларни ҳар томонлама камол топтириш, уларни қаровсиз қолмаслиги учун моддий манбаси имкон берган мактабларда куни узайтирилган гурухлар тузилган, етим болалар учун болалар уйлари, мактаб-интернатлар ташкил этилган. Стипендия билан фақат Олий мактаб талабаларигина эмас, балки ўрта маҳсус билим юртлари талабалари хам таъминланган.

Таълимнинг илмийлик ва дунёвийлик тамойили. Билимларнинг илмий хусусиятга эга бўлиши ва бу

* Ж. Ф. Йўлдошев. Ўзбекистон Республикаси таълими таракқиёт йўлида. Тошкент, 1994 й.

фан ва техника ютуқларини хисобга олган ҳолда доимо ўзгариб, янгиланиб бориши илмийлик тамойили дейилади. Ўзбекистон худудидаги барча таълим муассасаларида дунёвий билимлар берилади. Бу тамойилга сўзсиз амал қилиш болаларга бериладиган билимлар мазмунини вакт-вакти билан қайтадан кўриб, ўзгартириб туришни тақозо қиласди.

ЎЗБЕКИСТОНДА ХАЛҚ ТАЪЛИМИ ТАШКИЛОТЛАРИНИНГ ТУРЛАРИ

Ўзбекистон Республикасининг «Таълим тўғрисидаги қонуни» (1997 й. 29 август) «Таълим турлари» хусусидаги 10-моддасида шундай дейилади:

«Ўзбекистон Республикасида таълим қуидаги турларда амалга оширилади:

- мактабгача тарбия;
- умумий ўрта таълим;
- ўрта маҳсус, қасб-хунар таълими;
- олий таълим;
- олий ўқув юртидан кейинги таълим;
- кадрлар малакасини ошириш ва қайта тайёрлаш;
- мактабдан ташқари таълим.

Мактабгача тарбия. Халқ таълими тизимида биринчи босқич — мактабгача тарбия. Унинг асосий вазифаси — болаларни соғлом ва етук қилиб тарбиялаш, уларни мактабга хам педагогик, хам психологияк тарбиялашдан, уларнинг шахсий қобилиятларини ривожлантиришдан иборат. «Бу таълим 6—7 йигача оиласда, болалар боғчасида ва мулк шакли-Дан қатъи назар, бошқа таълим муассасаларида либ борилади».

Бошланғич таълим (I—IV синф.) Умуммактаб таълимида бошланғич мактабнинг аҳамияти мухим-

дир. Чунки бошланғич мактаб умумий ўрта таълим олиш учун зарур бўлган билим, ўқув кўнникмалари билан қуроллантиради. Бошланғич мактаблар алоҳида мактаб тури сифатида, айниқса кишлок жойларида кўп тарқалган.

Умумий ўрта таълим мактаблари (V—IX синфлар). Умумий ўрта таълим мактаблари ўрта маълумот олишни таъминлади. Замонавий билимлар беради. Болаларнинг фикрлаш қобилиятини ўстириб, олган назарий билимларини амалда кўллашга ўргатади. Бу эса ўз навбатида касб танлашга йўналтиради, бирор-бир касбни эгаллаш имкониятини беради.

Халқ хўжалигининг турли соҳаларида меҳнат қилаётган ва умумий ўрта маълумотга эга бўлмаган йигит ва қизлар учун кечки (навбатли) мактаблар ва катталар учун таълим марказлари ташкил этилган.

Ўрта маҳсус касб-хунар таълими. Ўзбекистон Республикасида касб-хунар таълимининг асосий мақсади ёшларни меҳнат ва касб-кор кўнникмаларига ўргатиш, ишчи ходимлар тайёрлаш, уларни малакасини ошириш ва қайта тайёргарликдан ўтказишидир. Хунар-техника таълими, малакали ишчилар тайёрлаш Республиkaning ўрта маҳсус касб-хунар таълими ўқув юртлари, ўқув-ишлаб чиқариш, ўқув курс корхоналари, марказлари ва бошқа ишлаб чиқариш билан боғлик бўлган ўқув муассасаларида амалга оширилади. Ўзбекистонда Халқ хўжалиги учун малакали мутахassislar тайёрлаб беришда хунар-техника билим юртлари катта аҳамиятга эга. Республикада бундай ўқув муассасаларининг бир неча турлари мавжуд.

Олий таълим. Халқ таълими тизимида муҳим ўрин эгаллаб, ижтимоий ва илмий тараққиётни бел-

гилаб беради. Халқхўжалиги ва маданиятининг турли соҳаларини етук олий маълумотли мутахassisлар билан таъминлади. Республикада олий таълим ўз ичига университетларни, педагогика, қишлоқ хўжалиги, тиббиёт, иқтисод, юридик политехника ва бошқа институтларни камраб олади. Университетлар етакчи билим юртларидан бўлиб улар табиий-математик ва гуманитар мутахassisлар бўйича етук кадрлар тайёрлади. Республикамизнинг кўпгина вилоятларидаги педагогика институтларини университетларга айлантирилиши хам хукуматимизнинг етук ўқитувчи кадрлар тайёрлаш борасидаги фамхўрлигининг далолати хисобланади.

Ўқув юртларидан кейинги таълим. Институт, университетлар учун юкори даражали илмий кадрлар тайёрлашни назарда тутади. Бу аспирантура, докторантурасида орқали амалга оширилади. Аспирантурага олий маълумотли, илмий-тадқиқот ишларига мойил шахслар имтиҳон топшириб, танлов асосида қабул килинади.

Диссертация химоясидан кейин бундай шахсларга фан номзоди илмий даражаси берилади. Ўз соҳасида чукур изланишлар олиб борган, монографиялар ёзган ва докторлик диссертациясини химоя қилган шахсларга фан доктори илмий даражаси берилади. Институт педагогик фаoliyati билан шуғулланган ва илмий-тадқиқот олиб бораётганларга доцент ва профессорлик унвони берилади.

Мактабдан ташқари таълим-тарбия. Ўзбекистон Республикаси Таълим тўғрисидаги қонуннинг 10-моддасига асосланган болалар ва ўсмирларнинг эҳтиёжларини, хоших-истакларини тўлароқ рӯёбга чиқариш, уларнинг бўш вақтларини мазмунли ташкил этиш мақсадида давлат муассасалари, тур-

ли мулк шаклларига эга бўлган корхоналар, жамоат ташкилотлари илмий-бадиий, илмий-табиий, техник, спорт ва бошқа йўналишдаги мактабдан ташқари таълим муассасаларини ташкил этишлари мумкин. Ўзбекистонда шундай мактабдан ташқари тарбия муассасалари фаолияти/ давлат томонидан кўллаб-қувватланади, халқ таълими бўлимлари томонидан улар иши назорат қилинади.

Мактабдан ташқари муассасаларнинг асосий вазифаси мактаб билан ҳамкорликда мактаб ёшидаги болаларни бўш вақтини мазмунли ташкил этиш, уларнинг майл ва хоҳишларига караб турли тўгарак ишларига жалб этишдан, қобилиятини ривожлантиришдан ва олган назарий билимларини амалда қўллашга ўргатишдан иборат.

Мактабдан ташқари муассасаларнинг бутун йил давомида хар хил тадбирлар ўтказиши; предметлар бўйича олимпиадалар, слёт ва спартакиадалар, ўлкани ўрганиш учун юришлар, археологик ва этнографик саёҳатлар уюштириш — бу ёшларнинг ўз ватанининг тарихини, маданиятини чуқур ўрганишга таъсир этибгина қолмай,' слётлар, олимпиадалар каби тадбирлар мактабда олган билимларини чукурлаштиришга, иқтидорли ёшлар билан ишлашга имкон беради

Хозир Ўзбекистон худудида фаолият қўрсатиб турган мактабдан ташқари муассасалар куйидагилар:

- ўқувчилар саройлари ва уйлари;
- ёш техниклар станциялари;
- ёш табиатшунослар станцияси;
- ёш туристлар станцияси ва базалари.

Бундай мактабдан ташқари таълим муассасалари Республикаизда олти юздан ортиқроқ бўлиб,

улар таркибига 265 ўқувчилар саройлари ва уйлари, 133 ёш техниклар маркази ва станциялари, 40 та ёш саёҳатчилар ва ўлкашунослар станциялари ва бошқалар киради. Бу муассасалар томонидан ташкил этилаётган тадбирларда хар йили 5 минг нафардан ортиқ болалар иштирок этадилар.

Савол ва топшириклар.

1. Халқ таълими тизими деганда нималарни тушунасиз?
2. Халқтаълими тизимига кирган муассасаларни санаб беринг ва таърифланг.
3. Халқ таълими тизимида бошланғич таълимнинг тутган ўрни хақида гапириб беринг?
4. Қайси ўқув муассасалари ўқитувчи кадрларни тайёрлади?
5. Мактабдан ташқари таълим муассасаларининг вазифаларини гапириб бсринг.

ЎЗБЕКИСТОНДА УЗЛУКСИЗ ТАЪЛИМ ТИЗИМИ

Халқ таълими тизими деб муайян мамлакатлар ички ва ташқи тараққиётига тавсиф берувчи ҳамда маълум бир қоидалар асосида ташкил этилган барча таълим-тарбия муассасаларининг тузилишига айтилади.

Ўзбекистонда халқ таълими тизими республикамизнинг ижтимоий-иқтисодий ва маданий ривОжлантиришнинг устивор соҳаси хисобланади. Халқ таълими тизими республикамизнинг илм борасидаги куч-қувватини, жамият, оила ва давлат олдидағи ўз масъулиятини англайдиган эркин шахсни шакллантириш мақсадини кўзлайди.

Халқ таълими тизими Ўзбекистон Республикасининг Конституцияси ва Ўзбекистон Республикасининг давлат мустақиллиги асослари тўғрисидаги Конунга мувофиқ ташкил этилади ва назорат

қилинади. Республикамиз Конституциясининг 18-ва 41-моддасида кўрсатилганидан барча фуқаролар жинси, ирқи, миллати, тили, дини, ижтимоий келиб чиқиши, эътиқоди, шахси ва ижтимоин мавқеидан катъи назар билим олиш хуқуқига эгадирлар. Шунингдек, фуқароларнинг бепул умумий таълим олиши давлат томонидан кафолатлангандир. Бу хуқук илм олишнинг ҳамма турлари текинлигий, ёшларга умумий мажбурий ўрта таълим беришни амалга оширишни ўқитишни хаёт, унумли меҳнат билан боғлаш асосида ривожлантириш негизида изохланади.

Фан-техника тараққий этаётган хозирги даврда ҳалқ таълими тизимиning барча тармоқларини муттасил такомиллаштириш, уни оқилона уютиши ва бошқариш масалаларига катта ахамият берилмоқча.

Таникли венециялик сайёх Марко Поло узок вақт хозирги Марказий Осиё минтақаси худудида яшаган ҳалкларнинг анъаналари, урф-одатларини ўрганди. У ўз эсадаликларида ёш авлодни ҳаётга тайёрлашда кўп асрлар давомида кўлланилган усул ва воситаларга таянган ҳолда «Нур шарқдан тарқалади» деган эди. Қадимги Оврўпода кенг тарқалган мазкур хикматда Шарқ ҳалкларининг инсоният маданият пойdevорининг яратишдаги улкан хиссаси тан олинганини ифодалагандир. Лекин маънавиятни тиклашга бўлган харакат факат Оврўпода ёки факат шарқда бошланган дейиш, ғарбу шарқни бир-бирига қарама-қарши қўйиш ҳам нотўғри. Ота-боболаримизнинг, «Ўтмишни унутганнинг келажаги бўлмайди» деган хикматли гапи бор. Биз бу тарихимизни қанчалик чукур ўргансак, бу ёш авлодга шунчалик тўғри таълим беришимизда

асқотади. Марказий Осиёда фалсафий, ахлоқий-маърифий тафаккурнинг илк куртаклари ҳалқ оғзаки ижодида ўз аксини топган. Уларда ёзув пайдо бўлгунга қадар ва ундан кейин ҳам ҳалқ руҳи в? маънавий фаоллиги ифода этган.

Шарқда, жумладан Ўзбекистон худудида азал-азалдан таълим-тарбия соҳасига жуда катта эътибор берилган эди. Болаларни кичик ёшдан илмга қизиқтириш, ахлокан пок, виждонли, меҳр-шафқатли қилиб вояга етказиш масалаларига ота-боболаримиз жиддий қараганлар.

Шарқ педагоглари болаларни ўқишга қизиқтириш учун китобдаги воқеаларни күш ва хайвонлар тилидан хикоя қиласар эдилар. Масалан, «Қобуснома», «Ахлоқи Мухсиний», «Калила ва Димна» каби асарларда накл-ривоятларга одоб-ахлок қоидалари сингдириб юборилган.

Марказий Осиё араблар томонидан фатҳ қилинган пайтларда ҳам ривожланган ўлкалардан бири бўлганлиги тарихий қўлёзмалардан маълумдир.

УИ—УШ асрларда Марказий Осиёни араблар фатҳ этгач, ислом дини асосидаги сифат жиҳатдан янги тизимга эга бўлган таълим-тарбия муассасалари вужудга келди. Араб тилини ўрганиш жорий қилинди.

Мактабларда болаларга ёзиш ва хисоблаш ўргатилгац, бундан ташқари, ўсмирларга савдо санъати, араб тили, мантиқ, нотиқлик, хусниҳат ва арифметикадан дарс берилган. Ҳар бир мактаб талабасининг сони 30—40 дан оигмаган. Булардан ташқари, масжид қошидаги мактабларда ҳам 15—20 нафар талаба таҳсил кўрган. Мактаб, мадрасалар билан бир каторда корхоналар ҳам мавжуд бўлиб, уларда ёзув ўргатилмаган, талабалар, Куръ-

они Каримни ёд олишган, холос. «Мадраса» сўзи арабча «дарс ўтиладиган жой» маъносини билдиради. Маълумки ўша жойлардаги дарс кенг маънода қўлланилиб, унинг таркибига таълим-тарбия, панд-насиҳатлар, устоз-шогирд муносабатлари, донишмандларнинг давра сухбатлари, жуда катта хаётий тажрибалар сабоғи кирган. «Мударрис» сўзининг луғавий маъноси «дарс берувчи ўқитувчи» демакдир.

1991 йилнинг биринчи сентябррида республикализм хаётида тарихий воқеа юз берди: Истиклол эълон қилинди. Шу муносабат билан жаҳон тажрибаларидан келиб чиқиб, энг биринчи навбатда мустақил республикамизнинг халқ таълими соҳасида ислоҳот ўтказиш масаласи кўтарилди. Нихоят Ўзбекистон Республикасининг «Таълим тӯғрисида»ги Конуни таълим тизимининг янгиланишига сабаб бўлди. Олдинги қабул қилинган қонунлардан фарқли ўлароқ, халқ таълими тизими тузилишининг бир канча янги қоидлари жорий этилди. Ва бажарилиши мажбурий, деб қайд килинди. Бу қоидлар тубандагичадир.

1. *Таълим ва тарбиянинг инсонпарварлиги ҳамда демократиклиги.* Бунинг моҳияти шундаки, биздаги барча халқ таълими тизимиға кирувчи муассасаларда берилаётган таълим ва тарбия инсонларни, уларни моддий ва маънавий камолатини, акд-заковатининг ўсишини, инсоний фаолиятини барк уришини ваnihоят ўзлигини билish ва ҳак-хукуклари учун курашадиган ватанпарвар бўлиб етишишларини мақсад қилиб қўяди.

2. *Таълим тизимининг узлуксизлиги ва изчилмиғи.*

Мустақил Ўзбекистонимизнинг халқ таълими муассасаларида берилаётган таълим ва тарбия уз-

луксиз ўзаро боғлиқдир. Ҳар бир бошланғич таълим ўкув режа ва дастурлари асосида кейинги босқичлар олдингиларининг давоми сифатида амалда бўлади. Бу эса ўз навбатида бир мактабдан иккинчисига, бир олий ўкув юртидан иккинчи олий ўкув юртига кўчиб ўтиш имкониятини беради. Таълим ўкув режаси ва дастури асосида тизимли, изчил фаолиятда бўлади.

3. *Давлат таълими тизимининг илмийлиги ва дунёвийлиги.*

Республикамиздаги барча таълим муассасаларида дунёвий бшгимлар берилади. У илмий асосларга эга бўлиб, фан, техника маданиятининг энг янги муввафқиятлари ва инсон акд-заковати туфайли такомиллашиб боради. Улар ўқувчиларнинг обьектив дунёни бевосита билиш, тегишли хулоСалар чиқариш, ўзининг жамиятда тутган ўрни ва вазифаларини аниклаб олишга, бирор-бир касбни онгли эгаллашларига йўналтирилгандир.

4. *Таълимда умуминсоний ва миллий-маънавий қадриятларнинг устиворлиги.*

Таълим тизимиға кирувчи барча таълим-тарбия масканларида берилаётган билим аждодларимизнинг минглаб йиллар мобайнida шаклланган анъ-аналарига таянади.

5. *Давлат таълим стандартлари қоидасида ҳамманинг таълим олиши учун имконият яратилганилиги.*

Янги қонуннинг 4-моддасида таъкидланганидек, Ўзбекистон Республикасида ижтимоий келиб чиҚиши, жинси, тили, ёши, ирқи, миллати, турар жоийи, Республика худудида қачондан бери яшайдиганлигидан катъи назар барчанинг таълим олиши учун тенг хукуклар кафолатланади.

6. *Таянч таълимининг мажбурийлиги.*

Мамлакатимизда 1930 йилда бошланғич, 1949 йилда етти йиллик, 1958 йилда саккиз йиллик, 1970 йилда ўрта умумий мажбурий таълимга асос солинди. 1984 йилдан бошлаб 11 йиллик мажбурий таълимга ўтилди. Таянч таълими мажбурий бўлиб таълим олувчиларга ўқиши ўрта таълим муассасаларида, турли хил хунар ва ўрта маҳсус ўкув юртларида давом эттириш хуқуқини беради.

7. Таълим маънавий ва жисмоний тарбия дастурларини танлашга ягона ва табақалаштирилган ўкув режа ва дастурларини тасдиқлайди. Уларнинг бажарилиши назорат килинади. Олиб бориладиган таълим-тарбиявий ишлар ёш авлодни маънавий, руҳан-тетик, жисмонан бақувват, ахлоқан пок ва меҳнатсевар бўлиб вояга етиши учун барча моддий ва маънавий шароит хозирлайди.

8. Билимдонлик ва истеъдодни рағбатлантириши.

Таълим-тарбия муассасаларида таълим олаётган билимдон ва истеъдодли ўкувчиларни рағбатлантириш стипендия, турли кўринишдаги мақтов ёрликлари моддий ёрдам шаклида ташкил этилади. Олий ўкув юртлари қарамоғида математика, физика, биология ва бошқа фанлар юзасидан истеъдодли болалар учун сиртқи мактаблар фаолияти йўлга қўйилади.

9. Таълим муассасаларида чет тилларни ўрганиш, дин тарихи ва жаҳон маданияти соҳасида билим олии учун шароитлар яратиш.

Халқ таълими тизими ва янги конуни асосида ўкувчиларнинг билим ва истеъдодларининг ватан-парварлик сифатларини шакллантириш учун барча шароитлар яратилмоқда. Дин ва маданият тарихи бўйича мактаб режаларига янги фанлар киритилди.

10. Таълим муассасаларининг сиёсий партиялар ва ижтимоий-сиёсий ҳаракатларининг таъсиридан холи бўлиши.

Ёш авлодга дунёвий билимлар бериш том маънода ҳаётга ва билимга, турмушга тайёрлаш, ёшларни чалғитмаслик, гурухбозликка йўл қўймаслик мақсадида таълим-тарбия муассасалари сиёсий партиялар ва ижтимоий-сиёсий ҳаракатлардан холи деб топилди.

11. Тарбияланувчилар ва таълим олувчиларни ҳурматлаши.

Таълим тизимида барча педагогларга давлат таблари даражасида ўқитиши мажбурий хисобланган фанларни режа ва ўкув дастурлари асосида олиб бориш, тарбияланувчи ва таълим олувчиларнинг инсоний кадр-кимматларини хурмат қилиш масъулияти юклатилди.

12. Педагог шахсини, унинг ижтимоий мавкеини ҳурматлаши.

Олдинги қабул қилинган қоидалардан фарқли ўлароқ Янги қонунда педагог шахсини, унинг ижтимоий мавкеини ҳурматлаш лозимлиги белгилаб қўйилди.

Ўқитувчи-тарбиячилар шаънини химоя қилиш, таълим шакли, усули ва воситаларини танлаш ташабbusларига кенг йўл очиши педагогик фаолиятда танилган ўқитувчи, тарбиячиларни давлатимиз орден ва медаллари билан мукофотлаш, уларни кишлоқ ва шаҳар, туман, вилоят ва республика олий органларига депутатликка сайлаш умумхалқ вазифаси деб топилди. Шу билан бирга улар зиммасига ахлоқ-одоб қоидаларига риоя қилишга, ўкувчи ва талаба шахсини ҳурматлаш масъулияти юклатилган.

13. Амалдаги қонунлар доирасида мўлкчиликнинг тенг хукуклиги, уларнинг мустакиллиги, таълим муассасаси мустакил юридик шахс бўлиб, қонунларда белгиланган тартибда барпо этилади. Давлат тасарруфида бўлмаган таълим муассасаси давлат рўйхатидан ўтказилган вақтдаи бошлаб юридик шахс хукукини қўлга киритади. Таълим муассасаларига муайян маком (гимназия, лицей, дорилфунун, академия ва шу кабилар макоми) берилишини таълимни бошқаришнинг тегишли идоралари томонидан аттестация асосида амалга оширилади.

Таълим муассасалари ўзаро битим тузишга, ўкувтарбия комплекслари ва ўқув илмий ишлаб чиқариш бирлашмалари ва ўюшмалари таркибиға киришга ҳақлидирлар.

Бундай комплекс ва бирлашмалар таркибиға кирувчи муассасаларнинг вазифалари, хукуклари ва мажбуриятлари ўз уставларида белгиланган.

Ўзбекистон Республикасида таълимнинг ягона тизимида амал қилинади. Ягона тизим қуидагиларни ўз ичига олади.

1. Мактабгача тарбия.
2. Умумий таълим.
3. Хунар-техника таълими.
4. Ўрта маҳсус таълим.
5. Олий таълим.
6. Илмий ва илмий педагогик ходимлар тайёрлаш.

7. Кадрларнинг касб-кор малакасини ошириш ва уларни қайта тайёрлаш.

8. Оиласадаги таълим.
9. Мустакил таълим.

Таълим тизимида ўқув режалари ва дастурлари мувофиқлаштирилади. Таълим босқичлари ва шакл-

ларининг стандартларга мос келиши таъминланади.

1. Мактабгача таълим.

Мактабгача таълим тармоғига 1—3 ёшдан 6—7 ёшгача бўлган болаларга таълим-тарбия берувчи ясли ва боғча муассасалари, шунингдек, оиласадиги таълим-тарбия киради. Бундан кўзланган максад бола камолати асосларини шакллантиришдан, уни билимга қизиқишини таъминлашдан маданий-ахлоқий эҳтиёжларини, дастлабки меҳнат кўникмаларини, илмга муҳаббат қўйишни ўстиришдан иборатdir.

2. Умумий таълим.

Умумий таълим узлуксиз давлат таълими тизимида асосий бўғин бўлиб, таълим олувчиларнинг илмий билим, меҳнат ва бошланғич касб-кор кўникма ва малакаларини ишбилармонлик асосларини эгаллашларини, шунингдек, ўз ижодий қобиляйтлари, фазилатларини ривожлантиришларини таъминлади. Умумий таълим уч босқичдан: 6—7 ёшдан 10—11 ёшгача бўлган болаларга таълим берувчи бошланғич (1—1^У синфлар), 11—12 ёшдан 15—16 ёшгача бўлган болаларга мўлжалланган (У—IX синфлар) таянч ва 15—16 ёшдан 17—18 ёшгача бўлган болаларга (X—X1—X11 синфлар) ўрта таълимлардан иборат бўлиб, бошланғич таянч, ўрта таълим мактаблари, гимназия, лицей ва бошқа ўқув юртларида амалга оширилади.

Ўрта умумий таълим муассасаларида ихтисослашган таълим амалга оширилиши ўкувчилар танлови бўйича курслар жорий этилиши ва фанлар чукур ўргатилиши мумкин. Бундай курсларнинг дастурлари умумтаълим муассасалари томонидан тасдиқланади.

3. Мактабдан ташқари таълим.

Болалар ва ўсмирларнинг талаб ва эҳтиёжларини тўлароқ кондириш, уларниг дам олишини ташкил этиш мақсадида давлат идоралари мулкчиликнинг турли шаклларидаги корхоналар, жамоат бирлашмалари ва маданий, илмий, техника, спорт ва бошқа йўналишдаги мактаблардан ташқари таълим муассасалари барпо этилади.

Турли хилдаги мактабдан ташқари муассасалар фаолиятига давлат томонидан кўмак берилади ва назорат қилинади,

4. Ҳунар-техника таълими.

Ҳунар-техника таълими, меҳнат ва касб-кор маҳорати ҳамда ишчи ва кадрлар тайёрлашни, уларни қайта тайёрлаш ва малакаларини оширишни мақсад қиласди.

Таълим билим юртларида ўкув ишлаб чиқариш, ўкув-курс комбинатларида, марказларда ва бошқа ўкув юртларида ёки бевосита ишлаб чиқаришда олиб борилади.

Ҳунар-техника таълим таянч таълими асосида бир вактнинг ўзида умумий ўрта таълим бериш ёки факатгина касб ўргатиш орқали амалга оширилади.

5. Ўрта маҳсус таълим.

Ўрта маҳсус таълими касб-ҳунар коллежларида, педагогика лицейлари ва коллежларида, шунингдек ўзга шаклдаги ўкув юртлари билан кўшилган ўрта маҳсус ўкув юртларида, таянч ўрта ва касб-ҳунар таълим негизида амалга оширилади.

6. Олий таълим.

Олий таълим танланган фаолият соҳасида чукур умуммиллий ва маҳсус билимни зарур касб-кор кўниумаси билан уйғунлаштирадиган юкори мала-

кали мутахассисларни, шунингдек, илмий ва илмий педагог ходимлар тайёрлаш максадини кўзлади.

Олий ўкув юртларида таълим икки босқич асосида бакалавр ва магистр даражасини бериш орқали амалга оширилади. Фуқаролар шартнома асосида иккинчи олий маълумот олишга ҳақлидир. Олий ўкув юртлари қонунда белгиланган тартибида вактвакти билан аттестация ва аккредитациядан ўтказиб турилади.

7. Илмий ва илмий педагог ходимлар тайёрлаш.

Илмий ва илмий педагог ходимлар тайёрлаш узлуксиз таълим тизимида олий босқич хисобланниб, шахс ва жамият эҳтиёжларини, шунингдек, жамиятнинг бундай кадрларга бўлган талаб ва эҳтиёжини қондиришни таъминлайди.

Илмий ва илмий педагогик ходимлар тайёрлаш илмий даражалар (фан номзоди, фан доктори) ва илмий унвонлар (доцент, катта илмий ходим, профессор ва хоказо) бериш тартиби қонунлар билан белгиланади.

9. Оиласдаги таълим.

ота-оналар ва уларнинг ўрнини босувчи шахслар боланинг жисмоний, маънавий камолатига ва ақл-заковатини ўстиришга, маълумотли бўлишига жавобгардирлар. Болаларига оиласда таълим беришни зиМмаларига олган ота-оналар таълим муассасалари, таълимни бошқарувчи тегишли идоралар билан шартнома тузадилар. Оиласдагитаълим ўкув юртларининг дастурлари бўйича амалга оширилади. Кейинчалик экстернат тартибида аттестациядан ўтказилади. Аттестациядан ўтгач, таълимнинг исталган босқичидан бошлаб ўкув муассасаларида Укишни давом эттиришлари мумкин.

.10. Мустақил равишда таълим олиш.

Давлат фуқароларининг мустакил равишда ўз маълумотлари, маданий касб-кор савияларини оширишга бўлган интилишлари, қизиқишлигини қўллаб-кувватлади, уларга шарт-шароит яратади. Билим ва малака даражасини мустакил равишда оширган шахсларга экстернат тартибида имтихон топшириш имкониятини беради.

Мустакил Республикамиз раҳбарияти халқ таълими тизимини мазмунан янада яхшилаш борасида жўда катта тадбирларни амалга оширмоқца. Ўзбекистон Республикасининг «Таълим тўғрисида»ги конуни фуқароларга таълим-тарбия бериш, касб-хунар ўргатишнинг хуқуқий асосларини белгилайди ва ҳар кимнинг билим олиш хуқуқини таъминлашга қаратилади.

Таълим тўғрисидаги конун хужжатлари ушбу конундан ҳамда бошқа конун хужжатларидан иборат.

Агар Ўзбекистон Республикасининг халқаро шартномасида таълим тўғрисидаги конун хужжатларидан ўзгача конун белгиланган бўлса, халқаро шартнома қоидалари қўлланилади.

Таълим Ўзбекистон Республикаси ижтимоий тараққиёт соҳасида устивор деб эълон қилинади. Таълим соҳасидаги давлат сиёсатининг асосий принциплари қўйидагилардан иборат:

- таълим ва тарбиянинг инсонпарвар демократик характерда эканлиги;
- таълимнинг узлуксизлиги ва изчиллиги;
- умумий ўрта, шунингдек, ўрта маҳсус, касб-хунар коллежида ўқишни танлашнинг ихтиёрийлиги;
- таълим тизимининг дунёвий характерда эканлиги;

— давлат таълим стандартларида таълим олишнинг ҳамма учун очиклиги;

— таълим дастурларини танлашда ягона ва табакалаштирилган ёндашиш, билимли бўлишни ва истеъодни рағбатлантириш;

— таълим тизимида давлат ва бошқарувни уйғунлаштириш;

Жинси, тили, ёши, ирки, миллий мансублиги, эътиқоди, динга муносабати, ижтимоий келиб чиқиши, хизматтури, ижтимоий мавқеи, турар жойи, Ўзбекистон Республикасида қанча вакт яшаётгандигидан қатъи назар ҳар кимга билим олишга teng хуқуқ яратилади.

Ўзбекистон Республикаси таълим тизими ягона ва узлуксизdir.

УМУМИЙ ЎРТА ТАЪЛИМНИНГ ДАВЛАТ ТАЪЛИМ СТАНДАРТИ

Асосий қоидалар

Умумий ўрта таълимнинг давлат стандарти ўқувчиларнинг тайёргарлигига, савиясига қўйиладиган энг кам мезонни белгилайди.

Давлат таълим стандарти бўйича таълим мазмунни, шакллари, воситалари, усууллари баҳоланади. Стандарт воситасида мамлакат худудида фаолият кўрсатаётган турли муассасаларда таълим баркарор даражага келтирилади. Демак, таълим стандарти ўз моҳиятига кўра ўқув дастурлари, дарсликлар, қўлланмалар, низомлар ва бошқа меъёрий хужжатларни яратиш учун асос бўлиб хизмат қиласи.

Умумий ўрта таълимнинг давлат таълим стандарти ўзининг тузилиши ва мазмунига кўра давлат, худуд, мактаб манфаатлари ва воситалари мувозанатини акс эттиради ҳамда энг асосийси ўқувчи

шахси, унинг интилишлари, қобилияти ва қизиқишилари устуворлигидан келиб чиқади.

Давлат таълим стандартини бажариш Ўзбекистон Республикаси худудида фаолият кўрсатаётган мулкчилик шакли ва идоравий бўйсунишдан қатъи назар, барча таълим муассасалари учун мажбурий хисобланади.

УМУМИЙ ЎРТА ТАЪЛИМНИНГ ДАВЛАТ ТАЪЛИМ
СТАНДАРТИНИ ИШЛАБ ЧИҚИШ ВАЖОРИЙ
ЭТИШ АСОСЛАРИ

Умумий ўрта таълим давлат таълим стандартини ишлаб чиқиша қуйидаги меъёрий ҳужжатлар асос қилиб олинади:

«Таълим тўғрисида», «Кадрлар тайёрлаш милий дастури тўғрисида»ги Ўзбекистон Республикасининг қонунлари; .

Ўзбекистон Республикаси Президентининг таълим-тарбия ва кадрлар тайёрлаш тизимини ислоҳ қилиш билан боғлиқ фармонлари, фармойишлари ва асарлари;

Ўзбекистон Республикаси Вазирлар Маҳкамасининг «Узлуксиз таълим тизими учун даврлар таълим стандартларини ишлаб чиқиш ва жорий этиш тўғрисида» 1998 йил 5 январдаги 5-сон ҳамда «Ўзбекистон Республикасида умумий ўрта таълимни ташкил этиш тўғрисида» 1998 йил 13 майдаги 203-сон қарорлари;

ЎзРСТ 1.0—92. Ўзбекистон Республикасининг давлат стандартлаштириш тизими;

ЎзРСТ 1.1—92. Ўзбекистон Республикасининг давлат стандартлаштириш тизими. Ўзбекистон Республикаси давлат стандартини ишлаб чиқиш, тасдиқлаш ва рўйхатдан ўтказиш тартиби;

ГОСТ 1.5—93. Давлатларо стандартлаш ишларини олиб бориш коидалари. Стандартларнинг тузилиши, баёни, расмийлаштирилиши ва мазмунига бўлган талаблар;

ЎзРСТ 1.9—95. Ўзбекистон Республикасининг давлат стандартлаштириш тизими. Тармокдар стандартларини ишлаб чиқиш, тасдиқлаш ва рўйхатдан ўтказиш тартиби.

УМУМИЙ ЎРТА ТАЪЛИМ - ДАВЛАТ ТАЪЛИМ
СТАНДАРТИНИНГ ТАЯНЧ ЎҚУВ РЕЖАСИ

Умумий ўрта таълим мактаблари учун таянч ўқув режаси давлат таълим стандартининг таркибий қисми бўлиб, у таълим соҳаларини меъёри ҳамда мактабнинг молиявий таъминотини белгилашга асос бўладиган давлат ҳужжатидир. Таянч ўқув режаси ўқув предмети бўйича бериладиган таълим мазмунини минимум ҳажмдаги миқдорини ўзида акс эттиради. У ҳар бир синфда муайян ўқув предмети бўйича давлат стандартларига мувофиқ бериладиган таълим мазмунини аниқлашга асос бўлади.

ЎҚУВЧИЛАРНИНГ ТАЙЁРГАРЛИК ДАРАЖАСИГА
ҚЎЙИЛАДИГАН ТАЛАБЛАР

Умумий ўрта таълим икки босқичдан иборат бўлиб, бошлангич 1—4-синфлар ва умумий ўрта таълим 1—9-синфларни қамраб олади.

Умумий ўрта таълимнинг давлат таълим стандарти бошлангич ҳамда умумий ўрта таълим ниҳоясида ўқувчилар эгаллаши лозим бўлган билим, кўнікма ва малакаларнинг энг кам даражасини белгилаб беради.

Ҳар бир синф якунида ўқувчилар эгаллаши ло-

зим бўлган билим, кўникма ва малакалар таълим предметлари бўйича ишлаб чиқилган ўкув дастурларида ўз аксини топган.

1—4-синфлар

1. Она тили ва ўкиш.

Бошлангич синфларда ўқувчилар она тили ва ўкиш бўйича қуидаги билим, кўникма ва малакаларни эгаллашлари шарт:

а) Ўқиш техникаси бўйича.

Миқдорий кўрсаткич: бир дақиқада 80—90 сўзни ўқий олиш.

ТАЛАБЛАР

- ҳарфларни тўғри талаффуз этиш;
- сўзларни тўғри ўқиш;
- гап оҳангига риоя қилган ҳолда равон ва образли ўқиш;
- гапдаги тиниш белгиларини талаффузда акс эттириш;
- санаш ва ажратиш оҳангларидан тўғри фойдаланиш;
- сўз ургуларига риоя қилиш;
- оҳангга риоя қилиш;
- илмий атама ва рамзларни тўғри талаффуз этиши.

б) Матн мазмунини ва ўзгалар фикрини аংглаш малакаси бўйича: Миқдорий кўрсаткич: 10 дақиқада 4—5 сахифали матнни ўқиб, қайта сўзлаб бера олиш.

ТАЛАБЛАР

- оғзаки нутқнинг тўғри, равон, аниқ, тушунарли ва таъсирчан бўлиши.
- идеологик нутқда таъсирчан, изчил, мантикий жиҳатнинг аниқ бўлиши.

— монологик нутқнинг равон бўлиши.

в) Диктант ёзиш малакаси.

Миқдорий кўрсаткич: 75—80 сўздан иборат диктант ёза олиш.

ТАЛАБЛАР

- имло хатоларга йўл кўймаслик;
 - ижодий матннинг мантикий жиҳатдан изчиллиги;
 - берилган изохларнинг аниқлиги;
 - луғатларнинг тўғри ва аниқ берилиши.
- г) Фикрни ёзма шаклда баён этиш малакаси бўйича:

Миқдорий кўрсаткич: 5—6 гапдан иборат бўлган матнни фикр эҳтиёжи билан боғлик мавзу асосида яратиш.

ТАЛАБЛАР

- матннаги гапларнинг мазмунан ўзаро боғликлиги ва алоқадорлиги кўрсатилгэн мавзу доирасида бирлашиши;
 - ҳарф ва тиниш белгиларини тўғри ёзиш;
 - хусниҳатда каторларни тўғри жойлаштириш;
 - сўзлар орасидаги оралиқни тўғри белгилаш;
 - тасвирда тилнинг ифода воситаларидан фойдаланиш;
 - матнда сўзларни такрорлашдан сакланиш ва синонимларни қўллай олиш;
 - матнда хат бошиларнинг яхлитлиги ва фикр изчиллигини таъминлаш;
 - уядош сўзлардан фойдалана олиш.
- Бошлангич таълим якунида ўқувчилар камида 20 та кичик хажмдаги шеърларни ёддан айтиб бера олишлари шарт.

2. ЎЗБЕК ТИЛИ

«ТАЪЛИМ ЎЗБЕК ТИЛИДАН БОШҚА ТИЛЛАРДА ОЛИБ БОРИЛАДИГАН МАКТАБЛАР УЧУН».

Таълим ўзбек тилидан бошқа тилларда олиб бориладиган мактабларнинг 1—4-синфларида давлат тили таълимидан ўқувчилар қўйидаги билим, кўникма ва малакаларни эгаллашлари шарт:

- ўзбек тилидаги 700 та сўзни нутқларида қўллай олиш;
- ёзма ва оғзаки нутқ малакаларига эга бўлиш;
- фикр баён қилиш учун зарур бўлган айрим грамматик воситаларни ўз ўрнида қўллай олиш;
- боғланишли нутқ элементларидан тўғри фойдаланган ҳолда содца матн туза олиш;
- халқ оғзаки ижоди ҳамда болалар адабиёти на муналаридан олинган парчаларни ўқиб тушуна олиш;
- мамлакатимиз мустақиллиги, рамзлари ва 5айрамлари ҳакида сўзлаб бериш.

3. МАТЕМАТИКА.

Бошланғич синфларда ўқувчилар математикадан қўйидаги билим, кўникма ва малакаларни эгаллашлари шарт:

a) Сонлар ва хисоблашларга оид:

- сонларни ўқишиш ва ёзиш, уларни хона қўшилувчиларининг йиғиндиси кўринишидаги ёзувини тушуниш;
- саноқ техникасини ўрганиш; сондан олдин ва кейин келувчи сонни айтиш, каби;
- натурал сонларни ўзаро таққослаш «,» ва «-» белгиларини тўғри қўллаш;
- сонларни ёзма қўшиш, уч хонали ва тўрт хонали сонларни ёзиш, бир хонали ва икки хонали сонга кўпайтириш ва бўлиш;

— қўшиш, айриш, кўпайтириш ва бўлишнинг ясадвалли ҳоллари натижаларини билиш, мураккаб бўлмаган ҳолларда 100 ичидаги оғзаки хисоблашларни бажара олиш;

— «йиғинди», «айрма», «кўпайтма» ва «бўлинма» атамалари маъносини тушуниш ва сонли ифодаларни ўқишида уларни қўллай олиш;

— 2—3 амалли сонли (шу жумладан, кавсли) ифоданинг қийматини топиш;

— «... та ортиқ», «... та кам», «... марта ортиқ», «... марта кам» муносабатларининг, «хаммаси», «колди», «тeng» муносабатларнинг маъносини тушуниш ва уларга таянган ҳолда содда масалаларни еча олиш;

— миқдорлар (маҳсулот нархи, миқдори ва қиймати, тўғри чизиқли ҳаракатда йўл, тезлик ва вакғ) орасидаги боғланишларни қўллаб, амалий мазмундаги масалаларни ечиш;

— «ярим», «учдан бири», «тўртдан бири» атамалари маъносини тушуниш ва уларни қўллаш, касрлар ёрдамида улушларни ёзиш, доира ва бошқа геометрик фигуralар моделида $1/2$, $1/3$ ларни кўрсатиш, амалий мазмундаги масалаларни ечишда соннинг улушкини ва улушкига кўра сонни топа олиш.

b) Геометрик фигуralарга оид.

— расмларда кесма, учбурчак, тўртбурчаклар (жумладан, тўғри тўртбурчак ва квадратлар), бешбурчак ва айланани таниш;

— теварак-атрофдаги геометрик шаклларни таниш ва топа олиш;

— кесма узунлигини ўлчаш, берилган узунлик-Даги кесмани ясаш, кесма узунлигини кўз билан чамалаб ўлчай олиш;

- чизгич ва циркулдан фойдаланиб тўғри тўртбурчак, квадрат, учбурчак ва айланалар ясай олиш;
- кўпбурчак периметрини, тўғри тўртбурчак юзини ва квадрат бирликларда тузилган фигура-ларнинг юзини хисоблай олиш;
- узунлик (мм, см, дм, м, км (ва юза) см, кв, дм, кв, м, кв) ўлчови бирликларини, улар ораси-даги асосий нисбатларни билиш, уларни ўз ўрни-да қўллай олиш.

4. ТАБИИЁТ.

Боланғич синфларда ўқувчилик табииёт ўқув фанига оид қуидаги билим, кўникма ва малака-ларни эгаллашлари шарт:

a) Тасаввур қилиш ва билиш:

- жонли ва жонсиз табиатни, жисм ва модда-ларни;
- табиатходисалари: ҳаракат, иссиқлик, товуш, электр, ёргулук ҳодисаларини;
- Ер, Қўёш, Ой ва юлдузларнинг қиёсий катта-ликларини ҳамда бир-биридан қанчалик узоклиги-ни;
- Ернинг ўз ўқи атрофида ва Қўёш атрофида айланишини, кече ва кундуз алмашинишини;
- сувнинг суюқ, қаттиқ ва газ ҳолатларини;
- табиатда сувнинг айланишини;
- сувни тежаш ва асраш зарурлигини;
- ҳавонинг аҳамияти ва уни муҳофаза қилиш зарурлигини;
- атмосферадаги табиат ҳодисалари, шамол, туман, булут, ёмғир ва улардан фойдаланишни;
- компьютер ва унинг имкониятларини;
- ҳозирги замон фан-техникасининг тараққиё-тини;

— Ер юзининг асосий шакллари — тоғ, текис-лйк ва океани;

— тупроқ ва тоғ жинсларини, фойдали қазилма-ларни;

— уфқнинг асосий томонларини;

— маданий ва ёввойи ўсимликларни;

— дарахт, бута ва ўтларни;

— уй ҳайвонлари ва ёввойи ҳайвонларни;

— ҳашаротлар, қушлар, сувда яшайдиган ҳай-вонлар, сувда ҳам, қуруқликда ҳам яшайдиган ҳай-вонлар, йиртқич ҳайвонларни;

— ўсимлик ва ҳайвонларнинг инсон хаётидаги ўрни;^л

— Ўзбекистон табиатини;

— Ўзбекистон Республикасининг пойтахти, ви-лояtlари ва Қорақалпоғистон Республикасини;

— ўзи яшайдиган қишлоқ (шаҳар) табиатини;

— Ўзбекистондаги йирик қўриқхоналарни.

б) Амалда қўллай олиш:

— термометр ёрдамида сув ва ҳаво ҳароратини ўлчай олиш;

— тарози ёрдамида жисм массасини ўлчай олиш;

— қуёшга, компасга, маҳаллий белгиларга қараб, уфқнинг асосий томонларини топа олиш;

— дунё ҳаритасидан Ўзбекистон ҳудудини топа олиш;

— Ўзбекистон ҳаритасидан мамлакатимиз пой-тахти, хар бир вилояти ва Қорақалпоғистон Респу-бликасини кўрсата олиш;

— кундалик турмушда қўлланиладиган электр асбобларидан ва табиий газдан ҳавфсизлик қоида-ларига риоя қилган ҳолда фойдалана олиш;

— хона ўсимликларини ва уй ҳайвонларини пар-вариш қила олиш.

5. ИНСОН ВА ЖАМИЯТ.

Бошлангич синфларда ўқувчилар инсон ва жамият, таълим бўйича қўйидаги билим, кўнкма ва малакаларни эгаллашлари шарт:

а) Жисмоний камолатга оид:

- инсон саломатлиги ва жисмоний камолатига оид тушунчаларни билиш;
- чиникишнинг моҳиятини англаш;
- гимнастика машқларини бажара олиш;
- шахсий гигиена меъёrlарини билиш ва уларга амал қилиш;
- жисмоний машқларнинг инсон камолатини таъминлашдаги аҳамиятини англаш;
- жисмоний тарбия машқларини хавфсизлик қоидаларига риоя қилган ҳолда бажара олиш;
- миллий ўйинлар қоидаларини билиш;
- турли спорт ўйинларининг элементларини қўллай олиш;
- жароҳатланишнинг олдини олиш, жароҳат олган тақдирда биринчи ёрдам кўрсата олиш;

б) Мусиқага оид:

- мусика бадиий санъат эканлигини билишлири, қуйга тавсиф берা олиш;
- ҳалқ мусиқа мероси ҳақида тушунчага эга бўлиш;
- чолғу асбобларини билиш ва товуш тембрларидан уларни фарқлай олиш;
- мусиқага оид оддий атамаларни билиш;
- нота ёзувларини билиш ва амалда қўллай олиш;
- биргаликда ва якка ҳолда қўйлай олиш;
- мусиқанинг ифода воситаларини билиш;
- ижрочилик турларини ижро садоларидан фарқлай олиш;

в) Тасвирий санъатга оид:

- тасвирий санъат ва унга оид айрим ибораларни билиш;
- асосий рангларни фарқлай олиш;
- бадиий материаллар, асбоблар ва жиҳозларни фарқлай олиш;
- расм ишлаш босқичларини билиш;
- нақшлар ва уларнинг хусусиятини билиш;
- буёқни ўз ўрнида ишлата олиш;
- табиат манзараларини кузатиш ва тасвирлай олиш;
- буюмлар ясаш, уларни безата олиш;
- турли рангларни хосил қила олиш;
- бадиий тасвирнинг жамият хаётида тутган ўрнини билиш.

г) Инсоннинг моддий ва маънавий эҳтиёжига оид:

- Ватан тушунчасини англаш;
- Давлат тушунчасини англаш;
- Давлатнинг рамзий белгиларини англаш;
- Она-Ватан туйғусини англаш;
- Ўзбекистон аҳолиси ва миллий таркибини билиш;
- мамлакат ҳаётидаги буюк саналарни билиш;
- уй тутишни билиш;
- меҳмонларга, атрофдагиларга мулозамат кўрсата олиш;
- дастурхон тузашни билиш;
- орасталик меъёrlарини билиш;
- ўз туғилган жойи ва ўлкаси ҳақида тушунчага эга бўлиш;
- техник моделлаштиришга оид ишларни бажара олиш;
- уй-рўзгор ишларини бажара олиш;

- содца конструкторлик ишларини бажара олиш;
- дурадгорликка оид содда ва енгил ишларни бажара олиш (ўғил болалар учун);
- оддий бичиш-тикиш ишларини бажара олиш (қиз болалар учун);
- инсон меҳнатини, фаолият турларини англаш;
- хукуқ ва хукуқбузарлик ҳақида тасаввурга эга бўлиш;
- кишлек ва шахар аҳолиси ҳаётини билиш;
- уй хўжалиги ҳақида маълумотга эга бўлиш;
- оила ва унинг қандай ташкил топишини билиш;
- оиласда фарзанднинг бурчини билиш;
- бозор, сотувчи, харидор каби тушунчаларни билиш;
- инсоннинг пулга бўлган эҳтиёжини англаш;
- пул — тўлов, савдо-сотик воситаси эканлигини билиш; •
- пул бирликларини билиш;
- нарх ва унинг ўзгарувчанлигини билиш.

VI бо б. ТАЪЛИМ НАЗАРИЯСИ

ДИДАКТИКАНИНГ ПРЕДМЕТИ ВА УНИНГ
ВАЗИФАЛАРИ

Дидактиканинг предмети — таълим-тарбия муассасаси шароитида муаллимнинг раҳбарлиги остида амалга ошадиган ўқув жараёнидир. Дидактикада ана шу жараённинг қонуниятлари тадқиқ қилинади, ҳар хил типдаги таълим-тарбия муассасаларида у ёки бу даражада бериладиган таълим мазмунини белгилашнинг илмий асослари, ўқитиш воситалари за методларининг самарадорлигини ошириш йўллари ҳамда таълимнинг ташкилий шакллари ишлаб чиқлади.

Дидактика — педагогиканинг таълим ва ўқитиш назариясини ишлаб чиқадиган тармоғидир.

Дидактика юононча «дидактикос» сўзидан келиб чиқкан бўлиб, ўқитиш, ўрганиш маъносини билдиради. Яқин ва ўрта Шарқда Хоразмий, Киндий, Форобий, Беруний, Ибн Сино, Умар Хайём каби мутафаккирлар илмий дидактика асосчилариidlар. Амос Коменский, швейцариялик педагог И. Г. Песталоцци, немис педагоги А. Дистервеглар Европада дидактиканинг ривожланишига катта ҳисса кўшдилар.

Хоразмий, Киндий, Форобий, Беруний, Ибн Сино, Умар Хайём, Тусий ва уларнинг издошлари қарашларининг муҳим хусусияти шундан иборат эдикси, мазкур олимлар доимо предметнинг қиёфаси инсон онгига мавҳумлашуви жараёнига, мана шу предметнинг моҳияти ва ўзига хослигини тушуниш содир бўлиши ҳамда шаклланишига эътибор берганлар. Улар билишнинг предмети ва манбаларига, билиш жараёни қандай босқичлардан таркиб топишига, билиш фаолияти билан амалий фаолият ўртасидаги муносабатларга қизикканлар.

Хоразмий шахснинг узлуксиз камол топиши назариясини ривожлантириш борасида муҳим хизмат қилди, индуктив ва дедуктив тафаккурдаги алоҳидалик ҳамда умумийликнинг бирлиги принципини муайянлаштириди.

Киндий субстанцияни барча илмий билимларнинг бош предмети сифатида кўриб чиқишида энг аввало микдор ва сифатни ҳиссий идрок этиш зарурлигини тасдикдади. Кимки микдор ва сифатни билмаса, у субстанцияни билишдан ҳам маҳрумлигини уқтириди. Олим ўзининг дидактик ғоялари-

да хиссий ва рационал билишни ифодалади. Хиссий билиш — якка нарсаларни билишдан иборат бўлса, рационал билиш — умумий нарсаларни билиш эканини таъкидлади. Унинг фикрича, хиссий билиш фақат ақл учун материал беради.

Сабаблар ҳақиқатни билишда ва ўзининг анашу ҳақиқатга мувоғиқ ҳатти-харакатларини англашда инсоннинг ақлига кўмаклашади. «Ҳақиқат», — деб ёзган эди Киндий, — ҳар қандай нарсани ва унинг барқарорлигини билишнинг сабабидир, бинобарин ҳаётдаги мавжуд ҳамма нарса ҳақиқийлиги билан мавжуддир. Ҳақиқатни билиш зарур ва шунга кўра мавжуд нарсаларни билиш мумкин»¹.

Форобий ўқитиш методларининг таснифини ишлаб чиқкан. Уларни амалий ва назарий методларга ажратган, шу тариқа ўқитишнинг амалий йўналиши ва кишиларнинг ҳаёти ҳамда кундалик фаолияти билан боғлиқлиги ғояларини олга сурган. Олим ўқитишнинг тажриба — кўрсатмали, индуктив ва дедуктив, амалий методларига алоҳида эътибор берган. Барча методларни ўқувчининг ҳаётий тажрибасига, мантиқий тафаккурига таянган ҳолда бирлаштирган. Ўқув жараёнини ташкил этишига қўйиладиган талабларни ишлаб чикишда дедуктив методини устун қўйиб, ўқувчиларга материални тушунтиришда нималарга алоҳида эътибор бериш ҳақида, энг муҳим нарсаларни фанга ишончли билимлар берадиган ва шубҳалантирумайдиган далиллар билан ёритиш ва хоказолар бўйича ўқитувчилар учун қимматли тавсияларини баён қилган².

¹ Избранные произведения мыслителей Ближнего Востока и Среднего Востока IX—XIV веков. — М., 1961.

² Ал-Форобий. Математические трактаты. — Алматы: Наука, 1972. — 327-бет.

Форобий математика фани мисоллари асосида ўқитишнинг илмийлилик, кўрсатмалилик, тушунарлилик ва изчиллик принципларини ишлаб чиқкан. Билиш жараёнининг ва фандаги билим шаклларини моҳиятини ёритган. Унинг фикрича ана шу жараёнлар қонунлар сифатида шаклланади ва уларга риоя қилиш фикрлашни такомиллаштиради ҳамда мураккаб билиш жараённада қўпол ҳатоларнинг олдини олади. Билиш жараёни фикрлаш мантиқи орқали ўтиши керак. Мантиқ объекти англашга қаратилган ва ақл етадиган моҳиятлар тахлил этиладиган фикрлаш жараёнининг тўғрилигини белгилашга хизмат қиласи. Мантиқ қуролдир ва у нарсаларни аниқ билишга ёрдам беради.

Форобий билиш фаолиятини ташкил этиш масалалари бўйича ҳам анчагина муфассал тавсияларни ишлаб чиқкан. Унинг ёзишича, яхши назариётчи бўлиш учун назария қайси фанга тааллуқли бўлсада, қуйидаги учта шартга риоя қилиш шарт:

1. Мазкур фан асосидаги ҳамма принципларни тўлиқ билиш;
2. Мана шу принциплардан ва мазкур фанга доир маълумотлардан тегишли хулосалар чиқара билиш;
3. Нотўри назарияни рад эта билиш ва ҳақиқатни ёлғондан фарқлаш, ҳатоларни тўғрилаш учун бошқа муаллифларнинг фикрларини тахлил кила билиш.

Борлиқнинг акс этиши сифатидаги хиссий билиш муаммоси ва энг асосий масала — билишнинг манбалари масаласи доимо Беруний назарий билиш фаолиятининг дикқат марказида турди. Олим билишнинг назарий асосини чексиз ва узлуксиз жараён сифатида тахлил ҳамда талқин қилди. У қадимги давр олимлари ишлаб чиқкан билишнинг илмий методларини ривожлантириб дидактик йў-

синда мухим хулосалар чиқарди. «Ўқиши ва тақрорлаш орқали, — деб ёзган эди Беруний, — дунёниг тузилишини, осмоннинг ва Ернинг шаклларини билиш астрономия фани учун ғоятда фойдалидир. Бинобарин ана шу тариқа таълим оловчи малака ҳосил қиласи ва мазкур санъат ахли ишлатадиган сўзларни ўрганиди, бу сўзларнинг маъносини англайди. Кейинчалик астрономия фанидаги турли сабаблар ва исботларни ўрганишда ана шундай сўзлар учраса, уларни бемалол тушуниб бораверади ва у ёки бу нарсаларни ўзлаштиришда чарчамайди»¹.

Беруний таъкидлаганидек, ўқитиш изчил, кўрсатмали, мақсадга мувофиқ бўлиши ва маълум тизимда олиб борилиши лозим. Бинобарин кўрсатмалилик таълимнинг тушунарлироқ, муайянроқ ва қизикарлироқ бўлишини таъминлайди, тафаккури ривожлантиради.

Ибн Синонинг билим орқали эришиладиган натижалари ҳақидаги таълимоти ўқитиш назариясида алоҳида ўрин эгаллади. Унинг фикрича, буюмларни чинакам билишга ташқи кўринишини таҳлил қилиш, сабабларини аниқлаш асосида ақл билан эришилади. Ибн Сино ақлнинг ривожланиш босқичларини ишлаб чиқкан. Мушоҳада билан идрок қилишнинг биринчи босқичи ақлий категорияларни тушунтиришdir. Иккинчи босқич икки хил фикрни идрок этишdir. Ақл ривожланишнинг учинчи босқичига ўзлаштирилган фикрларни идрок этиш билан эришилади. Шунда уни ҳақиқий ақл дейилади.

Олим ақлларни босқичларга бўлар экан, биринчи босқичда ёдлай оладиган, лекин ҳали ҳарфлар-

¹ Абу Райхан Беруний. Избранные произведения. Т. X. Часть III. — Тошкент: Фан, 1973. — 1976 йиллар.

ни ҳам, сиёҳ ва қаламни ҳам билмайдиган боланинг ақлини назарда тутган; иккинчи босқичда — таёқчаларни чиза бошлаган, қаламдан фойдаланиши ўрганаётган боланинг ақли тасаввур қилинади; учинчи босқичда инсон ақлий шаклларни ва уларга мувофиқ ҳиссий образларни эгаллаган бўлади. Ибн Сино ақл деганда инсоннинг тугма истеъодини, шунингдек, тажриба асосида ва билиш жараёнида шаклланадиган фикрлаш қобилиятини тушунади. Ақлни инсоннинг бирламчи тұғма соғлом фикрлаши, яхши ва ёмон ишларни вужудга келтирадиган, уларни фарқлантирадиган куч, деб таърифлайди. Ақл инсоннинг хатти-харатларида намоён бўлади. Инсон ақл ёрдамида нарсалар ва ҳодисаларни таҳлил қиласи, умумлаштиради ҳамда уларнинг энг яхшиларини танлайди, деб уқтиради. Шунингдек, ақлни икки категорияга ажратади. Уларнинг бири — назарий ақл бўлиб, борликдаги умумий нарсаларнинг моҳиятини идрок этишdir, иккинчиси эса амалий ақл бўлиб, буюмларни танлашда туртки сифатида қўринадиган қобилиятdir.

Абдулла Авлоний (1878 — 1934) ўзининг барча тадқиқотларида илм муаммосини биринчи ўринга қўйган. «Алҳосил — деб ёзган эди у, — бутун ҳаётимиз, саломатлигимиз, саодатимиз, сарватимиз, майшатимиз, химматимиз, гайратимиз, дунё ва охиратимиз илм билан боғлиқдур... Шунинг учун ўқимак, билмак замонларини қўлдан бермай, вужудимизнинг душмани бўлган жаҳолатдан кутулмакка жонимиз борича саъӣ қилмагимиз лозимдур»¹.

¹ Абдулла Авлоний. Туркий гулистон ёхуд ахлок. Т., Ўқитувчи, 1992 й., 23-бет.

А. Авлоний илм тарбия жараёнида ўзлаштирилади ва-у яхшини ёмондан, эзгуликни ёвузликдан, жоизни ножоиздан фарқлаш имконини беради, деб хисоблайди. Хусусан у тарбия билан таълимнинг бирлиги муаммосини ишлаб чиқди. Гарчи А. Авлоний таълим билан тарбия ўртасида озгина фарқ борлигини айтган бўлса ҳам, улар тана ва жон сингари бир-бирига чамбарчас боғлиқдир, дейди.

Хамза Ҳакимзода Ниёзий (1889—1929) I синф учун «Енгил адабиёт», II синф учун «Ўкиш китоби» ва «Қироат китоби» каби дарсликлар ёзган. Аммо, мазкур дарсликлар қўлёзмалигича колиб кетди. Ўша пайтларда бунга имкон бўлмаган.

Хамза ўз тадқиқотларида товушли завод ўргатиш методини ишлаб чиқкан. Унинг тадқиқотидаги асосий ғоя ўқитиш ва тарбиялашга комплекс ёндошиш, ёшларнинг ақлий, ахлоқий ва эстетик тарбиясини ўзаро боғлиқ ҳолда амалга оширишдан иборат эди.

Юкоридаги асарларнинг номларидан ва педагогик фикрлардан аён бўладики, мазкур муаллифлар дидактикага ўқитиш санъати сифатида, шунингдек, ўзига хос амалий кўнимка сифатида қараганлар. Дидактика тушунчасини Ян Амос Коменский (1592—1670) ҳам ана шу йўсинда шарҳлаган. Унинг бу борадаги фикр-мулоҳазалари 1657 йилда нашр этилган «Ҳаммага ҳамма нарсани ўқитишнинг универсал санъати ифодаланган буюк дидактика» номли асарида баён қилинган. Лекин Коменский дидактика факат ўқитиш санъатидангина эмас, балки тарбиялаш санъатидан ҳам иборатлигини қайд қилган ва тарбия ҳар томонлама ахлоқийлик йўналишидаги фсьл-атворни шакллантиришнинг зарур шарти эканини ҳам уқтирган.

Дидактикани юқоридагича тушуниш XIX аср бошигача, яъни таникли немис педагоги ва файласуфи Иоган Генрих Гербарт (1776—1841) дидактиканиг асосий назариясини ишлаб чиққунича давом этган. Бинобарин у дидактикани педагогикага бўйсунадиган тарбияловчи таълимнинг яхлит ва зиддиятсиз назарияси сифатида талқин қиласди.

Гербарт ва хусусан унинг издошлари ана шу назариянинг ролини хисобга олиб дидактиканиг асосий вазифасини — дарсда баён қилинадиган материал эканини рад этдилар: Гербарт концепциясига мувоғик ўқитувчи асосан ўқувчиларни янги ўқув материали билан таништиришга доир харакатларини таҳлил қилиши лозим эди.

XVIII асрда швейцариялик педагог И. Г. Песталоци камол топтирувчи таълимнинг принциплари тизимини асослади. XIX асрда эса немис педагоги А. Дистервег ўзининг «Немис ўқитувчилари учун» қўлланмасида ўқув жараёнини фаоллаштирадиган талабларнинг бутун бир комплексини таклиф қилди. Фан ва техника шундай тезликда таракқий топмоқдаки, мактаб таълими билан уларнинг кетидан қувиб етиш мумкин эмас. Лекин мактабни битирган ёшлар албатта ўзлари билмайдиган илмий кашфиётларга, жамиятни ривожлантиришнинг бозор иқтисодиётига асосланган янги тизимиға дуч келадилар. Лозим даражадаги ақлга, иродага ва хиссийётга эга бўлган кишиларгина нотаниш маълумотларни тезроқ ўзлаштириб олиши мумкин.

Билим ва малакаларни таркиб топтириш нақадар зарур бўлса-да, хозирги дидактика ана шу соҳа билангина чегараланиб қола олмайди.

Эндиликда ўқувчиларни камол топтиришда оптималь натижалар берадиган ўқитиш жараёнининг

илмий-педагогик асосларини ишлаб чиқиш зарурати туғилди. Ўқувчиларнинг камол топиши таълим жараённида амалга ошиши сабабли билим ва малакаларни ўзлаштиришга қаратилган дидактик принциплар маълум натижаларни беради. Лекин вазифа қандайдир натижаларга эришишдан эмас, балки ўқувчиларни камол топтириш учун ўқитишининг энг юқори самарадорлигини таъминлашдан иборатдир. Бунинг учун эса ўқув жараёнининг қурилишини ишлаб чиқиш керак. Дидактикада тарбияловчи дунёкарашни шакллантириш масалалари кўрилади, таълим жараённида ўқувчиларда мустақилликни, ташаббускорликни ва шахснинг бошқа айрим сифатларини тарбиялаш вазифалари таҳлил қилинади. Мана шундай муҳим масалаларнинг кўриб чиқилиши мактабдаги таълим-тарбиянинг бирлигини таъминлашга хизмат килади. Ўз-ўзидан аёнки, мазкур вазифани амалга ошириш учун зарур илмий-педагогик асосларни яратиш дидактика соҳасидан кўра кўпроқ тарбия назариясига таалуқлайдир. Ўқитиши негизи юксак ахлоқли қилиб камол топтиришдан иборат. Ана шундай харакатларда ўқишга даъват қилиш, ўқитувчи билан ўқувчиларнинг ўзаро муносабатлари ва таълимнинг методлари масалалари бошқача тус олади.

ДИДАКТИКАНИНГ АСОСИЙ КАТЕГОРИЯЛАРИ

Ўқитиши назарияси билимлар, маълумотлар ва фактларнинг катта захирасига эга, уларнинг бир қисми тизимлаштирилган, тартибга солинган.

Ўқитиши жараёнининг структуравий компонентлари — мақсадли рағбатлантириш — мотивлаштириш, мазмуний, харакат — фаолият ўқитишининг шакл ва методларининг ажратилиши алоҳида

аҳамият касб этади. Мана шу компонентларнинг ажратилгани ўқитувчи билан ўқувчиларнинг биргаликдаги фаолияти қонуниятларининг табиатини чукурроқ тушуниш имконини беради.

Педагогик ечимларни танлаш назарияси ишлаб чиқишининг методологик асоси — ўқитиши жараёнининг мавжуд барча қонуниятларини ҳисобга олиш фикри билан мунтазам алокада бўлади, Бошқача айтганда, ўқитиши жараёнининг мавжуд ҳамма қонуниятларини албатта комплекс ҳолда ҳисобга олиш билангина таълим масалаларини тўғри халқилиш мумкин.

Педагогик ва психологияк шарт-шароитларни аниқлаш асосида ўқитишининг оптималлиги мезонларининг асослари таркиб топтирилган ва уларнинг энг аҳамиятлilarни қўйидагилардан иборатдир:

Ўқитиши оптимал бўлиши учун ҳар бир ўқувчи ўзининг ҳақиқий ўқиш имкониятларига мувофиқ даражада ўзлаштириши, тарбияланиши ва камол топиши шарт;

Ўқитиши оптимал бўлиши учун ўқувчилар ва ўқитувчилар дарсдаги ва уйдаги ишлар вактининг ўзлари учун гигиеник жиҳатдан белгиланган нормасига эга бўлиши керак.

Режалаштириши оптималлаштиришнинг асосий йўллари ўқитишининг вазифаларини таълим бериш, тарбиялаш ва камол топтириш билан биргаликда лойихалашга комплекс ёндошиш ҳамда ўқитиши вазифаларини у амалга ошадиган тизимининг хусусиятларини ҳисобга олган ҳолда муайянлаштиришdir.

Ишни режалаштиришда қўйидаги усууллардан фойдаланилади: ўқитиши мазмунининг қўйилган вазифаларини энг мувафаққиятли ҳал қилишни

таъминлайдиган оптимал вариантини танлаш; ўқитишнинг қўйилган вазифаларни белгиланган вақт ичда мувафаккятли ҳал қилишни таъминлайдиган методлари ва воситаларини танлаш; масалаларни муваффақиятли ҳал қилишни, шу жумладан ўқувчиларга табақали ёндошишини таъминлайдиган ташкилий шаклларини танлаш.

Хозирги пайтда таълимнинг муҳим жихатлар, масалан,-таълимнинг мазмунини ишлаб чикиш ва танлаш, муаммоли — камол топтирувчи ўқитиш, ўқувчиларнинг ўқишини фаоллаштириш, ўқитиш методлари ва уларнинг таркибий қисмлари; ўқувчилар ўқув-билим фаолиятининг методлари; ўқув материалини ташкил қилиш ва структуралаштириш ва хоказолар жадал ўрганилмоқда.

•/• (Таълим мазмунининг ишлаб чиқилган назариясида куйидаги муҳим коидалар талқин қилинган:

Таълим мазмунида жамиятнинг маънавий ва моддий элементлар, шу жумладан: табиат, жамият ва инсон ҳақидаги билимлар, ижодий фаолият тажрибаси, инсоннинг муносабатлари, бошқариш фаолияти, хулки ва хаёти ифодаланиши лозим;

Таълимнинг мазмуни умумий, *политехник ва қасбкорлик компонентларининг бирлигини акс этириши* керак;

Таълимнинг мазмуни муайян ёшга қаратилади ва жамиятнинг ривожланиш даражасидан келиб чиқади;

Таълимнинг мазмунидаги ажратилган тўрт компонент ҳажми ва мазмuni бўйича ўзаро айнан мувоғик бўлиши керак.

• Мактаб ривожланишининг хозирги босқичида таълимни компьютерлаштириш масаласи ғоят муҳим аҳамият қасб этмоқда. Ўқувчиларни замонавий

хисоблаш техникасидан фойдаланишга доир билим ва малакалар билан қуроллантириш, ўқув. жараённида компьютерларнинг кенг қўлланишини таъминлаш жамиятда бозор иқтисодиётини ривожлантиришнинг муҳим вазифаларидан биридир. Мана шу вазифани амалга ошириш юзасидан педагогика фанида ўрта мактабга электрон-хисоблаш микропроцессор техникасини татбиқ этишининг иккита асосий ўналиши ишлаб чиқилмоқда. Буларнинг биринчиси — мактабдаги таълимнинг мазмунига ўқувчилар умумтаълимиy тайёргарлигининг компоненти сифатида дастурлаштириш асосларини ва хисоблаш техникасини жорий этиш; иккинчиси — мактабда электрон хисоблаш машиналаридан таъминлаш таълимнинг воситаси сифатида фойдаланишdir.

• Педагогика фани мактабларнинг ЭҲМлардан фойдаланишдаги тажрибаларини ўрганиши ва умумлаштириши: ялпи компьютер саводхонларига жавоб берадиган ягона дастурлаштириш умумтаълимиy курсини яратиш; дастурлашни ўргатиш бошланадиган муддатни ва курснинг ҳажмини белгилashi, мактабда ўрганиладиган алгоритм тилини танлаши, таълимни машина базасидан фойдаланиш асосларини ишлаб чиқиши ва бошқа вазифаларни адо этиши керак.

• Таълим назариясидан муаммоли — камол топтирувчи ўқитишни жорий этиш, шунингдек, ўқув жараёнини табақалаштириш ва индивидуаллаштириш йўлларини издаш бўйича фаол ишлар олиб борилмоқда.

Муаммоли — камол топтирувчи уқитишнинг назарияда ишлаб чиқилган асосий ғояларини қуйидагича таърифлаш мумкин:

Таълимий билишни илмий билишга мувофик моделлаштириш ғояси, яъни муаммоли вазиятни вужудга келтириш — гипотезани олға суриш — гипотезани асослаш — гипотезани ҳал қилиш — унитасдиқлаш ёки рад этишдек зарур звеноларни ўз ичига олган муаммоли ўқитиш;

Уқувчиларнинг ижодий имкониятлари ва қобиляйтларини ривожлантириш, уларда тадқиқотчилик йўсинидаги кўникма ва малакаларни ўстириш ғояси.

Муаммоли ўқитиш назариясида қатор қонуниятлар ифодаланди ва эксперимент йўли билан асосланди, улардан муаммоли дарс ўтиш билан муаммоли ўргатишнинг бирлиги ва бир-бирини тақозо этиши, ўқувчиларнинг тайёрлиги даражаси билан муаммоли ўргатиш даражасининг мувофиқлиги каби қонуниятларни ажратиш мумкин.

Дидактикада ишлаб чиқилган ўқувчиларнинг билиш фаолиятини фаоллаштиришназарияси муаммоли — камол топтирувчи ўқитиш назариясига жуда яқинdir.

Фаоллик назариясининг асосий ғояси ҳам маҳсус ташкил этилган таълим мухитида (ўқитишнинг мазмуни, шакллари ва методлари билан) ўқувчиларнинг фаоллигини тобора ошириб боришдан иборатdir^л.

Ишлаб чиқилган фаоллик назарияси ўқув жараёнда билимларни ўзлаштириш, уларни қайта ишлаш ва қўллашнинг (муаммоли ва репродуктив) усулларини ўрганиш бўйича ташкил этиладиган ўзини-ўзи бошқариладиган фаолликдан иборатdir.

Мазкур қонуниятлар асосида амалий жиҳатдан муҳим аҳамиятга молик қўйидаги назарий қоидаларни ифодалаш мумкин:

, - фаоллаштириш воситалари тизими, таълимнинг мазмуни, ўқитишнинг шакл ва методлари ўқитишнинг асосланган, мақсадга мувофик ўз-ўзини бошқарадиган жараён сифатида ташкил қилишни таъминлаши учун улар қуйидаги талабларга жавоб бершии керак:

Таълимнинг ҳамма босқичларида ўқувчиларда ўқитишнинг ички'мотивларини қўзғатиш ва ривожлантириш;

Ўқувчиларни ўз олдиларита тегишли мақсадларни қўйиш ва келгусидаги фаолиятларини режалаштиришга рағбатлантириш механизмини такомиллаштириш;

Ўқувчиларда ахборотларни қайта ишлашга доир таълимий ва аклий кўникмаларнинг шаклланишини таъминлаш;

Ўқувчиларнинг ўкув-билиш мақсадларига эришиш учун жисмоний ва ахлоқий, иродавий кучларини ошириш;

Таълим жараёнида назорат ва ўзини-ўзи бошқариш орқали ўқувчилар ўзининг ўкув-билиш фаолиятини баҳолашини таъминлаш. Шу қоидаларга риоя килинса, таълим самарадорлиги янада ошади.^л

Таълим жамиятнинг иктисадий-ижтимоий даражаси ва маданияти, унинг сиёсий ва мағкуравий структураси мазмунини белгилайдиган масалаларни ҳал қиласи. Шунинг учун оиласидаги ёки жамоадаги, ёки мактабдаги, ишлаб чиқаришдаги мақсадга мувофик ёки тасодифий тарбия ўз моҳиятига кўра ижтимоий бўлади, чунки ҳар қандай тарбия ижтимоий муносабатларнинг субъекти ҳисобланади.

Инсон туғилган пайтидан бошлаб у ёки бу ижтимоий гурухга мансуб бўлиб, меҳнат алоқаларининг маълум тизимида тегишли юридик хукуqlар-

дан фойдаланади. Жамиятдаги ўзаро муносабатлар мажмuinинг мазмуни ва характери шахс камол топишининг умумий йўналишини ҳал қилувчи йўсинда белгилайди. Ота-оналар ва педагоглар тарбия методларида ўзига хос ўрин тутсалар ҳам, уларнинг мақсадларини, истакларини ва интилишларини пировард натижада жамият белгилайди, унинг у ёки бу ижтимоий гурухлари, ҳаётнинг умумий шароитлари, унинг манфаатлари ва идеаллари белгилайди.

«Ижтимоий тарбия» иборасидан анча тор маънода шахсга таъсир қўрсатишнинг маҳсус тузилган ижтимоий институтларда амалга ошириладиган, оиласидаги ва яқин атроф-муҳитдаги тарбиядан фарқли жараённи ифодалаш учун фойдаланилади. Таълим ва тарбия тушунчасининг қайси бири кенгрок маънога эга эканлиги хусусидаги баҳс санарасиздир, чунки ҳамма гап уларнинг қайси мақсадда қўлланишидадир. Адабиётларда кўп учрайдиган «таълим» ва «тарбия» сўзларини педагогик жараённинг қарама-қарши томондарини ифодалаш учун қўлланиши унчалик тўғри эмас. Бинобарин, таълим билим беришнинг мақсадга мувофиқжараёни сифатида доимо муайян шахсларни тарбиялашпи ўз ичига олади. Тарбиянинг йўналиши эса, ҳатто, таълимнинг мазмуни ва савияси била расман бир хил бўлса ҳам, принцип жиҳатдан турлича — инсонпарвар демократик ёки тоталитар бўлиши мумкин. Таълим-тарбия муассасаларида амалга ошириладиган чуқур педагогик жараён сифатидаги тарбия ҳакида гапириш унин-г факат бир томонини — қасбий жиҳатини кўрсатишни билдиради.

Тарбия ҳамма вақт ҳалқ орасидаги ходиса, ижтимоий ҳаётнинг доимий категорияси хисобланган.

Тарбиянинг ижтимоий табиатини англаш давлат ва ҳалқ тарбияси, жамият ва шахс тарбияси ўртасидаги мақсадга мувофиқ ва тасодифий тарбия ўртасидаги тафовутини, тарбиявий таъсир объектининг ғоят мураккаб тугунини билиш имконини беради.

Тарбия шахсни мақсадга мувофиқ йўсинда шакллантириш, унда фазилатларни таркиб топтириш Жараёнидир. Тарбия тарбияни амалга оширувчилар кутадиган натижа мавжудлигини талаб қилади. У икки турдаги фаолиятни, яъни шаклланувчи ва шакллантирувчи фаолиятни бажарувчилар тарбиянинг ташкилотчилари, шаклланувчи фаолиятни бажарувчилар эса тарбиянинг ёлғиз ёки жамоавий объектлари ҳисобланади.

Тарбиянинг ўзига хос хусусиятлари унинг иккитомони — объекти ва субъектив жиҳатлари мавжудлигидир. Унинг шакллантирувчн фаолиятларини бажарувчилар ўзлари хоҳласа-хоҳдамаса тарбиянинг обьекти эканлигила кўринади. Юкорида таъкидланганидек, обьектлик шаклланувчи ва шакллантирувчи фаолийтлар хамда уларнинг элементлари ўртасида, шунингдек, ҳар бир фаолиятнинг элементлари ўртасида ички обьектив боғланиш ва муносабатлар мавжудлигига намоён бўлади.

Шакллантирувчи ва шаклланувчи фаолиятнинг субъектив томони у ёки бу фаолиятни бажарувчилар субъектлар ҳисобланади ва тарбиянинг натижалари уларнинг ички холатига, эгаллаган шахсий хусусиятлари, қизиқишилари, эҳтиёжлари ҳамда кобилиятларига боғлик бўлади.

Тарбия баъзан Тўпланган билимларни, фаолият тажрибаларини ёш авлодга беришнинг йўли сифатида, баъзан эришилган маънавий маданиятни қайта тиклаш ва ривожлантиришнинг омили сифати-

да ва баъзан ижтимоий муносабатларнинг алоҳида шакли сифатида таърифланади.

Тарбиянинг мақсади — унинг кўзланган натижасидир. У жамият ривожланишининг эҳтиёjlарини ўзида акс эттиради ва жамоатчилик хамда давлат хужжатларида ифодаланади, педагогик таълимотлар ва назарияларда муайянлаштирилади хамда батафсил ёритилади. Синфий жамиятда тарбиянинг мақсади хукмрон синфлар томонидан белгиланади ва баён килинади. Масалан, тарбиянинг мақсади қулдорлик даврида — қулларни бўйсундириш ва бостириб туришга лаёкатли жангчилар хамда лашкарбошиларни; феодализм даврида феодал рицарлар; буржуазия даврида ишビルармонлар ва бизнесменларни тайёрлашданиборат бўлган.

Тарбиянинг мақсади — шахсни ҳар томонлама ва уйғун камол топтириш, унинг маънавий, ахлоқий-эстетик қадриятларини шакллантириш, юксак даражада уюшган ва шаклланган жамоаларни вужудга келтиришдир. Тарбиянинг мақсадларини охирги ва оралиқ, умумий ва муайян, асосий ва йўл-йўлакай мақсадларга таснифлаш мумкин. Мақсад билан бир қаторда ҳал килиниши мақсадга эришишни таъминлайдиган вазифалар хам туради. Масадан, тарбиянинг умумий мақсадини рўёбга чиқариш, яъни шахсни ҳар томонлама камол топтириш учун ақлий, ахлоқий, ғоявий-сиёсий, эстетик, меҳнат ва жисмоний тарбия вазифаларини амалга ошириш зарур.

ШАХСНИ ШАКЛЛАНТИРИШ ВА КАМОЛ ТОПТИРИШ ТУШУНЧАСИ

(Шахсни шакллантириш — унинг ўсиши, қандайдир янги хусусият ва фазилатларга эга бўлиши

жараёнидир. «Шакллантириш» тушунчаси «тарбиялаш» тушунчасига нисбатан кенгроқ бўлиб, у шахс ва жамоанинг таркиб топишига таъсир кўрсатадиган хамма нарсани, шу жумладан, мақсадга мувоғиқ жараёнлар (ўқитиш, тарбиялаш, таълим бе-~Ариш)ни хам, мақсадга номувоғиқ жараёнлар (шахс ва жамоанинг ўз ички табиати, атрофдаги кишилар, нарсалар, табиат ходисалари ва ҳоказоларнинг таъсири)ни хам ўз ичига олади. «Шакллантириш» ва «Тарбиялаш» тушунчалари жиддий чегаралан- / са, инсонни табиат ходисалари тарбиялайди, деб / бўлмайди. Инсонни факат кишилар тарбиялайди, | табиат ходисалари шахсни шакллантириши мум-1 кин, аммо уни тарбиялай олмайди.

Шахс ижтимоий муносабатлар, шу жумладан тарбия омили, ижтимоий, ишлаб чиқариш, маданий, илмий фаолият ва шахсий алоқалар омилидан иборат ташки омилларнинг, хамда биологик омил, психологик омилдан иборат ички омилларнинг таъсири натижасида шаклланади.

Шахс шаклланишининг асоси унинг фаолияти бўлиб, бу фаолият доимо ўзини бажарувчига нисбатан шакллантирувчи, ўзини вужудга келтирган ёки ташкил этган шахсга нисбатан шаклланувчи бўлади.

Жамоанинг шаклланиши хам ташки омиллар - ижтимоий муносабатлар, тарбия ва атрофдаги жамоаларнинг хамда ички омиллар — жамоа иҷидаги муносабатлар, алоқалар ва ҳоказоларнинг таъсири натижасида амалга ошади. Ҳамкорликдаги фаолият ва жамоавий муносабатлар тажрибасининг тўпланиши жамоани шакллантирадиган асосий ва бош кучдир.

Тарбиялаш сингари шакллантиришда хам доимо шахсни ва жамоани такомиллаштириш назарда тутилади.

Такомиллашув — қарама-қаршиликларнинг бирлиги ва курашувидир, ана шу бирлик ҳамда кураш натижасида рўй берадиган ўз-ўзидан харакатланишидир.

Шахснинг ва жамоанинг такомиллашуви ҳам қарама-қаршиликларнинг бирлиги ҳамда кураши натижасида амалга ошадиган ўз-ўзидан харакатланишидир. Шахс ва жамоани шакллантиришда ҳам доимо шахсни ва жамоани такомиллаштириш назарда тутилади.

Шахс ва жамоа такомиллашувининг самараси уларнинг ҳолатидаги сифат ўзгаришидир.

Шахс такомиллашувининг манбай зиддиятлар ва уларни қондириш йўллари ўртасидаги зиддиятлардир. Жамоа такомиллашувининг манбай ҳам зиддиятлар хисоблапади. Психологлар жуда кўп зиддиятларни, шу жумладан шахслар ва жамоаларнинг манфаатлари ўртасидаги, раҳбарларнинг жамоага қўядиган талаблари билан жамоанинг ана шу талабларни бажариши орасида зиддиятларни ҳал қилиши керак.

Юкорида айтилганидек, дидактика «ўқитиш» ва «ўқиши» каби бошқа тушунчалар билан ўзаро боғлиқтаълим назариясидир. Бу икки тушунча асосий тушунчалар жумласига киради.

Укиш сўзини дидактлар ва психологлар илгари ҳам, хозир ҳам турлича шархлаганлар. Буни шу сўзни эски таърифлари ҳам, энг янги таърифлари ҳам турличалиги яққол тасдиқлайди.

Укиш мақсад, мазмун ва харакатлар билан боғлиқ бўлиб, улар ёрдамида ўқувчилар маълум билимлар, кўникмалар ва малакаларни ўзлаштирадилар, ўқиши ўқувчининг фаоллиги натижасида ривожланади, характер касб этади, у турли шакл-

ларда (мехнат, жамоатчилик фаолияти, китобхоник, ўйин ва хоказолар тариқасида) амалга ошиши мумкин, билишга (бевосита ва билвосита) таянади ҳамда индивидуал тажрибага шахснинг хулқида ўзгаришни вужудга келтиради.

Ана шу тушунтиришлардан кейин ўқиши таърифини келтириш мумкин. Биз ўқиши деганда ўқувчилар воқеликни бевосита ва билвосита билиш давомида маълум билимлар, кўникмалар ва малакалар — режали ўзлаштиришнинг мақсадга мувофиқ жараёнини тушунамиз. Бунда ўқиши жараёни маълум даражада кучли мотивлаштиришдан вужудга келади ва унинг натижаси шахснинг қарашлари, эътиқод, хатти-харакатлари, умумий камолатига, кискаси, унинг хулқига таъсир кўрсатадиган мавжуд билимлар ва кўникмалар захирасининг ортишида намоён бўлади, деб биламиз.

Ўқитиш ибораси тасодифий жараён маъносида ҳам, ўқиши жараёнига мунтазам, режали ва бевосита раҳбарлик қилиш маъносида ҳам қўлланилади. Ана шу иккинчи маънодаги ўқиши жараёни нисбатан узоқ вакт, баъзан кўп йиллар мобайнида ўқитиш жараёни билан чамбарчас боғлиқ бўлади. Шуни ҳисобга олиб мазкур иккала жараённи кўпинча умумий ном билан таърифлаймиз ва ўқитиш-ўқиши жараёнларини таълим жараёни, деймиз. Бу жараёнда факат ўқиши билан, яъни ўқувчилар маълум миқдордаги билимлар, кўникмалар ва малакаларни ўзлаштишига ёрдам берадиган шароитларни яратиш билан боғлиқ харакатлар эмас, балки ана шароитлардан тўғри фойдаланишни назорат килиш элементлари ҳам намоён бўлиб, улар бир бутунни ҳосил қиласи.

Ўқитувчи ўкувчилар ишининг боришини кузатиш ва улар эришган натижаларни баҳолаш асосида ўзининг кўрсатмалари, йўналтирувчи саволлари, тегишли тушунтиришлари ва хоказолар билан болаларнинг ўкув фаолияти жараёнига тузатишлар киритади. Шунга кўра таълим биринчидан ўқиши, иккинчидан ўқитишни, яъни ўқишини ва шубдан билан бирга уни назорат қилиш ҳамда тузатиш тадбирларини ўз ичига олади, дейиш мумкин.

Ўқитиш ғоятда мураккаб иш. Бунинг далили сифатида шуни айтиш жоизки, ўқитувчининг таълим жараёнидаги раҳбарлик ролини таъминлашга уриниши билан ўкувчиларнинг тўла мустакил фикрлаши ва харакатларини саклашга интилиши ўртасидаги таълимга хос диалектик зиддият аслида дидактик юксалишнинг манбаидир. Шунингдек, ўқитиша деярли ҳамма вакт унинг тарбиявий жиҳатлари яққол билиниб туради.

ц) Таълим максад, мазмун, ўқитувчининг шахси, /ўкувчилардаги дастлабки билимларнинг характеристики ўкув юритишнинг моддий-техник базаси ва бошқа анчагина омиллар билан белгиланади.

Форобий ўзининг «Идеал шахар ахолисининг маслаги» номли рисоласида таъкидлаганидек, фан ўқитиш орқали ўзлаштирилса, эзгу фазилатлар тарбия ёрдамида эгалланади. Ўқитиш факат ақлнинг чиникиши учун эмас, балки умумий маънавий, шужумладан, ахлоқий камол топиш учун ҳам асосдир. Ўқитиш ва тарбиялаш ўзаро боғлиқ бўлиб, шахсни маънавий камол топтиришнинг турли йўлларидир.

Халк педагогикасида инсон ақлан баркамол бўлишининг энг мухим шарти уни болалигида ўқитиш ва тарбиялашда деб хисобланади.

Ўқитиш маълум қонуниятларга бўйсунади ва умумфалсафий методологияга мувофик бу қонуниятлар таълим жараёни билан анча кенгрок ижтимоий жараёнлар ўртасидаги умумий, мухим, зарур, барқарор алоқалардан, шунингдек, таълимнинг алоҳида компонентлари, яъни унинг мақсади, мазмуни, шакллари, методлари ва воситалари ўртасидаги ички боғланишлардан иборатdir. Аникланган дидактик қонуниятлардан катор асосий талаблар келиб чиқадики, уларга риоя қилиш ўқитишининг сифатли ва самарали амалга ошувини таъминлайди.

Таълим жараёнининг натижаси баъзан факат ўкувчиларнинг маълум билимлар ва кўнилмалар тизимини ўзлаштиришидан иборат бўлади; лекин бу жараён ўкувчиларнинг ҳар томонлама камол топтиришга жиддий ижобий таъсир кўрсатиши мумкин.

Таълим жараёни — мураккаб ва кўп қиррали жараёндир. Расмийлашган тизим сифатидаги таълим назарияси умуман ана шу жараённи унинг таркибий қисмларини ва уларнинг компонентларини ёритади, тушунчалар, мазмун ёрдамида ана шу яхлит жараённинг мавжудлиги сабабини ёки усусларини баён қиласди.

«Ўкув жараёни» тушунчаси таълимнинг барча компонентларини: ўқитиш ва унда фойдаланадиган воситаларни ҳам, муайян вазифаларни ҳал қилиш учун таълимнинг методларини ҳам, уйда мустакил ишлайдиган ўкувчини ҳам, ўкув жараёнида кўрсатмали ва техник воситалар билан жиҳозлашни ҳам ўз ичига олади.

Шунинг натижасида таълимнинг қуйидаги қонуниятлари ёритилади:

Таълим-жараёни қонуний равища ижтимоий жараёнлардан ва жамиятнинг эҳтиёжларидан келиб чиқкан;

Таълим жараёни яхлит педагогик жараёнга кирадиган ўқитиши, тарбиялаш ва камол топтириш жараёнлари билан қонуний равища боғлиқдир;

Таълим қонуний равища таълим олувчиларнинг ҳақиқий ўкув имкониятларига боғлиқдир;

Таълим қонуний равища ўзи амалга ошириладиган ташки шароитларга боғлиқдир;

Ўқитиши ва ўқиш жараёнлари яхлит таълим жараёнда қонуний равища ўзаро боғлиқдир;

Таълим мазмуни қонуний равища унинг жамият эҳтиёжларини, фан ривожланишининг даражаси ва мантиқини, ҳақиқай ўкув имкониятлари ва таълим учун ташки шароитларни акс эттирадиган вазифаларга боғлиқдир;

Ўкув фаолиятини кучайтириш, ташкил этиши ва назорат қилиши, қонуний равища таълимнинг вазифалари ва мазмунига боғлиқдир;

Таълимнинг ташкилий шакллари қонуний равища унинг вазифаларига, мазмуни ва методларига боғлиқцир;

Тегишли шароитларда ўкув жараёнининг барча компонентлари қонуний равища ўзаро боғланishi таълимнинг пухта англанган ва амалий натижаларини таъминлайди.

Таълимнинг қонуниятларини педагогиканинг умумий асосларida ифодаланган қонуниятлар билан таққосланса, улар ўртасидаги боғланиш яққол кўринади. Таълимнинг қатор қонуниятлари мантиқан педагогик жараённинг умумий қонуниятларидан келиб чиқади. Таълимнинг принциплари билан қонуниятлари хам ўзаро боғлиқдир.

VII б о 6. ЎҚИТИШ ЖАРАЁНИ

ЎҚИТИШ ЖАРАЁНИНИНГ МОҲИЯТИ

Ҳар қандай жараён — харакатdir; моддий дунёдаги нарсалар ёки ҳодисаларнинг аста-секин ўзгаришидир. Ўқитиши жараёни ҳам ёш авлодда ақлий кучларни ривожлантиришга ва ахлоқий сифатларни шакллантиришга қаратилган харакатdir.

Биз ўқитиши жараёнини қандай тушунамиз? Ўқитиши жараёни — ўқитувчининг ва у раҳбарлик қиладиган ўкувчиларнинг — уларда ақлий қобилиятларни ўстириш, диалектик дунёқараш асосларини таркиб топтириш ва ҳаётга тайёргарликни амалга ошириш мақсадида — билим, кўнукма ва малакалар тизимини онгли ҳамда пухта ўзлаштиришга қаратилган илмий асосдаги ишларнинг мажмуидир.

Мактабдаги ўқитиши жараёни қандайдир тасодиғий ва айниқса, педагогнинг хусусий фикридан келиб чиқадиган нарса эмас. Ўқитиши жараёни *билиш назарияси* асосида таркиб топади ва жамиятнинг ривожланиш қонуниятларидан келиб чиқадиган талабларни акс эттиради..Хозирги илфор педагогика инсон шахсини мақсаддага мувоғик шакллантиришга тарбия, ўзини-ўзи тарбиялаш ва ижтимоий тажрибадан иборат тизим сифатида карайди. Тарбия ва ўзини-ўзи тарбиялаш кичик тизимлар ўртасидаги боғланиш асосида тарбияланувчиларнинг ижтимоий тажрибани ўзлаштириши ташкил топади ва шу билан инсоннинг шахси шаклланади.

Ўкув жараёни педагогик жараённинг мағзи сифатида тарбия, ўзини-ўзи тарбиялаш ва ижтимоий тажрибанинг бирлигини ўзида мужассамлаштиради.

Ўкув жараёнидаги тарбия асосан ўқитиши шаклида, ўзини-ўзи тарбиялаш ва ижтимоий тажриба-

нинг бирлиги шаклида намоён бўлади. Шунга кўра ўқув жараёнига таълим (педагогнинг фаолияти), ўқиш (ўқувчининг мустакил ўрганиш иши) ва маълумотнинг мазмунини кичик тизимларидан иборат ижтимоий педагогик тизим сифатида қаралади. Ўқитиши ўқув жараёнининг профессионал томонини ташкил киласди. Инсон шахс сифатида шакланишининг икки томонлама табиати (тарбия ва ўзини-ўзи тарбиялаш), шунингдек, ўқув жараёнининг ички структураси йўл-йўрик кўрсатиш ва ўқувчилар ўқув-билиш топширикларини мустакил ҳолда бажаришидан иборат харакатдир. Бунинг йўл-йўрик кўрсатиш жиҳати муаллим ўқувчига ўқув материали бўйича ўргатадиган нарсалар ва улар устида ишлаш методлари билан изоҳланади. Ўқувчилар анашу асосда ўзларининг маълумот мазмунини ўзлаштиришига доир фаолиятларини ташкил киласдилар.

Шундай қилиб, ўқув жараёнининг, моҳияти ўқувчи билиш фаолиятининг мантиқи бўлиб, у биринчидан, билиш биздаги билимларнинг ягона манбаи бўлмиш амалиётни ўрганишдан бошланиши ва мавхум фикрлаш асосида назарий умумлаштириш кераклигидан; иккинчидан, *билиш* олинган билимларни, назарий умумлаштиришларни инсондаги билимлар хакиқатлигининг ягона объектив мезонлари сифатида ҳам хизмат қиласдиган амалиётга таққослаш зарурлигидан келиб чиқади. Ўқув жараёни билиш жараёнини инсон фаолияти сифатида психологик-педагогик жиҳатдан лойиҳалашга асосланишини ва олинган билимларни амалиётда кўллашни албатта ўз ичига олиши зарур. Ўқув жараёни асосида умуман бутун жараёнга тааллукли ва барча ўқув фанларига тақаладиган маълум талаблар ҳамда дидактик принциплар мавжуд бўлади.

Бизнинг дидактика ана шулардан энг муҳимлари: тарбияловчи таълим принципи, илмийлик принципи, назария билан амалиётнинг боғланиши принципидан иборатдир. Таълимнинг методлари ва ташкилий шакллари асосида ўқувчиларнинг онгли фаоллиги, кўрсатмалик, билимларни асосли ўзлаштириш, ўзига хос фарқларни тушунарлилиги ва ҳисобга олиниши принциплари ётади.

Ўқитувчи фаолиятининг муваффакияти аввало у таълимнинг мазмуни, методлари ва ташкилий шаклларидан умумий дидактик принципларни канчалик тўғри амалга оширишига боғлик. Дидактик принциплар таълимнинг бевосита билиш назариясидан, шунингдек, мактабдаги таълимнинг мақсадлари ва илмий мазмунидан, ўқувчилар жамоасининг ёш ва психологик хусусиятларидан келиб чиқадиган қонуниятларини акс эттиради.

Ўқитиши принциплари кандайдир доимий ва ўзгармайдиган нарса эмас. Уларнинг айримлари бошқача шароитга боғлик ҳолда ўзининг номини саклаб, янги мазмун касб этади ва баъзилари, масалан А. Я. Коменский олға сурган «табиатга мувофикдик принципи» сингари ўзининг аҳамиятини йўқотади; яна бошқалари эса янги шароитда жамиятнинг ўқитиши жараёнига қўядиган маълум талабларини тўлароқ акс эттириши сабабли етакчи принципга айланади. Чунончи хозирги пайтда ўқитишининг тарбияловчи ва камол топтирувчи принциплари алоҳида аҳамият касб этди. Табиийки; мана шу принциплар ўқитиши жараёнига ўзининг қандайдир янгилигини қўшади, уни нималар биландир тўлдирди. Лекин тарбияловчи ва камол топтирувчи таълимга интилиш янгилик эмас. Уни мамлакатимиз педагогикаси тарихида илк бор Форобий, Беруний-

лар асослаб беришганди. Масалан, Берунийнинг фикрича, тарбияловчи таълим айни пайтда камол топтирувчи таълим ҳам хисобланади: у кузатувчаник, фикрлаш, нутқ, хотира ва хаёлнинг ривожланишини таъминлайди, шу тариқа инсонни ҳаётдаги меҳнатга тайёрлади.

Мазкур принциплар янги бўлмаса ҳам, мактаб ривожининг турли босқичларида ўқув-тарбия жараёнини ташкил этишда ҳар хил йўсинда ва тўлиқ бўлмаган ҳажмда амалга ошган. Бунинг ҳаммаси жамият томонидан мактаб олдига қўйилган шароитларга, мақсад ва вазифаларга боғлиқ бўлган.

Хозирги дастурлар маълумотнинг назарий савиясига талабларни оширишга, мактабда ўқишининг дастлабки кунларидан бошлаб болаларда ижодий фикрлашни ривожлантиришга, уларда фанларнинг назарий асосларига доир тушунчаларни ҳосил қилишга, умумлаштириш ва мантикий мулоҳаза юритиш малакаларини шакллантиришга қаратилган. Уларда ҳам илгариги дастурлардаги каби назарий билимларни ўқувчиларда амалий қўникма ва малакаларни ҳосил қилиш билан боғлашга жиддий эътибор берилган,' Шунингдек, таълимнинг тарбияловчилик ролини янада кучайтириш назарда тутилган. Бу эса онгли равишда ўзлаштирилган қоидалар, фактлар ва назариялар ўқувчиларнинг эътиқодига ҳамда дунёқарашига айланиши кераклигини билдиради. Ўқувчиларга фаол ва мунтазам меҳнат қилиш одатини янада қўпроқ сингдириш, уларда билимларга иштиёқ уйғотиши ва уларда умумий фойда учун қўллашга интилишни тарбиялаш зарур. Тарбияловчи таълим ўқувчиларнинг маънавий-ахлоқий нормаларини эгаллашларини ҳам таъминлаши керак.

Билимларни ўзлаштириш жараёнида ўқувчиларнинг ақлий камол топиши ва тўғри тарбияланиши ўз-ўзидан амалга ошмайди. Бунинг учун педагогларнинг маълум даражада таъсир кўрсатиши ҳам ниҳоятда зарур. Маълумки, ўқитиши жараёни ўқитувчининг ва у раҳбарлик киладиган ўқувчиларнинг изчил фаолияти мажмуидан ташкил топади. Бунда ўқувчилар фаолиятининг муваффакияти ўқитувчининг оқилона раҳбарлигига ва йўналтирувчи ишларига бевосита боғлиқ бўлади. Анашу ишлар, ҳалқ таълими тўғрисидаги қонунда мактаб олдига қўйилган вазифалар моҳияти нималардан иборат бўл-Исши керак? Аслида ҳозирги пайтда етакчилик килаётган тарбияловчи ва камол топтирувчи таълим принциплари ўқув жараёнига, шу жумладан, таълимнинг асосий шакли бўлмиш дарсга ўз таъсирини кўрсатиши лозим. Ўқитиши жараёнига қўйилдиган талаблар жамият ривожланишининг турли босқичларида ҳам доимо бир хил бўлмаган. Бу ҳол жамият ривожланишининг қонуниятларидан ва унинг энг муҳим вазифаси — ёш авлодни тарбиялаш ва ўқитишдан келиб чиқкан. Ҳозирги куннинг талаби — ўқув жараёнини ўқувчиларда фақат тақрорлашга доир фикрлашни эмас, балки ижодий тафаккурни ҳам шакллантирадиган йўсинда ташкил қилишдир. Психологларнинг таъкидлашича, тафаккур доимо муаммо ёки масаладан, ажабланиш ёки тушуна олмаслиқдан, зиддиятдан бошланади.

Ана шулар туфайли таълимий муаммолар асосидаги ўқитишида муаммоли ёндошиш тушунчаси педагогика назарияси ва амалиётига фаол кириб келади. Бу муаммонинг моҳияти — ўқувчиларга маълум билимлар, қўникма ва малакалар билан тушу-

ниш хамда тушунтириш учун илгариги билимлар кифоя қилмайдиган янги фактлар, ҳодисалар ўтасидаги дидактик зиддиятдир. Бу зиддият ижодий ўзлаштиришга туртки ва шу билан бирга ҳаракатлантирувчи куч хисобланади.

Биз ўқитишдаги муаммолиликни ўқувчиларнинг ўкув муаммосини англаши ва ҳал қилишга қаратилган билиш фаолиятини ташкил этиш деб тушнамиз. Ўқитишдаги муаммолиликнинг муҳим белгиси масалани қўйишдан кўра муаммоли вазиятни яратиш кўпроқ зарурлигидир. Бунда мазкур вазиятни хаётий фактлар ва ҳодисалар асосида яратишни назарда тутиш мухимдир. Чунки муаммоли вазият қанчалик табиий шаклга эга бўлса, ўқувчиларни фаоллаштириш ва муаммони ҳал қилишда қатнашишга жалб этиш имконияти шунчалик кенг бўлади. Ўқитишдаги муаммолилик анъанавий дидактиканинг асосий принциплари ва қоидаларини инкор қилмайди, балки уларга таянади. Ўқитиша муаммоли ёндошишни қўллашдан мақсад ҳозирги ўқитиш жаравёнини ўқувчиларда ижодий фикрлашни фаол ривожлантиришга ёрдам берадиган методлар ва усуллар билан тўлдиришдир.

Умуман айтганда, ўкув жаравёниғшта комиллаштиришдан кланадиган асосий мақсадунинг сифатини янги поғонага кўтаришдир. Шунга кўра ўқитувчининг фаолиятида қандай янгилик вужудга келиши керак? Аввало у материални шунчаки баён этмаслиги ва ўқувчиларга тайёр хulosалар хамда умумлашмаларни айтиб бермаслиги, балки уларнинг фикрини ўрганиладиган обьектга жалб килиши, ундан муаммо топиши ёки имкони бўлса, ўқувчиларнинг ўзларини мазкур обьектдаги муаммони мустакил холда ўйлашга рағбатлантириши, муаммоли вазиятни яратиб, уларнинг' диққатини

сафарбар килиши, тафаккурни фаоллаштириши, таълимдаги локайдликни бартараф этиши, ўқувчиларга ўзларича мулоҳаза юритиб зарур хulosалар ва умумлашмалар чиқаришда ёрдам бериши, уларни кузатишга, тасаввур қилишга, эслаб қолишига, ижодкорликка ўргатиши, яъни у ўз тарбияланувчиларини олган билимлари билан кузатилган хаётий фактлар ва ҳодисаларга таққослаш, шу асосида тўғри хulosалар ва умумлашмалар чиқаришга одатлантириши керак. Мана шуларнинг ҳаммаси таълим жаравёнига замонавий мазмун бахш этади.

ХОЗИРГИ ЎҚИТИШ ЖАРАЁНИГА ҚЎЙИЛАДИГАН ТАЛАБЛАР

Ҳозирги куннинг вазифаларини амалга оширишда ўқитишининг чукур ижтимоий эътиқодлилик¹ билан уйғун илмийлигига қўйилаётган талаблар ғоятда мухимдир.

Дидактикада ўқитишининг илмийлиги нимаэка² ни асосли равишда баён қилинади. Маълумки, мактаб таълими мазмунига кирган барча билимлар воқелик қандай бўлса, уни шундайлигича, ҳеч бир кўшимчаларсиз акс эттиради. Педагогнинг вазифаси ўқувчиларга илмий, ҳаққоний билимларни асли холича тушунтиришдан, уларни билимларни мустакил ўрганишининг ўзлаштирилган ҳақиқатлар борлиқцаги — инсон онгидан ташкири обьектив мавжуд нарсаларга мувофиқлигини кафолатлайдиган йўлга солишдан иборатдир. Ҳатто болалар таълимининг биринчи поғонасида олган жузъий билимлар Ҳам ҳақиқатни бузмаслиги керак.

Илмий асосдаги тўғри ўқитиш натижасида ўқувчилар онгидан обьектив оламнинг ҳаққоний манзараси ҳосил бўлади.

Педагогика амалиётида баъзан ғалати воқеалар ҳам учрайди. Ўқувчилар қизиқувчанлиги сабабли ўқитувчига савол берадилар ва худди ана шу пайтда ўқитувчи асосли жавоб бера олмайди, хижолат чекади. Нотўғри жавоб берсам, кейинчалик обрўйим кетади, деб ўйлади. Масалан, биринчи синф ўқувчилари ўқитувчидан «Космос нима?» — деб сўрадилар ва у саросимага тушиб қолди. Дарҳақиқат, буни биринчи синф ўқувчиларига қандай тушунтириш керак? Ўқитувчи пухта ўйлаб олиб, кейин, чунончи эртасига жавоб бериш ўрнига, шу заҳоти «Космос биздан жуда узок нарса» — деб жавоб қилди. Шундай жавобдан кейин ўқувчиларда космос хақида қандайдир тасаввур хосил бўладими?

Чинакам илмийлик доимо ижтимоий ривожланиш ва моддий олам қонуниятларининг объективлигини ўз ичига олади. Бизнинг фан диалектик фалсафа пойdevорига қурилади. У вокеликнинг соувқонлик, лоқайдлик билан ёзилган тавсифи эмас, балки моддий олам ҳақидаги қарама-қарши тушунчаларнинг ўзаро қурашиб майдони ва қуролидир. Фанлар — эътиқодларни шакллантиришнинг кучли омили. Шунинг учун ~ёшларимиз олган билимларни уларнинг эътиқодига айланиши жуда муҳимдир.

Мана шу вазифаларни амалга оширишда ўқувчиларнинг ижодий қобилиятларини ривожлантириш муҳим талабдир. Биз факат ана шунга асослашиб болаларни мустақил ўйлашга ўргатишимиш, уларда ўзларининг қарашлари ва нуқтаи назари тизимини таркиб топтиришимиз мумкин. -

Агар билимларни баён этиш, ишнинг усулларини кўрсатиш мумкин бўлса, ижодий фаолиятни ўргатиш учун ўқувчиларни худди ана шу фаолият

жараёнига бевосита жалб этиш шарт. Мана шу муаммо бўйича айрим мулоҳазаларни ифодалашга харакат киласиз.

Аввало ҳар қандай ижодкорлик, хусусан ўқувчиларнинг ижодкорлиги маҳсус тайёрланган шароитларда амалга ошиши мумкин. Бунда билимлар, кўниқмалар ва малакалар тизими хал қилувчи омил бўлади. Ижодни, ижодкорликни қандай тушуниш керак? Одатдаги тушунчага кўра ижод озчилик кишиларнинг, буюк санъат асарларини, янги машиналар, дастгоҳлар ва ҳоказоларни яратадиган истеъдодли одамларнинг кисматидир. Лекин ижод буюк асарлар яратишдангина иборат эмас, балки кишининг фикр юритиши, бирор тадбирни ўйлаб топиши, озгина бўлса-да қандайдир янгилик яратиши ҳам ижоддир. Ижод жараёнига тасодиф сифатида эмас, балки қоида сифатида қараш лозим.

Ўқувчининг ижодини қандай тушуниш керак? Болалар хеч қандай янгилик яратмайди-ку? Ўқувчининг ижодкорлиги энг аввал унинг ҳар қандай фаолият жараёнидаги: ўзига хос усул билан масала ечиши, иншо ёзиши, тажриба ишлари, меҳнат дарслари ва ҳоказолардаги мустақил фикрлашида намоён бўлиши лозим. „

Ўқувчининг ижоди — унинг олган билимларини хаётда кўрган фактлар ва ходисаларга боғлай олиши, уларни тўғри баҳолаб, дастлабки маълумотларни таҳлил ва синтез қила билишидир.

Ҳар қандай ижод борлиқни рад этиш эмас, балки борлиқка тўлароқ кириб боришидир.

Ўқитишдаги индивидуал ёндашиш ҳам таълим жараёнининг муҳим талабидир. Биз ана шу талабни қандай тушунамиш? Ўқитишдаги индивидуал ёндашиш факат машқ ишларида эмас, балки ўқув

жараенининг ҳамма босқичларида: янги материални ўтишда, мустахкамлашда ва тақорорлашларда ҳам, уй вазифасини тузишда ва дарсдан ташқари қўшимча машғулотларда ҳам амалга оширилиши зарур. Уни, масалан, янги материал ўрганилаётганда қандай амалга оширилади? Ўқитувчи материални тушунтирас экан, дарсликнинг параграфи билан чек'ланиши мумкин эмас. У айрим маълумотларни анча кучли ўқувчиларни назарда тутиб баён қилиши лозим. Бунда бўш ўқувчилар нима қилиши керак? Ўқитувчи уларни хисобга олмаган-ку? Кўпчилик тажрибали ўқитувчилар қийин мавзуларни ўтишдан олдин ана шундай ўқувчилар билан қўшимча машғулот уюштириб, янги материални идрок этиш учун зарур илгари ўрганилган билимларни тақорорлайди ва янги материалнинг қийин жойларини тушунтиради. Ана шундай қўшимча иш доимий равишда бўлмаса-да, ўқитувчининг фаолиятида зарурдир. Чунки ўқитувчининг касбий бурчи энг аввало эҳтиёжмандларга ёрдам беришdir. Дарсда бунинг учун хар доим имконият бўлавермайди. Машқлар вақтида дастлаб бутун синфга кийинлиги бир хил материалларни бериш, кейинги босқичлардагина тайёргарлик машқларини табақалаштириш тавсия этилади. Бўш ўқувчилар билан ишлаш дарсларда ҳам, қўшимча машғулотларда ҳам амалга оширилиши керак. Бу ишларда факат ўқитувчилар эмас, балки мазкур синфдаги кучли ўқувчилар ёки бўш ўқувчиларга бириктирилган юкори синф ўқувчилари ҳам қатнашиши лозим.

Таълимнинг демократик ва инсонпарварлик тизимида ўтиш даврида ўқитишдаги индивидуал ёндошиш алоҳида ахамият касб эти, бинобарин ҳозирги куннинг талаби ўқувчи ўрта мактаб дас-

турини ўзлаштириши учун таълимнинг хар бир босқичида тегишлича билимлар олишига эришишдан иборатdir. Шахс доимо шаклланишда бўлади. Шахснинг шаклланиши суст кечиши ҳам мумкин.

Шахсни хар томонлама камол топтириш муаммосини факат мактаб эмас, балки жамиятнинг ривожланиши ҳам ҳал қиласи, албатта. Жамият тобора ривожланиши билан шахс хар томонлама камол топиши учун қулай шароитлар вужудга келади.

Ўқиташни табақалаштириш ва индивидуаллаштириш муаммоси таълим назарияси ва амалиётида янгйлумаш?о~эмас. Аммо у ҳозирги пайтда таълимтарбия назариясида алоҳида муҳим аҳамият касб этмоқда. Унинг чет эл педагогикаси учун моҳияти, бир томондан, фан-техника инқилоби шароитида малакали кадрлар тайёрлашдан иборат бўлса, иккинчи томондан, фаннинг, ишлаб чиқаришнинг, бошқаришнинг, мафкура, адабиёт ва санъат муаммоларини яратишдан иборатdir.

Таълимнилтабалқалаштириш муаммоси илмий-педагогик асосда қилинса, ўқитишни маълум дарражада индивидуаллаштиришга имконият пайдо бўлади. Ўқитишни индивидуаллаштириш жуда мурраккаб муаммо бўлиб, маълум методологик ва педагогик ёндошишга боғлик холда бевосита ҳал қилинади.

Педагоглар ва психологлар ўқитишни индивидуаллаштириш муаммосига шахсни хар томонлама камол топтириш, шахс билан муайян (ўқувчилар ёки ишлаб чиқарувчилардан иборат) жамоа ўртасидаги муносабатларни, мактабнинг инсонни тарбиялашдаги ролини муайян тушуниш нуктаи назаридан ёндошидилар. Бунда истеъодод ва қобилиятларнинг баравар эмаслиги, уларнинг хилма-хил-

лиги ва индивидуаллиги хакидаги таълимотга тая-
надилар.

Ўқитишининг индивидуаллашуви тарбиянинг ҳам индивидуаллашганини билдиради. Ўқитиш ва тарбиялаш жараёнидаги шахснинг қобилиятларигина ривожланиб қолмайди, балки унинг фазилатлари ҳам шаклланади. Инсон эса факат ўзининг атрофдаги оламга муносабати орқали шахсга айланади. Жамиятдан ва ижтимоий муносабатлардан ташқари индивидуаллик бўлмайди, синфиий эксплуаторлик жамиятида бундай муносабат синфиилиги сабабли ўқитиш ва тарбиялашнинг ҳар қандай индивидуаллашуви хукмрон мафкуранинг тарбиялашувчиларига таъсирини кучайтиради ва бу таъсири янада нозиклашади, ўзгарувчан ва мақсадга мувофиқроқ бўлади.

Ўқитишининг индивидуаллашуви таълимнинг ташкилий шакллари ва методлари, синфларнинг тўлалиги, ўзгаришига, хатто мактаб биноларининг режалаштирилиши, поток синфлар, гурухларнинг нисбати ва ҳар бир ўқувчи билан олиб бориладиган айрим ишлар ҳам жиддий ўзгаришига сабаб бўлади.

Ўқувчилар ўзича хаёт кечиради, уларнинг ташки оламга муносабатини ифодаловчи маънавий дунёси бой ва такрорланмас бўлади. Ана шу ички дунёни, ички хаётни индивидуал ёндошиш билангина тушуниш мумкин. Индивидуал хусусиятларни, қизиқиш ва истеъдодларни хисобга олинмаса, синф-дарс тизими орқали муентазам ўрганиладиган курслар қуруқ ёдлашга айланиб эҳтимолдан холи эмас. Ҳар бир кишининг истеъдоди кўп киррали бўлиб, факат ташқи сабаблар билан эмас, балки унинг ўз табиатига боғлик холда ҳам таркиб топа-

ди. Инсон ташки таъсирини ўз-ўзидан қабул қилмайди, балки унда болага таълим оркали берила-диган ижтимоий тажрибани ўзлаштириш имконини яратадиган биологик қобилият мавжуддир. Масалан, мусиқачиликка хос нозик эшитиш анализатори зарур. Шундай анализаторга эга бўлган ҳолда мусиқачи бўлмаслик мумкин, аммо мазкур анализаторсиз мусиқачиликни ўрганишнинг ило-жи йўқ.

Ўқитишининг индивидуаллаштириш «биологик» ва «ижтимоий» хусусиятларни, яъни инсонда истеъдод бўлиши мумкинлигини, лекин у фаол ишлар билан шуғулланмаса, истеъдодлар ташки таъсирлар, ташки шароитлар натижасида ўз-ўзидан қобилиятга айданмаслигини яққол тушунишни талаб қилади. Таълим ўзининг мазмуни ва методика-сига кўра ташки таъсиридир. Лекин у ўқувчи истеъдоди хисобга олинсагина кутилган натижани бериши мумкин.

Ўқитишининг индивидуаллашуви жамоа билан янада чукур боғланишига олиб боради, жамоадаги ўзининг «мән» ини намойиш қилишнинг, шахсга айланишининг ёрқин истиқболларини вужудга келтиради. Шахсни таъсир кўрсатишининг жамоавий воситасида тарбиялаш — унда жамиятга тўғри муносабатни, тегишли фаолият билан қўшилишнинг ахлокий-эстетик нормалар хақидаги, уларга онгли ёндошиш тўғрисидаги тушунчаларни таркиб топтиришни билдиради: мустакиллик ва фаолликни, ўзига хосликни ривожлантириш эса ижтимоий конструктив — ижодий ишларда ўзини яққол намоён этишдир.

«Индивидуаллик» тушунчаси инсоннинг ижтимоий мөхиятини ифодаловчи шахс аввало ижти-

моий мавжудот сифатидаги инсонни тавсифлайди-'
ган умумий хусусиятларни ўз ичига олишни кўрса-
тади.

Умумий хусусиятлар қанчалик кўп бўлса, шахс
шунчалик аҳамиятли бўлади, чунки у ижтимоий
муносабатларни энг чуқур акс эттиради.

«Индивидуал» тушунчаси шахснинг бошка ки-
шилардан фарқданадиган алоҳида ва ягона хусусия-
тини ўз ичига оладики, бу хусусият шахсга жами-
ятда ўзига хослик ва тақорорланмаслик баҳш этади,
унда ижтимоий муносабатлар шароитида, яъни
киши-кишини эксплуатация қилмайдиган тузумда
жамият ва шахс ўзаро қарама-карши бўлмайди. Ҳар
қандай индивидуалликнинг бетакрорлиги жамият-
дан ажralиб қолмайди, балки жамиятнинг узвий
боглиқдиги унинг манфаатларини ва харакат қону-
ниятларини тушунишдадир. Жамиятсиз шахс бўл-
майди, индивидуаллик бўлмайди, чунки камолат-
нинг манбаи жамиятдадир.

Шахснинг камол топишида ўзининг куч-ғайра-
ти, бевосита фаолияти жуда катта роль ўйнайди.

Бизнинг тарбия ва таълим тизимимиз ҳар бир
болада истеъодд, фаоллик, онглилик ва ижодкор-
ликни ривожлантиришга қаратилган.

Аввал хусусиятларни ҳисобга олиб умумийлик-
ни, кейин умумийни ҳисобга олиб алоҳидаликни
ривожлантириш керак.

Ўқитиш жараёнига ноанъанавий ёндошиш

Республикамизда таълим жараёнини такомил-
лаштириш масаласи бўйича изланишда ўқитишнинг
янги шакллари аста-секин мустаҳкам ўрин олмоқ-
да. Булар гимназия, ихтисослаштирилган синфлар-
дир. Лекин таълимнинг янги шакллари асосан мак-

табнинг ўрта ва юқори звеноларига дахлдордир.
Хўш, бошлангич мактабда нималар бўлаётир? Бош-
лангич мактаб ҳар қандай холда ҳам ўқувчиларда
билимларни шакллантиришда ва уларнинг қоби-
лиятларини аниқлашда асосий роль ўйнайди ва ун-
дан кейин ҳам шундай бўлиши керак. Аммо бошлан-
гич мактабдаги барча ўқитувчилар болаларнинг
қобилиятларини аниқлаш ва ривожлантириш учун
тегишли ишларни амалга ошираётими? Масалан,
нима учун юқори синфларда аъло баҳога ўзлашти-
радиган болалар сони камайиб бормоқда? Мактаб-
ни битта ёки иккита ўқувчи олтин медаль билан
битиришини қандай туШуниш қерак? Истеъодди,
қобилиятли болалар йўқми ёки ўқитиш жараёни
шунчалик самарасиз бўлиб қолганми? Буларнинг
сабаби нима? Сабаби кўп. Биринчидан, бошлангич
синфлар ўқитувчиси болалар билан индивидуал иш
олиб бориш имконияти чекланган. Синфларда бўш
ўзлаштирадиган ўқувчиларга алоҳида эътибор бе-
риш зарур. Иккинчидан, мазкур ўқитувчиларнинг
методик савиаси етарли эмас. Синфдаги умумий
ишлар жараёнида қобилиятли болаларнинг ижодий
имкониятлари чекланиб қолмоқда. Улар ўз қоби-
лиятларини кўрсата олмаётир. Ўқитувчи кучи ва
эътибори бутун синфга қаратилиб, қобилиятли
болалар кўзга ташланмаётир. Умуман айтганда, ху-
сусан болаларни саралаш ва ўқитишга бошқача
ёндошиш билан уларнинг ижодий қобилиятлари-
ни рўёбга чиқариш керак.

Бошлангич мактаб (I босқич мактаб) бола шах-
снинг ilk шаклланишини таъминлаши, унинг
қобилиятларини аниқлаши, ўқувчиларда билим
олиш қўнимкаси ва истагини таркиб топтириши
керак. Бундай мактабда ўкув фаолиятининг зарур

кўникма ва малакаларини эгаллайдилар, ўкиш, ёзиш, хисоблашни ўрганадилар, ижодий фикрлаш элементларини, маданий нутқ ва хулкни, шахсий гигиена ҳамда соғлом турмуш асосларини ўрганадилар.

Мана шу умумий вазифаларни амалга ошириш учун мақсадларнинг устунлигини жиддий, тубдан ўзгартириш, аввало предметларга доир билимлар, кўникма ва малакаларни ўзлаштиришнинг анъанавий мақсади ўрнига бола шахсини, ўкув фаолиятини шакллантириш асосида тарбиялаш мақсади эгаллайди, лекин бунда анъанавий предметларга доир кўникма ва малакаларнинг шаклланиш дараҷасига эътибор сустлашмаслиги лозим.

Бошлангич таълимнинг муайян мақсадларини ишлаб чиқишнинг ҳақиқий ахволи шундаки, янги устунликлар назарий ва амалий устунликлар жиҳатидан энг кам ишлаб чиқилган. Ҳозирги кунда предмет таълимнинг ўкув дастурларида белгиланган муайян мақсадлари ҳозирча кичик мактаб ёшидаги ўкувчиларнинг ёш хусусиятлари ва имкониятларидан ажralиб қолган, таълимнинг режалаштирилган натижалари ва уларни баҳолаш механизмлари нуқтаи назаридан ифодаланмаган. Бухол ўкув фаолиятини шакллантиришга доир ишлар билан предметлар бўйича кўникма ва малакаларни ўзлаштириш ўртасида узилиш мавжудлигидан далолат беради.

Бошлангич таълимдаги мақсадлар устунлигининг алмашинуви фақат предметлар ўртасидаги нисбат (асосий ва иккинчи даражалилик)нинг ўзгаришига олиб бормайди, балки шахсни камол топтириш вазифаларини кенгроқ ва тўлароқ амалга оширадиган янги, уйғунлашган курсларни ишлаб чиқишнинг асосини ҳам вужудга келтиради. Бундай курсларни ва уларнинг дастурларини ишлаб чиқиш ниҳоятда зарурдир.

Шулар билан бирга кичик мактаб ёшидаги ўкувчиларнинг ёш имкониятларини ҳисобга оладиган ва уларда ўкув фаолиятини шакллантиришга қаратилган янги типдаги таълим воситаларига ўтиш жуда муҳимдир.

Муайян йўналишдаги (математика, тил, эстетик ва жисмоний тарбия ҳамда бошқаларга доир) мактабларга болаларни ёшидан қатъи назар қабул қилинади, яъни олти ва етти ёшли болалар фарқланмайди. Бунда асосий мезон кўриш ва эшитиш хотиралари, мантиқий фикрлаш ҳамда нутқдан иборат бўлади. Мана шу мезонларга кўра бошлангич мактабнинг асосий вазифаси: болаларга кузатиш, ўлаш, ўкиш ва ёзишни, ўқилган ёки айтилган материалнинг асосий маъносини ажратиш ва таҳлил қилишни, муаммоли вазиятларни турли вариантларда хал этишини ўргатишидир. Синфнинг ахволига мувофиқ ўқитувчининг энг муҳим вазифалари: ўкувчиларнинг билимларни ўзлаштиришга тайёрлигини аниқлаш ва ривожлантириш; кейин ўқитишнинг индивидуал шакли методикасини ишлаб чиқиш, болаларнинг қобилиятлари ва ижодий қизиқишиларини такомиллаштириш; уларнинг тафаккури ҳамда ўқитиш дастурини максимал даражада ўзлаштириш иктидорини ўстириш; болаларнинг ўзига хос ва шахсий хусусиятларини ривожлантириш; уларни чукурлаштириш; билимлар асосида мактабнинг ўрта звеносидаги ўкишга тайёрлашидир.

Узбекистон мактабларининг тажрибали ўқитувчилари болаларни нейро-психологлар экспресс-диагностик текшириш асосида танлаш методидан фойдаланадилар. Буметодпсихология фанлари докторлари, профессорлар Б. Қодиров ва Э. Г. Симерницкая, доцент С. Охунжоновлар томонидан ишлаб чиқилди. Улар ўкув режасига ижодий тафак-

курни ривожлантириш дарсларини, таълимнинг иккинчи тили информатика, шахмат ўйини дарсларини киритадилар.

Ижодий тафаккурни ривожлантириш дарсларининг (хафтада 2 марта) вазифаси қуидагилардан иборат эди;

1. Контуурсия, пиктограмма тили бўйича машқлар орқали образли тафаккурни ривожлантириш, табиий объектларнинг ўхшашлиги бўйича ишлаш;

2. Системали ва мантиқий тафаккурни ривожлантириш (бунга ўзаро узоқ ўхшашиликнинг боғлашиши, «Ҳа-йўқ» ўйини, ЭҲМ билан мулоқот контурли топшириқларни топиш, «Циферблат — умумий тизим қисмнинг системаси — системалар» ўйини киритилган;

3. «Яхши — ёмон» ўйини, эртаклардаги зиддиятларни излаш орқали диалектик тафаккурни ривожлантириш;

4. Табиатдаги ҳодисаларни бевосита кузатиш асосида болаларнинг дикқатини табиат гўзалликлари га жалб қилиш;

5. Эртакларнинг сюжетлари билан ишлаш, турли эртакларни таҳлил қилиш, табиатдаги ўхшашиликларни боғлаш асосида кичик сюжетлар тузиш, бир эртак обьектини иккинчи эртакка кўчириш йўли билан сеҳрли сюжетлар ва эфектлар яратиш; эртакли масалаларни ҳал қилишда тасвирий санъат усулларини қўллаш.

Математика таълими жараёнига шахмат ўйини ва информатика дарслари жорий қилинган эди. Шахмат синфдаги ҳамма ўқувчилар учун мажбурий қилиб белгиланганди. Чунки шахмат орқали ўқувчиларда хотирани, хатти-харакатнинг маълум мантиқини, ўйинда рақибининг мақсадини ҳисобга олиш кўзланган натижаларга эришиш учун ўзининг

ишларини режалаштириш кўникмаларини, меҳнат-севарлик ва батартибликини ривожлантириш мумкин.

Ўқувчилар I—IV синфларда ЭҲМ билан шугулланиб, машқларни машинада ишлаш малакаларини хосил қиласидилар, математика, табиатшунослик, меҳнат дарслари бўйича ўйин дастурларини ўзлаштирадилар, шунингдек, тест асосида психологик йўналишдаги ҳар хил машқларни бажарадилар.

Ўйин шаклида олиб борилган тил билан боғлик дарсларда таълимнинг иккинчи тилини ўрганишда асосан сўзларни, ибораларни эслаб қолишга, ўқиш ва ёзиш малакаларини шакллантиришга аҳамият берилди.

Ўқитишининг гуманитар йўналишларини «Атрофимиздаги олам», тасвирий санъат, мусика ва ракс дарслари ташкил этди. Бундай дарсларнинг вазифаси ахлоқий ва эстетик тарбиянинг асоси бўлиб, чинакам инсонийлик сифатларини ва раҳмдилликни, инсон ва табиатнинг гўзаллигини кўра олишини ривожлантиришдан иборат эди.

Таълимдаги ноанъанавий ўкув жараёнининг анашу хилдаги бойлиги тиббиётчилар ва психологлар томонидан доимий равишда назорат олиб борилишини талаб қиласи.

Синф психологларининг асосий вазифаси болаларнинг ўкув жараёнига, психологик барқарорликка кўникишини аниқлашдан иборат эди. Психологлар дарсларга кириши; ўқувчилар ва отаоналар билан сухбатлар ўтказишлари лозим. Улар тўплаган маълумотлар ўкув жараёнини олдиндан белгилаш имконини берадиган маҳсус дафтарларга мунтазам равишда ёзib борилиши шарт. Синф психологининг яна бир вазифаси хотиранйнг ривожлантиришга доир машғулотларни ўтказишдан иборат бўлиб, бу иш таълимнинг бошлангич звеносида жуда зарурдир.

ТЕНГЛАШТИРИШ СИНФЛАРИ ТҮФРИСИДА

Заиф ва ижтимоий ноқис болаларга табақали ёндошишни амалга ошириш, уларни методик максадга мувофик йўсинда ўқитиш психик соғлом ҳамма болаларга битта синфда таълим бериш-имконини яратади.

Хусусан ана шу муаммо хал қилинмагани сабабли кейинги пайтларда селекция ишининг тузатиш синфлари деб аталадиган алоҳида шакли анча кенг тарқалди. Бундай синфларда ўқишида турли кийинчиликлар боис яхши ўзлаштирмайдиган, баъзан касалига нотўғри ташхис қўйилган болалар хам маҳсус жамланади.

Маҳсус мактаб жамоаларини ташкил этиш масалалари психологлар, тиббиёт ходимлари ва педагоглар томонидан қунт билан чукур тадқиқ қилиниши керак. Бу тадбир ўқитиш, тарбиялаш ва камол топтириш натижаларини баҳолаб, ўқувчиларни навбатдаги синфга ўтказиш муаммосини хал қилишда энг муҳим аҳамиятга эга.

Мактабларда ўқув жараёнини ташкил этишга табақали ёндошиш учун тенглаштириш синфларини яратишнинг психологик жиҳатдан ҳам, педагогик жиҳатдан ҳам ўзига хос қийинчиликлари бор. Психологик йўсингдаги қийинчилик шундан иборатки, ўқитувчи учун кўли остидаги болаларнинг кимлигини, ички дунёсини ва улар билан қандай ишлаш кераклиги, нима учун шундайлигини дарров билиб олиш анча мушқулдир. Ўзлаштирмайдиган болаларда хотиранинг ҳамма тури паст бўлади ва уларга таҳлил қилишни, таққослашни ҳам умумлаштиришни алоҳида эътибор билан ўргатиш зарур.

Индивидуал ёндошиш хусусан тенглаштириш синфларидаги таълим ва тарбиянинг етакчи прин-

ципидир. Таълимда олға силжиш учун ўқитувчи жуда кўп меҳнат килиши, хилма-хил машғулотларни индивидуал йўсинда амалга ошириш лозим бўлади.

Болаларни умумий таълим мактабидаги ўқув жараёнига қўшиш учун уларнинг билимлари, кўнкима ва малакаларини тенглаштириш вазифасини ўқитувчи, тарбиячи ва ота-оналар ҳамкорликда уddaлашлари мумкин. Мазкур синфлардаги ўқувчилар билан ишлайдиган тарбиячи ўқитувчининг ишини давом эттириши, ҳар бир ўқувчига алоҳида-алоҳида ёрдам бериш учун маҳсус тайёргарликдан ўтиши керак.

Ўқитувчи болаларнинг чарчаб қолмаслигини эътибор билан кузатиб бориши зарур. Шунингдек, таълимнинг усул ва методларини пухта ўйлаб, ҳар бир болага индивидуал ёндошишни ҳисобга олиши даркор. Ўқитишнинг амалий ва назарий бўлимларини уйғунлаштириши, ақлий зўрикиш ва хордик чиқариш пайтларини навбатлаштириб бориши лозим.

БОШЛАНГИЧ МАКТАБДАГИ ЎҚИТИШНИНГ ТАЪЛИМИЙ-ТАРБИЯВИЙ ВА КАМОЛ ТОПТИРИШ ВАЗИФАЛАРИ

4Умумий таълим ва хунар мактабини ислоҳ қилишнинг асосий йўналишлари амалга оширилаётган ҳозирги шароитда бошлангич таълим болаларни ҳар томонлама камол топтиришнинг асосини вужудга келтиради, уларда тез тушуниб, ифодали ўқиш, хисоблаш, ёзиш, равон сўзлаш ва маданий хулқ малакаларининг мустаҳкам шаклланишини таъминлайди. Бошлангич мактаб ўқишига ва ижтимоий-фойдали меҳнатга ҳалол муносабатни, Ватанга муҳаббатни тарбиялайди. Бошлангич синфларда ана шу вазифаларни бажаришнинг

йўлларидан бири ўқитишнинг таълимий, тарбиявий ва камол топтириш функцияларини амалга оширишдан иборатdir.

Бошлангич мактабнинг ўкув дастурларида ўқитувчи ишининг ана шу йўналишлари хақида гап боради. Давлат дастурини бажариш — ҳар бир ўкув предметининг, таълимий, тарбиявий ва камолтоптириш имкониятларини рўёбга чиқаришдир. Она тили дастурида саводхонлик, ўқиш, фонетика, грамматика ва чиройли ёзишни ўргатиш орқали болаларнинг нуткини ўстириш, инсон, табиат, ва жамият тўғрисидаги тасаввурини бойитиш, улardaғоявий-сиёсий, ахлоқий ва эстетик тушунчаларни шакллантириш, мантиқий ва муайян образли фикрлашни ривожлантириш, ўкув машгулотлари ва китобга қизикиш уйғотиш вазифалари қўйилади.

Математиканинг таълимий имкониятлари ўкувчиларни тарбиялаш билан узвий боғлиқцир. Математика билан шуғулланиш болаларда илмий дунёқарашнинг асосларини таркиб топтиради, билиш қобилиятларини ривожлантиради, ўқишга ва меҳнатга ҳалол муносабатни, Ватанга муҳаббат туйғуларини тарбиялади.

Табиатшунослик курсининг мазмуни кичик мактаб ёшидаги ўқувчиларда жонсиз ва жонли табиат, меҳнат аҳли тўғрисида, табиатнинг йил фаслларидағи ўзгаришлар, ундаги нарсалар ва ҳодисаларнинг ўзаро боғлиқлиги тўғрисида жузъий билимларни хосил қиласди, уларни жонсиз ва жонли табиатини мунтазам равишда кузатишга ўргатади. Шахсий ва ижтимоий гигиеник малакалар билан танишитиради. Табиатшунослик болаларда табиатга муҳаббат уйғотади ва уни муҳофаза қилишга интилишни вужудга келтиради, мантиқий фикрлаш ва нуткини

ривожлантиради, қўникма ва малакаларни, меҳнат килиш истагини, интизомлиликни, қатъиятлиликни ва ўзаро ёрдам каби фазилатларни шакллантиради, ватанпарварлик тарбиясида ёрдам беради.

Бошлангич синфлардаги «Меҳнат таълими» ўкув предмети ўкув Чиларга таълим ва тарбия бериш, уларни камол топтириш тизимининг таркибий қисми ҳисобланади. Меҳнат таълими дастури техник, майший хўжалик меҳнатини ва турли материалларга бадиий ишлов бериш асосларини ўз ичига олади. Мана шу ўкув предмети меҳнат маданияти асосларини, ижтимоий-фойдали меҳнат бўйича дастлабки қўникма ва малакаларни шакллантиради, меҳнатсеварликни, меҳнатга тўғри муносабатни, тежамкорликни, табиатга ва ижтимоий мулкка эҳтиёткорона ёндошиш туйғуларини тарбиялади, ғоявий-сиёсий, эстетик, жисмоний тарбияни амалга оширишда ёрдам беради, ижрочилик фаолиятига тайёргарлик билан бирга ижодкорлик қобилиятларини такомиллаштиради.

Жисмоний тарбия дарсларида ўқитиш, тарбиялаш ва камол топтиришнинг ўзаро боғлиқ масалалари қўйидагилардан иборат:

- ўсаётган организмнинг уйғун ривожланишига, соғлигини мустахкамлашга, чиниқишига ёрдам бериш;
- ахлоқий ва иродавий фазилатларини, хулқ маданияхини тарбиялаш;
- ўқувчиларни жисмоний маданият бўйича зарур билимлар билан куроллантириш, уларда энг муҳим ҳаракат қўникмалари ва малакаларини ҳамда физкультура комплекси нормаларини топширишга тайёргарликни таркиб топтириш;
- ўқувчиларда асосий жисмоний сифатларни ривожлантириш, кундалик ўйинларга, жисмоний

машқларга, спортга барқарор қизиқиши хосил қилиш, ўзини жисмоний баркамол этишга эхтиёжни тарбиялаш.

Ўқитиши жараённанда таълимий, тарбиявий ва камол топтириш функцияларини ажратиш билимларини ўзлаштириш ҳамда зарур шахсий сифатларни шакллантириш учун яхши шароитларни вужудга келтиради. Дарсда билимларни ўзлаштириш жараённанда қарашлар ва маънавий сифатлар ҳам шаклланади, албатта, яъни мазкур функцияларнинг бирлиги ва ўзаро боғлиқлиги кузатилади. Масалан, агар бола дастур материалини ўзлаштираса, мустақил фикрлаши етарли даражада ривожланмаганидан қатъи назар, унга юқори баҳо қўямиз. Ва аксинча, мустақил ҳолда ва ишонч билан мушоҳада юрита оладиган ўқувчи дастур материалини етарлича ўзлаштиргаган бўлса, ижобий баҳо ололмайди. Ўқитувчининг ўқитиши функциялари ўзаро боғлиқлигини чуқур тушуниш унга дарснинг таълимий, тарбиявий ва камол топтириш вазифаларини ижодий йўсинда қўйиш ва ҳал қилиш имконини беради.

Бошлангич мактабдаги ўқитишининг таълимий функцияси мазмунни предметлари бўиича ўқув дастурнида қайд қилинган билимлар кўникмалари ва малакаларининг мажмуидан иборат бўлади. Ана шу билимларни ўзлаштириш I, II, III синфни, бошлангич мактаб ва хоказоларни битиргач, муайян даражадаги маълумотлиликни таъминлайди.

Ўқитишининг таълимий функциясини амалга ошириши жараёни билимларнинг ва улар асосида шаклланадиган кўникмалар ҳамда малакаларнинг характеристига боғлиқцир.

Болаларнинг ўзларига мос қонуниятлар, тушунчалар, қоидалар ва таърифларини ўзлаштириши

билан боғлиқ назарий билимлар ўзларининг билиш фаолиятини ташкил этишининг маълум шаклларини талаб қиласди. Бунда фикрлашнинг мавхум шакллари устун бўлади. Ўқувчи мухим белгиларни ва асосий қоидаларни ажратса билиши керак. Унга билимлардаги тизимни топишни ўргатиш лозим, ана шундагина ёдланган қоидалар ва таърифлар юзаки бўлиб қолмайди. Ўқувчи назарияни тушунарли фактлар, шахсий тажриба, амалий ишлар асосида ўзлаштиради. Лекин билиш фаолиятининг самардорлиги кандай фактлар ва мисолларни эслаб колгани билан эмас, балки ана шу фактлар асосида тушунчанинг мухим белгиларини қанчалик ажратса олгани, таърифлар ва қоидаларни англагани билан белгиланади. Масалан, III синфдаги она тили дарсида ўқитувчи болаларни сўз туркумларидан «От» билан таниширади. Ўқувчи иккита белги: сўз предметни билдириши ва сўз (ким? нима? деган) саволларга жавоб бўлиши асосида ана шу сўз туркумини ажратади. Бунда асосий вазифа мазкур мухим белгилар билан иш кўра олишdir. Шу тарика боланинг онгидиа вужудга келади.

Ўқувчи учун фақат, айтайлик, «дараҳт», «уй», «трактор» каби хусусан отга тааллукли сўзлардан мисоллар келтириш мухим эмас, балки энг мухими ўрганилган иккита белги асосида мана шу сўзлар нима учун отга тааллукли эканини тушунтира олишdir.

Баъзан ўқувчи дарсда фаоллик кўрсатади. Предметни билдирадиган сўзлардан ҳар хил мисоллар келтиради. У ана шу сўз туркумини яхши ўзлаштиргандек туюлади. Лекин унинг жавоблари назарий жиҳатдан дастлабки билимлар ва илгари ажратилган иккита белги асосида сўзларни таҳлил қилишнинг натижаси эмас, балки ўртоқларига тақлид қилишдан иборат бўлиши мумкин.

Ўқитишининг таълимий функциясининг ана шу томонини амалга ошириш жараёнида бола ўкув материалининг назарий дастурини ўзлаштиради.

Ўқитишининг таълимий функцияси мазмунининг бошқа бир жиҳати фактли ўкув материалини ўзлаштиришdir. Бунда кичик мактаб ёшидаги ўкувчининг билиш фаолияти бошқача характер касб этади ва энг мухими турли фактларни, ходисаларни ҳамда уларни системалаштиришни билишdir. Масалан, II синфдаги табиатшунослик дарсida болалар кузатишлар орқали кузнинг белгилари: совук тушиби, ёғингарчилик, дараҳт баргларининг тўкилиши, ўт-ўланларнинг қуриб сарғайиши, кушларнинг учib кетиши, ховузлардаги сувларнинг музлаши ва ҳоказолар билан танишадилар. Бундадастлабки белгиларни эслаб қолиш, кейин улар хақида синфга ва ўқитувчига сўзлаб беришнинг ўзи етарли эмас. Энг мухими боланинг кузатишларини, унинг шахсий тажрибасига, табиатдаги кузги ўзгаришларни кузатишга доир билимларини системалаштиришdir. Кузнинг белгиларини пухта билиш болага муайян маълумотларни, таассуротларни системалаштиришда ёрдам беради.

Кичик мактаб ёшидаги ўкувчи ўзлаштирган билимлар маълум назарияга боғлиқ бўлмаслиги ҳам мумкин. Бундай билимлар одатда, ёзувчилар, шоирлар, мусиқачилар, олимлар, ишчилар ва бошқаларнинг хаётига оид маълумотлардан иборат бўлади. Ўқитишининг таълимий функциясининг ана шу томонини амалга ошириш жараёнида асосий иш боланинг илгари билмаган фактлар ва ходисаларни эслаб қолишидир.

Шундай қилиб, ўқитишининг таълимий вазифасини амалга ошириш ўқувчиларга бериладиган билимларнинг характеристига боғлиқ. Бошлангич мактабдаги ўқитишининг таълимий функциясининг \

мазмуни ўкув предметлари бўйича, дарслар ўрганиладиган мавзулар бўйича тақсимланади. Масалан, I синфдаги математика ўкув дастурида (I—IV синфлар) I дан 10 гача сонларни ўрганишга 34 та дарс, 1 дан 20 гача сонларни ўрганишга 12 та дарс, кўшиш ва айришига 62 та дарс ажратилган.

Ўкув материалини ана шу йўсинда тақсимлаш дарснинг таълимий вазифаларини қўйиш ва амалга оширишда ёрдам беради. Аввало дарсда мазкур вазифаларнинг қўйилишини осонлаштиради, ўкув материалининг муайянлигини, аниқлигини таъминлайди. Ўқитувчи дарсни бошлашдан олдин ўкув материалининг ана шу дарсда тушунтириши лозим бўлган қисми билан, дарсликнинг бу материал ёритилган қисмининг мазмуни билан танишади.

Мана шуларга таяниб дарснинг таълимий вазифасини ифодалаш қийин эмас, масалан: ўқувчиларга ўнгача тўғри ва тескари санаши ўргатиш; от тушунчасини бериш; кузнинг белгиларини тушунтириш ва ҳоказо. Таълимий вазифа қанчалик аник белгиланса ва у дарсда олинган ўкув материалига қанчалик мувофиқ бўлса, дарсда ўқитиш методиди танлаш шунчалик осон бўлади.

Ҳар бир муайян дарсда таълимий вазифа қўйилади ва амалга оширилади. Лекин бир дарсда битта юқоридаги каби вазифа қўйилса, иккинчи дарсда бошқа вазифа қўйилади ва ҳоказо. Таълимий вазифалар мажмуи ўқитувчининг ўқитиш функциясини ташкил қиласди.

Ўқитишининг таълимий вазифаси мажмуи ҳам берилган билимлар асосида шаклланадиган қўнишкадан иборат бўлиб, билимларнинг характеристи тегишли қўнишкалар билан белгиланади. Қўйидаги етакчи қўнишкаларни алоҳида ифодалаш мумкин: муайян ўкув предметининг назарий материали асосида шаклланадиган ва унинг ўзига хослигига мувофиқ қўнишкалар (масалан, сўз туркумларининг белгиларини

топиш кўникмаси) натурал қатор сонларни (10 дан ва-тескарисига) айтиш, кўшиш, бўлиш компонентларини търифлаш кўникмаси; йил фаслларининг белгиларини фарқлаш кўникмаси шулар жумласига киради.

Бошқа кўникмалар фактилди материалларни ўзлаштириш билан боғликдир. Бунда болага мавжуд фактлар ва маълумотларни мустақил ҳолда тизимлаштиришни, ҳар хил мисоллар келтиришни, коида ва търифларни тушунтиришни, масалан, I синфда ўқилган матн бўйича саволларга жавоб қайтариш ва расмларга қараб унинг мазмунини гапириб беришни, расмлар бўйича ҳикоялар тузишни, ўқилган асарнинг сарлавҳасини изоҳлашни ўргатиш ғоят муҳимдир.

V Бошланғич мактабдаги таълимий вазифанинг мазмунига, хотиранинг фаолиятига боғлик кўникмалар: ўқитувчининг талаби ва ўз хоҳиши бўйича ёдлаш, кейин ўрганилган шеърни эслаш, ўқувчилар, бастакорлар ва уларнинг асарлари ҳақида гапириб бериш ҳам киради.

Бошланғич синфлардаги таълимий вазифаларни амалга ошиши ўқитувчи ўрганиладиган билимларнинг ва шаклланадиган кўникмаларнинг хусусиятларини қанчалик кўра олишига боғликдир.

Ўқитишининг тарбиявий вазифаси ўқувчиларда ижобий қарашлар ва эътиқодларни, ахлоқийлик иродалилик ва хиссиётларни шакллантиришдан иборатдир. Ўқитувчи ҳар бир дарсдаги ўқув материалини ўргатиш жараёнида тарбиявий вазифанинг маълум бир томонини амалга оширади. Масалан, II синфда болалар ўз тенгдошларининг ишлари, уларнинг дўстлиги, ўзаро ёрдами, одамларга диққат-эътибори ва меҳрибонлик муносабати тўғрисидаги ҳикоялар ва шеърларни ўқийдилар. Мана шундай дарсларда уларда ахлоқийлик хусусиятлари шаклланади.^л

Дунёқараш, шахснинг ахлоқий фазилатлари, хиссиётлар, ирова хислатлари ва ҳоказоларнинг таркиб топиши узлуксиз жараён бўлиб, уни аниқ чекланган қисмларга ажратиш мумкин эмас. Масалан, битта дарсда ҳалолликни таркиб топтириш ёки дунёқарашни шакллантириш вазифасини тўла амалга ошириб бўлмайди.

Тарбиявий функцияни амалга оширишни қандай қилиб бошқариладиган жараён қилиш мумкин? Бунда тарбиявий вазифалар ёрдам беради. Одатда улар битта дарс доираси билан чекланмайдиган дарслар тизимига мўлжалланган бўлади. Тарбиявий вазифаларни амалга ошириш бола шахснинг ривожланишини, унда ижобий сифатлар ва хусусиятлар шаклланишини кучайтиради.

Шулар сабабли тарбиявий вазифаларни қўйиш анча мураккаб ишдир. Тарбиявий вазифа ўқувчидаги шахсни муайян сифатларини такомиллаштиришга қаратилиши лозим. Масалан, II синфдаги табиатшунослик дарсида табиатнинг баҳордаги ўзгаришлари ўрганилар экан, ўқитувчи кичик мактаб ёшидаги ўқувчиларда дунё ҳақида тасаввур ҳосил қилиш билан боғлик тарбиявий вазифани қўяди. Бу вазифа қўйидагича ифодаланади: кичик мактаб ёшидаги ўқувчиларда атроф-оламдаги нарсалар ва ҳодисаларнинг ўзаро боғлиқлиги ҳақида тасаввур ҳосил қилинади. Бундай вазифалар ўқувчига ўзи ўрганадиган ҳодисалар, воқеалар ва нарсалар орқали дунёнинг^лманзарасини тасаввур этиш имконини берадиган методни танлаш учун асос бўлади-.

Бунда боланинг баҳор пайтларида табиатда рўи берадиган ўзгаришлар ҳақида маълумотлар асосида атрофдаги оламни тасаввур этишга ҳаракат қилиши, баҳорда нималар бўлишини айтиш билан чек-

ланмай, хақиқий вөкеликни, нарсалар, ҳодисалар ва вөкеаларнинг ўзаро боғлиқлигини кўз олдига келтириши ҳам жуда мухимdir. Маълумки, ўкувчи билиш фаолиятининг характеристи дарсда таълимий вазифани амалага оширишдагига қараганда тарбиявий вазифани амалга ошириш анча мураккаб, зиддиятли бўлади. Ўкув дастурида тарбиялаш жараёнини ҳар бир алоҳида дарс учун қисмларга бўлиш назарда тутилмайди. Шунинг учун одатда маълум мавзуни ўрганишда тарбиявий вазифа қўйилади.

Тарбиявий вазифанинг натижалари таълимий вазифанинг натижалари каби муайян, аниқ қилинадиган бўлмайди. Тарбиявий вазифа ҳар бир ўкувчидаги турли даражада амалга ошади.

Масалан, кузатиш кундалигини юритиш она табиатга мухабbat уйготади. Бошлангич мактабда ана шу хилдаги ишларни бажаришда бу тарбиявий вазифа берилади. Лекин бир ўкувчи фаолиятнинг бутурини табиат ҳодисаларини кузатиш кундалигини мунтазам равишда тўлдириб бориш ва ўқитувчининг мактобини эшлиши, ҳамда яхши баҳо олишдан иборат деб билади; иккинчи ўкувчидаги табиатдаги ҳодисаларнинг ўзаро боғлиқлиги ва улар бир-биридан келиб чиқиши хақида тушунча хосил бўлади; учинчи ўкувчидаги кузатиш натижаларига боғлиқ ҳолда қишлиб қоладиган қушларни боқиш, ўсимликларни парваришиш, чуғурчуклар учун инлар куриш истаги пайдо бўлади. Аммо у ўзининг ана шу истакларини ахён-ахёнда амалга оширади ёки улар яхши ниятлигича қолиб кетади. Яна баъзи ўкувчилар учун бундай истаклар мустақил ҳолда амалий фаолиятга асос бўлади ва шу тариқа ўқитувчи кўйган тарбиявий вазифалар ўзининг тўлароқ информациини топади.

Дарснинг тарбиявий вазифалари ўкувчи шахсида муайян ахлоқий, эстетик, эмоционал ва иродавий сифатлар ҳамда хусусиятларини шакллантириш учун объектив шароитларни вужудга келтиради.

Бошлангич таълимдаги камол топтириш вазифасининг мазмуни билиш жараёнини фаоллаштириш, фикрлаш мантиқини, тафаккур усулларини, мушоҳада юритиш ва холосалар чиқаришни ўзлаштиришдан, ўқишига ва атрофдаги оламни билишга кизиқишини шакллантиришдан, ўқишининг ижобий мотивларини вужудга келтиришдан иборатdir.

Кўпинча дарсда ўқитувчи ўқитишнинг камол топтириш вазифасининг қандайдир бир томонига эътибор беради. Масалан, билиш жараёнини фаоллаштириш мақсадида зийраклик ва идрокни оширадиган вазифаларни қўллайди ёки математика масалаларини ечиш орқали анализ ва синтез усулларини шакллантиради ёки ўкув машғулотини қизиқарли шаклда ўтказиш воситасида ўқишининг ижобий мотивларини вужудга келтиради.

Ҳар қандай ўкув материалини ўрганиш ўқувчининг камол топишига, ундаги фикрлаш мантиқининг, билиш кучлари ва ўқиши мотивининг ривожланишига таъсир кўрсатади. Аммо дарснинг камол топтириш вазифаси қанчалик кам ифодаланса, ўқитувчи уни шунчалик кам англайди ва ўкувчининг камол топиши ҳам шунчалик тасодифан ва кутилмаган ҳолда амалга ошади. Ва, аксинча, ўқитувчи камол топтириш вазифасини қанчалик яққол кўрса ва англаса, дарсда ўкувчининг камол топишини шунчалик тўғри бошқариш мумкин бўлади.

Дарсдаги камол топтириш вазифаларининг мажмуми ўқитишнинг камол топтириш вазифасини олдиндан кўзлаган ва бошқариладиган жараёнга айлантиради.

Ўқитишининг камол топтириш вазифасини амалга ошириш ўз структураси бўйича тарбиявий вазифани амалга ошириш билан ўхшашдир. Тарбиявий вазифани амалга оширишдаги сингари камол топтириш вазифасини амалга оширишда хам энг муҳими ўқувчининг камол топишига муайян интилишларни шакллантиришдир. Битта дарсда анализ ва синтезнинг мантикий усулларини, мавхум фикрлаш қобилиятини ривожлантириш, фаол ва мустақил фикрларни шакллантириш вазифасини қўйиш ва амалга ошириш мумкин эмас. Лекин мана шундай вазифаларни дарслар тизимидағи маълум мавзууни ўрганишда хам, ҳар бир дарсда хам қўйиш зарур. Дарснинг камол топтириш вазифаларини амалга ошириш доимий равишда маълум ғояларни режалаштириш ва фикрлаш мантиқини, фаоллик ва билишга қизиқиши ривожлантиришдан иборатдир-.

Камол топтириш вазифасини амалга ошириш натижаларини башорат қилиш қийин, лекин уларни мўлжаллаш, ҳар ҳолда камол топтириш йўлини олдиндан кўриш ва ўқувчи ана шу йўлдан ўқитувчининг ниятига, педагогик назоратига ва ўкув материалининг мантиқига мувофиқ йўсингда боришини кўзлаш керак. Масалан, ўқитувчи болаларга иншо ёзиш жараёнида мустақил фикрлашни ўргатиш вазифасини қўиди. Бу вазифани қандай қилиб амалга ошириш керак? Одатда болалар расмга қараб матнни батафсил ёзадилар. Унинг мазмунини таҳлил қиласидар, грамматик ва услубий хатоларга йўл қўймаслик учун маълум сўзларга ва гапларнинг турли вариантиларига мурожаат этадилар. Бундай шароитда бола мустақил фикр-мулоҳаза юритмайди, у асосан ўқитувчининг характеристига тақлид қиласиди.

Шунга кўра ўқувчи учун у тавсия этган моделлар ва намуналарга камроқ боғлиқ бўладиган шароитларни яратиш керак.

Бундай шароитларга чинакам табиий ва ижтимоий ҳодисаларни кузатиш асосида иншолар ёзиш энг мувофиқцир. Мисол тариқасида Тошкент шахридаги мактаблардан бирининг II—III синфларида «Пахта даласи» мавзуси бўйича ёзилган иншони кўриб ўтайлик. Болаларга иншони қўйидаги режа асосида ёзиш тавсия этилди: 1. Пахта даласининг умумий кўриниши. 2. Даладаги айрим ҳодисалар. 3. Менинг пахтадаласига муносабатим.

Болалар аввал далага чиқадилар. У ерда табиатдаги ўзгаришларни кузатадилар. Сўнгра мактабга қайтиб, таассуротларини ва ишлатилиши мумкин бўлган гапларни таҳлил қилмай, иншони ёзишга киришадилар. Бу метод мустақил фикрлаш ва мушохада юритишин вужудга келтиради, бунинг далини иншонинг матнларида яккол кўриш мумкин. Ҳар бир бола ўзи кузатган, тасаввур этган ва эслаб қолган нарсаларни тавсифлашгз тиришади. Лекин изланишда ҳиссий образларнинг бойлиги ва хилма-хўйлиги намуна ёки модель бўйича дуч келган ибора билан ифодаланавермайди.

Болаларда мустақилликка ва ижодкорликка иштиёқни шакллантириш ниҳоятда муҳимдир. Ҳар қайси болада ана шу иштиёқ турлича (кўпроқ ёки камроқ) даражада вужудга келади, аммо уларнинг ҳаммасида намоён бўлавермайди. Шунга кўриниш ўқитишининг камол топтириш вазифаси олдиндан пухта ўйлаб, мўлжал билан амалга оширилади.

Шундай қилиб, ҳар бир дарсда ўқитишининг учта: таълимиy, тарбиявий ва камол топтириш вазифа-

лари у ёки бу даражада қатнашади ҳамда амалга оширилади.

Уларнинг ўзаро боғлиқлиги ва бирлиги зидди-ятлидир. Агар ўқитувчининг фаолияти дарснинг таълимий вазифасини амалга оширишга қаратилса, у ўқувчининг билиш фаолиятида асосий ўринни эгаллайди. Бундай ҳолда ўқитишнинг бошқа вазифалари, яъни тарбиявий ва камол топтириш вазифалари ҳамда уларга мувофиқ топшириқлар мазкур дарсдаги ўқув жараёнининг ёрдамчи, қўшимча компонентлари хисобланади. Масалан, ўқитувчи дарсда ўқиши техникасини ўргатса, китобга мухабbat уйғотиш ва ўқилган нарсаларга қизикиши хосил қилиш ёрдамчи, қўшимча вазифа бўлади.

Борди-ю, дарсда ўқитувчининг фаолияти тарбиявий вазифани бажаришга қаратилса, таълимий ва камол топтириш вазифалари ҳамда уларга мувофиқ топшириқлар ўқитиш-тарбиялаш жараёнининг ёрдамчи компонентларига айланади. Масалан, дарсда ўқитувчи ўқилган материалнинг маъноси устида ишласа, асарнинг мазмунига эстетик, ҳиссий муносабатни шакллантириша, ўқиши техникасини ўргатиш ёрдамчи вазифа бўлади.

Ниҳоят ўқитувчи дарсда асосий дикқат-эътиборини ўқитишнинг камол топтириш вазифасини амалга оширишга жалб этса, таълимий ва тарбиявий вазифалар унга нисбатан ёрдамчи мавқега эга бўлади. Масалан, математика дарсда ўқитувчи болаларга зийраклик ва топқирликни ривожлантирадиган топшириқлар, муаммоли саволлар берса, дидактик ўйинларни тавсия қилса, камол топтириш вазифаси етакчи бўлади. Хисоблаш малакаларини, математик операцияларни ўргатиш эса ёрдамчи вазифага айланади.

Ўқитувчининг мажбурияти ана шу дидактик боғланишни кўра олишdir. Ҳар гал вазифаларнинг етакчилик ҳолатини ва уларга таалуккди топшириқларни ўзгаришиша ўқувчи билиш фаолиятининг характеристи ҳам ўзгаради.

Масалан, дарснинг назарий материалини ўзлаштириш билан боғлик таълимий вазифаси ўқувчининг мавҳум фикрлаши асосида амалга оширилади. Кичик мактаб ёшидаги ўқувчидаги дунё ҳақидаги тасаввурларни шакллантирадиган тарбиявий вазифа ҳиссий образлар асосида ҳал қилинади. Дарснинг камол топтириш вазифаси мантиқий операцияларни шакллантиришга қаратилади ва у ўқувчидан муайян намуна бўйича фикрлар ва мулоҳазалар тузишни талаб қиласи. Ана шу нуктаи назардан ўқитувчи ўрганиладиган мавзу бўйича ҳар бир дарсни ўтказиш тизимини ўйлаб блади.

Дарснинг таълимий, тарбиявий ва камол топтириши вазифаларининг турларини, шунингдек, уларни амалга ошириш усусларини излаш бошлангич таълим методикаси ва амалиётининг такомиллашувига ёрдам беради. Ўқитувчининг ўқитиш жараёнида таълимий, тарбиявий ва камол топтириш вазифаларини амалга ошириш йўлларини билиши уларнинг ижодкорлик ва педагогик маҳорат билан ишлашини таъминлади.

ДИДАКТИК ТАДҚИҚОТ МЕТОДЛАРИ

Умумии дидактика битта методдан эмас, балки, турли методларнинг бутун бир тизимидан фойдаланиб, таълимнинг ўз тадқиқоти мавзуси билан, яъни унинг дидактик тизимларининг мақсадлари, мазмуни, жараёнлари, принциплари, методлари, ташкилий шакллари ва воситаларини ўрганиш би-

лан бевосита ёки билвосита боғлиқ ғоят мұхим жи-хатларини' ёритади,-. Ўқитиши жараёнининг турли жиҳатларини тизимлаштириш, таққослаш ва таҳ-лил қилиш улар орасидаги миқдорий хамда сифатий боғланишларни аниклаштириш имконини бе-ради. Ана шу боғланишлар туфайли дидактикада амалий ўқув жараёнида кузатиладиган белгилар ва ҳодисалар (нарсаларнинг холати, жараёнлар) ўрта-сидаги объектив мавжуд барқарор алоқалар ва мун-носабатлар аникланади ва таърифланади. Бундай алоқалар ва боғлиқликлар сабаб-натижа, структу-равий ёки функционал характерга эга.

Сабаб-натижа алоқалари, масалан, ўқитувчи бажарадиган дидактик ишларнинг маълум мажмуюи (сабаб) билан ўқувчиларда рўй берган ўзгаришни акс эттирадиган янгиликлар (натижа) ўртасида вужудга келади. Иккита (ёки ундан ортиқ) ҳодиса биргаликда кўриниб, нисбатан барқарор структура ҳосил қилишини структуравий алоқалар дейилади. Мана шу қонуниятнинг далили сифатида ўрта мак-таблардаги икки йиллик кўрсаткичлари ортиб бо-раётган синфларда ўқувчиларнинг кўпайиб бора-ётганини айтиш мумкин. Ва ниҳоят функционал боғлиқлик тадқиқ қилинаётган ҳодисанинг айrim характеристикалари билан бошқа характеристикала-рининг ўзгариши ўзаро мувофиқ вазиятларда вужуд-га келади. Мана шу хилдаги боғлиқликнинг мисоли сифатида олий ўқув юртларидаги дехқон ёшлари салмоғининг камайиши ёки кўпайиши худди ана шундай ёшларнинг умумий таълим мактабларида-ги салмоғи камайиши ёки кўпайишига пропорци-оналлигини кўрсатиш мумкин.

Дидактик тадқиқотларда таълим жараёнига боғ-лиқ ишлар ва ана шу жараёнда амалга ошадиган

шароитлар кўпинча эркли ўзгарувчан ишлар сифа-тида, шу билан бирга улар орқали эришиладиган натижаларни одатда боғлиқ ўзгарувчан натижа деб ифодаланади.

Маълум қонуниятларни ойдинлаштирадиган ва уларни баркаорлаштириш хамда педагогик иш нормаларини белгилашда ёрдам берадиган дидак-тик ҳодисаларни ўрганишда кузатиш, педагогик эксперимент, интервью олиш, анкеталаштириш, педагогик ҳужжатларни таҳлил қилиш, статистик таҳлил методларидан фойдаланилади. Бундай ҳол-ларда дидактлар тадқиқот ишини кузатиш, психо-логик ва дидактик тестлар, саволнома-интервью, саволнома-анкета, нисбатлар шкаласи каби воси-таларини кенг қўллайдилар.

Кузатишнинг моҳияти дидактик ҳодисалар ва жараёнларни мақсадга мувофиқ равища, режа асо-сида ва мунтазам ўрганишдан, уларнинг ўзгариши-ни хамда ўзаро алоқаларини аниклашдан иборат-дир. Кузатишларни бевосита ва билвосита амалга ошириш мумкин. Биринчи ҳолда мазкур дидактик жараённинг табиий ривожланиши кузатилиб, ре-жага мувофиқ маълумотлар тўпланади. Ана шу жа-раёнда кузатувчининг ўзи ҳам қатнашса, масалан, дарс ўтса, иштирокли кузатиш дейилади. Иккинчи ҳол, яъни билвосита кузатиш ҳодисаларни ёки бар-қарор жараёнларни техник воситалар, стенограм-малар, баённомалар ва хоказолар ёрдамида мақ-садга мувофиқ равища, мунтазам тадқиқ қилишга таянади.

Кузатиш методи самарадорлигининг ва уни-кўллаш тўғрилигининг энг мұхим шарти кузатишларнинг мақсадини аниқ белгилаш ва улар учун айнан мос, яъни кузатувчига маълумотларни режа

асосида ва мунтазам равишда тўплаш имконини берадиган жойларни танлашдир. Шунингдек, кузатишларнинг натижаларини кинога олиш, магнитафон лентасига ёзиш, стенограммага кўчириш ва бошқа йўллар билан мустаҳкамлаш ҳам дидактик тадқиқотлар учун муҳим аҳамиятга эга. Чунки бу тадбир мазкур жараённи ёки ҳодисани кўп марта такрорлаш ва турли нуқтаи назардан таҳлил қилиш имконини яратади,

Кузатиш ёрдамида олиб бориладиган тадқиқотларда кузатувчи эркли ўзгарувчини алмаштира олмайди, чунки бундай ўзгарувчи унга боғлик бўлмайди. Шу билан бирга эркли ўзгарувчи ҳам, эрксиз ўзгарувчи ҳам тегишли тадбирлар ёрдамида белгиланиши мумкин.

^лЭксперимент кузатишдан фарқланади. Кузатиш тадқиқотчининг мақсадларига дахлсиз ҳолда ва унинг қандайдир йўсинда аралашувисиз рўй берадиган ва амалга ошадиган ҳодисалар ҳамда жараёнларни ўрганишдан иборатдир. Эксперимент эса тадқиқотчи онгли равиша вужудга келтирадиган ва.ўзи назорат қиласиган ҳамда ўзгартирадиган шароитда кечадиган ҳодисалар ҳамда жараёнларни ўрганишга харакат қиласи. Бошкacha айтганда, эксперимент билан кузатиш ўртасидаги тафовут кўрилаётган ҳодисалар ва жараёнларнинг вужудга келишида, уларнинг тадқиқот учун атайнин келтириб чиқарилганида ёки, лоақал улар кечадиган шароит ўзгартирилганида (эксперимент) ва ёки улар тадқиқотчининг мўлжалига дахлсиз ҳолда пайдо бўлишида (кузатиш)дир. Агар масалан, кимдир ўқувчиларнинг улар учун янги вазиятлардаги ўзи кузата олган хатти-харакатларини таърифласа, буни кузатиш методидан фойдаланиш, дейилади, бор-

ди-ю, ана шу вазиятларни тадқиқотчининг ўзи ўқувчилардаги таассуротни ўрганиш учун атайнин вужудга келтирган бўлса, буни тадқиқотчининг эксперимент ўтказиши дейилади^л

Шундай қилиб, эксперимент ҳодисалар ёки жараёнларнинг вужудга келиши ёки уларнинг боришидаги ўзгаришлар билан боғлик бўлиб, бундай ўзгаришлар мазкур ҳодиса ёки жараёнларга қандайдир янги омилни ва кузатишни киритиш ҳисобига содир бўлади. Ана шу янги омил тадқиқотдаги эркли ўзгарувчи бўлади ва ундан келиб чиқадиган ўзгариш эса эрксиз ўзгарувчилар ҳисобланади. Умуман экспериментнинг моҳияти эркли ўзгарувчини (эркли ўзгарувчиларни) манипуляция қилиш имкониятидан, ана шу манипуляция натижасида рўй берган ўзгаришларни назорат қилиш имкониятидан, тадқиқотларга жалб этилган шахслар ва гурухларни танлашдан иборат, дейиш мумкин.

/Тқдагогик экспериментни лаборатория эксперименти шаклида олиб борилса, мазкур жараён ўзи учун маҳсус яратилган шароитда вужудга келади ёки ўзгаради; агар табиий эксперимент шаклида олиб борилса, унинг учун типик шароитда тадқиқот ўтказилади. Олимлар тадқиқотларга киришишда ифодалайдиган иш гипотезалари лаборатория экспериментига ҳам қамралган ҳодисалар ёки жараёнларни таҳминан тушунтиришдан иборат бўлади. Ана шу хилдаги гипотезаларни кузатишларда ҳам кўллаш мақсадга мувофиқдирУ

Педагогик эксперимент умумий дидактика ўз тадқиқотларида фойдаланиладиган методлар жумласига киради. Шу билан бирга у бирмунча чеклангандир. Бундай эксперимент воқеликнинг баркарор элементларини билишни таъминласа ҳам,

умуман воқеликнинг ривожланишини, унга хос узлуксиз ва тақрорланмас ўзгаришларни ана шу йўсинда муваффақиятли тадқиқ қилиш имкониятини бермайди. Ваҳоланки, таълим-тарбия жараёнида хусусан бундай воқеликка жуда кўп дуч келинади.

Сузатишлар ва эксперимент орқали олиб бориладиган тадқиқотларда ўзгарувчиларнинг қийматини ўлчашга ёрдам берадиган асосий воситаларнинг бири тестлардир.

Дидактик тестлар ҳар хил йўсинда текширишларга, ёзма ишларга ва ўқитиш натижаларини назорат қилишнинг оғзаки шаклларига ўхшайди ва экспериментал тадқиқотларнинг натижаларини баҳолиш учун хизмат қиласди. Тестли тадқиқотлар ўқитиш натижаларини назорат қилиш ва баҳолашнинг бошка усусларидан ўзининг аниқлиги ва объективлиги, шунингдек, ўлчашиб учун қулайлиги билан фарқланади.

Дидактик машғулотларда аввало ўқишиб, ёзишиб, оддий арифметик операциялар каби жузъий қўникмаларнинг тестлари хамда юқори синфлардаги ўқувчиларни ва талабаларни текширишда ёрдам берадиган билимлар ва қўникмаларнинг турли тестлари қўлланилади.

Баъзандидактик тестларни касбий (стандартлаштирилган) ва ўқитувчилик тестларига ажратилади. Касбий тестлар тегишли мутахассисларнинг тайёрланишини, диагностика назариясидан келиб чиқадиган жуда кўп шартларини бажарилишини, шунингдек, стандартлаштириш мақсадлари учун зарур узоқ мuddатли текшириш тадқиқотларини талашиб қиласди; ўқитувчилик тестлари ҳам гарчи тўғри диагностика ва статистика шартларига жавоб беш

риши лозим бўлса-да, ўзлари ўтказган машғулотларда эришилган таълимий натижаларни тадқиқ килувчилар томонидан тузилиши мумкин эмас. Лекин бундай тестлар стандартлаштирилган тестларнинг характерига эга бўлмайди.

Психологик тестлар, аввало қобилият ва шахс тестлари ўқувчиларнинг умумий аклий иқтидорига, характер хислатларига, ҳиссий кечинмаларига, хулқ мотивларига доир ахборотлар олишни таъминлайди. Кўпинча бундай ахборотлар ўқишиб натижаларининг ва хусусан ўқувчилар дуч келадиган қийинчиликларнинг психологик боғлиқлигини тушунтириш учун фойдали бўлади.

Дидактик тадқиқотларда муайян шахслар эгаллаган билим тўғрисида, шунингдек, уларнинг маълум ҳодиса ва жараённи баҳолашиб тўғрисида ахборот олиш зарурати туғилса, интервью ва анкетадан фойдаланилади. Интервью олиш ҳар хил шаклда ўтказиладиган сухбатларнинг ўзида ахборотлар тўплаш имконини беради. Масалан, эркин сухбатнинг мазмунин тадқиқотнинг мақсадига кўра белгиланади. Тадқиқотчининг олдиндан ҳисобга олинган муаммо бўйича ўтказиладиган сухбатида саволларнинг шакллари бўлмайди. Нихоят, бошқариладиган сухбат давомида тадқиқотчи аниқ ифодаланган қатор саволларга ўқитувчиларнинг оғзаки жавобларини кутади. Бошқариладиган сухбат шаклида интервью олишдан илгари тадқиқотчи саволнома тузади ва у биринчи ҳолда ўқитувчининг ўзига хос хусусиятларига мувоғиқ саволлар рўйхатидан иборат бўлади, иккинчи ҳолда эса барча текширилаётганлар учун бир хиллигича қолади. Бошқариладиган сухбат ва маълум муаммо бўйича сухбат шаклидаги интервью олиш эркин сухбат шаклидаги интервью

олишдагига нисбатан түлароқ ва объективроқ маълумотлар түплаш имконини яратади^л. Анкеталар тузилган саволлар рўйхати (анкета саволномаси) ёрдамида шахсларнинг танланган доирасидан керакли ахборотларни олиш имкониятини яратади^л. Интервью ва анкета методларидан вақт-вақтида тасодифий ва нотўғри жавобларни бартараф этиш учун бир йўла фойдаланилади.

Ледагогик ҳужжатларни таҳлил қилиш дидактик тадқиқотларнинг қўйидаги методига боғлиқдир. Бу метод ўқув дастурлари, мактаб дарслеклари ва журнали, педагогик кенгаш баённомалари ва ўқитувчиларнинг ёзувларида, шунингдек, тиббий ёки психологик текшириш натижаларига доир ҳужжатларда ифодаланган ахборотлардан фойдаланишга хизмат қиласди. Бундай ахборотлар таълимнинг мазмунига, ўқувчилар атрофидаги муҳит (оила, мактабдан ташқари тенгдошлар гурухи)нинг хусусиятларига, уларнинг хулқи, соғлиғи, психик ҳолати, тарбияланишининг қийинлиги ва ҳоказоларга доир маълумотлардан иборат бўлади; Ўқувчилар фаолиятининг турли натижалари: ёзма ишлар, шеърлар, кундаликлар, расмлар, бадиий ва мусиқий асарлар (магнитофон ленталарига ёзилган ҳолда) ҳам ахборотларнинг бой манбаи бўла олади. Ана шу ҳужжатларни таҳлил қилиш орқали олинган ахборотлар ўқувчи хақидаги маълумотларни бойитади ва эксперимент ҳамда кузатишларда эришилган натижаларни талкин қилишда катта ёрдам беради^л.

Ҳужжатларни таҳлил қилиш методидан ўтган даврларни тадқиқ этишда чет эллардаги дидактик тизимлар характеристикасини ўрганишда фойдаланилади. Биринчи ҳолда у тарихий методларнинг

хусусиятларига эга бўлади, иккинчи ҳолда эса қиёсий педагогикада фойдаланиладиган методларга ўхшайди.

ЛДидактик тадқиқотнинг натижалари, асосан унинг якунловчи босқичида амалга ошириладиган миқдорий ишлаб чиқиши статистик таҳлилнинг ҳар хил методлари қўлланишини талаб қиласди. Шунинг учун олинган натижаларни таққосланадиган сонли катталикларда ифодалаш мумкин бўлади.

Статистик таҳлил бир томондан олинган натижаларни статистик тавсифлашни ва иккинчи томондан гипотезаларни статистик текширишни талаб қиласди.

Бундай тавсифлаш устунлик қиласиган белгилар учун характерли катталикларни, стандарт ва оғишини баҳолаш ва дисперсия ўлчашларини, шунингдек натижалар тақсимланишининг хусусиятларини аниклашни ўз ичига олади. Бундан ташқари статистик тавсифлаш абсолют сонларда ёки кўрсаткичларнинг фоизлари тарзида, корреляцион жадвал шаклида ифодаланган натижаларни таққослашдан иборат бўлиши мумкин.

Олға сурилган гипотезаларни текшириш статистик хulosаса ёрдамида амалга оширилади, бундай хulosаса айрим гурухларни тадқиқ этиш давомида олинган натижаларнинг фарқи статистик жихатдан қанчалик муҳим саволга жавоб бериш имкониятини яратади. Бундан ташқари, статистик хulosаси чиқаришда кузатиладиган фарқлар тасодифийми ёки ўзгарувчи ҳаракатининг натижасими эканини маълум даражадаги эҳтимоллик билан аниклаш мумкин.

Статистик таҳлил эҳтимоллик назариясига таянади ва шунга кўра мазкур асосда ифодаланган

умумлашма эҳтимоллик мушоҳадалари характеристига эга бўлади. Умуман айтганда, бошқа илмий тадқиқотлар сингари дидактик тадқиқотлар ҳам таҳлил қилинадиган воқеликни тавсифлаши (дескриптив ифодалаш функцияси,) аниқланган алоқалар ва боғланишларни тушунириши (эксланлашган — тушунириш функцияси), шунингдек, таълим билан боғлиқ ҳодисалар ва жараёнлар ривожланишининг боришини олдиндан айтиш имконини яратиши лозим (прогнозлаш ёки предиктив функция). Шунга кўра энг яхши омил тадқиқотни қуидаги босқичлар бўйича олиб боришдир:

— Эрксиз ўзгарувчини ва унинг ўзи учун муҳим эркли ўзгарувчилар билан алоқаларини таърифлаш. Бу босқичда: «Эрксиз ўзгарувчи нима?», «У нимага ва қандай боғлиқ?» — деган саволларга жавоблар асосий аҳамиятга молик бўлади.

— Энг муҳим саволлар ва гипотезаларни аниқлаштириш. Тадқиқотнинг ушбу босқичини ёритадиган асосий саволни қуидагicha ифодалаш мумкин: «Қандай ўзгарувчилар мазкур эрксиз ўзгарувчи учун муҳим?»

— Мазкур эрксиз ўзгарувчининг ўзи учун муҳим эрксиз ўзгарувчилар билан алоқалари ҳакидаги гипотезаларни ифодалаш.

— Тадқиқотга эркли ўзгарувчиларни кириш имконияти чекланмайдиган алоқалари ҳакидаги гипотезаларни текшириш.

— Тадқиқотнинг натижаларини умумлаштириш. Тадқиқотнинг ана шу босқичи учун асосий саволлар қуидагилардан иборатдир: «Тадқиқот натижасида олинган хулосаларга қайси соҳада амал қилинади?»

Мазкур шаклларда тадқиқотлар олиб борилса самарали натижа беради.

Савол ва топшириклар

1. Дидактика нимани ўрганади ва у айрим предметларни ўқитиш амалиёти билан қандай боғланган?
2. Таълим жараёнининг икки томонламалик тавсифи нимадан иборат?
3. Таълим жараёнининг харакатлантирувчи кучи нима?
4. Билим, кўникма ва малакалар деганда нималар тушунилади?

VIII боб. БОШЛАНГИЧ ТАЪЛИМ МАЗМУНИ ТЕХНОЛОГИЯСИ

Кўпчилик мамлакатларда болаларнинг мажбурий бошлангич таълими қатор йиллардан буён мавжуд бўлса-да, бироқ бу соҳада кўплаб муаммолар ҳануз ҳал этилмай келаётир. Жумладан:

- болалар таълими қайси ёшдан бошланиши керак;
 - ўқув синфлари қандай тузилиши керак;
 - бошлангич таълим мазмуни қандай бўлиши зарур? У нимага йўналтирилади: бола хотирасида билимларнинг тўпланишига, улар томонидан дастлабки билим ва кўникмаларни эгалланиши, тафаккури ва ҳисларини ривожлантиришга ва бошқаларга қаратилади.
 - оила ва мактаб тарбиясини қандай уйғунлаштириш керак; — оилавий тарбия устун бўлиши керакми ёки мактаб тарбиясими;
 - бошлангич таълим жараёнода болаларни тарбиялаш тизими қандай бўлиши лозим;
- Ушбу тамойиллар бир қатор психолог-педагогларнинг илмий ғоялар ва ишланмалари асосида амалга оширилиб келинди. Уларнинг тадқиқотлари икки йўналишда бўлган:
1. Ўқувчиларнинг табиий қобилияtlарини ривожлантириш хамда ўзлаштириш даражаси бўйича танлаш.

Бу йўналиш асосида деярли ҳар бир мактабда алоҳида «тенглашириш», «коррекциялаш» синфлари ташкил этилган. Маълумки, бундай синфларга, биринчи навбатда, у ёки бу хусусияти билан ўқитувчига ёқмаган болалар келиб тушган, улар эса янада ортда қолган.

2. Янада жиддий йўналиш: Бу Занков, Эльконин, Давидовлар усули бўйича ривожланган таълим синфа мактабларини тузиш, уларнинг раҳбарлиги остида собиқ СССР, жумладан, Ўзбекистонда кенг микёсдаги экспериментал тадқиқотлар олиб борилган эди. Кўпгина психологлар ва педагоглар ўз тадқиқотларида исбот килдиларки, қачон бола катталар ҳамкорлигига бирон нарсани уддаласа, ҳар қандай руҳий функцияни, шу жумладан, бола идрокини ривожлантириш энг дастлабки ривожланиш доираси орқали ўтади. У бу харакатни ўзи мустакил равишда бажара оладиган бўлгандан кейин муҳим ривожланиш поғонасига ўтади.

Л. С. Висодскийнинг таъкидлашича, бола мактабда ўзи мустакил иш бажара олиши учун эмас, балки ўқитувчи ҳамкорлигига, унинг раҳбарлигига иш бажариш учун ўқиши зарур. Бунда таълимнинг етакчи шакли кенг маънода эргашиб хисобланади.

Л. В. Занков ўз тадқиқотлари натижасида шундай хуносага келдики, болани ривожлантириш қонунлари кўпинча мактабда таълим-тарбиянинг қандай қурилганига боғлик бўлиб, ўқувчиларга талай мураккаб ва кенг материаллар бериш мумкин ва бошланғич таълимнинг бутун дастурини 4 йил ўрнига 3 ўқув йилида ўзлаштириш мумкин экан.

Ўқитиш ва ривожлантириш муаммосини тадқиқ этиш Н. А. Минчинская раҳбарлигига бошқача тарзда олиб борилди. Бунда ўқитувчиларнинг ақлий

камолатига асосий эътибор қаратилиб, таълим услубини такомиллашириш асосий восита сифатида фойдаланилди.

Д. Б. Эльконин раҳбарлигидаги психологлар гурхи ақлий камолатга таълим воситаси сифатида қаради. У ўтказган тажриба-тадқиқотлар мақсадидан бири мураккаб назарий материални ўзлаштиришда болаларнинг имкониятларини ҳисобга олиш эди.

В. В. Давидов фикрича, бошланғич таълим ўқувчиларда мушоҳаданинг илмий-назарий усулини шакллантиришга йўналтирилган бўлиши керак, шунингдек, бунинг учун таълим асосига умумлаштириш принципи қўйилади, деб ҳисоблайди. У яна бошланғич таълимнинг бутун тизимини болаларда мулоҳазали эмпирик мушоҳадани шакллантириш билан бирга, уларда замонавий илмий-ижодий мушоҳадани ривожлантиришга мослаштиришни тавсия этди.

А. Я. Галперин раҳбарлигидаги психологлар гурхи интеграция (ташқаридан ичкарига ўтиш) жараёнини ўрганишди ва ақлий ҳамда амалий ҳаракатларни босқичли шакллантириш назариясини ишлаб чиқишиди. Психолог-педагогларнинг шу гурхи тадқиқотларини болани ривожлантиришнинг психологик қонуниятларини аниқлаш кўпинча болаларда ўрганилаётган сифатлар: билим, кўникма, малака, саъи-харакатларни шакллантириш жараёнида олиб бориш мақсадга мувофиқ деган фикр билан боғлик ҳолда олиб бордилар.

Бироқ, Ўзбекистонлик олимларнинг таъкидлашларича, юқоридаги тадқиқотлар асосидаги тажрибалар бошланғич таълим мазмунидага ўқувчиларнинг фикрлаш фаолиятини оширган бўлса-да, болани эстетик-ахлоқий, бадиий-эстетик жиҳатдан ўстириш четда қолган, бошланғич синф ўқувчилари-

нинг жисмоний-физиологик ривожланиши эътиборга олинмаган. Ўқув материаллари эмоционал бўёгининг хиралашуви, назарий материалларнинг кўпайиши бола учун зерикарли бўлди.

Низомий номидаги Тошкент Давлат педагогика Университети қошидаги лаборатория асосий эътиборни бошланғич таълимнинг назарий-методик асослари моҳиятини, бошланғич синфларда ўқув предметларини енгиллаштириш мақсадида ўқувтарбия жараёнини интеграциялаш, ўқувчи тарбиясида Ўзбекистон халқлари тарихий қадриятларига, халқ анъаналарига ва урф-одатларига қатта эътибор қилган ҳолда таълимнинг умуммаданий йўналишини кучайтиришга қаратди.

«Таълим тўғрисида»ги Қонунга ва «Кадрлар тайёрлаш миллий дастури» га асосланган бошланғич таълимнинг ўқув-тарбия жараёни мазмунини олдиндан англаган ҳолда, аввало, психологик-педагогик асосга қурилган таълимнинг замонавий инсоний-ахлокий ва табиатан яратилган намунавий технологияси яратилди.

Бошланғич таълим технологиясини таҳлил қилиш натижасида ушбу технология асосида турган қуидаги психологик-педагогик қоидаларни вужудга келтириш имкони бўлди:

1. Таълим жараёни (ўқитиш ва тарбиялаш) «болани ўқишга ўргатиш» принципига қурилиши керак.

2. Таълим жараёнида (ўқитиш ва тарбиялаш) ҳар бир боланинг шахсий хусусиятлари намоён бўлиб, ва табиий эркин фаол иштирок этадиган бўлсин.

3. Таълим жараёни шундай қуриладики, бу ўқитишдан ва бошқа фаолиятлардан англашилган мақсад болаларнинг табиий ва ўсиб бораётган эҳтиёжларига мувофиқ бўлган мухим ва уларга тушунарли бўлишини таъминлашдир. Шу билан бирга

таълим жараёни ўқувчилар фаолиятининг ички имкониятлари устиворлигига қурилади. Баҳодан эса қулийкларнинг ташқи сабабларидан ёрдамчи во-сита сифатида фойдаланилади, холос.

4. Болалар томонидан ўрганилаётган фаннинг асосий билим-малакаларни эгаллаш улар учун кизиқарли ва тушунарли жараёнда амалга оширилади. Зоро, бу малакани эгаллаш, асосан тасаввур орқали амалга ошиб, улар бир болада кучли хотирлаш пайдо қиласи. Боланинг асосий ўқув малакасиний тез ва соз эгаллаши унинг умумий психологик ва аклий ривожланишига олиб келади. Бу эса, ўз навбатида, суст тайёрланган ва етарли ривожланмаган болаларда нуксонларнинг бартараф бўлишига олиб келади, табиатан қобилиятли бўлган болаларни эса ривожлантириб, янада юкори қобилиятларини юзага чиқаради.

5. Малака ва кўниқмаларни эгаллаш, уларни тақомиллаштириш болалар ижодиёти жараёнида бадиий ўқиш, халқ иқтисодиётини, бадиий меҳнатни ўрганиш орқали амалга ошади.

6. Бошқа таълим тизимларига қараганда мутлақо ўзгача таълим психо-физиологик модели ишлатилади. Бу аналитик-синтетик жараёнларни автоматлаштириш эмас, албатта.

7. Ўқув синфлари турли хиллик принципи: болаларнинг мактаб таълимига олдиндан тайёргарлиги даражаси бўйича ҳамда умумий психик ва аклий тараққиёти бўйича жалб қилинади.

8. Бола материални фақатгина эшлиши ёки ҳис қилиш аъзолари орқали ўзлаштирмайди, балки ўзида билишга нисбатан пайдо бўлган эҳтиёжни қондириш учун ўзлаштиради.

9. Таълимнинг муваффакиятли бўлиш шарти: ўқув материалини муаммолаштириш (билим-болалар,

хайратланиш ва қизиқувчанлик); боланинг фаоллиги (билимлар қизиқиши билан ўзлаштирилиши лозим); таълимийнг бола ҳаёти билан, ўйин, меҳнат билан алоқаси.

10. Муаммоли вазият пайдо бўлганда ўқитувчидан ўқув материалини муаммолаштиришни, дифференциал ва индивидуал ёндашишини талаб этилади.

Дарс жараснида дидактик, тарбиявий мақсадларни амалга ошириш ва болани ривожлантириш.

1. Бутун дарс давомида ҳар бир ўқувчининг онгли ақлий фаолиятига эришиш: бу — ўқувчилар бутун машғулот давомида ишлайди деганидир. Ўқувчи уй вазифасини текширишга киришади, янги материалларнинг баёнини тинглайди, уларни мустаҳкамлашда фаол қатнашади, мустақил ишларни бажаради. Бунда ўқувчиларни билиш фаолиятига механик тарзда киритилади деб ўйлаш нотўғри. Бу ерда гап табиий механизмларнинг ўқувчини фаол бўлишга гўё мажбур қилаётгандай таъсир этиши ҳақида кетяпти. Зеро, ўқув машғулотида ўша мезонни амалга ошириш учун ривожланиб борувчи усулни қўллаш зарур ва бунда ҳар бир ўқувчи фаолиятини дарснинг барча босқичида режали назорат қилиш лозим бўлади.

2. Ўқувчининг ўз фаолиятига ва ўзгалар фаолиятига ҳиссий алоқадорлигини таъминлаш. Бунда биз ақлий жараённинг ривожланиши кечинмаларсиз (хис қилиш) амалга ошмаслигидан келиб чиқамиз. Айни кечинмалар ўзгаришларни ва интеллектдан кейинги ривожлантиришни кучайтиради. Амалда болаларнинг ҳиссиётлари уларнинг ишларини харатлантирувчи кучга эга бўлиши маълум. Агар дарсда ўқувчи ўз муваффакияти ёки омадсизлиги ҳақида ташвишланса, бу ҳолат мотивлаштириш ва феъл-

авторларини бошқариш марказини қўзгатишга ёрдам беради (Л. С. Виготский). Агарда ўқитувчи ўқувчининг ўз фаолиятига ҳиссий алоқадорлигини таъминласа, шарт-шароит яратса, унда ҳиссий алоқадорлик бола интеллектуал ривожланишининг ички харакатлантирувчи кучи бўлиб қолади.

3. Дарсда ўқувчи билиш фаолиятини мотивлаштириш. Ривожланаётган усул тузилишига «ўзаро ижтимоий таъсир» деган таркибий қисм киради. Яъни, ҳар бир ўқувчига ўз билимини намрыйиш қилиш, амалий фаолиятга қодир бўлиш ва бунинг учун билим олиш имкониятини беришдир. Бошқалар билан ўзаро ижтимоий таъсирни амалга ошириш дарсда жуфт ва гурух бўлиб ишлашдир, энг мураккаби — ўқитувчи хикоясидир.

Янги материални тушунтираётган ўқитувчининг нутқи фикрни жамлашни, дикқат қилишни талаб этади, негаки дарсда фаол ақлий жараёнлар ички туйғу орқали ўтиши лозим. Ўқувчи учун бу анча қийин масала. Шунинг учун дарсда ўқитувчи турлича ўзаро таъсир шаклларини ўқувчилар билан ёки ўқувчиларнинг бир-бири билан муносабатларини ўйғуллаштириши зарур.

4. Бутун дарс давомида ўқувчиларнинг рефлексия ва ўз-ўзини назорат қилишини таъминлаш.

Дарснинг ҳар бир босқичида ўқувчи ўз фаолияти натижаларини жамлаб, баҳолайди. Масалан, янги материални ўрганишда ҳар бир ўқувчи ўз дикқатини, хотирлаб қолишини, хотирлашнинг мукаммалигини, тушунишини ўзича баҳолайди; дарсни мустаҳкамлаш ва мустақил ишлаш пайтида ўқувчилар ўзларини ўқитувчи қўйган мезонлар бўинча баҳолайдилар. Агар ўқувчи билими талаб даражасидан

паст бўлса, дарс давомида унга бошқа болаларнинг ёрдами ёки унинг ўзи мустақил ишлаган ҳолда натижаларни яхшилаш имкониятини беради.

Ўқувчиларнинг фаолияти жараёнида рефлексия ва ўз-ўзини назоратни таъминлаш улардаги ёмон баҳодан кўркиш ҳиссини пасайтиради. Бошлангич синфларда, айниқса, 1—2-синфларда «икки», «уч» баҳолар кўйилмайди.

5. Дарсда мустақил иш ёки ижодий топшириқнинг бўлиши. Вазиятларнинг ўзгарishiда ижодий топшириқлар бериш методини қўллаш талаб қилинади. Мустақил иш ҳар қандай дарс турининг мажбурий элементи хисобланади. Зеро, бизнинг «ўзаро таъсирининг ижтимоий технологияси», «дарс мобайнидаги фаолият жараёнида ўқувчиларнинг рефлексияси ва ўз-ўзини назорат», «дарсда ўқувчиларнинг билиш фаолиятини мотивлаштириши» тавсияларимиз иш натижаларини баҳолаш учун муҳимдир. Ўқувчилар ишни бажариб, табиий ҳолда дарҳол унинг натижаларини муҳокама қилишда қандай хатолар қиласи ва уларнинг сабаби ҳақида ўйладилар. Шунингдек, натижаларга ҳиссий муносабат ҳеч кимни лоқайд қолдирмайди.

Кечикирилган умидлар натижаларнинг таъсири даражасини пасайтиради, яъни ўқувчиларнинг билим ёки ўзлаштириш даражасини аниқлаш учун ҳиссци# соҳада ўзаро таъсири шунчалар кучсиз бўлиб, ақлий жараёнга ўқитувчи истагандек қилмай қўяди.

6. Дарс мақсадига эришиш. Тажрибадан маълумки, ривожланаётган усул асосига қурилган дарслар боланинг ижобий феъл-авторини қарор топтиради, инсоний муносабатлар маданиятини шакллантиради.

Дарснинг асосий мақсади — бола интеллектуни, тафаккурини терланлаштириш ривожланиб борувчи усул ёрдамида амалга оширилади.

Дидактик мақсад — бу дарсда ўрганилаётган мавзу бўнича билимларни ўзлаштириш ва малакали таъсири усулларини шакллантиришdir.

Тарбиявий мақсад — ўзаро таъсири жараёнида тафаккурни умумлаштириш ҳисобига амалга оширилади. Дидактик мақсадларга эришиш олинган баҳога мувофиқ келадиган билимни ўзлаштириш даражаси билан характерланади. Тарбиявий мақсад — муайян мақсадларга эришишга қаратилган ҳамкорликдаги фаолият жараёнида эгалланилган хулқатвор нормасидир. Ривожланиб борувчи усул асосига қурилган дарслар боланинг ижобий хулқатворини мустаҳкамлади, инсоний муносабатлар маданиятини шакллантиради. Дарснинг ушбу технологиясини ташкил этиш ўқитувчининг дарсда ўқувчи билиш фаолиятини бошқариш сифатларига боғлиқцир. Таклиф этилаётган технология унинг мумтоз хилидан шу билан фарқланадики, бунда билимларни ўзлаштириш жараёни ўзича идрок қилиш, англаш, ёдда сақлаш, умумлаштириш ва системалаштириш жиҳатларини қамраб олади. Таълим технологияси — ўқув машғулотларида кўрсатилган барча билиш жараёнларини амалга ошириб, пировард натижада барча фаолият турларини тўлиқ ўзлаштиришга ёрдам беради.

Бундай дарсларда дарс қисмларининг ички алоқаси: мақсад, мазмун ва иш усули билан амалга ошириладиган таълим, мумтоз тизимнинг босқичлари сақланиб қолади. Яъни, уй вазифаларини текшириш, унинг асосида янги билимлар, малака ва ақлий фаолиятнинг турларини эгаллаш босқичлари, шунингдек мустаҳкамлаш ва мустақил ишлаш, дарсни умумлаштириш ва уй вазифасини тушунтириш сингарилар ётади.

**Педагогик технологиялар
Күллаш даражаси бўйича:**

Умумпедагтика

Соҳалар бўйича

Локал, модул, топ методика

Фалсафий асос бўйича:

**Материализм
Идеализм**

**Диалектика
Метафизика**

**Сциентизм (фан)
Табиятга мослик**

**Инсонпарварлик,
Инсоинпарварликка
карши**

**Антрапософия
Теософия**

**Программатизм
Экзестенсиализм**

Руҳий ривожланиш фактори бўйича:

Биоген

Социоген

Психоген

Идеалистик

Ўзлаштириш моҳияти бўйича:

**Ассоциация-
рефлектор**

**Ривожланти-
рувчи**

**Интериори-
затор**

Бихевиорист

**Гештальт тех-
нологиялар**

Сугчествив

**Нейролинг-
вистик**

Шахс тузилмасига қаратилниш бўйича

Ахборот-ЗУН

Операцион-СУД

**Ўз-ўзини ривож-
лантириш — СҮМ**

Шаклланиш-СЭН

Шаклланиш-СДП

Эвристик

Тузилиши ва таркиби буинча:

Таълим-тарбиявий

**Дунёвий
Диний**

**Умумтаълимий
хунар-касб**

Гуманитар-техникавий

Монотехнологиялар

Ташкилий шакллар бўйича:

**Синф-дарс
Альтернатив**

**Академик
клуб**

**Индивидуал
гурух**

Жамоа ўқитиш

Ажратиб ўқитиш

Ўрганиш фаолиятини бошкарниш тури бўйича:

**Мұмтоз
—**

**Техник во-
ситалар**

**«Маслаҳатчи»
тизими**

**Китобдан
ўқитиш**

**Кичик гурух-
лар тизими**

**Компьютерда
ўқитиш**

**«Репетитор»
тизими**

**Дастурний
бошкарниш**

Замонавий анъанавий таълим"

Ажратиш

Анъанавий мұмтоз

**Дастурланган
таълим**

Болалар назари бүйича:

1.1

Авторитар	Цидактик ижтимоий-антропо-педоцентрист	Шахсга мос-Инсонпарвар шахс	Хамжиҳатлик технологияси	Эркин таълим	Эзотерик
------------------	---	------------------------------------	---------------------------------	---------------------	-----------------

Күп күлланиладиган усул бүйича:

Догматик репродуктив	Тушунтириш күргазма	Ривожлантириш таълими	Муаммоли	Ижодий
-----------------------------	----------------------------	------------------------------	-----------------	---------------

Дастурлаш	Диалогик	Үйин	Ўз-ўзини ривожлантириш	Ахборот компьютер
------------------	-----------------	-------------	-------------------------------	--------------------------

Анъянавий тизимни замонавийлаштириш йўналнишлари бүйича:

Муносабатларни демократизацияш асосида	Болалар фаолияти-ли фаоллаштириш за жадаллаштириш	Материални мето-дик ва дидактик ўзгартириши асосида	Табиатга мослаштириш	Муаллифлик технологиялар
---	--	--	-----------------------------	---------------------------------

Альтернатив

Ташкил қилишни ва бошқарувни эфективлаш асосида

Таълим олувчилар табакалари бүйича:

Оммавий технология	Олдинга сурилган таълим	Тиклаш	Виктимологик	Тарбияси оғир болалар билан ишлаш технологияси	Истеъоддилар билан ишлаш технологияси
---------------------------	--------------------------------	---------------	---------------------	---	--

**Муаммоли ҳолатлар классификацияси
Муаммоли ҳолат**

X-шоҳ

X-фаолият обьекти

X-фаолият усули

X-фаолият бажариш шароити

Муаммони погонаси бүйича:

1. Усулга бояланмаган холда пайдо бўладиган
2. Уқитувчи томонидан яратилган ва хал килингандан
3. Ўқитувчи томонидан аратилган, ўқувчилар лал килган
4. Мустакил яратилган ва хал килинган

Ахборотнинг мосланмаган тури бүйича:

Кутилмаган	Жанжал	Рад этиш	Номувофиқлик	Ноаниқлик
-------------------	---------------	-----------------	---------------------	------------------

Методик хоссалари бүйича:

Бехосдан килингандан	Мақсадли	Муаммоли баён	Эвристик сұхбат	Муаммоли кўргазма
-----------------------------	-----------------	----------------------	------------------------	--------------------------

Муаммоли эксперимент	Фикрда муаммоли эксперимент	Гаджиқот лаборатория ишлари	Масалаларни муаммоли счиш
-----------------------------	------------------------------------	------------------------------------	----------------------------------

1.1
1.1

ЎҚУВЧИЛАРНИ ПЕДАГОГИК ЖИҲАТДАН БАҲОЛАШ ТЕХНОЛОГИЯСИ

Билимларни ўзлаштириш даражасини баҳолай туриб, биз бошланғич синфларда «икки», «бир», айниқса, 1—2-синфларда журналга ҳам, дафтарга ҳам қўймасликни таъкидлаган эдик. Ўқитувчи ўз фаолияти давомида, яъни айрим холларда баҳо баллари уларнинг сўз шакли билан «аъло», «яхши» деб алмаштиради. Педагогик баҳолаш умуман боланинг шахсини эмас, балки кўрсатган сифатларини баҳолашни назарда тутади.

Педагогик баҳолашга бундай ёндашишга асосланган ва ундан ўз ишида оқилона фойдаланган ҳолда педагог ўз ўқувчиларининг қийматий муносабатларини шакллантиради ва тўғрилайди. Педагогик баҳолаш воситасида ўқитувчи ўз тарбияланувчиларида ахлоқий ва маънавий-этик қарашларни таркиб топтиради.

Педагогик баҳо: образларни қийматий муносабатлар даражасида Мухитга олиб чиқиш; бу муносабатларни ўзлаштиришда бола фаолиятини рагбатлантириш; хато қилиш эҳтимоли сезилса, уни олдиндан тўғрилашдан иборат. Хар бир шахс такорламасдириш ва ҳар бир шахсга унинг ўсиши учун педагогик баҳолашнинг аҳамиятини ҳисобга олган ҳолда эҳтиёткорона муносабат даркордир. Шу муносабат билан ўқитувчи дарсда ва тарбиявий тадбирларда фойдаланиши мумкин бўлган бир нечта технологик қоидаларни ҳавола киласиз:

1. Ўқувчиларнинг ижтимоий қимматли ютуқларини тақдирлаш. Ушбу усульнни кўллаганда, ўқитувчи болага ёрқин хиссий туйғуларни бошдан кечиришга ёрдам беради, бу ўқитувчининг актив фаолиятини ўстиришга хизмат қиласи. Шунингдек,

боланинг ўқитувчи билан ўзаро муносабатларини чуқурлаштиришга ёрдам беради, бу ўқувчига таъсир этишда кўшимча имкониятларни очади. Ҳар бир боланинг шахсий ва умуминсоний ютуқлари рўёбга чикиши зарур.

2. Хулқ-автор белгилари кўринмагандан баҳолаш муддатини чўзиш. Баҳолаш муддатини чўзиш ўқувчининг ўқув-тарбиявий жараёнига ёки бошқа ишларига салбий таъсир кўрсатган, унинг қалбida узок вакт колиши мумкин бўлган умидсизликнинг олдини олишга ёрдам беради. Бу муддат педагог томонидан белгиланади ва вужудга келган муаммога қараб турлича бўлиши мумкин. Масалан, биринчи синф ўқувчиси ҳарф ва бўғинларни хунук ва тартибсиз ёзади. Ўқитувчи баҳони қўймай туриб, ўқувчига шундай дейди: «Яхши баҳо олиш учун вазифани намунага қараб тўғри, тоза тартиб билан ёзиш керак». Масалани ҳал этиш учун кетадиган вакт албатта ўқувчига маълум қилинади, чунки у, биринчидан, психологик томондан руҳий зўрикиш ҳолатида бўлишга ўрганмаган бўлади, иккинчидан эса, бундай масалани ечишни пайсалга солиш бажараётган ишни мустақил англаб этиш самарадорлигини пасайтиради.

ЎҚУВ-ТАРБИЯ ЖАРАЁНИДА РИВОЖЛАНТИРИШ УСУЛИНИНГ ТЕХНОЛОГИЯСИ

Маълумки, болалар мактабга боргунга қадар ҳам жисмоний, ҳам руҳий томондан интенсив ривожланиб боради. Бироқ, одатда бу жараён мактабга чиқиш билан сусаяди. Болада ўқишига иштиёқтезда пасаяди. Ривожланишдаги бундай ҳолатнинг сабабларидан бири ўқувчиларнинг турли даражадаги ривожланишини ҳисобга олмайдиган усусларнинг

қўлланилишидир. Синфлар қандай тўлдирилмасин, у ёки бу фанни идрок килиш ва ўзлаштиришга нисбатан болалар ривожланишини ҳамиша учта даражага: юқори, ўрта ва куйи даражага ажратиш мумкин. Бу табиий ҳол хисобланиб, бу ерда биз ақлий ривожланиш тушунчасини интеллект ривожланиш билан боғлаймиз. Бу холда миянинг етилиши, бинобарин, янада каттарок талабларни идрок қилиши ва адаптация қилиш тезлигига боғлик бўлади. Барча адаптация тизими айни шу вазифага хизмат қилади.

Демак, муайян шароитларда мия ривожига таъсир этиш мумкин экан. Куйидаги ривожлантириш усули тизими асосида ётган баъзи дастлабки назарий қоидаларни кўриб чиқайлик:

1. Ривожлантириш усули асосида умумий ва социал психологиянинг ташқи ва ички принципи ётади, унга кўра, ички ривожланиш ташқи мухит билан боғлик бўлади. Бу ташқи мухит, масалан, мактабнинг таълим мухити бўлиши мумкин.

Бола интеллекти ривожланиши маданий ёки таълимий мухит таъсирида тезлашиши ёки сустлашиши мумкин. Таълим мухитининг таъсири фаолият учун қўлланилаётган усулга кўп жиҳатдан боғлайдир. Бу усул мушоҳада жараёнининг ички ривожланиш механизмларини автоматик тарзда ишлатиб, бола интеллекти ривожига ёрдам бериши керак.

2. Ривожлантирувчи усулнинг мақсади боланинг камолатига уйғунлик баҳш этиш, гўзалликка бўлган табиий интилишини қўллаб-кувватлаш, унда ижобий хис-туйғулар уйғотишдир. Агар фаолият натижалари кутилган натижага мувофиқ келса, улар билан мослашса, боланинг кутилган натижага билиш эҳтиёжлари қондирилса, шундагина ижобий хиссий туйғулар вужудга келади.

3. Бола, одатда, камолатга ва гўзалликка интилиди. Бу интилиш табиий эҳтиёж хисобланиб, бундай эҳтиёжни қондириш у ёки бу фаолиятни талаб этади. Бу кўп нарсаларда кўринади: ўйин давомида, овқатланишда, интеллектда, ишда ва ҳоказо., Одатда, ўқувчичи бола билан яхши ишлашни, ўқувчи эса яхши ўқишни истайди. Бирок, ҳар доим ҳам ўйлагандек бўлавермайди, агар ёрдам бериб қўллаб-кувватланса, биз-энг яхши натижага эришишимиз мумкин.

Демак, ўқувчилар олдида масалани ечишнинг бир неча варианти турса, улар кўрсатилган ёрдам ва ўзининг табиий интилиш кучидан фойдаланади, дейиш мумкин.

1. Инсон мувозанати ҳолатининг қонуни, яъни кишининг ўз фикрлари, хис-туйғулари ва ахлоқини мувофиқлаштиришга табиий интилиши.

Бу қоидани биз Л. Фестингернинг согнитив (билиш) диссонанси Назарияси билан тасдиқлашимиз мумкин. Унинг моҳияти шундаки, инсондаги ижобий хис-туйғулар унинг кутгандарни тасдиқланган тақдирда вужудга келади, когнитив (билиш) тасавурлари, яъни қачонки фаолиятнинг аниқ натижалари белгиланган натижага мувофиқ келсагина, мос тушгандагина амалга ошади. Салбий хис-туйғулар фаолиятнинг кутилган ва ҳақиқий натижалари орасида тафовут ёки диссонанс юз берса, салбий хис-туйғулар юзага келади ва кучаяди.

Когнитив диссонанс ҳолати, одатда, субъектив тарзда инсон томонидан дискомфорт (нокулай) каби ўтказилади ва у иложи борича тез ўтиб кетиши мумкин; когнитив натижалар ва режаларни уларни аниқ олинган натижаларга мувофиқ келадиган килиб ўзгартириш керак ёки аввалги кутилган натижага

мувофик келадиган янги натижани олишга ҳаркат қилиш лозим. Биринчи холатда ривожланиш рўй беради, иккинчи холатда эса бўлмайди. Шунинг учун ривожлантириш усули тузилишида ўқувчини мувозанат холатидан «чиқаришга» ёрдам берадиган компонент бўлиши зарур.

2. Инсоннинг фикр-мақсади—унинг онгли ишлари ва ахлоқининг ҳаракатлантирувчи кучидир. «Фикрлар дунёни бошқаради», — деган эди Платон. Ривожлантириш усулининг моҳияти боланинг ўз хулк-авторига нисбатан унинг фикр-мақсади ижобий ривожини таъминлашдан иборатdir.

Биринчи босқич фикр-мақсаднинг дастлабки, бирламчи шаклланишидир. У учта палладан иборат бўлади:

1. Ўқитувчининг нутқи таъсири остида ўқувчи хис-ҳаяжонларининг пайдо бўлиши (ташқи қўзғатгич исталган белги тизимидан келиши мумкин).

2. Хис-ҳаяжонлар ички нутқнинг ноаник мазмунга эга бўлган бирламчи фикрлар: билиш ёки хулк-автор предмети тўғрисида умумий тасавурларгина пайдо бўлишига ёрдам беради.

3. Ташқи нутқда, яъни бошқалар учун бўлган нутқда сўзлар ёрдамида ёки бирон-бир белги системаси: мимика, қўл ҳаракати, мусика, рақс ёрдамида бирламчи нутқ мустаҳкамланади. Дарс учун бу ўқувчининг ташқи кутқидир. Бу пайтда ички фикр ташқи нутқ таъсирида такомиллашади. Табиийки, ушбу ташқи нутқ ўқитувчининг нутқига нисбатан тузилиши жиҳатидан ҳам, мазмун жиҳатидан ҳам мукаммал бўлмайди. Мавжуд қийинчилик шундаки, ўқув ёки тарбиявий машғулотда хар бир ўқувчидаги фикрни ичидан ташқарига чикишига эришишдир. Бу қийинчиликни оддий мактабда тавсия

этилаётган технологиядан фойдаланиб, бартараф этиш мумкин.

Иккинчи босқич-когнитив диссонанс вазиятини пайдо қилишдир. Бунинг учун ўқувчиларнинг тузилиши ва мазмуни жиҳатидан ҳар хил ташқи нутқи мусобакасини ташкил этиш лозим бўлади. Бу эса ривожланиши нисбатан паст даражада бўлган ўқувчиларнинг ички нутқини қайта қуришга туртки бўлади. Бошқача айтганда, вужудга келган дискомфорт таъсири остида беихтиёр ички нутқ қайта қурилиши янада юкори даражага кўтарилади.

Учинчи босқич — фикрнинг янада терандлашувига ва ўқувчининг энг яхши муваффақиятдан коникишига эришиш (мувозанат мушоҳаданинг (фикрлашнинг) энг юкори даражасида вужудга келади).

Бу қуйидагилар оркали амалга ошади:

1. Ички фикрни ташқи нуткка кўчириш (диалог шаклида сұхбатлашиш) ёки монолог шаклидаги ёзма нутқ.

2. Мураккаб фикрни ташқи нутқдан ички нутқка ўтказиш. Ривожлантирувчи усул технологияси ҳар бир ўқувчидаги ўқув-тарбия жараёнининг барча шаклларда (дарсми ёки тарбия соатида бўлсин) аклий жараёнлар кечишини таъминлайди. Шу маънода адаптив мактаб маъқулдир.

Ривожлантирувчи усул тузилишини кўриб чиқамиз. Усул мақсади болани ҳар бир машғулотда аклий жиҳатдан ривожлантиришдан иборатdir! Усулнинг барча компонентлари мазкур мақсадни амалга оширишга қаратилади.

Биринчи компонент-ижтимоий таъсирини қўллаш, яъни жараённинг иштирокчилари (ўқитувчи ва ўқувчилар) ўртасида турли белгилар тизими

ёрдамида коммуникатив алоқалар ўрнатиш билан характерланади. Ижтимоий таъсир хамиша муносабатларнинг диалог шаклида рўй беради. У аклий фаолиятда юқорида қайд этилган ўзгаришларга нисбатан ташки қўзғатувчи вазифасини ўтайди.

Иккинчи компонент-ижтимоий таъсирга конфликт (зиддият) киритиш. Конфликт-билиш ёки хулқ-атвор предметига турли қарашларнинг тўқнашуви бўлиб, дискомфорт (ноқулайлик) хиссининг пайдо бўлиши, билим, ходисалар, воқеалар, хулқатворга нисбатан бошқа нуқтаи назарга дуч келгандага пайдо бўладиган ўз-ўзидан кониқмасликдир. Конфликтнинг асосий белгиси ўқувчи фикрларининг мувозанат холатидан чикишдадир. Конфликт вужудга келадиган кониқмаслик ташвишларини келтириб чиқаради ва бу ҳолатда ўқувчидаги ички ихтиёrsиз ақлий жараён юз беради. Бирок, амалиётдан маълумки, ўқувчиларнинг фоизга якини дарс жараёнида ақлий фаолиятга киришмайди. Шу сабабли мативация воситасида бунга қўзғатиш лозим бўлади.

Учинчи компонент бу таълим жараёнида ўқувчи фаолиятини мотивлаштиришdir. Амалда мотивлаштиришга турли усул ва воситалар орқали эришилади. „

Ўқитувчи ўз ўқувчисини фаол хаётга ва ўз шахсини намоён қилиш жараёнига киритиб, уларнинг хар бирини беихтиёр фаол ақлий жараёнга тайёрлайди ва шу йўл билан ўқув машғулоти кўйган мақсаднинг амалга ошишига эришади.

Тўртинчи компонент — ўзаро таъсир иштирокчиларини жойлаштириш билан изохланади. Бу хусусдаги тажриба тадқиқотлари қўйидаги хulosаларни чиқаришга ёрдам беради:

— агар ижтимоии таъсир гурухига ривожланиш даражаси турлича бўлган болалар кирса ва айни чоқда тафовут бир-биридан фақат бир босқичга фарқ қилса, бу ҳолат ривожланиши паст даражадаги болаларнинг ўсишига ёрдам беради. Бунда юқори даражадаги билишли болалар^{^и^т^^хордисобига}, паст савияда биладиганлар эса ўзини билимга сафарбар қилиш орқали мувофакиятга эришадилар. .

Юқоридагилардан келиб чиқиб, машғулотларда ўқитувчи ёки педагогнинг ўқувчилар билан алоқасини қўйидагича акс эттириш мумкин экан:

Ўқитувчи

Юқори даражада ривожланган бола

Урта даражада ривожланган бола

Паст даражада ривожланган бола

Ушбу чизмадан кўриниб турибдики, ўқув машғулотларида юқори даражада ривожланган ўқувчиларнинг камолатида олдинга силжиши ўқитувчи ёрдамида ошади, сўнг эса жараён қатнашчилари турли даражадаги таъсирини ташкил этиш орқали амалга ошириб, унда ўқитувчи ролини илгари силжиган ўқувчиларнинг ўзлари бажаришади.

— Машғулот пайтида ўқувчиларни жой-жойига кўйиш улар фаолиятига боғлиқцир. Мустакил ва жуфт бўлиб ишлаш учун болаларни анъанавий стол атрофида тўплаш мақсадга мувофик. Гурухларда ишлаш учун ақлий штурм усули билан ёки ўзаро назорат қилиш муаммосини ҳал этиш пайтида болаларни бир-бирига қарама-карши қилиб ташкил

килган маъкул. Ва ниҳоят, сифатли фронтал ишларини ташкил килганда ўкувчиларни яrim айланастол атрофида ўтқизилади.

Олимлар ва амалиётчи-педагоглар ўзаро таъсир иштирокчилари сонига нисбатан бир тўхтамга келмаганлар. БизNинг тавсиямизга кўра, бошланғич мактабда ўкувчилар сони 2 тадан 4 тагача бўлиши мумкин. Бирок, умумий тавсияларни хисобга оладиган ўқитувчилар бошқа вариантларни ҳам танлаш хукуқига эгадирлар.

Бешинчи компонент-дарснинг хар бир боскичида рефлексияланишига дахлдор. Бу ўкувчиларнинг ўз-ўзини таҳлил қилиш асосидаги ақлий фаолиятини ва унинг натижаларини баҳолашдир. Бунинг учун дарсда ўкувчилар фикрининг қурилиши ва мазмунидаги ўзгаришларни илғаб олиш мақсадида ўқитувчи саволига уларнинг жавоби шаклидаги оғзаки усуслари ишлатилади. Бу усульнини универсал деб хисоблаш мумкин. Чунки бир у томондан, бутун таълим жараёнини — тарбия, ўқитиш ва ривожлантиришни қамраб олади, ривожлантиришни органик бир бутун ҳолга олиб келади, бошқа томондан эса ижтимоий когнитив методика ва технологияни вужудга келтиради.

Боланинг 6—7 ёшидан кейинги когнитив ривожланиши ижтимоий жараёнлардан ажралмайди. Когнитив (билиш) ва ижтимоий (хулқ-авторий) ривожланишлар алоқаси оддий механик алоқага нисбатан мураккаброқдир.

Боланинг ижтимоий доира (таълим мухити) таъсир этадиган индивидуал ахлокидаги ўзгаришларни кузата бориб, унга аник маъно бериш ва уни бошқариш индивидуал рефлексли тарбия технологияси ва методикасини яратишга олиб келди. Маз-

кур ишланмалар асосида ижтимоий таъсир ғояла-ри ётади.

Ижтимоий таъсир фикр қурилиши ва мазмунини ўзгартириб, тушуниш ва англашга таъсир этиб, боланинг ақлий ривожланиши асосини ташкил килади. Биз дидактикада кабул қилинган универсал усул бўлмайди, деган нуқтаи назарга зид бормаяпмизми?

Ҳамма гап туркумлашни асослашда. Таълим усулларини туркумлаш учун турли асослар мавжуд. Масалан, дидактик мақсадлар (М. А. Данилов, В. И. Загвязинский, В. А. Онишчук, шакли ва мазмуни (А. Н. Алексюк); фаолият қурилиши ва таълим мазмуни (Ю. К. Бабанский, Т. И. Шамова, Т. К. Чекмарева, А. Д. Зеленгур); ўкувчиларнинг мустакил фаоллиги даражаси (И. Я. Лернер, М. Н. Скаткин, М. И. Махмутов); дарс вазифалари (Г. И. Шчукина, И. Э. Унт). Бирок, туркумлаш учун асослар қандай бўлмасин, дидактика барча усувларни кўргазмали, амалий бўлишини таъминлайди. Уларни ҳам репродуктив, ҳам ривожланувчи деб хисоблайди.

Барча туркумлаш усувлари назарияларда умумий бўлмаган, маҳсус томонларни ифодалайди, чунки хар бир усул ўз хусусиятларига эга бўлади. Шу билан бирга барча ишларда умумийликни — болани ақлий фаолиятга қўзғатувчи у ёки бу белгининг мавжудлигини қўриш мумкин.

Шунингдек, бошқа киши томонидан киритиладиган белги биринчи индивид хулқ-авторини ташкил этишда янгилик бўлади. Айни шунда хар қандай белги операциясининг моҳиятида хулқ-авторни ташкил этишга киритиладиган функциядаги белгининг аҳамияти ётади. Улар турлича бўлиши мумкин (хал қилувчи, назорат қилувчи, ёрдам берув-

чи, ким хақидадир эслатувчи). Белги совғага ўхшаш нарса бўлади. Зеро, совға уни берган киши хақидаги таассурот. Айни шу туфайли белги ижтимоийдир, айни шу сабабли у хулк-авторни ташкил этади. Маданият тарихида (одамлар, афсона, хатто дин) белги ана шундай маъно ва аҳамият касб этади. Белгининг асосий хусусияти — ижтимоийлик, яъни ўз хулк-авторини ўзга киши орқали амалга оширишdir.

Инсоннинг фикрга беихтиёр ҳаракат йўлини шартли равишда куйидаги схема билан ифодалаш мумкин: **белги-рецептор-мия (онг) — хис-туйғу-аклий жараён**. Шундай қилиб, ташки сигнал (ахборот сифатидаги белги) онг билан акс этади, у ўзига хотира, дикқат, тасаввур, идрок каби психик функцияларни мужассамлаштиради, булар мияда илгари етилади, у ихтиёrsиз тарзда аклий жараённи, шундан сўнг эса инсоннинг онгли фаолиятини вужудга келтиради. Инсоннинг ана шу табии туфайли унинг шахси ривожланиб боради.

Ўқувчи учун белги нима? Асосий белги-восита, бу сўз, янги билим, киши фаолият тажрибаси ва унинг усулларидан таркиб топган ўқитувчи нуткидир. Сўз, нутк — ўзаро таъсир, коммуникация, рухий-ахлоқий ва ижтимоий-маданий тажрибани бериш асосидир. Юкоридагилардан келиб чиқиб айтсак, биз ривожлантирувчи усул асосида юкорида баён этилган усулларнинг ҳар бирида амалга оширилган ғоялар сифатида ижтимоий таъсир (коммуникация ўрнатиш) ғояси қўйилади.

ДАРС ТАЪЛИМИДА РИВОЖЛАНТИРИШ ТЕХНОЛОГИЯСИ

Кичик ёшдаги ўқувчилар таълими — алоҳида билимлар тизими эмас, балки дунё тўғрисида, жа-

мият ва инсоннинг ундаги ўрни тўғрисидаги умумлаштирилган, яхлит тасаввурдир. Ўқитиши натижасида болада ўзига хос дунёкараш, қурилма схемаси тартиб топиши керак. Бу схемада аник фан бўлимлари муайян ўринга эга бўлади.

Олимлар ва услубчиларнинг кўп йиллик тадқиқот ишлари кичик ёшдаги мактаб ўқувчиларнинг характеристи ҳамда фикрлаш ва билиш имкониятлари хусусиятларига бўлган эскирган карашларни бартараф этишга ёрдам берди.

Кичик ёшдаги ўқувчиларнинг тартибли фикрлаш қобилиятлари илгари ўйланганидан анча юкори экан. Бу бошланғич таълим мазмунини кўзда тутишга, кичик ёшдаги ўқувчиларни ўқитиши жараённида назарий билимлар ролини оширишга, ўқитиши вазифаларини тушунишга ёрдам беради. Факат билим ва малакани пухта ўзлаштиришини кўзда тутиш кишиларни қониқтирмай қўйди. Энди ўқувчиларнинг руҳий ва жисмоний қувватларини ривожлантириш, уларни умумий камолатини таъминлаш зарурияти пайдо бўлди.

Кичик ёшдаги мактаб ўқувчилари назарий билимларнинг кучайиши, уларнинг акдий фаолияти, мантикий фикрлашининг ривожланиши ўқитишининг ривожлантириш принципига асосланган.

Ривожлантирувчи таълим нима ўзи, у қандай бўлиши керак?~"

Педагогика ўзининг бутун тараққиёти даврида ўқитишининг янада мукаммалроқ ва янада самарализроқ усувлари ёки тизимини излаш билан ривожланиб борди. Мактабда ўқитишининг паст сифати ва таълимнинг барча бўғинларида мутахассисларнинг паст даражада касб тайёргарлиги муаммосини ҳал этишга қодир бўладиган усувларни излаб топишни

асосий вазифа қилиб қўйди. Программалашган ва муаммоли (проблемали) таълимни биринчи ўринга чиқариш, аклий харакатлар ёки иш ўйинларини босқичли шакллантириш назарияси асосида муайян тизим хосил қилиш педагогик миссиянинг энг машхур бўлган ривожланиш босқичларидир.

Асосий талаб таълим жараёни ҳамиша тугалланган бўлиши зарур.

Ўқитишининг бошланғич даврида (1—4 синфда) таълим мазмуни ўқувчилар томонидан умумий қонуниятларга биноан ўзлаштирилади:

идрок — тушуниш (англаш) — қабул килиш (репродуктив фаолиятда - ёдда тутиш) — янги шароитларда фойдаланиш.

Ривожлантирувчи таълим шароитида идрок этишнинг ўзига хос томони ўқувчининг ўзлаштирилмаган соҳани (муаммони) — тенглаштириш, таққослаш, қонуниятларни аниклаш, қўйилган муаммоларни ҳал этишнинг турли йўлларини излаш, танланган, ўқувчи учун оптималь бўлган усулни амалий тарзда ўзлаштиришдаги актив фаолият пайтидаги ўқувчининг субъектив холати хисобланади, ва ниҳоят, фаолият натижасий сифатида ўқувчи ахборотни ўзлаштирибгина колмай, жамоа изланишга ва натижалардан қоникишга алокадорлик хиссини сезади, англайди.

Ахборотни тушунишни уч моментга бўлиш мумкин, улар болага келажакдаги билишида яхлит мазмуний таянч бўлиб хисобланади:

1. *Бутунлик ва қисмларнинг нисбати деган фалсафий тушунчанинг асосий ғояси.* Математикада қўшиш қоидасининг аниқ маъноси биринчи синф болаларига ноаниқ, интуитив тушуниш асосида берилади: қўшиш — бу ҳаммасини бирга йиғиш, қисмларни яхлит қилиб йиғиш.

Биринчи синфда бундай нисбатни тушуниш асосида сонлар таркибини, шунингдек, умумлашган моделга қўшув харакати қонунларини, қўшишнинг ва айирувнинг номаълум компонентларини топиш қоидаларини (шу жумладан, тенгламаларни ечишда ҳам), вазифа—схема моделига асосланиб қўшув ва айирувга оид оддий масалаларни ечишни ҳам кўриб чиқиши мумкин.

Б + М К К К — айланана (бутун) — айлантириб чиз

М + Б К К Б — катта (қисм) — тагига чиз

К - М К Б М — кичик (қисм) - тагига чиз

Ўқитувчи ўз-ўзидан равshan кўриниб турувчи, жойлаштирилган қонун маъносини тушунтириши шартми? Қўшилаётган, айрилаётган нарсани топиш қоидасини тушунтириш керакми? Агар тушунарли бўлса, қисмни излаш нима учун керак? Кичраяётганни топиш қоидасини ёдда саклаш керакми, равshan бўлса, бутунни излаб нима қиласи? Методик тавсияномаларда илгари ифодаланган! Унга асосан биринчи синф ўқувчилари осонлик билан тенгламаларни (бутун ва қисмни топиш асосида) еча оладилар, мунтазам равища компонентлар номини ва уларни топишни ўзлаштирадилар.

Қўшиш ва айришга оид оддий масалаларни ечишда юкорида эслатилган усулни танлаш модели пайдо бўлгандан кейин «Схемага қара. Нимани излаш лозим, бутунними ёки қисмни?» деган саволга олиб келинади.

Бошқача ҳолда, сонлар билан ишлашда ё бирданига бутун сон билан ёки қисмлар бўйича (сонни қўшиш, айриш, кўпайтириш, бўлиш) бажариш мумкин. Зоро, кўпгина амалларда харакат принципи умумийдир.

60 - 2	60:2	16 - 6	60:5	1205
90 - 3	90:3	23 - 3	54:3	12 бутун, 5 бирлик
200 • 4	200:4	18 - 4	92:4	1 минг, 8 бирлик
дархол кўпайтирамиз, сон суммаси билан алмаштирамиз, бўламиз -» (кўпайтирамиз, бўламиз) -» қисмлар бўйича.				

Кенгрок олиб қаралса, ушбу «бутун» ва «қисм» категорияларидан ўқитувчилар бошланғич таълимнинг барча фанларида фойдаланишларини кўрамиз. Масалан, нутқ (бутун) гаплардан (қисмлардан) ташкил топади; гап (бутун) сўзлардан (қисм) таркиб топади ва ҳоказо. Ҳар қандай матнни қисмларга бўлиш мумкин; Расмдаги композиция — қисмларнинг ўзаро жойлашувидир. Биз атроф дунёдаги ходисалар билан танишганда ҳам бутун ва қисм турдош нисбатини ўрганамиз.

Бутун ва унинг таркибий қисмлари деган умумий моҳиятни аниқлаш атрофимизда кўрилган бир қатор ходисаларда атроф дунёдаги бир қатор кузатилган ходисаларда бутун ва унинг таркибий қисмлари деган умумий моҳиятни аниқлаш болага олам муайян бир умумий конун асосида қурилган, деган тушунчани беради.

2. *Фалсафанинг қарама-қаршиликлар бирлиги ва кураши қонуниятининг пайдо бўлиши туфайли, бошланғич мактабда ҳам ҳар қандай ходисанинг ўз акс (тескари) томони бор, деган нарсани хис қилишга, тушунишга, кўришга имкон беряпти. Амалий ҳолатларда (тортмоқ—итармоқ, чизмоқ—ўчирмоқ, қўймоқ—олмоқ...), математик амаллар ва нисбатларда (кўшиш—айриш, кўпайтириш—унга тескари бўлиш, кўп—оз, кенг—тор), мисолларда, нисбатларда, она тили дарсларида тил ходисаларида (антонимлар), адабий қаҳрамонларни тавсифлашда, жонли ва жонсиз*

табиат муносабатларида бола тили билан айтиладиган «Бирисиз иккинчиси бўлмайди» мазмунидаги ушбу қонуннинг мужассамлигини кўрамиз.

Адабиётда бир хил адабий қаҳрамонларнинг олижаноблиги ва бошқаларнинг заифлиги кўриниши учун улар ўзига хос томонларини кўрсата олиши учун шарт-шароитлар зарур бўлади. Айни бир қаҳрамон баъзан унинг ижобий томонлари ҳам, баъзан салбий томон ҳам акс эттирилади, шу сабабли уларга бир хил тавсифни тақаш тўғри бўлмайда. Ҳаётдаги ҳар бир ходиса (энг бетарафи ҳам) ҳамиша ким учундир яхшилик кўрсатиши, ким учундир ёмонлик кўрсатиши мумкин.

Фарзандларимиз қачонлардир бундай нарсалар тўғрисида ўйлаб кўришармикан? 89-, 110- мактабдаги биринчи синф ўқувчилари аллақачон «яхшиёмон» ўйинини ўйнашган. Бу тажрибадан кўринидики, болалар ўйин усулини ўз ҳаётига тезда киритадилар ва бу уларнинг ахлоқий хатоликлардан сақланишга, ўз сўзи ва хатти-харакатларида шошма-шошарлик қиласликка ёрдам беради.

Юқорида кўрсатилган таълим технологиясидан фойдаланиб, математика дарсларида мисоллар занжирини ечиб, тескари операциялар тизимини тузиш ва текшириб чиқиш, ва айни чоқда бир тенгламани ечиб, унга тескарисини тузиш ва ечиш мумкин. Бу ўз-ўзини текшириш усулининг бир шаклидир.

3. *Қайта ўзгартириш ғояси.* Дунёда ҳеч нарса из-сиз кетмайди. Биронта ходисадаги қайсиdir ўзгариш ўз ортидан оқибатини олиб келади. Математикада бу тадқиқотлар турли-туман материаллар ёрдамида амалга оширилиши мумкин.

Компонентлар ўзгаришига қараб натижалар ўзгаришини кузатилганда ечилган масала билан қўшим-

ча ишлашда ундан кенг фойдаланилади (агар масалада ... ўрнига мураккаблашган тенгламалар ечишга ўтишда, ечим ва жавоб қандай ўзгариши мумкин?

$$(x - 8 = 12 \rightarrow x - 8 = 36 : 3 \rightarrow x - 4 \cdot 2 = 36 : 3).$$

Қайта ўзгартириси ғояси ўқувчиларнинг ўзларига маълум билимлардан қочиб, ўзлари учун янги бўлган масалани кутишга, ечиб кўришга имкон беради.

23	23	23	123
+ 16	+ 17	+ 18	+ 418

Дарс мавзуи: «Босқичларга ўтиш орқали ёзма кўшиш усуллари».

$$48:2 \cdot 4 \quad (40+8):2$$

$$648:2 - * \quad 648 : 2$$

$$748:2 \rightarrow 748 : 2$$

Ўқувчилар бунга ўхшаш тадқиқот фаолиятини мантикий урғуни аниклаш ва гапда сўз таркибини аниклаш вазифаларида, деформацияланган матнни (тестни) тиклашда амалга оширадилар.

Табиатшуносликда сабаб-оқибат алоқаларининг аникланиши, бу — хаётнинг бошқа соҳасида айни шу фалсафий моҳиятни намоён этишдир.

Албаттa, таклиф этилаётган далиллар кўпгина ўқувчилар учун кутилмаган нарса бўлиши мумкин ва буларни бошланғич синфлар иш тажрибасида мақбул деб хисоблаган кишилар эса фанлараро алоқалар ва умумлаштиришларни қайta кўриб чиқишлиари керак бўлади.

ЎҚУВЧИ БИЛИМИНИ ТЕКШИРИШ ВА БАҲОЛАШ ТЕХНОЛОГИЯСИ

Таълим усулларини классификациялаш (турлаш) ўқувчилар билимини ва улар фаолиятининг хусусиятини текшириш бу фаолиятни тўғри йўлга 172 .

кўйишни кўзда тутади. Ўқувчилар билимини текшириш ва баҳолашдан мақсад ўқувчилар билиминг сифатини, ривожлантириш даражасини таъминлаш ва уларни рағбатлантиришдан иборат бўлиб, билим олишга қизиқишини такомиллаштиришдир.

Билимларни текшириш ва баҳолашдаги асосий камчиликлар:

- унинг вазифаларини (функцияларини) нотўғри тушуниш;

- таълим жараёнида унинг ролини асоссиз кўтариб юбориш;

- текшириш ва баҳолашнинг дарсда асосий мақсадга айланиб қолиши;

- билимларни текшириш ва баҳолашда бир хил технологиядан фойдаланиш;

- баҳоларни кўйишда субъективизмга йўл кўйиш ва аник, асосланган мезонларнинг йўклиги.

- ўқувчилар билимини текшириш ва баҳолашда бу жараён назорат қилувчи, таълим-тарбия берувчи муҳим функцияни бажаришни унутмаслик керак.

Бу назорат қилувчи учун асосий функция бўлиб, таълим берувчи ва тарбиячи ёрдамчи функциядир. Бирок, текшириш мақсади ва кўриниши турлича бўлганда, бу уч функция турлича намоён бўлиши мумкин. Масалан, текширишнинг якуний имтиҳон шаклини оладиган бўлсак (уни ўтказиш усуллари турлича бўлиши мумкин), бунда назорат қилиш функцияси устунлик қиласи (таълимга вакт қолмайди).

Ўрганилаётган материални ўзлаштириш бўйича жорий текшириш олиб борилса, бу холатда таълим берувчи функцияси устун бўлиши керак. Тарбия

бериш функцияси ҳам устун бўлиши мумкин, масалан, ўқитувчи баъзи ўқувчиларни системали ишлашга ўргатишига интилади, баҳо билан рағбатлантириб, уларнинг руҳий хусусиятларига (иродасини ривожлантириш, хотирани мустахкамлаш ва х.к.) таъсир этишига харакат қиласи, меъёридан ортиқча ўзига бино кўйиш ҳолатларида баҳога катъий ёндашиб иш кўрилади. Умуман олганда, баҳо холис (объектив) бўлиши зарур эса-да, бирок ўз табиатига кўра ҳамиша нохолис (субъектив)дир.

Ушбу функцияларга мувофик ўқувчилар билими текшириш ва баҳолашнинг аник усуслари танланади.

Текширишнинг кўп қўлланадиган икки хили мавжуд: улар жорий ва якунийdir. Жорий текширишнинг ҳаммага маълум турлари қуидагилар: оғзаки сўрашнинг ҳар хил шакллари, ёзмауи вазифаларини текшириш, ёзма назорат (мустакил) топшириклари. Бироқ, бундай анъанавий шакллар билан бир қаторда турли перфокарталар ёрдамида текшириш, компьютер ёрдамида топшириқ бажарилишини текшириш ҳам қўлланиляпти.

Текширишнинг ўзига хос шакли ўқувчиларни ўқитувчи томонидан кундалик мунтазам кузатиб туришdir. Текширишнинг турли-туман шакллари ўзига хос дарс босқичи каби факат анъанавий «сўраш» жараёнидагина эмас, балки бутун дарс мобайнида қўлланилади.

Ўқитувчи дарсга тайёрланишда текширишнинг зарур шаклларини излаш ва уни қўллаш энг муҳим вазифаси эканлигини унутмаслиги керак. Кимдан, қачон, қанча ўқувчини текшириш, қандай саволлар билан, қандай воситалар орқали сўраш ва баҳолаш — буларнинг барчасини ўқитувчи дарсга тайёрланиш пайтида ўйлаб чиқмоғи лозим.

Шу билан бир қаторда ўқувчилар ўз ўртоғи билими сўралаётгандан нима билан шуғулланиши зарурлиги ҳақида ҳам ўйлаши керак бўлади. Ҳар бир ўқитувчининг ўз назорат тизими бўлиши лозим. Бу тизим ишнинг турли-туман воситалари ва усуларини камраб олиши, ўқувчилар ўқитувчисининг ўз муваффақиятлари, билимларни ўзлаштириш даражаси ва сифатини ҳамиша текшириб туришини тушунсинлар.

Текшириш шакллари мактабларимиз таълим жараёнига хос бўлган, ўқувчиларни билимларни фақат ўзидан қабул қилиши, репродуктив фаолиятини ташкил этиш билангина тугамаслиги лозим. Назорат (текшириш) шаклларини танлашда ўқувчиларнинг индивидуал хусусиятларини эътиборга олиш муҳимdir.

Якуний ёзма ишларга алоҳида талаб билан қараш зарурdir. Уларни ўқитувчи ўқув материалини кўпчилик ўқувчилар ўзлаштириб олганига ишонч хосил килгандан сўнг ўтказиш мумкин. Бундай ишлар ўқувчилар учун асосли бўлиб, уларда ўз кучларига ишонч хусусиятини шакллантиришга ёрдам беради, акс ҳолда эса ўқитиши жараёнига қизикиши пасаяди.

Билимларни текширишнинг ёзма ва оғзаки шакллари тўғрисида гапирилганда, уларнинг ҳар бири ўзига хос хусусиятга эга экани ва ўз вазифаси борлигини айтиб ўтиш даркор. Оғзаки шакли — саволни тез идрок этиш (реакция) кўнижмасини хосил қилиш ўқувчилар хотирасини ривожлантиришга ёрдам беради. Ёзма текшириш эса мантикий мушоҳада (фиксация)ни самарали кенгайтиради, жавобларда аниклик кўпроқ бўлишга ўргатади. Сўнгги йилларда ўқувчилар билимини ва ривож-

ланиш даражасини аниқлаш мақсадида турли тест шаклларидан кенг фойдаланимокда.

Билимларни баҳолашга қўйиладиган талаблар. Ўқувчилар билимини баҳолашда қанча холис муносабатда бўлинса, у ўқувчиларни шунча рағбатлантиради. Коидага кўра ўқувчининг дарсдаги хулқатворига мукофот ёки жазо сифатида эмас, балки билими даражаси ва хусусиятига қўйилиши керак. Баҳога қўйилган талаблар оптимал (ошириб юборилмаган ва пасайтириб юборилмаган) бўлиши лозим. Баҳоларни «ошириш» ўқувчилар ривожланиш даражасини, билимини пасайтиради. Шу билан бирга жуда катта талаб қўйиш ҳам заарли бўлиб, ўқувчининг ўқишига бўлган қизиқишини сўндиради. Ўқитувчининг алоҳида бир ўқувчиларга баҳо қўйишда салбий муносабатига йўл қўйиб бўлмайди. Зоро, ўқув предметига мувофиқ келадиган дастур баҳолашнинг энг холис мезони бўлиши зарур.

Мактабларимизда билимларни баҳолаш ўзгаришсиз қолмади. 1935 йилгача уч баллик баҳо қўйилган бўлиб, у «жуда қоникарли», «қоникарли» ва «қоникарсиз» баҳолар эди.

Ўша пайтда бугунги кунгача мавжуд бўлган беш баллик тизим жорий этилди. Бу тизим «аъло» (беш) — дастур талабларига тўлиқ ҳажмдаги билимларни эгаллаган ўқувчига қўйилади;

«яхши» (тўрт) — дастур талабларини тўла ҳажмда арзимас камчиликлар билан (Масалан, материални баён этиш мантики бузилгани ва б. ўзлаштирган ўқувчига қўйилади;

«қоникарли» (уч) — ўқувчининг билим даражаси жуда паст бўлиб, унга кейинги материални ўрганишида илгарилашига ёрдам берадиган билим ҳажмига қўйилади;

«қоникарсиз» (икки) — ўқувчи ўзидаги жуда паст билими билан илгарилашига кодир бўлмаса қўйилади;

«ёмон» (бир) баҳо ўқувчи ҳеч нарсани билмаганда қўйилади. Бу сўнгги баҳо жуда кам қўлланиб, унинг мазмуни деярли «икки» баҳога тенгдир.

Билимларни баҳолашда холисликни (объективликни) саклаган ҳолда баъзи ҳолатларни ҳам назарда тутиш лозим: масалан, жорий ёки якуний билимлар баҳоланади (ёзма иш, чорак баҳоси ва б.), ўқувчининг интилиши, унинг ўқув ишларидаги барқарорлиги ва х. Ўқув фанининг хусусиятларини, баъзи бўлимлар, уларнинг алоказдорлигини ўзлаштириш ҳолатини назардан қочирмаслик зарур.

Ўқувчилар билимини текшириш ва баҳолашнинг анъанавий тизими жиддий нуқсонларга эга, негаки у таълимий, тарбиявий, диагностик ва рағбатлантириш функцияларини зарур даражада амалга оширмайди. Модомики, шундай экан, ундан возкечиш ёки уни янада такомиллашган шаклига алмаштириш мақсадга мувофиқ эмасмикан?

Эҳтимол, баҳонинг жазолаш вазифасидан халос бўлган ўқувчилар яхшироқ ўқишини ва таълимий бурчларига анча вижданан муносабатда бўлар эди. Бугунги кунда ўқувчиларнинг ўзи баҳога қандай муносабатда бўляптилар? Бошланғич синфлардаги ўқувчиларнинг 98 фоизи баҳо сакланиши зарурлигини айтади. Баҳони бекор қилиш ўқитишга бўлган қизиқиши оширишга, ўқитишнинг ички шакллантиришга ёрдам беради, деган фикр ҳам ўзини оқламади.

Ўрта ва юқори синф ўқувчиларининг ўқув фолиятини баҳолаш зарурлигини қайд этганлар сони 12-11

бошланғыч мактабдагидек бўлишига ишонамиз, албатта.

Бахоларни бекор қилиш мақсадга мувофик эмаслиги бир қизиқ психологик тадқиқотдан ҳам маълум. Америкалик психологлар ўқувчилик ўқув фаолияти натижаларига баҳо таъсирини аниклашга қарор қилдилар. Эксперимент мақсадига кўра, бир синфда ўқувчилик муайян вакт давомида жавобларининг аниқлиги ва тўлиқлигига эътибор қилмай, факат мақталди. Бошқа синфда факат танқид қилинди, учинчисида эса бирон-бир баҳо берилмади. Тадқиқот натижалари шуни кўрсатдики, билиш фаолияти мақталган синфларда энг юқори ютуқларга эришилган, энг ёмон натижага ўқув фаолияти танқид қилинган синфда эмас, балки билиш фаолияти сира баҳоланмаган синфда вужудга келди. Ўқитувчининг ўқитишга бўлган хаваси қанчалик кўп бўлмасин, билиш фаолиятининг ички мотивлари қай даражада шаклланган бўлмасин, у ҳамиша ташки мотивлаштиришга, ташқаридан мақташ ва қўллаб-қувватлашга муҳтоҷ бўлади. Бола кўз ўнгига ўқитувчи қанчалик аҳамиятли, обрули бўлса, унинг мактабда асосан баҳолаш ва баҳоларда акс этувчи мақтовлари шунчалик қадрли ва аҳамиятли бўлади.

Педагогик баҳолаш билимни дастур талаблари ва таълим андазаларига қиёслаб аниқлабгина қолмай, балки ўқувчилик билим фаолиятини мотивлаштиради ва рағбатлантиради.

Юқоридагилардан хулоса шуки, баҳони бекор қилиш педагогик жиҳатдан ҳам, психологик жиҳатдан ҳам ўзини окдамайди. Бундай қатор камчиликлари бўлсада, беш баллик баҳо тизимиға муқобил хили топилганича йўқ. Шунинг учун, менингча, гап

уни такомиллаштириш, ўқувчилик билимини баҳолашда хатога йўл қўймаслик ҳакида бориши керак.

ЎҚИТУВЧИННИНГ ХАТОЛАРИ

Ўқувчилик билимини баҳолашда энг жиддий хатолардан яна бирни турли гурухларига субъектив ёндошишdir. Бу ўқитувчи томонидан айни бир жавоб учун, айни бир иш учун турли ўқувчилик бахолашдаги тафовутларда акс этади. Тафовутлар баъзан икки баллгача тушади. Йиллар ўтиши билан ўқитувчилик ўқувчилик турли гурухларига ниебатан муайян тасаввур ва унга мувофик холда муносабат шаклланиб боради. Бу нарса ўзлаштирган ва ўзлаштирмаған ўқувчилик муносабатда ёрқин намоён бўлади. Ўқитувчилик бир хил ўқувчилик (ўзлаштираётган) доим мақтайдилар, бошқаларни (ўзлаштирмаётган) ҳамиша койийдилар. Бунинг устига ўзлаштирмаётганларга, одатда, ўзлаштирган синфдошларига нисбатан тез-тез ва қаттиқ танбех берадилар. Янглиш муносабат яна шунда намоён бўладики, ўқитувчилик яхши ўзлаштирувчилик муносабатдан ёмон ўзлаштирувчи ўқувчилик жавоб беришга кам таклиф этадилар. Жавобни ўйлаш учун уларга жуда оз вакт берадилар.

Мана бундай вазиятга эътибор қилинг. Доска ёнида паст ўзлаштирадиган ўқувчи жавоб бермоқда. Ишончсиз, ўринсиз гапирмоқда. Бундай ҳолатда ўқитувчининг муносабати қандай бўлади? У ўқувчи гапини шартта бўлиб, унга «икки» кўяди ва жойига ўтқизади: «Сен яна дарс тайёрламабсан», «Сен хеч одам бўлмайсан», «Сенга ўргатса ҳам, ўргатмаса ҳам бефойда экан» деб уни изза қиласди.

Энди бошқа вазиятни кўрайлик. Доска олдида яхши ўзлаштирувчи ўқувчи бугунги дарсга тайёр-

ланмай келиб, ишончсиз холда жавоб беряпти. Ўқитувчи бундай вазиятда ўзини қандай тутади?

У ўқувчига ёрдам бериб, камчилигини тўлдиради, ёки унга жавобни ўйлаши учун имкон беради. Кўриниб турибдики, бу икки вазиятда ўқитувчи кархисида яхши ва ёмон ўзлаштирувчи бола турганига караб, ўзини турлича тутяпти. Ҳар хил болага бундай муносабат илгаритдан вужудга келган тасаввурнинг намоён бўлиши хисобланади. Келтирилган мисолда субъектив муносабат намоён бўлади. Ўқитувчининг бундай муносабати эса мактаб баҳосининг таълимий, тарбиявий ва рағбатлантирувчи функциясини пасайтиради.

Америкалик педагог Блумнинг фикрича, ҳатто ўқувчилар нутки сўръати ҳам ўқитувчи баҳосига таъсир этар экан. Бу нарсани маҳсус ўтказилган қўйидаги тадқиқотдан ҳам билиш мумкин. Табиатшунослик фанидан ўқувчи қиз бир хил материални икки марта гапириб берган. Аввал 16 дақиқада, кейин эса 24 дақиқа давомида. Жавоблар видео тасмасига ёзиб олинди. Сўнгра 81 нафар ўқитувчи секин айтилган ва тез айтилган материални баҳолашди. Тез айтиб берилган материалнинг ўртача баҳоси 3,38 балл билан, секин сўзлаб берилган материалнинг ўртача баҳоси 2,5 балл билан баҳоланди.

Тадқиқот муаллифларининг холосаси шуки, кўпгина ўқитувчилар учун нутқнинг тез суръати чукур билим ва катта қобилиятдан дарак берар экан.

Ўқитувчи ўқувчининг тез ёки секин нутқ суръати материални билиши ёки билмаслиги белгиси эмаслигини фаҳмлайди. Вазминлик, бир иш туридан иккинчисига секин ўтиш совуқкон мижоздаги ўқувчига саволни тушуниб олиши ва унга жавоб

тайёрлаши учун кўпроқ вакт талаб этилади. Бундай ўқувчига жавоб учун қизиқкон мижозга нисбатан кўпроқ вакт керак бўлади. Ўқитувчи эса, совуқкон ўқувчининг вазминлигини мутлақо бошқача тушунади. Турли мижозга (темпераментга) мансуб бўлган ўқувчиларга нисбатан хато қилиш умумий баҳолаш тизимининг камчилиги эмас, балки ўқитувчининг шахсий (субъектив) хатоси, аниқроғи, ўқувчиларнинг типологик хусусиятларини билмаслиги натижасидир.

Мактаб амалиётида кўпинча ўқувчиларни бирбирига қиёслашади, бирининг ютуғини иккинчи сига ўрнак қилишади. Ўқитувчи яхши ўқий олмаган ўқувчига караб: «Қарагин, Тоҳир қандай яхши ўқииди!», — деган кинояли сўзлар билан уни изза килади. Бу ўқувчига руҳий жиҳатдан ёмон таъсир килади, оқибат у ўқишдан bezadi.

Болаларни бир-бири билан шундай ва умуман тақкослаш мақсадга мувофиқми? Бундай тақкослаш паст ўзлаштирувчи ўқувчиларнинг ўқишга қизиқишини кучайтиришга ёрдам берадими? Худди шу соҳада психологик тажриба ўтказилди. Ўкув йили давомида синфда ҳар бир ўқувчини ўзи билан қиёслаб, ўқитувчи ўзлаштириш даражаси хақида унинг ўзигагина айтди. Бошқа синфда эса бир ўқувчининг ютуқлари, имкониятлари бир хил, лекин шахсий сифатлари билан бошқа натижаларга эришган, бошқа ўқувчининг ютуғи ёки муваффақиятсизлиги билан қиёсланди. Учинчи синфда болалар умуман тақкосланмади. Ўкув йили охирида ўқувчилари бир хил қобилиятили, лекин ўқишга турлича муносабати туфайли ўкув фаолиятида турли натижаларга эришган болалар синфи энг яхши хисобланган. Бу ердаги тақкослаш боланинг ўси-

шини пасайтirmаган, аксинча, яхши натижаларга эришиши мумкинлигини кўрсатган.

Ўқувчи ўзини-ўзи билан киёслаган синфда ижобий натижалар кўлга киритилди. Ўзлаштираётган ва ўзлаштираётган ўқувчилар тақкосланган синфда мутлақо бошқача манзарани кўриш мумкин эди.

Ўтказилган тадқиқот куйидаги хуносага келишга ёрдам берди. Болалар билимини шундай тақкослаш керакки, унда бирони юқори кўтариб, бошқаларини ерга урмай, болаларнинг энг яхши натижаларга эришувини ва ўз шахсини такомиллаштиришини қўллаб-қувватласин.

Умуман олганда, болаларни бир-бири билан тақкослаш, бирини иккинчисига ибрат қилиб кўрсатиш — педагогик томондан хам, ахлоқ-одоб томондан хам мутлақо тўғри келмайди. Дарҳақиқат, тарбиянинг инсоний ўналиши болани қандай бўлса шундайлигича қабул қилишни ва уларнинг ўзини ривожлантириш ва камолатга етказиш учун шарт-шароит яратишни кўзда тутади.

Ўқитувчи томонидан ўқувчилар билимини баҳолашда йўл қўйилган хатолар факат баҳо компонентларининг ўзгаришига эмас, балки бутун ўқув-бишлиш фаолиятининг ўзгаришига олиб келади, улар бу тизимга хос бўлган камчиликларни кучайтириб, уни камсукум ва ёқимсиз қилиб қўяди.

Ўқувчи ўзини баҳолайди. Ўқувчилар билимини текшириш ва баҳолаш масаласи тўғрисидаги мунозаралар, уларни такомиллаштиришнинг янги шакларини излаш, аксарият ҳолларда нотўғри ўналишда олиб бориляпти. Албатта, 10 баллик баҳо тизимини жорий этиш ёки баҳодан умуман воз кечиб, текширишнинг турли шаклларидан, чунончи синов, имтихон, тестларни қўллаш мумкин.

Лекин ўқувчи ва унинг билиш қобилияти ўқитувчи баҳосининг обьекти бўлиб қолаверади.

Мактаб баҳосини такомиллаштиришнинг энг самарали йўли ўқувчи билимини баҳолаш компонентининг фаол субъектига айлантиришда. Зоро, педагогнинг баҳоси ўқувчининг ўзини-ўзи баҳолашга ўргатиш лозим, яна яхшиси, баҳолашнинг бу икки кўринишини уйғунлаштириш мухимdir.

Ўз-ўзини баҳолашни таъминловчи йўллар қайси? Ўқувчиларнинг ўз-ўзини баҳолаш кўникмасини пайдо қилиш учун биринчи навбатда уларни ўз билиш фаолиятини баҳолашга жалб этиш лозим. Ўз-ўзини баҳолаш қуйидаги усуллар билан вужудга келади:

1. Бошқалар бажарган ишни ўқувчи томонидан, яъни ўқувчиларнинг ўзаро баҳолаши. Синфдошининг иши тўғрисида ахборотнинг мавжудлиги ўзини-ўзи баҳолаш фаолиятига ижобий таъсир киласди.

2. Ишни бажарган ўқувчи ўзига-ўзи баҳо қўяди. Сўнг унинг иши ўқитувчи томонидан баҳоланади, иккала баҳо қиёсланиб, биринчи баҳонинг объективлик даражаси аниқданади.

Яна бошқа усулни хам таклиф этиш мумкин. Оғзаки жавобдан сўнг ўқитувчи жавоб берадиган ўқувчидан ўзига қандай баҳо қўйиш мумкинлигини сўрайди. Кейин синфга мурожаат қилиб, ўртоқлари жавобини баллар бўйича баҳолашни илтимос киласди. Бироқ, ўзини-ўзи баҳолашни шакллантириш учун ўқувчиларни баҳолаш фаолиятига жалб этиш кифоя қилмайди. Яъни, ўқувчиларни шундай мезонлар билан куроллантириш керакки, ўқувчилар улар билан баҳолаш ва ўзини-ўзи баҳолашни амалга оширасинлар.

Ўқувчи ўзининг (ўртоғининг) билимларини баҳолаш учун берилган намуна этолон нисбатини (ўлчашни) билиши зарур. Ўз ҳаракати ёки иш натижаларини этолон бўйича таққослаб, у ўз фаолиятини баҳолашга ўрганади.

Ўқитувчи баҳосидан сўнг ўзини-ўзи баҳолашга ўтиш ўқувчини ўқитишнинг фаол субъекти қилишда жуда мухимдир. Ўқитишда ўқитувчининг асосий вазифаларидан бири, бу-ўқувчилар билиш фаолиятини бошқариш хисобланади. Ундан келиб чиқиб, у ўқув-билиш фаолиятини режалаштиради, мақсад кўяди, уни мотивлаштиради, назоратни бошқариш ва баҳолашни амалга оширади. Ўқувчи муайян мезонлар асосида ўзининг билиш фаолиятини баҳолаши зарур ва ўқувчи қанчалик тез-тез ўзини баҳолаш билан шуғулланса, у шунчалик ишонч билан ўқитиш субъекти бўлиб боради.

Савол ва тоншириқлар

1. Бошланғич таълим мазмуни технологиясини тушунтириб бсринг.
2. Ўқувчиларнинг билимини баҳолаш технологияси деганда нимани тушунасиз?
3. Ўқув-тарбия жараёнида ривожлантириш усулининг технологияси нималардан иборат?
4. Дарс таълимида ривожлантириш технологияси нималардан иборат.
5. Ўқувчи билимини текшириш ва баҳолаш технологияси принципларини айтинг.
6. Ўз-ўзини баҳолаш ҳақида маълумот беринг.
7. Ўқув усул ва йўллари нима, уларнинг мазмуни нимадан иборат?
8. Ўқув усусларини аниқ классификациялашга мисоллар келтиринг, унинг ўзига хос хусусиятларини айтинг.

IX б о б . ТАЪЛИМ ҚОНУНИЯТЛАРИ ВА ҚОИДАЛАРИ ПРИНЦИП ТУШУНЧАСИ

«Принцип» сўзининг маъноси хулкнинг, хатти-харакатнинг асосий қоидаси, етакчиғоя демакдир. Таълим қонуниятлари (принциплари) — бу ўқитиш жараёнига қўйиладиган талаблар йиғиндисидир.

Биз, ҳатто, турмушда ҳам «бу одам принципли» деймиз ва бунда ўша одамнинг ўзига хос қоидаларга, ўзининг принципларига мувофиқ иш кўришини назарда тутамиз. Агар кишининг хатти-харакатларида катъий қоидалар бўлмаса, уни «принципи йўқ» деб хисоблаймиз.

XV—XVI асрлардаги машхур олимлар билишнинг асосий қонуниятларига фақат ўқитишнинг эмас, балки ахлоқий тарбиялашнинг ҳам етакчи асоси сифатида караганлар.

Форобий «Намунали таълим» ҳақидаги рисоласида ўқувчилар ўзлаштириши лозим бўлган материални энг яхши йўсинда баён қилиш масаласига алоҳида тўхталиб, бу ишнинг иккита турини тавсия этган: уларнинг бири бевосита сезишга яқин нарсаларни олдинги ўринга қўйишдан ва иккинчиси ақлга яқин нарсаларни олға сурошдан иборатдир. У ўзининг фикрини тушунтириб шундай ёзган: «Акл ўз ҳаракатини аввал сезиладиган нарсаларга, кейин эса ақлга мувофиқ йўсинда, яъни хоссаларни синтез қилишга йўналтириши маъқул».

Ибн Сино асарларида ҳам дидактиканинг принципларига, хусусан кўрсатмали ўқитишга қизикиш билан қаралган. Ибн Синб инсон дастлабки ўқув машғулотларида буюмнинг ташки хоссасини ўрганса, ўша буюмни ва унинг тасвирини кўриб чикса,

ўзи мустакил холда билимларни ўзлаштира олади, деб ҳисоблаган. Олим инсон ҳақиқатан мавжуд нарсаларни ёки уларнинг тасвирини идрок этиши туфайли унда объектив вокеликни тўғри акс эттирадиган тасаввур шакланишини уқтирган.

Шарқшунос олим Киндийнинг фикрича, инсонда ижобий сифатларни таркиб топтиришнинг энг зарур омили унинг ақл кучини ривожлантиришидир. Ақл кучи ривожланмаса, инсон умр бўйи Арастунинг китобларини ўқиса ҳам, уларда ифодаланган фанларнинг биронтасини ўзлаштира олмайди. Бундай одам ҳар қанча уринса-да, факат бошқаларнинг гапларини такрорлаб бера оладиган бўлади. У ҳеч нарсанинг мөхиятини тушунмайди ва ўзлаштира олмайди. Киндий ана шу фикрларини баён килар экан, ўқитишнинг илмийлиги ва онглиги қоидасини назарда тутган.

Педагог олимларнинг юкоридаги фикр-мулохазаларини умумлаштириб хулоса сифатида айтишимиз мумкинки, ўқитиш принциплари ёш авлодга таълим ва тарбия бериш мақсадларига мувофиқ ўқитишнинг характеристини белгилайдиган асосий _етакчи қоидалардир.

Мана шу принциплар қаердан келиб чиқкан? Уларни ким, қачон ва қандай вазиятларда ифодалаган?

Принципларни ифодалашга олиб келган асосий манба, ўқитиш амалиёти, ўқитувчиларнинг кейинчалик англанган, умумлаштирилган ва таркалган тажрибаси ҳамда топилмалариdir

Биз ижтимоий ривожланишга кўра ўқитиш принципларининг ўзгаришини эътироф этган холда анъанавий таърифларни саклаш, уларга факат замонавий мактабнинг аҳволини акс эттириш зарур-

лиги учун бошқача мазмун бахш этиш, хусусан янги мактабга хос айрим қоидаларни киритиш тарафдоримиз. Масалан, «Умумий таълим мактаби концепцияси» ҳамда «Синфдан ва мактабдан ташқари тарбиявий ишлар концепцияси»га мувофиқ бутун ўқитиш ва тарбиялаш тадбирлари таълимни инсонпарварлаштириш ҳамда демократлаштириш талабларига бўйсуниши сабабли демократик қонунларга, шахсга инсоний муносабатларга асосланган тарбияловчи ва камол топтирувчи таълимнинг бирлиги етакчи қоида бўлиб қолди.

Ўқитишнинг принципларидан унинг қоидалари келиб чиқади ва улар у ёки бу принципларнинг хусусий қоидаларини акс эттиради. Масалан, ўқитишнинг кўрсатмалик принципи таълимнинг кўрсатмали қўлланмани ҳозирлаш, ўқувчilarни уни идрок этишга тайёрлаш, қўлланмани кўрсатиш ва таҳлил килиш каби қоидаларини тақозо этади.

Ўқитишнинг тизимлилиги принципи қуйидаги қоидалардан иборат: янги ўзлаштирилган билимларни илгари олинган билимларга боғлаш, материални қисмлари бўйича баён қилиш, ўрганилган билимларни мустахкамлаш ва хоказо. Ўқитиш принципи бутун таълим жараёнига тарқалади, таълимнинг қоидаси факат ана шу жараённинг айрим томонлари ва звеноларидир.

Я. А. Коменский ўзининг «Буюк дидактика» асарида дидактиканинг принципларини ишлаб чиққанидан бошлаб уларни деярли барча педагог олимлар кўриб чиқдилар, лекин ўқитиш принципларининг сони ва мазмунини белгилаш хусусида ҳозирги кунгача бир фикрга келингани йўқ. Ҳатто, Ильина, Огородников, Болдиров, Шчукина ва бошқалар яратган дарсликларда ҳам мазкур принципларнинг сони ҳар хилдир.

ПРИНЦИПЛарни танлашга умумий ёндошиш

Принципларнинг сони 6 тадан 11 тагачадир. Дидактика тадқиқотчиларидан айримларининг асарларида турли принциплар тавсия этилган. Масалан, М. И. Скаткин узлуксиз таълим тамойилини хисобга олиб ўқитишнинг мустақил билим олишга ўтиш принципи жорий этилишини таклиф қилади, шунингдек, ўқишига ижобий муносабатпи шакллантиришга катта эътибор бериб, таълим ижобий асосда олиб борилиши принципини максадга мувофиқдеб билади. Ю. К. Бабанский дидактиканинг янги йўналишларидан бири — оптималлаштириш назариясини ишлаб чикиб, мана шу назариянинг амалий йўналишини акс эттирадиган учта янги принципини тавсия қилади. Булар эса 1) таълимнинг оғзаки, кўрсатмали ва амалий, репродуктив ва изланишли, шунингдек, бошқа *методлари ҳамда усулларини* тўғри бирлаштириш; 2) таълимнинг дарс, дарсдан ташқари, шунингдек умумсинф, гурӯхий ва якка тартибдаги шаклларини тўғри бирлаштириш; 3) ўқувчиларнинг ўқишига ижобий муносабатни кучайтириш, уларда билишга қизиқиши, билимларга эҳтиёжни таркиб топтиришдан иборатdir¹. Бу принциплар ҳали баркарор принциплар тизимиға киргани йўқ, лекин тажрибали педагоглар педагогиканинг тегишли мавзулари ва бўлимларини ўтишда улардан фойдаланмоқдалар.

ЎҚИТИШНИНГ ЕТАКЧИ ҚОИДАЛАРИ

Ўқитишнинг \ар хил принциплари тавсия этилган ва этилаётган бўлса хам, лекин барча тадқи-

¹ Ю. К. Бабанский. Прицип обучения в современной образовательной школе. — Народное образование, 1979, № 2.

котчи-дидактлар учун умумии қатор принциплар мавжуд. Улар куйидагилардан иборат:

1. Ўқитишнинг тарбияловчи ва камол топтирувчи принципи.

2. Илмийлик, тизимлилик ва изчиллик.

3. Таълимнинг ҳаёт билан боғланиши.

4. Онглилик ва фаоллик.

5. Кўрсатмалилик.

6. Тушунарлилик.

7. Пухталик.

Барча предмет ўқитувчилари ҳамма синфларда ана шу принципларга риоя қилишлари керак. Аммо предметларнинг мазмунига, ўқувчиларнинг ёш хусусиятларига, кўрсатмали қўлланмалар мавжудлигига боғлиқ ҳолда принципларнинг нисбати ҳамда мазмуни ўзгаради. Масалан, кўрсатмалилик принципи табиатшуносликни ўқитиш жараёнida тажрибаларни намойиш этиш бўлса, тилни ўқитишда грамматика жадвалларини кўрсатиш, доскага ёзиш, схемаларни чизиш ва ҳоказолардан иборат бўлади.

Лекин ҳар қандай предметни ўқитишда жонли мушоҳада, яъни нарсалар ва ҳодисаларни муайян идрок этиш, фикрлаш принципларига амал қилиш, бошқача айтганда, назарий хулосаларни тушуниш ва билиш, уларни ҳаётда қўллай олиш зарур.

ИЛМИЙЛИК, ТИЗИМЛИЛИК ВА ИЗЧИЛЛИК ПРИНЦИПИ

Мактаб таълимига қўйиладиган илмийлик талаби ҳалқтаълими тўғрисидаги барча қоиунлар, «Умумий таълим мактаби концепцияси» ҳамда «синфдан ва мактабдан ташқари тарбиявий ишлар концепцияси»да ифодаланган етакчи талабдир. Ҳозирги кунда, яъни фан ва техника ривожланган, илмий билимлар, мустақил давлатни қуриш ва уни

ривожлантиришнинг хар хил амалий масалаларини хал қилишнинг зарур шартига айланайтган даврда мазкур принципни амалга ошириш нихоятда муҳимдир.

Илмийлик принципи мактаб таълими мазмунига фанда аниқ расмийлашган ўқув материалларини киритишни (бу талаб мактаб дастурлари ва дарслерларини таққослашда, ўқитувчи ҳар бир дарс учун материал танлашда ҳисобга олинади), ўқувчиларни ўз ёшлигига мос илмий тушунчалар билан қуроллантиришни талаб қиласди.-Дастурлар ва дарслерларда эса ана шундай тушунчаларни ўзлаштиришнинг тартиби ифодаланади. Бу тартибга жиддий риоя этиш ҳамда ўқув жараёнига факат фанларда қабул қилинган таърифларни киритиш максадга мувофикдир.

"Илмийлик принципи ўқитувчидан ўқувчиларнинг оғзаки ва ёзма нутқига алоҳида эътибор беришни, у ёки бу масалаларни илмий асосда тушунишдан ҳеч қандай чекиништа йўл қўймасликни, илмий тушунчаларни ва сўзларни тўғри қўллашни талаб қиласди.*

Табиат ҳодисаларини (момакалдироқ, чакмок, шамол, қор, ёмғир ва хоказоларни), шунингдек, жамият ҳаётида энг муҳим ўзгаришларни илмий жиҳатдан аниқ баён қилиш катта аҳамиятга моликдир.

Болалар таълимнинг дастлабки йиллариданоқ ишнинг рационал усусларини: режа бўйича хикоя қилишни, ўқилган нарсалардаги асосий фикрни топа олишни, исботлай билишни, ўқув материалини англаган холда ёдлашни ўзлаштиришлари керак.

Мазкур принцип фаннинг тармоқлари барқ уриб ривожланаётган ҳозирги кунда алоҳида аҳамиятга

моликдир.-Шунинг учун ўқитувчи ҳар бир дарсга тайёрланишда дарслерлар ва уқув қулланмаларидан ташқари, фанларнинг сўнгги ютуқлари ёритилган вактли матбуот воситаларидан ҳам фойдаланиши лозим.-Бунда бошланғич синфларда ўқувчиларни замонавий фанларнинг ютуқлари билан таништириш керакмас, деган фикрни маъқул деб бўлмайди. Бинобарин болаларга берилган барча назарий маълумотлар ва улар ўрганган қоидалар илмий билишнинг ҳозирги ривожланиш даржасига зид келмаслиги лозим. Таълимнинг ана шундай йўлга қўйилиши ўқувчилар мактабнинг юқори синфларига ўтиши билан уларни қайта йўналтириш ва қайта ўқитиш заруриятини бартарап этади.

Ўқитувчи болаларга фаннинг сўнгги ютуқлари хакида сўзлаб бериши, билимлар тизими асосида гина фанни ўрганиш мумкинлигини тушунтириши лозим. Я. А. Коменский ва И. Г. Песталоцци ўз даврларида ёқ билимларни ўрганиш учун уларнинг навбатдаги ҳар бир звеноси ўзидан олдинги звеноларига асосланиши, янги билим илгари ўзлаштирилган билимларга жиддий мантикий тартибда боғланиши зарурлигини ишонарли тарзда исботлаганлар.

-Билимларни тизимли баён қилиш нимани англатади? Билимларни тизимли баён қилиш — уларнинг янгисини илгари ўтилгани билан боғлаш, шу орқали ўқувчиларнинг тушунча ва тасаввурлари доирасини кенгайтириш ҳамда чукурлаштириш, материални кисмлари бўйича ўрганиш, уларнинг асосий жиҳатларини, умумий ғоясини алоҳида ифодалаш билан ўқувчиларнинг мантикий тафаккурини йўналишга солиш ва ривожлантириш, улар-

га мустақил ҳолда тахлил қилишни, узлаштирилган фактларни тизимга солиш ва умумлаштиришини ургатишидир.

Ўқитувчининг билимларни тизимли баён қилиши ўқувчиларга ўкув предметининг структураси ва мантиқини чуқурроқтушуниш, фаннинг бош ғояси ва асосий қоидаларини ажратиш, табиат ва жамият ҳодисалари ўртасидаги ички боғланишни аниклаш имконини беради.

Ўқитишининг жиддий тизимлилиги муваффакиятли олға боришининг гарови бўлиб, фикрларни тартибга солади, билим, кўнишка ва малакаларни ўзлаштиришни осонлаштиради ҳамда яхшилайди, воқеликни тўғри билйини таъминлайди, акл, ирода ва характерни ривожлантиради.

Ўқитувчи ўқувчиларга талаблар қўйишда ҳам, уларнинг билимлари, кўнишкалари[^] малакалари ва хатти-харакатларини баҳолашда ҳам, фикр-мулоҳаза юритишда ҳам изчиллик кўрсатиши керак.

Ўқитишининг изчиллиги факат ўкув материалларини жойлаштиришда қатъий тизимни эмас, факат янги билимлар беришда, ўтилган материалларни мустаҳкамлаш ва текширишда тафаккурни жиддий ва батартиб ривожлантиришнинг эмас, балки илгари ўрганилган билимларни доимий равишда такрорлашни, улардан кейинги машғулотларда янги фактлар ва ҳодисаларни тушунтириш, уларни таққослаш учун, турли масалаларни ҳал қилиш учун фойдаланишни ҳам талаб қиласди.

Юз йил муқаддам таълимда яқиндан узокқа, оддийдан мураккабга, осондан қийинга, маълумдан номаълумга қоидаси вужудга келган. Бу қоида ҳам тизимлилик принципининг моҳиятидан иборатдир.

НАЗАРИЯНИ АМАЛИЁТ БИЛАН БОҒЛАШ ПРИНЦИПИ

Биз ўкувчиларимизни ҳаётга, жамият қурилишида қатнашишга тайёрлаймиз. Шунинг учун таълим амалий ҳаёт билан боғланиши керак.[^]Ҳозирги пайтда назарияни амалий ҳаёт билан боғлаш принципи алоҳида аҳамиятга эга. Шунга кўра уни таълим-тарбия ишининг ҳамма йўналишларида амалга ошириш зарур. ч

Форобий ҳар қандай фанни икки қисмга, амалий ва назарий қисмларга ажратган. Мана шу қисмларни қисқача шарҳлашда улардан ҳаётда фойдаланиш имкониятларини ҳисобга олган. Унинг амалий ва назарий қисмларга берган таърифларидан таълимни амалий йўналишда олиб бориш ва ҳаётга, кишиларнинг кундалик фаолиятига боғлаш фикри туғилади.

Назарияни амалий ҳаёт билан боғлаш принципини рўёбга чиқариш учун қуйидаги тадбирлар амалга оширилиши керак:

а) ўрганиладиган материални ўкувчиларнинг шахсий тажрибаси ва кузатишлари билан, куйи синфларда эса уларнинг ўйинлари билан боғлаш даркор — чунки кичик мактаб ёшидаги ўқувчиларни ўқитиш албатта ўйин фаолиятини талаб қиласди;

б) таълимни атрофдаги ҳаёт билан, янги жамиятни қуриш амалиёти билан боғлаш;

в) назарияни амалиёт билан фаннинг ривожланиши жамиятнинг эҳтиёжларига боғлиқлигини ёритадиган қадамжоларга саёҳатлар шаклида боғлаш;

г) назарий ва амалий йўсиндаги турли масалаларни ҳал қилиш ва топшириқларни бажариш, лаборатория ишлари билан шуғулланиш ва ишлаб чиқаришга доир мавжуд билимлар асосида практикулар ўтказиш ҳамда уларнинг натижаларини албатта текшириш;

д) ўкувчиларнинг унумли меҳнати, яъни ижтимоий-фойдали ишларини ўзларига мос шаклларда йўлга қўйиш.

Мазкур принцип хусусан меҳнат тарбияси ва таълими жараёнида яққолрок намоён бўлади.

Таълимдек ўкувчиларнинг онглилиги ва фаоллиги принципи талабига кўра ўқитиш ўкувчилар илмий билимларни ва уларни амалда кўллаш усулларини онгли ҳамда фаол ўзлаштирадиган, ўкув фаолияти уларнинг ижодий ташаббускорлиги ва мустақиллигини, тафаккури, нутқи ҳамда дунёқарашини шакллантирадиган йўсинда ташкил этилиши керак. -

Таълш[^]даги онглилик ўкувчилар ўз ўкув фаолиятларининг аник мақсадларини тушунишини, фактлар, ҳодисалар, жараёнлар ва уларнинг ўзаро боғлиқлигини англашни ва ўзлаштирган билимларидан амалда фойдалана олишини билдиради. НТунингдек, таълимнинг онглилиги ўкувчиларнинг ўқишига масъулиятли муносабатда бўлишини, ўқитувчи берган топширикни ўз вактида ва аник бажаришга интилишини ҳам англатади.

Ўкувчиларнинг фаоллиги улар синфда, лабораторияда ижодий материалларни ўрганаётганларида, топшириқларни, ижодий ишларни бажараётганларида намоён бўлади. Мана шу хилдаги ишлар ва ҳар хил топшириклар ўкув фаолиятида ўкувчиларнинг мустақиллигини ривожлантириш билан чамбарчас боғлиқдир. Бунда ўкувчиларнинг факат адабиётлар билан ишлаши ёки турли таълимий топшириқларни бажариши эмас, балки уларнинг мустақил фикрлашни ўрганиши, доимий ижодий изланишга интилиши, ўзини узлуксиз назорат қилиши, битирган ишларнинг натижаларини мустақил ҳолда тўғри баҳолаши ҳам назарда тутилади.

Онглилик ва фаоллик принципини амалга ошириш ўкувчиларга ўрганиладиган предмет ёки бўлимнинг мақсади ва вазифаларини тушунтиришдан ҳамда амалий аҳамиятини ёритиб беришдан бошланади.

Ўкувчиларнинг билиш фаолияти уларнинг дарсдаги хиссий идроки ва амалий ишлари, ўқитувчининг гаплари орқали амалга ошади. Ўкувчиларнинг билиш фаолиятида ўқитувчининг оғзаки ахбороти ва ўкув адабиётларини мустақил ўқиши жуда муҳим роль ўйнайди. 'Таълимнинг онглилик принципи ўкувчилар янги материални идрок этишда факат таърифларни айтиб беришни эмас, балки уларнинг муайян ҳодисаларга, жараёнларга боғлиқ мазмунини тушунишни ҳам ўрганишларини талаб қиласди.' Акс ҳолда билимларда расмиятчилик вужудга келади ва ўкувчилар материални қуруқ ёдлайдиган ва қайта сўзлаб берадиган бўладилар, лекин унинг моҳиятини тушунмайдилар ва ўзлаштирган озмикўпми билимларини амалий фаолиятда кўллай олмайдилар. Расмиятчиликнинг сабабларидан бири ўқитувчининг материални бир қолипда баён қилишидир. Бундай ҳолда ўкувчилар унинг гапларини ишонч билан тинглайдилар ва эслаб қоладилар, лекин уни фикран тахлил қилмайдилар. Турли масалаларни қўйиш, кўрсатмали қуроллардан кенг фойдаланиш ва ўкувчиларни амалий ишларга жалб этиш орқали уларни билиш фаолиятини кучайтириш билимларидаги расмиятчиликнинг олдини олишнинг муҳим воситасидир. Ўкувчиларнинг янги материал бўйича билимларини текшириб, уни қанчалик англаганини ва илгари ўтилган материалга қандай брёлаганини, уни амалда (ҳар хил масалаларини ҳал қилишда, турли машқларни, меҳнат

топширикларини бажаришда) қўллай олишини аниқлаш катта роль ўйнайди.

Билимларни онгли равища ўзлаштириш ўкувчиларда ана шу билимларга маълум муносабатни, хиссий кечинмаларни таркиб топтиришни ҳам ўз ичига олади. Ўкувчиларнинг билимларни эгаллашга фаол муносабати уларнинг билиш фаолиятини янада кучайтиради.¹

Таълимда онглилик ва фаоллик қоидаси

1. Ўкувчиларнинг ўкув фаолиятида ўз олдиларидаги максад ва вазифаларнинг моҳияти ҳамда ахамиятини, яъни ўzlари нима учун ўқишлари кераклигини тушунишлари;

2. Билимларни ўзлаштиришга қатъий интилиш, яъни ўқишга иштиёқ;

3. Фанни эгаллашга олиб борадиган йўлларни, яъни хозирги замон кишиси учун зарур билимларни қайси усуллар билан ўзлаштириш мумкинлигини билиш;

4. Фаннинг фактлари ҳамда конуниятларини равшан ва чуқур тушуниш, ўкув материалларнинг бола онгидаги қайта ишланиши ва унинг ўз бойлигига айланishi, олинган билимларни ҳаётда қўллай билиш.

Онглилик принципининг амалга ошиши аввало фан материалининг онгда қайта ишланишидан иборат бўлиб, бу жараён шахсда ўз нуктаи назари ва ишонч шаклланишининг, яъни дунёқараш ва онглилик таркиб топишининг зарур шартидир.

«Билим» ва «ишонч» ҳар хил тушунчалардир. Биз, масалан, бир киши ҳақида «эътиқодли, ўзининг нуктаи назарига эга, мустақил фикрлайди», — десак, бошқа киши тўғрисида «нимани эшитса, нимани ўқиса, ишонаверади, ўзича фикр юритмайди», — деймиз. Демак, улар бир хил кишилар эмас.

. Дононадан бири таъкидлаганидек, ишончни саҳий одамлардан олиб ёки китоб дўконидан ҳарид килиб бўлмайди, уни худди овқат ошқозонда ҳазм бўлганидек, ҳар ким ўзининг калласида мустақил ҳолда вужудга келтириши керак.

Билимлар ишончга айланишининг ягона йўли ўкув материалининг ўкувчилар онгидаги қайта ишланишидир.

Ўқитувчининг вазифаси ўзлаштирилган билимлар ишончга айланишини таъминлашдир ва бунда ўкувчиларнинг таълим жараёнидаги фаоллиги жуда мухимдир. Шунга кўра педагогиканинг зарур муаммоларидан бири дарсда ўкувчиларнинг билишга доир ишларини фаоллаштиришдир.

Дарс жараёнда мазкур принцип қандай килиб амалга оширилишини ифодалаш учун иккинчи синф она тили дарси мисолида «предметнинг белгиси» мавзусйни ўрганиш бўйича иккита мисол келтирамиз.

1. Ўқитувчи ана шу мавзуни ўтишда доскага бир неча гапни кетма-кет ёзади, ўкувчилар билан уларга маълум гапнинг бош бўлакларини — эга ва кесими таҳлил қиласи, сўнгра ўкувчиларнинг эътиборини гапнинг иккинчи даражали бўлакларига — аникловчига қаратади. Кўриб чиқилган мисоллар асосида холоса чиқариб: «гапнинг шундай иккичи даражали бўлаклари борки, улар предметнинг белгисини билдиради ва қандай? қанака? қайси? сўроқларига жавоб бўлади?», — дейди.

Иккинчи ўқитувчи худди шуларни бошқача баён қиласи.

Дарс киришдан бошланади: «Биз бугун грамматика бўйича янги мавзуни ўрганамиз. Мен мавзуни айтмайман, уни кейинрок ўзларингиз айтасизлар.

Хозир мен сизларга бир матнни бераман, уни ўқинг ва ўйлаб кўринг. Матнда айтилган одам тўғрисида яққол тасаввур хосил қилинг». Ўқитувчи ана шу гапларни айтиб, доскага болалар биладиган қаҳрамоннинг образи ёзилган плакатни осиб қўйди. Матнда ҳам аниқловчилар тушуриб қолдирилганди. Мана ўша матн: «Мен унинг... чехрасига қарадим ва у ҳақиқатан ҳам ҳеч нарсадан кўрқмайди, деб ўйладим. Шундай ... иродали ва шундай ... сўзлайдиган бола қоронғулардан ҳам, безорилардан ва ... нарсалардан ҳам кўрқмаслигига ишонч хосил қилдим».

Ўқитувчи ўқувчиларга ўйлаб олиш учун бироз вақт берди ва улардан шу матнни ўқиб ўша бола тўғрисида қандай тасаввур хосил қилишганини айтиб беришларини сўради.

Ўқувчилар қийналдилар, улар жуда қисқа ёзилган одамнинг киёфасини тасвиirlаб бера олмадилар.

Шунда ўқитувчи ўқувчиларнинг дикқатини хикоянинг тўлиқ матни ёзилган плакатга жалб қилди. Ўқувчилар ана шу таърифдан қаҳрамоннинг киёфасини яққол кўз олдиларига келтирдилар. Шундан сўнг ўқитувчи иккала матнни таққослашни ва уларнинг фарқини айтишни таклиф қилди. Ўқувчилар биринчи плакатда предметнинг белгисини билдирадиган сўзлар йўқлигини аниқладилар.

Шундай қилиб, ўқувчиларнинг ўzlари аниқловчи нима эканлиги ҳақида холоса чиқардилар. Бу эса уларни фикрлашга, фаоллик кўрсатишга мажбур қилди, билимларни онгли ўзлаштиришларини таъминлади.

КЎРСАТМАЛИЛИК ПРИНЦИПИ

- Билишнинг биринчи поғнаси — жонли мушоҳада, яъни теварак-атрофдаги нарсалар ва ходисаларни идрок этишdir. Кўрсатмалилик принципи

идрок этишни осонлаштириши ва назарий билимларни хаёт, амалиёт билан боғлаш имконини беради. Бу принцип ўрганилаётган ҳодисаларга қизиқиши оширади, билимларни пухтароқ эгаллашга ёрдам беради.~

Ибн Синонинг қайд қилишича, инсон ўзининг ўқув машғулотлари бошланишида нарсанинг ташкихоссаларини ўрганишда унинг аслини ва тасвирини кўриб ўзича бевосита билимларни хосил қилиши мумкин. Ҳар қандай фанда аввало нарсаларнинг таърифи зарур. Уларнинг мавжудлигини эса пировард натижада исботлаш воситасида билинади, чунки улар мазкур фан аниқдайдиган ҳодисалардан иборат бўлади¹. Ибн Синонинг ана шу холосаси ўқитишдаги кўрсатмалиликнинг факат бир жиҳатини ёритади холос. Холосада аввало инсон мавжуд нарсаларни ёки уларнинг тасвиirlарини идрок этиши туфайли унда объектив вокелик тўғрисида тасаввур хосил бўлиши ва инсон уларни тўғриакс эттириши таъкидланади.

Олимнинг таълимотида кўрсатмалилик тушунчаси идрок этишнинг ҳар хил турлари — кўриш, эшитиш, сезиш ва хоказолар билан боғланган. Идрок этиш ташки сезги орқали амалга ошади ва ушлаб кўриш билан ҳам рўй беради. Ушлаб кўриш сезилган нарсанинг иссиклиги, Совуқлиги, намлиги, қуруқлиги, қаттиқлиги, юмшоқлиги, оғирлиги, енгиллиги, шакли ва хоказоларинй билиш имконини беради. Тери ва мушаклар — сезгининг қуролидир. Нервлар ана шу кучни мушаклар ва терига етказади.

¹ Ибн Сино, Абу Али. Избранные произведения, Т. 1. Душанбе, Ирфон, 1980, 97—98-бетлар.

Ян Амос Коменский «Буюк дидактика» номли асарида «олтин қоида»ни ифодалаган. «Үқувчилар — деб ёзади у, сезиб идрок этиши мумкин бўлган нарсаларни, албатта, сэзгилар воситаси билан, хусусан: кўриш[”]мумкин бўлган нарсаларни кўз билан кўриб, ҳиди бор нарсаларни хидлаб кўриб таъмини сезиш мумкин бўлган нарсаларни — татиб кўриб, ушлаб сезиш мумкин бўлган нарсаларни ушлаб билиб олишлари керак... Бирданига кўп сэзгилар ёрдамида идрок этиш мумкин бўлган нарсаларни, иложи борича, бир неча сэзгилар ёрдамида идрок этиш лозим».

Я. А. Коменский бу қоиданинг учта асосини ифодалаган:

Биринчидан, аввал сезмаган нарсаси ҳақида кишида билим хам бўлмайди. Шунинг учун хам ўқитиш нарсалар ҳақида қуруқ мулоҳаза юритишдан эмас, балки нарсаларни бевосита кузатишдан бошланиши керак.

Иккинчидан, билимнинг тўғри ва аниқлиги ҳам факат сэзгиларнинг гувоҳлигига боғлиқ. Демак, билим сэзгиларга канчалик кўпроқ таянса, у шунчалик ишончлироқ бўлади. Болаларга ҳақиқий ва мустаҳкам илм бериш учун, умуман, ҳамма нарсани бевосита кузатиш ва сэзгилар асосида ўқитилиши керак.

Учинчидан, сэзгилар — хотиранинг энг ишончли воситаси. Агар киши туяни бир кўрган бўлса, бирор марта қанд еган бўлса, Римга бир марта бориб, уни дикқат билан томоша этган бўлса, булбул хонишини бир марта эшитган бўлса, буларнинг ҳаммаси хотирада мустаҳкам колади ва эсдан чиқиб кетмайди.

Коменский ўз мулоҳазасини мустаҳкамлаш учун Плавтнинг қўйидаги фикрини келтиради: «Эшит-

ганини айтиб берадиган ўнта кишидан ўз кўзи билан кўрган битта гувоҳ афзал»¹.

Я. А. Коменский холосаси — ўқувчини бошқаларнинг нарсалар ҳақидаги кузатишлиари ва гувоҳликларини эмас, балки ўша нарсаларнинг ўзини билишга ва тадқиқ этишга ўргатиш зарур.

Мактаб амалиётида ҳам тасдиқланганидек, дарсда ўрганиладиган ҳодисанинг энг муҳим томонларини аниқ ифодалайдиган, ана шу белгиларни аввал ажратишда, кейин гурухлашда, умумлаштиришда ўқувчиларга халақит берадиган ортиқча элементлардан холи кўрсатмали кўлланмалардан, шунингдек, образли тасвирлар схематик тасвирларга уйғунлашган холда, яъни ўқувчиларнинг фикрлашини муайяндан мавҳум осон йўналтирадиган қилиб ишланган кўрсатмали қўлланмалардан фойдаланиш foят самарали тадбирдир. Бошланғич синфларда обектларнинг ўзини намойиш этиш ёки улар билан бевосита табиатда танишиш, дарсларда нарсаларнинг ўзидан иборат тарқатма материалларни кўллаш мақсадга мувофиқдир. Расмли кўрсатмали қўлланмалар: манзара тасвирлари, диапозитив ва диафильмларнинг самараси камрок бўлса-да, лекин улар орқали ҳам у ёки бу нарсалар тўғрисида яхлит тасаввурлар ҳосил қилиш мумкин.

Аралаш кўрсатмали воситалар тўплами ўқув жиҳозларининг муҳим элементи бўлиши керак. Улар дарс вактларида турли кўрсатмали вазиятларни яратиш, тез ўзгартириш ва бирлаштиришда ёрдам беради. Бунинг учун расмли материаллардан фойдаланилади ёки доскага бўр билан расмларни, чизмаларни чизилади ва ҳар хил ёзувлар бажарилади.

¹ Я. А. Коменский. «Буюк дидактика», «Ўқитувчи» нашриёт. Т, 1975, 174-175-бетлар.

Мазкур воситалар жумласига магнитлик тахта ва Фланелеграфлар ҳам киради. Уларнинг дидактик имкониятлари бир хилдир.

Шуни таъкидлаш лозимки, кўрсатмали куролларни, шу жумладан таълимнинг техник воситаларини универсаллаштириш ярамайди. Улар бошланғич синф ўқувчиларини ўқитишда бекиёс катта аҳамиятга моликдир, аммо ўқув жараёнида аудиовизуал қўлланмалар, ахён-ахёнда бошқа кўрсатмали воситалардан фойдаланилади. Бунинг эса қуидагилардан иборат турли вариантлари бор:

1. Дастурдаги ашёларни қайта ишлаш мавзуси бўйича кириш дарсида ўқув фильмини намойиш этиш ва кейинги дарсларда кино — кольцовкалар, кинофрагментлар, диапозитивлар, диафильмлар ва жадвалларни қўллаш;

2. Мавзунинг хусусий масалаларини диапозитивлар, диафильмлар, жадваллар, намойиш қилинадиган тажрибалар, кинофрагментлар ва кинокольцовкалардан фойдаланиб ишлаб чиқиш;

Мазкур мавзу бўйича умумлаштириш дарсида ўқув фильмини кўрсатиш.

3. Дарсда ўқитувчининг тушунтириши билан биргаликда диафильмлар, диапозитивлар, кинофрагментларни ва дарснинг охирида ўқув фильмини намойиш этиш;

4. Ўқувчиларнинг тасаввурини кенгайтириш, шаклланадиган тушунчалар мазмуни тўликлигини таъминлаш учун экран қўлланмаларининг битта сериясидан фойдаланиб ўқув материалини ишлаб чиқиш ва уларнинг бошқа тўпламини қўллаб, билимларни мустаҳкамлаш.

Кўрсатмали воситаларнинг турли дидактик вазифалари ва имкониятларини назарда тутиб дарс-

да уларни комплекс ҳолда қўллаш талаб қилинади. Ана шу тақдирдагина дарснинг ҳар бир билиш вазифасини ҳал қилишда энг юқори самараага эришиш мумкин. Шулар билан бирга, ўрганилаётган ходисанинг турли жиҳатларини ёритиш лозим бўлганда гина ҳар хил кўрсатмали фойдаланиш ўзини оклади. Чунки мазкур жиҳатларнинг ҳар бирини кўрсатмалиликнинг маълум тури ёрдамида ишонарли тарзда ва тўла ёритилиши мумкин. Кўрсатмали воситаларни танлашда уларнинг имкониятларини ҳар бир ўқув предметининг ўзига хос хусусияти ва ҳар қайси дарснинг мазмуни билан таққослаш зарур.

Кўрсатмали қўлланмалар кўрсатмалиликнинг қуидаги ҳар хил турлари билан фойдаланилади:

1. Табиий кўрсатмалилик ўқувчиларни мавжуд объектлар: ўсимликлар, хайвонлар, минераллар ва хоказолар билан таниширишни тақозо этади. Табиий кўрсатмалиликни синфда ҳам экспурсиялар пайтида ҳам намойиш этиш мумкин;

2. Ҳажмли кўрсатмалилик — мавжуд оламнинг ҳажмли акс этишидир. Бу эса фотосурат, расм, диафильм ва диапозитивлардан иборатdir;

3. Овозли кўрсатмалилик — товуш образларини ифодалаш учун овозли воситалардан фойдаланиш. Грампластинкалар ва магнитафон ёзувларини эшишиш, овозли кино;

4. Символик ва график кўрсатмалилик — хариталар, режалар, схемалар, чизмалар ва диаграммалар. Улар мавжуд воқеликни шартли умумлашган символик кўринишда акс эттириши сабабли фикрлашни ривожлантиради.

Мактабда биринчи синфдан ўнинчи синфгача кўрсатмалиликнинг ана шу барча турларидан фойдаланилади, лекин, табиийки, бошланғич синф-

ларда укувчиларнинг ешини хисобга олиб, уларга бевосита кузатишларни топшириш, юкори синфларда ўкувчиларнинг фикрлаш ривожланишига кўра символик ва график кузатишларни кўпроқ қўллаш керак.

Кўрсатмалилик айникса ўкувчилар ўрганиладиган у ёки бу нарсалар тўғрисида муайян тасаввурга эга бўлмаган пайтда жуда зарурдир. Аммо шуни хам унутмаслик лозимки, кўрсатмали қўлланмаларни намойиш этишга тайёрланмаслик ёки уларни нотўғри танлаш фақат заар келтиради.

ТУШУНАРЛИЛИК ПРИНЦИПИ

Ўкувчилар материални онгли равища ўзлаштириши учун доимо уларнинг билимлари ва аклий кобилияtlарини хисобга олиб иш тутиш, яъни уларга мос материалларни бериш керак. Ўкувчиларнинг хар хил синфлардаги аклий кобилияtlари хам турлича бўлади. Ўз-ўзидан аёнки, ўқитувчи биринчи синфга кирсаю, бирор асарнинг бадий хусусиятлари тўғрисида гапира бошласа, болалар ҳеч нарсани тушунмайди, албатта.

«Таълим тушунарли бўлиши учун, — деб уктирган эди Абу Райхон Беруний, — ўқитувчи албатта яқиндан узокроқка, маълумдан камроқ маълумга қараб бориши лозим: таълим доимий равища билимларнинг тўпланишига, аниклашувига ва иложи борича такомиллашувига етаклаши, шу орқали хақиқатни изловчилар ва билимларни севадиганларнинг ҳаммасига ёрдам бериши керак.

Тушунарлилик принципи — ўкув материалини болаларнинг ўш хусусиятларига, муайян билимларни ўзлаштириш имкониятларига мувофик йўсинда баён килишдир.

Мактабда кўпинча дуч келинадиган икки хил нотўғри тушунча бор. Уларнинг биринчиси шуки, айрим ўқитувчилар ўкувчиларни мутлақо қийнамаслик учун уларга жуда оддий, тушунарли, ўзларига айнан мос материалларни бериш керак, деб биладилар. Образли килиб айтганда, материалларни маний бўтқасидек, ҳатто, чайнамасдан ютадиган килиб бир қултум сув билан бериш лозим, деб хисоблайдилар. Бундай ўқитувчилардан таълим оладиган ўкувчилар ўқишига оддий ва осон, ҳеч қандай куч талаб қилмайдиган иш деб қарай бошлайдилар, хамма нарсани ўқитувчи тушунтиришига, бир неча марта тушунтиришига одатланадилар. Натижада фикр юритиши, ўйлаб кўриши ўрганмайдилар, қийинчиликка дуч келсалар, уни бартараф килишга уринмайдилар.

Мазкур нотўғри фикрларнинг иккинчиси. Ўқитувчи ўкув предметини юксак савияда, ҳатто, фанлар академиясидаги даражада ўқитиш керак, деб хисоблайди ва болаларга дабдабали, жимжимадор ифодаларни айтади, болалар эса уларни маъноси ни англашмаган ҳолда ёдлайверадилар.

Мана шу нотўғри фикрларнинг иккаласи ҳам заарлидир.

Хўш, тушунарлилик принципининг ўзи нима?

Бу принципга мувофик ўкув материалини болаларга шундай қийинлик даражасида бериш керакки, улар ана шу материални ўзлаштириш учун фаол фикрлашлари, ўзларининг барча аклий ва жисмоний кобилияtlарини ишга солишлари лозим.

Бошланғич таълимнинг назарий савиясини ошириш, бошланғич синфлардаги ўкувчилар ўзлаштириши лозим бўлган ахборотлар хажмини ошириш кичик мактаб ёшидаги болаларга бериладиган таъ-

лимнинг тушунарлилиги муаммосини кескинлаштириди. Мана шу муаммони бир хил йўсинда халқилиш болаларнинг билиш имкониятларини ортиқча ёки етарлича баҳоламаслик каби хавфидир.

Болалар психологияси ва ёш психологияси соҳаларидағи сўнгги тадқиқотлардан маълум бўлишича, таълимнинг мазмуни ва методларини ўзлаштириш билан болалардаги айrim психик жараёнлар ва функцияларни ривожлантиришда ажойиб силжишларга эришиш мумкин; бунинг натижасида психик жараёнларининг доимо каттароқ ёшли болаларга хос деб ҳисобланган хусусиятлари кичик болаларда хам таркиб топиши (масалан, кичик мактаб ёшидаги ўқувчиларда фикрлашнинг назарий шакллари вужудга келиши) мумкин. Лекин бунда ҳар, қалай болаларнинг ёш хусусиятларини ҳисобга олиш зарур.

Юкорида кўрсатилган факт гўёки ёш камолатида умуман қандайдир чегаралар борлигига ва унда қандайдир босқичлар мавжудлигига шубҳа туғдиради. Лекин бу далил бизга ёш тушунчасини янада камроқ ўзгартирадигандек туюлади, чунки ёш айrim хусусиятларнинг шунчаки йиғиндиси эканлиги билан эмас, балки бола шахсининг яхлит структурасининг ўзига хослиги билан характерланади. Бошқага айтганда, бола ёшининг психик характеристикаси унинг ўзига хос айrim психологик хусусиятлари билан эмас, балки ҳар бир ёш босқичида унинг шахси ҳар хил тузилиши — эҳтиёжлари соҳаси, онгининг структураси ва вокеликка муносабатининг ўзгариши билан белгиланади.

Бошланғич таълимнинг тушунарлилиги муаммоси фақат тегишли савиядаги дастур ва дарслклар яратиш билан хал қилинмайди, унинг хал қилиши

бутун ўқув жараёнининг қўйилишини такомиллаштириш ва ўқув материалларини танлаш ишлари билан боғлиқдир.

Ўқув материалининг тушунарлилиги белгилари сифатида қуйидагиларни тавсия қилиш мумкин:

— материал танлашнинг йўналиши аввалотарбияловчи таълим вазифаларидан келиб чиқади: фаннинг асосий мазмунидан табиат ва жамиятнинг энг умумий қонунлари хақидаги таълимотнинг тўғрилигини кўрсатадиган коидалар ва фактлар танланади ва тафаккур ватанпарварлик хисси, фуқаролик бурчи ва ғоявий эътиқодликни тарбиялашда ёрдам беради;

— ўқув материалининг кўримлилиги унинг миқдори ўқитиш учун танланган илмий билимлар мажмуасини тизимлаштиришга ва яхлит қамрашга тўсқинлик қилмайдиган бўлиши билан характерланади;

— ўқув материалининг соддалиги илмий назариянинг энг ахамиятлилиги, мухим компонентларини ва илмий билимларни ифодалашнинг психологияк жиҳатдан асосланган шаклларини ажратиш (таърифларнинг соддалаштирилиши, тушунчаларнинг тасаввурлар билан алмаштирилиши, мураккаб асослашларнинг тушуриб колдирилиши ва ҳоказолар) билан характерланади;

— ўқув материалининг нормалаштирилиши унда умумий мажбурий нормаларни ҳамда яққол ифодаланган, эслаб қолиш ва қўллаш учун қулай қоидаларни ажратиш билан характерланади;

— ўқув материалининг таксимланганлиги аслида уни ўқув жараёнининг вазифаларига ва ўқувчиларнинг ёш имкониятларига мувоғик йўсинда таълим йўллари бўйича жойлаштиришdir.

Таълимнинг тушунарлилиги белгиларининг мана шу тизимини ягона ва қатъий деб хисоблаб бўлмайди. Лекин бу белгиларнинг кўпи мактаб амалиётида таркиб топган ишларнинг ҳақиқий ахволини аник ва ишонарли акс эттиради.

Бошланғич таълимнинг назарий савиясини юксалтириш муносабати билан олимлар, методистлар ва ўқитувчиларнинг камол топтирувчи таълим принципини амалга ошириш масалаларига диккат-эътибори кучайди.

Кейинги пайтда ўрганиладиган материалнинг мазмуни, ҳажми, муракаблиги билан ўқувчиларнинг ақлий камол топиши сурати ўзаро боғликлиги ёритилган маҳсус психологик-педагогик тадқиқотларнинг (Л. В. Занков, Д. Б. Эльконин, В. В. Давидов) маълумотлари таъсирида таълимни ўқувчилар ақлий қобилият ва билиш имкониятларининг ривожланишида эришган даражага айнан мувофиқ холда эмас, балки шу даражадан олдинроқ йўсинда, яъни уларнинг келгусидаги ривожланишини мўлжаллаб йўлга қўйиш тавсия этилди. Таълим камол топтирадиган бўлиши учун «энг яқин камолат зонасидаги» билиш имкониятларига мўлжалланиши керак. Камол топтирувчи таълим масаласини амалий ҳал қилишдаги кўп хатолар кичик мактаб ёшидаги ўқувчиларнинг мавҳум фикрлаш қобилиятларини етарли даражада баҳоламасликдан келиб чиқади. Шунинг натижасида айрим мактабларда малакаларни шакллантириш ҳозирга қадар «мана бундай қил» принципида, яъни ўзлаштирган умумий конуниятларни ва умумлашмаларни онгли равиша кўллаш асосида эмас, ўқитувчи берган намуналарга бевосита эргашиш асосида амалга оширилмоқда.

Ана шу сабабли баъзи ўқувчилар янги материални ўрганишда, таълимий ва амалий топширикларни бажаришда илгари ўзлаштирган билим ва малакалардан фойдалана олмайдилар.

Умар Хайём таълим олишда ўқувчиларнинг мустакил фаолият кўрсатишини юкори баҳолаган ва уларнинг хар хил мушохада юритишлиари, турли нарсаларни исботлашлари зарурлигини таъкидлаган эди. Шунингдек, у ўқувчиларнинг фикрлаш фаолиятларини уларга «ўйлаб кўр», «озгииа ўйласанг, тушунасан» ва ҳоказолар дея мурожаат килиш орқали қувватлаб ва йўналтириб бориш мақсадга мувофиқлигини уқтирган.¹

Кўпинча ўқувчиларнинг камол топиши хақида уларнинг турли нарсалардан хабардорлигига қараб, хар хил манбалардан олиб, асосан фильмлар ва телевидение дастурларини кўриб, радиони ва катталарнинг хикояларини эшишиб тўплаган қисқа маълумотлари ва фактларнинг кўплигига қараб хулоса чиқарилади. Баъзан кичик мактаб ёшидаги ўқувчилар нутқида илмий иборалар кўп учрашига қараб уларни юкори даражада камол топган деб хисобланади. Лекин аслида муракаб илмий ибораларни усталик билан ишлатадиган ўқувчилар маълум сабабларга кўра уларнинг маъносини тушунмайдилар ва грамматик тахлилда, ёзишда хатоларга йўл қўядилар.

Камол топишини юкоридагича нотўғри тушуниш амалда ўқувчиларнинг билимларни ўзлаштиришга юзаки қарашни вужудга келтиради,

Ақлий камолат ўзаро боғлиқ ҳамда бир-бирини тақозо этадиган билимлар, кўнікмалар ва малака-

¹ Омар Хайям. Трактатм М.: В. Л. 1961. 116-бет.

лар тизимини ўзлаштиришни талаб қилади. Бундан эса ўз навбатида фактларни билиш, уларнинг маъноси ва аҳамиятини тушуниш, илгаридан таниш билимларга таяниб тушунтира олиш зарурати туғилади.

Ўқувчилар яхши камол топғанлигини мухим кўрсаткичи уларнинг ўқув ишларидаги фаоллиги ва мустакиллигидир. Мутлако аёнки, кичик мактаб ёшидаги ўқувчилар энг мухим мантикий операцияларни ўзлаштирумай туриб мазкур ўқув ишларини бажара олмайдilar.

Шу тариқа кичик мактаб ёшидаги ўқувчиларнинг ақлий камол топишини ўқув жараёнининг тегишли мазмуни ва тўғри йўлга кўйилиши таъминлади.

МУСТАҲКАМЛИК ПРИНЦИПИ

Одам ҳар дақиқада қайта тиклай оладиган ва амалда қўллай биладиган билимларни мустахкам билимлар дейилади.

Таълимнинг мустахкамлиги ўрганилган билимларнинг, шаклланган кўникма ва малакаларнинг хотирада узоқ вақт сақланишини билдиради.

Умумий таълим мактабининг энг мухим мақсади ўқувчиларга уларнинг хотирасида узоқ вақт сақланадиган билимлар беришдир.

Ўқувчи вақт ўтиши билан мактабда олган билимларининг бир қисмини унутади. Лекин улар изсиз йўқомлайди. Олинган билимлар, гарчи ўқувчилар унугандан ҳам ақлий камолатда маълум даражада из қолдиради.

Кўпинча болалар ўзларининг амалий фаолиятларига боғланмаган мактаб материалини эсларидан чиқарадилар.

Баъзан ўрганиш жараёнида машқлар ва мустақил ишлар кам бажарилиши сабабли материаллар хотирада мустахкам сақланмайди.

Булардан ташқари, олдинги машғулотларда ўзлаштирилган билим, кўникма ва малакалар янада мураккаброқ материални ўрганиш учун бир поғона, таянч бўлади. Ана шу таянчсиз ўқувчиларнинг ўсиши ва олға силжиши мумкин эмас. Илмий билимларни эгаллаш ўқувчиларнинг хотирасини, мантикий тафаккурини, ижодий фаоллиги ва турли ишларни бажаришдаги мустакиллигини ривожлантиради. Лекин олинган билимлар, хосил қилинган кўникма ва малакалар кейинчалик илмий билимлар тизимини ўрганишда таянч сифатида хизмат қилиши учун улар пухта ўзлаштирилиши, асосли мустахкамланиши ва ўқувчилар хотирасида узоқ вақт сақланиши керак. Бу мустахкамлик принципининг талаби бўлиб, унга риоя қилинмаса, ўқувчиларнинг ўзлаштира олмаслиги ва ўқишдаги колоклиги келиб чиқади.

Билимлар, кўникмалар ва малакаларнинг мустахкамлигига бутун ўқув жараёни мобайнида эришилади. Мустахкамлик принципининг амалга ошиши энг аввало ўқувчиларнинг ўқув материалини идрок этишига боғлиқдир.

Ўқувчиларга кўрсатмали, яққол жиддий мантикий изчилликда берилган билимлар уларнинг хотирасида яхшироқ мустахкамланади. Шу тариқа ўқувчиларнинг билим, кўникма ва малакаларни пухта ўзлаштириши биринчи галда таълимнинг бошқа ҳамма принципларини — тушунарлилик, изчиллик ва тизимлилик, назарияни амалиёт билан боғлаш, кўрсатмалилик, ўқувчиларнинг онглилигини амалга ошириш орқали таъминланади.

Шулар билан бирга ўқитиш жараёнида мустахкамлик принципининг амалга ошишини таъминлайдиган маҳсус дидактик воситалар ҳам қўлланади.

ди. Уларга мазкур дарсда баён қилингандарни мустаҳкамлаш киради. Бу иш ўкувчилар билан сухбатлар, машқларни ташкил этиш, таълимий масалаларни хал қилиш ва ҳар хил амалий топшириқларни бажариш орқали ўтказилади.

Ўкувчилар материални эсдан чиқаришининг олдини олиш, улар унутган билимларни қайта тиклаш, ўзлаштирган билимлари тизимлаштириш ва чуқурлаштириш учун такрорлашнинг ҳар хил турлари амалга оширилади. Ҳар бир машғулотда олдинги дарс материалини жорий такрорлаш ўтказилиб, уни янги материал билан боғланади. Ўкув йили мобайнида мавзу ёки бўлим бўйича ўрганилган материални такрорлаш учун маҳсус дарслар ажратилади ва уни тизимлаштириб, чуқурлаштириб ҳамда мустаҳкамлаб борилади. Ана шу мақсадда ўкув йили охирида энг муҳим масалаларга доир материаллар умумий йўсинда такрорланади. Агар мазкур предметни ўрганиш кейинги йилда, синфа ҳам давом этса, янги ўкув йилида унга доир машғулотлар олдинги материалларни такрорлашдан бошланади.

Такрорлаш пассив амалга оширилмаслиги керак. Такрорлашда кўшимча фактлар ва мисолларни келтириш, ўрганилган нарсалар ва ҳодисаларнинг янги томонларини кўриб чиқиш, уларни чуқурроқ тахлил қилиш, билимларни мураккаб таълимий ва амалий масалаларни хал қилишда кўллаш керак. Мана шуларнинг ҳаммаси ўкувчиларнинг материалга қизиқишини оширади, мантикий тафаккурини, ишдаги фаоллиги ва мустақиллигини ривожлантиради.

Ўкувчиларнинг билимларни пухта ўзлаштиришига кўнирма ва малакаларини мустаҳкамлаш ҳамда чуқурлаштиришда ёрдам берадиган машқдарни ба-

жариш орқали эришилади. Шу билан бирга уларнинг фикри такомиллашади, билимлари кенгаяди ва чуқурлашади.

Ўкув машғулотлари давомида ўқитувчи болаларнинг хотирасини ривожлантириш ишларини ҳам амалга ошириши керак. Ана шу мақсадда уларга сўзларни, таърифларни, ҳар хил қоидаларни ёдлаш топшириқларини бериши лозим. Ёдлаш қуруқ ва маъносини англаб ёдлашдан иборат бўлади. Маъносини англаб ёдлаш янги материални илгаридан маълум материалга, номларга мантикий боғлаш асосида амалга ошади. У қуруқ ёдлашга нисбатан материадни камрок вақт сарфлаб ўкувчилар хотирасида мустаҳкамлашни таъминлайди.

Шунинг учун ўкувчиларда аввало мантикий, маъносини англаб хотиравиши ривожлантириш зарур.

Биринчи синф ўкувчиси таълимнинг дастлабки ойларидағи ўқиши дарсларида ўқилган ҳамма нарсани тўла ёдлашга, матнларни ёддан гапириб беришга харакат қиласи. Чунки у асосий фикрни ажратадиган йўсинда ташкил қилишдан иборатдир.

Юқоридагилардан Ҳулоса сифатида айтиш мумкинки, ўкувчилар ўзлаштирадиган билимлар мустаҳкам бўлиши учун:

1. Ўқитувчи ўкув материалидаги асосий фикрни ажратиши шарт.
2. Ўкув материалидаги асосий фикр ўкувчи ўрганилган масала бўйича биладиган ғояга боғланган бўлиши керак.

3. Билимлар ўқувчиларнинг қарашлари ва эътиқодлари тизимини ўз ичига олиши лозим, шундагина улар боланинг бойлигига, ютуғига айланади ва у билимларни эсидан чиқармайди.

4. Ўқув материалини ўқувчининг амалий ишлари ва машқларига боғлаб, ундаги билимларнинг мустахкамлигини анча ошириш зарур.

Таълимнинг хозирги шароитида болаларнинг индивидуал хусусиятларини ўрганиш ва уларга якка тартибда ёндошишни амалга ошириш тобора катта ахамият касб этмоқда. Хозирги кунда ёш авлодни хар томонлама камол топтириш вазифаларини бажариш учун ота-оналар ва болаларга мактабдан ташқари кўшимча воситаларни танлаш бўйича кенг имкониятлар туғилмоқда. Ҳар бир бола тўгаракларда ва секцияларда шуғулланиши мумкин. Болаларни камол топтириш имконияти ҳамма болалар учун бир хилда рўёбга чиқмайди. Бир бола авиамодель тўгарагида, иккинчи бола ёш табиатшунослар секциясида ва учинчи бола мусика билан шуғулланади. Табиийки, ана шундай машғулотлар болаларнинг индивидуал хусусиятлари ва майлларига ҳар хил таъсир кўрсатади.

Бир оиласидаги бола кичиклигидан мустақилликка, интизомлиликка, меҳнат килишга одатланади. Бошқа оиласидаги бола эркатой бўлиб, катталарнинг маслаҳати, буйруфи ёки ёрдамисиз ўзича бирор иш қилишни хоҳламайди. Учинчи оиласидаги бола эса ўз ҳолига ташлаб Қўйилиб, унинг тарбияланишида кўп нарса ўзи дўстлашган болалар гурухига боғлиқ бўлади.

Оила тарбиясининг турли шароити албатта жуда катта индивидуал тафовутларга олиб боради.

Билимларнинг пухталигига қандай килиб эришиш мумкин?

1. Эслаб қолишга ўргатиш билан. Ўқувчилар кўп нарсаларни эслаб қолишни ўрганишлари керак. Бунинг учун ўқитувчи уларни доимо эслаб қолишга йўналтириши, мактабда, кўчада, уйларида кузатишга ва эслаб қолганларини гапириб беришга мажбур этиши лозим. Буида ўқитувчининг назорати жуда мухимдир. Агар у материални чоршанба кунигача ёдлашни айтса-ю, уни жума куни сўраса, материалнинг ярмидан кўпи унуглилган бўлиши мумкин. Ўқитувчи тушунарли шакллар ва методлари узок вактгача, ҳатто, умр бўйи эслаб қолишга ҳам ўргатиш зарур.

2. Кучли таассурот қолдирган нарсалар хотирада сакланади. Яхши ёки ёмон таъсир кўрсатмайдиган, савийасиз, бир йўсингдаги материаллар эсда қолмайди.

3. Бадий адабиётнинг яхши намуналаридан келтирилган парчалар, маколлар, топишмоклар, ҳикматли сўзлар хотирада мустахкам сақланади.

Таълимнинг муваффақиятлилиги ўқитиши жараёнида дидактик принциплар қанчалик амалга оширилишига, уларнинг ўзаро таъсирни улардан қандай фойдаланишига боғлиқдир. Бинобарин, ўз-ўзидан аёнки, илмийлик, тизимлилик, кўрсатмалилик принципларига, умуман педагогика тавсия этган принциплар мажмуига риоя қилмай, билимларнинг пухталигига эришиш мумкин эмас.

ТАЪЛИМНИ ТУРМУШ БИЛАН БОҒЛАШ ПРИНЦИПИ

Илмий билимлар кишиларнинг ишлаб чиқариш фаолиятига эҳтиёжлари асосида вужудга келиши, ана шу фаолиятга хизмат килиши ва турмуш билан боғлиқлиги сабабли бундай билимларни ўзлаштириш учун факат уларнинг мазмунини эмас, балки

амалда қўлланишини ҳам ўрганиш керак. Ана шу принципни (таълим назарияси ва амалиётини ўзаро боғлашни) амалга оширишнинг муҳим воситаси ўқитишни ўқувчиларнинг амалий фаолияти ва меҳнати билан қўшиб олиб боришидир. Республикализнинг халқ таълими тўғрисидаги Конунида ўқитишни хаёт билан чамбарчас боғлаш талаби қўйилгани бежиз эмас.

Таълимда ўқитишни амалиётга боғлаш принципни муваффақиятли амалга ошириш учун қўйидаги иккита педагогик талабга риоя қилиш зарурдир:

1. Назарий материалларни ўрганишда уларнинг тизими ва мантиқини сақлаш керак.
2. Амалий кўникма ва малакаларни билимларга таянмай ўзлаштириш ўқитувчининг ишидаги камчиликдир. Пухта эгаллаган ва англаган билимларгина ўқувчиларга амалий кўникма ва малакаларни ўзлаштириш имконини беради.

ЎҚИТИШДА ИИДИВИДУАЛ ЁНДОШИШ ПРИНЦИПИ

Индивидуаллик нима? Педагогикада индивидуаллик ҳозирги пайтгача соф ташқи характерға эга бўлиб, у (ўқувчиларнинг бутун жамоаси билан ўтказиладиган дарс, лекция каби умумий машғулотлар, ўқувчиларнинг жамоаси эмас, уларнинг айримлари билан ўтказиладиган, масалан семинар сингари гурухий машғулотлар қаторида) ҳар бир ўқувчи билан алоҳида шуғулланишини билдириб келди. Педагогика унинг моҳиятига чукур кириб бормади. Индивидуалликнинг шаклланиши эса аввало унинг моҳиятини ва қандай компонентлардан таркиб топшини билишни тақозо этади. Ҳар бир ўқувчи билан алоҳида ишлаб, унинг индивидуал сифат-

ларини ривожлантира олмаслик ҳам мумкин, лекин ўқувчиларнинг бутун жамоаси билан ишлаб, уларнинг ҳар бирида индивидуаллик шаклланиши учун шароит яратиш ҳам мумкин. Бунга қандай қилиб эришилишини билиш учун «индивидуаллик» тушунчасига кирадиган структуравий элементларни, индивидуалликни ривожлантириш ва шакллантириш ишида қайси принциплар ҳамда методлардан фойдаланиш кераклигини аниқлаш зарур.

Индивидуалликнинг моҳиятини индивид сифатидаги, шахс сифатидаги, субъект сифатидаги инсоннинг ўзаро ички боғланишдаги ва бир бутун хоссалари ташкил қиласди. «Индивид», «шахс», «субъект» умуман инсонни эмас, балки унинг бир жиҳатинигина ифодалайди. Лекин инсон бизнинг кўз олдимизда ўзининг факат у ёки бу жиҳати билан намоён бўлмайди, у бир пайтда бутун мавжудот бўлиб, маҳсус тушунча билан қайд этилиши лозим. Индивид, шахс ва субъектнинг Хусусиятлари ўзаро таъсирлашуви асосида вужудга келадиган индивидуаллик тушунчаси ана шундан иборатдир.

«Индивид» тушунчаси инсонни табиий мавжудот сифатида акс эттиради ва индивидуалликнинг табиий асосини ифодалайди; у инсон индивидуаллигининг асосий жиҳати бўлиб, инсоннинг органик: ёш, жинсий, конституцион, нейродинамик хусусиятларига комплекс ҳолда қарайди ва булар ўзаро таъсирланиб инсонда турли индивидуал хусусиятларнинг — темперамент, истеъдод, органик эҳтиёжларнинг вужудга келишига сабаб бўлади ва бу хусусиятлар ҳам индивидуалликнинг табиий асосини ташкил қиласди.

Инсоннинг ижтимоий сифатини «шахс» тушунчаси ифодалайди. Ижтимоий тажрибага эга бўлма-

ган инсон индивиди шахсга айланмаслиги хам мумкин. Инсон шахсининг хусусиятлари индивидуаллик структурасининг ажралмас қисми бўлиб, индивидуалликнинг ўзи инсон шахс сифатида камол топишининг ижтиомий соҳасидагина намоён бўлади. «Шахс» тушунчаси алоҳида инсонда ижтиомий муносабатларнинг кўринишини, ундаги ижтиомий хусусиятларнинг бирлигини мужассамлаштиради. Шахснинг индивидуаллиги унинг ижтиомий мухитдан нисбий эркинлигидир, у ички алоҳидалигига кўринади.

Индивидуаллик инсоннинг индивиди ва шахсиага хос хусусиятлар билан бирга субъект хусусиятларини хам ўз ичига олади. Субъект деганда, биладиган ва онгли равишда харакат киладиган мавжудот сифатидаги инсон тушунилади. Субъект — амалий фаолият ва онгнинг соҳибидир. Инсоннинг ҳар қандай фаолияти индивидуалликнинг кўриниши бўлавермайди. Алоҳида, ички воситали фаолиятнинг мустақил харакат киладиган ва бир қарорга келадиган субъектигина индивидуаллик ҳисобланади.

Индивидуалликка структурали — тизимли ёндошиш унинг яхлит воеа сифатидаги ўзига хос хусусиятларини ёритиши билан жуда муҳим аҳамиятга моликдир. Лекин унинг умумий механизmlарини аниклаш учун организм фаолиятининг ички қонунлари ва шаклларига, унинг индивидуал ҳаёт тажрибаси шаклланишининг қонуниятларига мурожаат қилиш керак.

ИНДИВИДУАЛ ПЕДАГОГИКА ПРИНЦИПИ

Индивидуалликка структурали — тизимли ёндошиш билан бирга унинг вужудга келишига бола организмининг етилиши жараёнлари асосида

психофизик ўсиши билан боғлиқ холда каралади, унинг асосий белгилари таърифланади, индивидуаллашувнинг омиллари аникланади. Мана шуларнинг ҳаммаси индивидуалликнинг шаклланиш ва ривожланиш жараёнларини, унинг амалга ошувини таърифлашнинг муҳим ва зарур жиҳатлариДир. Лекин бизнингча улар «Нима килиш керак?» деган саволга таалукли бўлиб, «Қандай қилиш керак?» деган саволга жавоб топишда бизга рефлексология ёрдам беради. (Рефлексология педагогиканинг 20-йиллар бозида Россияда вужудга келган йўналиши бўлиб, бу йўналишнинг бош мақсади унинг асосчиси В. М. Бехтеров томонидан қўйилган инсонни ўрганиш ва тарбиялашдан иборатдир. Рефлексология шахсни ўрганиш ва тарбиялашда янги имкониятлар очадиган фан бўлиб, у психикани келтириб чикарадиган асаб-мушак фаолиятининг асослари, қонуниятлари ва механизmlарини ҳар томонлама синчиклаб ўрганишдан бошланадиган фанни такозо этди).

Рефлексолог — олимлар ўтказган тажрибалар, уларнинг назарий исботлари асосида; XX аср бошлирида кенг таркалган ва амалда кўлланган эркин тарбия назарияси асосида; хозирги олимлар, педагоглар ва психологларнинг қарашларига, Тошкент шахар мактабларидаги ўқитувчиларнинг илғор индивидуал тажрибалари ва шахсий тажрибамизга таяниб индивидуал педагогиканинг қуидагилардан иборат принципларини белгиладик:

1. Педагогика фанида инсоннинг табиати принципи — педагогика назарияси ва амалиётининг пойдевори сифатида болани ўрганиш натижасида тўпланган билимларни ўз ичига олади.

•2. Боланинг атрофидаги мухитни ташкил қилиш. Педагогиканинг энг биринчи вазифаси инсондаги

биологик ва ижтимоий хусусиятларнинг ўзаро диалектик ички боғланишига таяниб боланинг ўсишига шароитлар яратишдир.

3. Педагогик жараённи амалга оширишнинг фаол методи билан бирликда боланинг шахсий тажрибаси асосидаги эркин фаолияти ва ижоди. (Асосий иштирокчи шахс — бола).

4. Шахснинг ҳёти билан жамиятнинг ҳётини уйғунлаштириш ва бирлаштириш — тарбияланувчиларни камол топтиришдаги асосий мақсад.

Индивидуал педагогика принципларини хисобга олиб таълим-тарбия ишлари ташкил қилинади. Таълимнинг тарбия жараёни ҳакида гап борганида кўз олдимиизда аввало иккита қиёфа — ўқитувчи ва ўкувчи гавдаланади. Биз уларни субъект — объект муносабатларида англашга одатланганмиз. Ўқитувчи — таъсирнинг субъекти ва ўкувчи — таъсирнинг обьектидир. Педагогик жараёнга ҳам бирорнинг иккинчи бирорга таъсир кўрсатиши деб қаралган. Тошкент шахар мактаблари амалиёти устида олиб борилган тадқиқотлардан маълум бўлишича, ана шу схема ҳозирги кунгача давом этмоқда. Синфда ўқитувчининг ўқувчилар билан ишлашининг авторитар услуги сакланмоқда. Таълим-тарбия жараёнида ўқитувчи бош ижрочи шахс хисобланади. У хикоя қиласи, кўрсатади, буюради; ўкувчи эса пассив кузатувчи ва ўқитувчининг хоҳишини ижро этувчи ролини ўйнайди. Педагогик жараённи инсонпарварлаштириш ўқитувчи билан ўқувчининг ўзаро муносабатларда таркиб топган одатларни мутлақо ўзgartиришдан ҳам иборатдир. У ўқитувчи ва ўқувчига субъект — субъект муносабатларида қарашни, бири иккинчисига таъсир кўрсатувчилар сифатида эмас, балки ўзаро ҳамкорлик килувчи-

лар сифатида қарашни тақозо этади. Ана шу асосдагина педагогик жараённи индивидуаллаштириш мумкин. Бу масалада ўқитувчи ўзининг таълим-тарбия жараёнидаги ролини, мақсадга эришиш учун нима қилиши. болалар билан ишлашда нималарга асосланиши зарурлигини яққол тасаввур қилиши керак."

Ўқитувчининг фаолиятида унинг талаблари эмас, балки боланинг эҳтиёжи асосий ўринда туриши лозим. Бинобарин, болалар ўқитувчига эмас, балки ўқитувчи уларга хизмат қиласи. Ана шуларга кўра ва индивидуал педагогиканинг принципларига таяниб болалар билан ишлашни ташкил этишимиз керак.

Бола табиатан ҳаракатчан бўлиб, факат идрок этиш унинг учун машакқатдир. У ҳамма ишни ўзи қилишга, излаш ва топишга, қашфиёт этишга тиришади. Ижод — унинг севган иши, таълим ва тарбиянинг ана шу методи билан боланинг ишчанлик холатини доимий равишда қўллаб-қувватлаш, унга тайёр билимларни бермай, уларни ўзи эгаллаши учун шароит яратиш керак. Гап боланинг хотирасини тўлдирадиган илмий фактларнинг сонида эмас, балки мазкур фаннинг методларини ўзлаштиришдадир. Бизлар ўқитувчи ажойиб ҳикоялар билан болани қизиқтиришига, улар олдида артист бўлишига одатланиб кетганмиз. Лекин ўқитувчи худди шу билан болани мустакил интилишдан ва ўзида табиий равишда туғилган қизиқишлиарни қондиришдан узоклаштиради. Фан болалар олдида уларнинг ўзлари ёки ўқитувчи кўядиган қатор муаммолар сифатида ёритилиши ва ўқитувчи ана шу муаммоларни ҳал қилиш учун керакли материалларни билиши лозим. Шунингдек, у дарсга тайёр-

ланишда болаларга қайси хикояларни айтиб бериш түғрисида эмас, балки у ёки бу муаммони ҳал килишлари учун қандай материални келтириш ҳақида ўйлаши керак. Материални таҳлил қилишда хуросалар чиқаришни ўқувчиларнинг ўзларига тавсия этиши максадга мувофиқдир. Ўқитувчи учун ўзининг фани эмас, болалар, уларнинг ақлий кучлари ва қобилиятларини ривожлантириш вазифаси биринчи ўринда туриши зарур. Одатда ўқитувчи билан ўқувчининг алоқасини амалга оширадиган нарса мазкур ўқитувчи ўқитадиган предметdir. У ўқитувчи шахс сифатида таъсир кўрсатиши лозим бўлган пайтда, биринчи ўринда ўқув предметлари эмас, балки жонли одамлар — ўқувчи, уларнинг маънавий мулокоти туриши керак бўлган пайтда узатиш инстанцияси сифатида хизмат қиласди. Ҳақиқий ўқитувчи ўқувчилар устидан ҳукмронлик килмаслиги ва уларга ўзининг тенгдошлари сифатида муомалада бўлиши, ўзи ҳам доимий равиша ўқиши, шу жумладан, ўқувчиларидан ўрганиши зарурлигини унутмаслиги керак.

Савол ва топшириклар

1. Принцип деганда нимани тушунасиз?

Сизда ўз хатти-ҳаракатингизнинг, кишиларга муносабатнингизнинг маълум принциплари борми?

Муайян вазиятда кўрсатган принципиаллигингизга мисоллар келтиринг.

2. Таълимнинг асосий принциплари ўзаро боғлиқлигини кўрсатинг.

3. Айрим пр.инциплар (танлаб) тадқиқ қилинган ишлар билан танишинг ва уларни қисқа баён этинг.

4. «Бошланғич таълим» журналида тавсия этилган айрим дарсларни ўрганинг, улардаги ўқитувчи фойдаланган таълимнинг принципларини ажратинг.

Х б о б. ЎЗБЕКИСТОН МАКТАБЛАРИДАГИ ТАЪЛИМНИНГ МАЗМУНИ ТАЪЛИМ МАЗМУНИНИ БЕЛГИЛАШНИНГ УМУМИЙ АСОСЛАРИ

Таълимнинг мазмуни тушунчаси

Таълимнинг асосида жамият ривожланишининг объектив эҳтиёжлари туради. Таълим инсоннинг меҳнат оламига самаралироқ киришини, жамият ҳаётига қўшилишини таъминлайди. Мустақилликка эришиб, эркин бозор муносабатлари асосида демократик ҳуқукий давлат сифатида шаклланиши йўлига ўтган Ўзбекистонда ҳозирги босқичда ҳалқ таълими тизимига, педагогика фанига, ёш авлодда мустақиллик ва фаолликни, ишбилармонлик ва тадбиркорликни шакллантиришга жиддий эътибор берилмоқда.

XX аср педагоглари ва психологиярининг диккат марказида ўқувчиларнинг ақлий қобилиятларини шакллантириш, уларни ўқитиш, тарбиялаш ва камол топтириш жараёнларини уйғунлаштириш, фаолият ва онгнинг ўзаро боғлиқлиги назариясини ишлаб чиқиш, мустақил ўқув-билиш ишлари, ўқишини фаоллаштириш, таълим жараёнларини оптималлаштириш, фаол таълимнинг шакл ва методларидан фойдаланиш каби муаммолар асосий ўрин олди. Уларни ишлаб чиқиш мамлакат педагогика ва психология фанларида жаҳон бўйича ҳақли равиша эътироф этилган турли йўналишлар ва-мактаблар вужудга келишини олдиндан билиш имконини берди.

Таълим — жараён бўлиб, у натижада тизимдир. Таълим жараён сифатида билимлар, кўникмалар ва малакаларнинг маълум йиғиндисини фаолият ва

муносабатларининг тегишли тажрибасини ўзлаштиришга қаратилган махсус ишларнинг ташкил қилинишидир. Таълим натижа сифатида билимларни, фаолият ва муносабатлар тажрибасини ўзлаштиришда эришилган даражадир. Таълим тизими сифатида — давлат муассасалари ва бошқариш органларининг мажмуаси бўлиб улар доирасида инсонни тарбиялаш жараёни амалга оширилади. Шу тариқа таълим доимо бир йўла тарбиялаш жараёнини хам, ўқитиш жараёнини хам ифодалайди.

Ёш авлод хақида гап борар экан, шахснинг камол топиши, ўз мавқеини англаши ва ўзини кўрсатиши масалалари биринчи ўринда туради. Бу масалалар бутун жамият ва махсус яратилган ижтимоий институтлар ва инсоннинг ўзи томонидан тасодифий равишка хам, мақсадга мувофиқ йўсинда хам ҳал қилиниши мумкин. Таълим тизимида шахснинг ижтимоийлашуви, касбкорликни эгаллаши ва мослашуви жараёнларини мақсадга мувофиқ тарзда бошқаришга хам даъват этилган.

Таълим деганда шахснинг жисмоний ва маънавий камол топиши жараёнини, унинг онгли равишда айрим ибратли қиёфаларга йўналиши ва тарихан майдонга келиб, ижтимоий онга маълум даражада ёркин из қолдирган ижтимоий намуна (масалан, спарта жангчиси, хушахлок рухоний ёки серғайрат ишбилиармондек) бўлишга, ҳар томонлама баркамолликка интилиш жараёнини тушуниш мумкин. Ана шу тушунчага кўра таълим бутун жамият ва шахслар хаётининг ажралмас жиҳати сифатида намоён бўлади ва сўзниң кенг маъносидаги «тарбия» тушунчасига ўхшайди. Лекин кўп маънолилиги кўрсатилмаса «таълим» сўзини тўлиқ англаб бўлмайди. Масалан, таълим деганда маълум

хажмдаги билимлар, кўникма ва малакаларни ўзлаштириш тушунилади. Таълимга шахсни ўқитиш ва камол топтириш жараёнининг тегишли йўсингда ташкил этиш сифатида қараш ҳам мутлако тўғридир. Булардан ташқари, шубҳасиз, таълим билимлар, кўникмалар ҳамда малакаларни бериш ва ўзлаштириш билан боғлик фаолият тизими, шунингдек, маълум ижтимоий институт (ўзига хос вазифаларни бажариш учун тузилган муассасалар тизими)дир.

Кўрамизки, таълим турли шаклларда намоён бўладиган кўп томонли ходиса (даражада, жараён, фаолият)дир. Ўқув-тарбия жараёни тизимиning структураси, ана шу жараённинг мазмуни, педагоглар ва ўқувчиларнинг фаолияти, шунингдек, амалга оширилган ишларнинг натижаси мазкур тизим жамиятнинг қандай тарихий" типига мансублигига боғлиқдир. Мана шуларнинг ҳаммасини хисобга олиб куйидагиларни айтиш ўринлидир: таълим — нисбатан мустақил тизим бўлиб, унинг вазифалари жамият аъзоларини мунтазам равиша ўқитиш ва тарбиялаш орқали уларни маълум бойликлар, кўникма ва малакалар ҳамда ахлоқ нормалари билан куроллантиришдир. Ана шундай ўқитиш ва тарбиялашнинг мазмунини пировард натижада мазкур жамиятнинг ижтимоий-иктисодий ва сиёсий тузуми ҳамда моддий-техник тараққиётининг даражаси белгилайди.

Эндиликда ҳар бир халқнинг факат ўз миллий маданияти асосида ўкиши ва тарбияланиши етарли эмаслиги, у жаҳон маданияти бойликларини ҳам англаши зарурлиги тўғрисидаги фикрлар тасдиқланмоқда. Билимдон кишиларни тарбиялашдек, анъанавий вазифа ўрнига атрофлича фикр юрита-

диган ижодкор кишиларни етиштириш вазифаси олға суримоқда. Илгари маълумотлилик даражаси ўрганилган қоидалар, таҳлил қилинган асарлар, ёдланган шеърларнинг сони ва бир хил масалаларни ечиш кўникмаси билан белгиланган бўлса, ҳозирги кунда бу даражада миқёси кенгайди. Энг муҳим масалаларни қўя билиш ҳар қандай ишга ижодий ёндошиш каби хислатлар маълумотлилик даражасини кўрсатади. Аввалги вактларда ўқувчиларни ахборотлардан хабардор қўлинган бўлса, энди уларда хаётни ўзгартириш, уни яхши томонга буриш кўникмалари ва қобилиятларини шакллантиришга жиддий аҳамият бериш зарур. Энг муҳими бутун тарбиявий жараённи инсонга қаратишидир. Таълим инсонни билимлар билан қуроллантирибина қолмаслиги, балки уни шахс сифатида камол топтириши ва такомиллаштириши хам керак. Бошқача айтганда, жамиятда таълимни инсонпарварлаштириш ғоялари тобора кенг ёйилмоқда. Шубҳасизки, жамият ва мактабни инсонпарварлаштириш муаммоси таълимнинг оғзаки ахборот — усулини унумли, яратувчилик усулига айлантириш билангина ҳал бўлмайди. Мазкур жараённинг энг муҳим йўналиши таълим мазмунини инсонпарвар қилишдир. Бу тадбир биринчидан, шахсада маданиятни шакллантиришда фанларнинг ролини оширишдан, ҳалқ миллий маданиятининг барқарор бойликларини тушунишдан, иккинчидан, табиий-илмий ва техника фанларини экологик хамда ижтимоий аҳамиятли жиҳатлар билан бойитишдан иборатdir.

Таълимни инсонпарварлаштиришнинг энг зарур томонларидан бири мактаб факат ўқувчиларга маълум ҳажмдаги билим, кўникма ва малакаларни ўзлаштиришда ёрдам бериб қолмай, балки уларни

маданиятга, унинг бойликлари ва хилма-хиллиги-га жалб этиши керак. Ҳозир ўзбек мактабининг миллий характеристи муаммоси ғоят жиддийдир.

БОШЛАНГИЧ МАКТАБ ТАЪЛИМИ МАЗМУНИНИ ҚАЙТА КЎРИБ ЧИҚИШНИНГ АСОСИЙ ЙЎНАЛИШЛАРИ

Бошланғич мактаб хар бир бола учун баравар имконият ва шароитларни таъминлаши туфайли инсонни ўқитиш ва тарбиялашнинг умумий тизимида муҳим роль ўинайди. Ана шу даврда болага сингдириладиган билим инсон шахсини, дунёкаршини шакллантириш, уни камол топтириш даражасини белгилайди. Бошланғич мактабда ўзлаштирилган билим, кўникма ва малака, факат ёшларнинг мактабда ёки бошқа ўқув юртида кейинчалик ўқитиш ва тарбиялашнинг асосини эмас, балки етук инсоннинг амалий, ижтимоий фаолияти сифатини хам кўрсатади.

Ҳозирги босқичда бошланғич мактаб узлуксиз таълимнинг умумий тизимида муҳим қисм, биринчи звено ҳисобланади. Шунинг учун унга қуйидаги вазифалар қўйилади: ўқувчиларда табиат ва жамият тўғрисидаги билимларни таркиб топтириш; ўқувчиларнинг онгини бойитиш, билимга қизиқишлирини ошириш; ўқувчиларни ўрта мактабнинг навбатдаги босқичида муваффакиятли ўқишга тайёрлаш. Мактабдаги тўрт йиллик бошланғич таълим дастурида ўқувчиларга муайян билим, кўникма ва малакалар тизимини беришдан ташқари, уларни табиат ва жамият ҳақидаги дастлабки билимлар асосида дунёning умумий манзараси билан таништириш, уларда дунёни янада чуқурроқ билиш учун зарур кўникма ва малакаларни шакллантириш, те-

варак оламга тўғри қараш ва муносабатни тарбиялаш ҳам назарда тутилади.

Бошланғич мактаб нутқнинг маълум даражада ўсишини, ўқиш, ёзиш ва хисоблаш малакаларини ўзлаштиришни ҳамда таълимнинг кейинги босқичларида дастурни муваффақиятли ўрганиш имконини берадиган умумий камолатни таъминлаши керак. Таълимнинг дастлабки босқичида болаларнинг ахлоқий, эстетик ва жисмоний тарбиясига ҳамда уларнинг соғлигини сақлаш масалаларига катта аҳамият берилади.

Аста-секин болага факат билим беришгагина эмас, балки уни тарбиялашга ҳам қаратилган ўқитишининг йўналишини белгилайдиган қоидалар амалга оширилади.

Ўзбекистонда ҳалқ маорифининг ташкил топиши ва ривожланишининг ҳар бир босқичида бошланғич таълим бўйича маълум ютуқларга эришилди. 1934 йилдаёк республикада бошланғич мактаб (тўрт йиллик босқич мактаби) ҳажмидаги умумий таълим масаласи ҳам ҳал қилинди. Шундан кейин республикамиизда ривожланишининг иккинчи босқичи бошланиб, бошланғич мактабни битирган ҳамма болалар учун етти йиллик умумий мажбурий таълимни жорий этиш вазифаси қўйилди ва ҳал этилди.

Бошланғич мактаб ривожланишининг хусусиятларини баҳолаш учун шуни қайд этиш керакки, ўша пайтда ўқиш 8 ёшдан бошланадиган тўрт йиллик бошланғич мактаб тизими тўла таркиб топди. Кейинчалик у замонавий бошланғич таълимни куриш асосида тобора такомиллашди. Бу эса кейинги ўқиш ва амалий фаолият имкониятини таъминлайдиган билимлар, кўникмалар ва малакаларнинг мукаммал доирасидан иборат биринчи босқич

бўлди. Унда она тили, арифметика, география, табиятшунослик етарли даражада ўрганилди.

Ўша пайтларда ташаббускор ўқитувчилар, Ҳамза Ҳакимзода Ниёзий, Абдулла Авлоний, Оқилхон Шарофутдинов, Сиддик Ражабов ва бошқалар машхур педагоглар илғор ғояларини кенг миқёсда амалга оширилар. Ижодий кучларнинг ўсиши ва фаоллашуви бошланғич таълим-тарбиянинг янада ривожланишида ғоят мухим аҳамият касб этди.

Илғор ўқитувчилар ва методистлар, ҳалқ маорифининг ташкилотчилари педагогика фани олдига бошланғич таълимни қайта куриш вазифасини қўйдилар.

Замонавий бошланғич мактабни тўғри баҳолаш учун уни қайта куришнинг характёрини, йўналишини белгилайдиган энг мухим умумий талаблар ишлаб чиқилди. Ана шулар асосида ўқувчиларнинг ҳаддан ташкари қийналиши бартараф этилди, мактаб дастуридан ортиқча тафсилотлар, иккинчи даражали ва бир-бирини айнан тақрорлайдиган ўқув материаллари олиб ташланди.

Илғор тажрибаларни синчиклаб таҳлил қилиш, методистлар, педагоглар ва психологларнинг тадқиқотлари натижаларини хисобга олиш билан асосий педагогик мезонлар ишлаб чиқилди. Бу мезонлар концепция дастурлар, дарслеклар ҳамда методикаларда ҳам амалга оширилиб, таълимда қўлланди. Мазкур мезонлар қўйидагилардан иборат эди:

— ўзлаштиришга тавсия этиладиган янги билимлар ўқувчиларнинг онги амалий эҳтиёжларидан келиб чиқиши, уларга қизиқиш уйғотиши керак;

— болаларнинг ўзлаштириши уларнинг мақсадга мувоғиқ фаолияти шароитида амалга ошиши даркор, бу фаолиятнинг усулларини эса мунтазам равиша ўргатиш лозим;

— ўқув фаолияти мувафаққияти ўқувчиларнинг юксак даражада фаоллиги ва мустақиллигига боғлиқ. Ўқитувчи эса уларга мана шу сифатларни шакллантириш мақсадида ёрдам бериши зарур. Бунинг муҳим омили ўқув фаолиятининг таълим мотивларини таркиб топтириш, болаларда билимга қизиқишиш уйғотишидир. Шунга кўра ўқитишнинг янги методлари ва усулларини ишлаб чиқиш, уларни фаоллаштириш, ўқув фаолиятини методик жихатдан таъминлаш керак;

— ўқитиш жараёнида барвактрок умумлаштиришлар қилиш ва уларга ўқувчиларни жалб этиш лозим;

— хар бир дарсда билимларни факат кенгайтиришга эмас, балки бошқача шароитларда қўллашга ҳам ёрдам берадиган янги элемент бўлиши керак;

— такрорлаш ҳар бир машғулотда мунтазам равишда амалга оширилиши, уларда факат эслаш эмас, балки бошқа ақлий ижодий ишлар ҳам қўллашиши зарур; такрорлаш учун маҳсус дарслар шаклида вақт ажратилмайди;

— дарсларнинг материалларидан ўқувчиларни тарбиялаш мақсадларида кўп фойдаланилади. Бунда ўқитувчи ўқувчиларнинг дунёқарашини шакллантиради, уларга асосан муайян тушунчалар шаклида ижтимоий-сиёсий, ахлоқий, этик ва меҳнатга доир билимлар беради, болаларда воқеаларга, фактлар ва ходисаларга тўғри муносабатни вужудга келтиради, уларни ўз хатти-харакатларидан ана шу билимлардан фойдаланишга ўргатади.

Ана шу мезонларга амал қилинса таълим-тарбия самарадорлиги янада ошади.

ЎҚУВ РЕЖАСИ, ДАСТУРЛАРИ ВА ДАРСЛИКЛАР

Барча мактаб предметларида бериладиган таълимнинг мазмуни давлат хужжатларида, ўқув режасида, ўқув дастурлари ва дарслерларида акс этган. Ана шу хужжатлар республикадаги барча мактаблар учун мажбурийдир.

Ўқув режаси. Мактабнинг ўқув режаси мактабда ўргатиш учун танланган ўқув предметларини, уларнинг таълим олиш йўллари бўйича тақсимланишини, ҳар бир предметга ажратилган соатлар микдорини ва шу соатларнинг хафталарга бўлинишини белгилайди.

Ўқув режалари халқ таълими вазирлиги томонидан тузилади ва тасдиқланади ҳамда республикадаги барча мактаблар учун мажбурий хисобланади. Ўқув режаларини тузишга предметли ўқитиш принципи асос бўлади.

Ўқув режаси таълимнинг мазмунини белгилайдиган энг муҳим хужжат бўлиб, унда мазкур ўқув юртида ўрганиладиган ўқув предметларининг таркиби, уларнинг ўқув йиллари ва хафталари бўйича тақсимланиши ҳамда ҳар бир ўқув предмети учун ажратилган вактлар микдори ана шуларга мувофиксифодаланади. Ўқув режаси аслида таълим мазмунининг қабул қилинган уёки бу назарий концепциясини норматив йўсингда ва яхлит ҳолда акс этирадиган асосий хужжатdir.

Таълимнинг мазмунини ифодаловчи хужжат сифатидаги ўқув режаси ижтимоий буюртманинг педагогик талқини натижасида таркиб топган таълим мазмунининг ифодасига бевосита боғлиқ бўлади.

Жаҳон педагогикасида ўқув режасини айрим ўқув предметларидан тузиш керакми ёки турли фанларга доир билимлар қандайдир амалий иш ёки тадқиқот

доираси гурухланадиган комплекслар ва лойихалардан тузиш керакми, деган масала хусусидаги мунозара бормоқца. «Америка Кўшма Штатларида комплекс ўқитиш узок муддатли элементар мактабдагина эмас, балки ўрта мактабда хам давом этади. Комплекслик ғоясининг ўзи ниҳоятда кенг тус олган. Америка педагогикасида ўкув дастурларини предметлар бўйича тузишга қарши кураш бошланганига ярим асрдан ошди.»¹

Иш тажрибалари ва анчагина педагогик тадқиқотлардан кўринишича, мактабда ўргатиш учун танлаган ўкув предметларини бир йўла ўрганиш мумкин эмас. Чунки, биринчидан, бунга жиддий чегараланган ўкув вакти имкон бермайди; иккинчидан, айрим ўкув предметларини ўзлаштириш учун олдин бошқа ўкув предметларини ўрганиш шарт. Утмишда ана шундай фикр юритиш маълум предметларини жиддий изчиллик принципини мустахкамлашга уриниш имконини берди.

Ўкув режалари ўкувчиларнинг ёш хусусиятларига мувофиқ тузилади. Ўкув режасига мазкур ёшдаги ўкувчиларга мос предметлар тегишли ҳажмда киритилади ва улар ўкувчиларнинг ҳар томонлама муваффақиятли камол топишига ёрдам бериши кўзланади. Ҳар бир предмет учун ўкув соатларининг микдорини белгилашда, биринчидан, предметнинг таълим тизимидағи роли ва аҳамияти, иккинчидан, мазкур предмет бўйича ўрганилиши лозим бўлган ўкув материалининг ҳажми, учинчидан, у ёки бу предметни ўрганишнинг дидактик хусусиятлари эътиборга олинади.

¹ З. А. Малькова. Современная школа США. М., 1970, 143-бет.

Ўкув режасининг тушунтириш хатида иккита қоида ёритилади: ўкув режасининг тузилиши принциплари таълим мазмунининг таркиби ва структурасига таъсир этадиган, уни тўғрилайдиган омиллардан бири сифатида ифодаланади; таълим мазмунининг, таълим концепциясини акс эттирадиган хужжат сифатидаги ўкув режасининг вазифаларининг кенгайтирмай туриб, режада ва ўкув дастурларида таълим мазмунининг таркиби ва структурасини тўлиқ ёритиб бўлмайди.

Ўкув режасида ўкув предметларининг яхлит контеграцияланган тизими икки марта: мактабдаги таълимнинг дастлабки ва охирги поғоналарида, ўқитишининг бошланғич ва якунловчи босқичларида ифодаланади. Мактабнинг ўрта звеносида предметларни табақали ўрганиш асосий ўрин олади. Таълимнинг бошланғич босқичида интеграцияланган курслар киритилишининг сабаби болаларда яққол табақаланган курсларга қизиқиш бўлмаслиги, яъни ана шу даврда улар дунёни яхлит билиши ва идрок этишидир. Кичик мактаб ёшидаги ўкувчини билимларни ўзлаштириш жараёнининг ўзи қизиқтиради. Предметни билишга қизиқиш ақлий фаолиятнинг мураккаб шакллари ривожланишига ва кейинчалик предметларнинг тавсифланишига боғлиқ холда вужудга келади.

Амалиётдан кўринадики, янги типдаги мактабларни яратиш, таълим мазмунидан ортиқча мафкуравийлаштириш ва чеклашларни чиқариб ташлаш орқали таълимдаги қолилларнинг барҳам топиши анча тезлашмоқда. Лекин таълим жараёнининг ўзини қайта куриш, ўқитувчи билан ўкувчилар муносабатининг услубларини ўзгартириш натижалари яхши сезилмаётир.

Мактабларда таълимнинг мазмунини янгилаш борасидаги тадбирлар ва ечимлар орасидаги ўрта мактаб ўкув материалларини қуи синфларга оддийгина кўчириш билан ўқувчиларнинг қобилиятини тезроқ ривожлантиришга, таълимнинг сифатини оширишга интилишлар ҳам учрамоқда. Бундай материаллар эса болалар ўзлаштиришининг психологик хусусиятларига ҳам, қуи синфдаги ўқитиш методларига ҳам тўғри келмайди. Шунга кўра мазкур тадбир ортиқча сўзларни киритиш, ахборотларни кўпайтириш билан таълимнинг мазмунини мураккаблаштиради ва ҳажмини оширади, боланинг хотираси чексиз бўлса-да, унинг учун ўкув машғулотини қийинлаштиради холос.

Инсонпарвар муносабатни барпо этиш қадриятларнинг ўзаришини талаб қиласди. Эндиликда бошланғич таълимда билимларнинг тайёр шаклларини ўзлаштириш ва асосан фаолиятнинг қайта тикилаш турларидан фойдаланиш эмас, балки бола фаолиятининг билим олиш жараёнига боғлик изланиш турларини фаоллаштириш керак.

Психологларнинг тадқиқотларидан маълум бўлишибча, таълим ана шу йўсинда қайта курилса, бола тўлиқ камол топиш субъектига айланади. Шунда у факат қайта тикилаш ва тўлдириш лозим бўлган билимлар билан таъминланадиган педагогик таъсир кўрсатиш обьекти ҳисобланмайди.

Бола фаолиятининг жамоага тақсимланган шаклларида ёки ўқитувчи билан бирга ишлашда мустақил билим олиш жараёнига фаол киришади ва ўзининг ижодий қобилияtlарини намойиш этиш имкониятига эга бўлади. Хусусан мустақил билим олиш жараёнидаги фаол изланиш ишлари, ҳатто қийинчиликларга дуч келинса ҳам, боланинг соғ-

лигига ижобий таъсир этади. Шифокорлар ва психологларнинг тасдиқлашича, болалар фаоллигининг рўёбга чиқмаслиги уларга ёмон таъсир кўрсатиши, интизомсизликни, ҳуқук бузиш ҳолларини вужудга келтириши, болаларни «юкорига» эмас, балки «пастга» етаклаши мумкин.

Бошланғич таълим мазмунини қайта қуришнинг бутун мураккаблиги шундаки, болаларни камол топтириш талаби уларнинг ижодий ишлашини кучайтирадиган методларни фаол қўллашга олиб боради, қўнишка ва малакаларни шакллантириш зарурлиги эса тафаккурнинг репродуктив компонентларидан воз кечишга йўл қўймайди. Бунда уларни оқилона бирлаштириш, тафаккурнинг самарали ва репродуктив компонентлари шаклланишининг диалектик бирлигига эришиш, айрим тадқиқотчилар таклиф қилаётганидек, репродуктив компонентларни инкор қилмаслик керак.

Жамият учун нихоятда зарур альтернатив мактабларга болаларнинг яхши ўсган ва тайёрланган сара қисми йиғилаётгани, қолган барча болаларни ўқитиш одатдаги мактабларга юкланаётгани сабабли инсонпарвар педагогика ғояларини амалга ошириш йўлига кирган оммавий мактабнинг вазифаси жуда мураккаблашмоқда. Табиийки, бундай мактабларда ҳам болаларга маълум билимлар доирасида ахборотлар бериш ва жузъий қўнишкаларни сингдирish билан чекланиш мумкин эмас: уларни имкони борича юқори даражада камол топтириш керак.

Дастур. Дастур ва мукаммал дарслик ўқитувчи ҳамда ўқувчилар учун, ўқув-методик қўлланмаларни тузувчилар учун асосий норматив материаллардир. Лекин ўқитувчилар дастур ва дарсликлар билан ишлашда уларнинг норматив ва ижодий жиҳатларини фарқлай олишлари керак.

Ўқув предмети дарсида таълимнинг мазмунини асосан дастурда масалалар рўйхати билан ифодаланади.

Дастурнинг асосий вазифаси — ўқув предметининг мазмунини ифодалашдир. Унда курснинг синфларга, кисмларга, мавзуларга бўлиниши, уларни ўрганиш тартиби, соатлар тури кўрсатилади. Хатто, дастурдаги масалалар рўйхати хам ундаги бошқа бўлимларнинг мазмунидан ташқари, процессуал ўналиши хам мавжудлигидан далолат беради. Шундай қилиб, дастур иккита вазифани бажаради: таълимнинг мазмунини ўқув предмети доирасида акс эттиради ва предмет учун муайян норматив сифатида хизмат қиласди. Бундан ташқари, у дарсликка ўтишни тайёрлайди ва унинг муаллифлари фаолияти учун йўлланма хисобланади.

Масалалар рўйхати — дастурнинг марказий бўлими, аммо унда бошқа бўлимлар хам бўлиб, улар дарсликнинг тузувчилари фикрини ва ўқитувчиларнинг фаолиятини маълум йўналишга солиши керак. Ҳар бир ўқув предмети бўйича хақиқий дастур умуман тўрт қисмдан тушунтириш хати (ҳар хил дастурда мазмуни турлича); рўйхат кўринишидаги мазмуннинг ўзи (мавзулар, масалалар, лабораториялар ва амалий ишлар, намойишлар, экспурсиялар); предметлароро алоқалар кўрсатилган бўлим хамда ўкувчиларнинг билим ва кўникмаларига қўйиладиган талаблар ифодаланган бўлимлардан иборат бўлади.

Курснинг мақсадлари ва вазифаларини ифодалаш — дастурнинг энг муҳим элементидир. Хусусан ана шу мақсад ва вазифалар дарслик муаллифининг дастурни амалга оширишдаги маълум нуктаи назарини ва ўқитувчининг дарсликни тўғрилаши хамда

ўқитиши жараёнини ташкил этиши учун тегишли йўналишни белгилайди. Ўқитувчи, айникса, ёш ўқитувчилар ўз изланишларининг йўналишини белгилаб олиш учун курснинг мақсадини чуқур англашлари керак. Дастурларда шундай вазифалар хам бериладики, ўқитувчи уларни ҳал қилиш учун институтда тайёрланмаган бўлади. Бунинг мисоли сифатида таълим мазмунига методологик билимларнинг киритилишини айтиш мумкин. Курсга мана шундай талаблар қўйилишининг ўзи ўқитувчиларни чуқур ўйлашга мажбур этади. Тажрибали педагог ўтган йиллардаги дастурларда бундай вазифалар бўлмаганини сезади. Бу ҳол унинг мустақил билим олиши, ижодий изланиши, шунингдек методик бирлашмада ишлаши учун туртки бўлади.

Дарслик. Дастурда таълимнинг мазмунини *масалалар рўйхати* орқали ифодаланади. Ўқув материали ўкувчиларга мўлжалланган дарсликлар, ўқув қўлланмалари, китоблар ва дидактик материалларда, ўқитувчига мўлжалланган методик тавсияларда ёритилади. Дарслик асосий норматив ҳужжат хисобланади.

'Дарслик — ўкувчиларнинг китоби ва унинг энг муҳим қуролидир. У фактат дарсда таҳлил қилинадиган ўқув материалини ўзлаштиришда ўкувчига ёрдам беригина қолмай, унда мазкур предметга қизиши уйғотиши, шу соҳа бўйича мустақил билим олиш иштиёқини хам вужудга келтириши керак.

Дарслик ўқитувчи учун хам методик йўлланма сифатида хизмат қиласди: тушунчаларни киритиш тартибини, уларни ёритиш чуқурлигини, киритилган ўқув материалларига вактнинг тақсимланишини белгилайди.

Образли қилиб айтганда, дарслик ўқитиши жараёнининг «сценарийси»дир. Унда ўқитувчи ўзлаш-

тириши лозим бўлган билимлар, фаолият усуллари қайд қилинади, билим ва кўникумаларни ижодий қўллаш йўллари белгиланади, эмоционал — қимматли қадриятларни тарбиялашнинг айрим воситалари кўрсатилади. Дарсликда таълимнинг ана шу барча мазмуни муайян тартибда ўқувчиларнинг таълим муваффақиятини таъминлайдиган босқичлар бўйича жойлаштирилади. Лекин бошланғич мактаб дарслклари бағоят ўзига хосдир. Уларнинг ҳаммасида методик аппарат кичкина бўлиб у синфлар сайн аста-секин вужудга келади. Ўрта мактабда баъзан ўқувчи дарсликдан тамомила мустақил ҳолда фойдалана олиш-олмаслиги мухокама қилинса, бошланғич мактабда бу ишга ўқитувчининг рапбарлиги мажбурийдир.

Ижодий ишлайдиган ўқитувчиларнинг тажрибасини таҳлил қилиб, жуда муҳим кузатишни амалга ошириш мумкин. Улар дарслик ва ўзларининг методик қўлланмаларидан ақида сифатида эмас, балки норматив модель сифатида фойдаланадилар. Аслида ўқитувчилар синфининг эҳтиёжини, шахсий имкониятларйни назарда тутиб ўз дарсликларини ёзандилар. Улар дарсликка зид ишламайдилар, балки уни тўлдириб, кенгайтириб ва чукурлаштириб, унинг муаллифлари билан ҳамкорликка киришиб иш олиб борадилар. Бинобарин муаллиф болаларнинг тайёргарлик даражасини хисобга олиш, уларга табақали ёндошиш имкониятига эга бўлмайди.

Ўқитувчи доимо ўкув йили бошланишидан олдин ва кейинчалик ҳар куни дарсликка мурожаат қиласиди. Унинг бундан мақсади ҳар гал ҳар хил бўлади. Дарслик ўқитувчининг қўлида жуда кўп вазифаларни бажаради. У аввало предметни ўқитиш воситаси сифатида хизмат қиласиди. Ҳар бир ўқитув-

чи ана шу вазифани билади ва уни муваффақиятли амалга ошира олади.

ДАРСЛИК ВА ЎҚУВ ФАОЛИЯТИНИ ТАШКИЛ ҚИЛИШ

Дарслик билан ўқув жараёни ўзаро боғлиқ бўлиб, унда саволлар, топшириклар, жадваллардан, статистик, хронологик маълумотлар ва хоказолардан ўз ўрнида фойдаланиш лозим.

Дарсликлардаги саволлар ва топшириклар таълим концепцияси асосида тузилган ва методик нуктати назардан тўғри жойлаштирилган (камол тоитириш мақсадида ёки расмлар орқали ифодаланган) бўлиши лозим. Улар асосан қуидаги уч гурухга бўлинади:

Биринчи гурухга билимларни мустаҳкамлаш, ўзлаштирилган нарсаларни эсга тушириш ва малакаларни шакллантиришга доир саволлар ва топшириклар киради.

Иккинчи гурух тафаккурни ўстирадиган (мустақил ишлашни, таққослаш, умумлаштириш, баҳолаш, хулоса чиқариш, билимлар тизимини мустаҳкамлаш, аниқлаш ва тажрибага солишини талаб қиласидиган) саволлар ва топшириклардан иборатдир.

Учинчи гурух ўзлаштирилган билимларни амалда қўллашга (мустақил ишларни бажариш ва малакаларни эгаллашга) доир саволлар ва топширикларни ўз ичига олади.

Дарсликда дастурнинг барча талаблари акс этиши ва асосий ғоялар, хуносалар яққол ифодаланиши лозим.

Дарсликни болаларга мослаштиришда қуидагиларни алоҳида эътиборга олишни билиш керак:
— материалларни дарсликларга тўғри таксимлаш;

- ўқувчиларга бериладиган вазифаларни астасекин қийинлаштириб бориш (тизимга солиш);
- ўқувчиларга табақали ёндошишни назарда тутиш (топширикларни кийин ёки осонлигига қараб танлаш);
- дарсда, уй вазифаларини бажаришда, такрорлашда асосий ва құшимча материалларни ажратиш;
- дарсликдаги саволлар ва топширикларнинг мўлжалланган вақтга мослиги ва ўқувчиларни қийнаб қўймаслиги;
- дарсликнинг мазмуни (ўқувчиларни қизиқтириши, матнларнинг ғоявий ва эстетик жиҳатлари) уни ўргатишнинг методик тизимиға мувофиқ бўлиши;
- дарслик тилининг осонлиги ва равонлиги, ўқувчилар нутқини ўстириш учун намуна бўла олиши.

Дарсликнинг асосий компоненти унинг матнидир. Матнлар асосий ва қўшимча материаллардан (мурожаат, хужжат — хрестоматия ва ҳоказолардан) ҳамда тушунтиришлардан иборат бўлади.

Дарсликни таҳлил қилишда унинг тузилиши, мавзуларнинг ўрни, иллюстрацияларнинг бойлиги ва энг муҳими ўқувчиларга таъсири хисобга олиниши керак.

Мана шу талаблар амалга оширилиши учун ҳар бир янги дарсликни яратишнинг ўзига хос муаммоларини тўғри ҳал қилиш, дарслик ўқув-методик ишларининг асоси бўлиши кераклигини назарда тутиш шарт. »

ЧЕТ ЭЛ МАМЛАКАТЛАРИДАГИ ТАЪЛИМНИНГ МАЗМУНИ

Биз жаҳоннинг 73 мамлакатида ўқитиш бошлигадан ёш тўғрисидаги маълумотларга эга бўлсак, шуларнинг 54 тасида болалар олти ва ундан ки-

чикроқ ёшидан, 43 мамлакатда олти ёшдан, 3 мамлакатда беш ёшдан мактабда ўқий бошлайди, 8 мамлакатда мактабга болаларни беш ёшида ҳам, олти ёшида ҳам қабул қилиш юкландган.

Ўқув режаси. Турли мамлакатларда ўқув режиссинг ҳафталик ҳажми (ҳафта) синфлардаги машғулотлар сони ҳар хилдир. Шунингдек, турли мамлакатларда дарсларнинг давом этиши ҳам бир хил эмас. Масалан, Японияда 45 ва АҚШда 40 дақиқали дарслар жорий қилинган. Англияда дарслар та-наффусиз кетма-кет ўтилаверилади.

Буюк Британияда ўқув йили сентябрда бошланаб, июл ойининг охирида тугайди. Ўқув ҳафтаси беш кунлик. Бу мамлакатда ҳозиргача ягона мактаб дастурлари ва дарсликлари мавжуд эмас. Ўқув дастурлари ишлаб чиқиш хуқуқи мактаб директорлари ва катта ўқитувчилар зиммасига юкландган. Лекин ўқитувчилар мактаб тўғрисида 1986 йили қабул қилинган 2-қонунга мувофиқ ўқув дастурлари хусусида маҳаллий маориф органлари билан келишишлари шарт. Хукумат муфассал ва балансланган, ўқувчиларнинг шахсий эҳтиёжлари ва ҳозирги хаёт талабларига мувофиқ тарзда табақаланган ўқув дастурини жорий этиш йўли билан таълимий имкониятларни кенгайтиришдан манфаатдордир. Англия ва Уельсдаги бошланғич ҳамда бирлашган ўрта мактабга умумий-илмий ўқув дастурини жорий этиш мўлжалланмоқда. Бу дастурга кўра ўқув вақтининг 70 фоизи асосий предметларни маориф ва фан департаменти тавсия этган ҳажмда ўрганишга ажратилган. Қолган вақтдан исталган предметларни ўрганиш учун фойдаланиш мумкин.

Булардан ташқари, яна қуйидаги тадбирларни амалга ошириш кўзланмоқда: 7, 11, 14 ва 16 ёшли

болалар учун асосий предметлар бўйича имтихонлар жорий этиш; мактаблардаги ўқувчилар сонини маориф ва фан департаменти тайинлаган нормаларга асосан белгилаш; мактаблар зиммасига тайёргарлиги ва қобилиятларидан қатъи назар барча болаларни, лекин белгиланган нормалар чегарасида қабул қилиш мажбуриятини юклаш; ўқувчиларнинг сони 200 нафардан ортиқ мактабларга ўзининг молиявий, кадрлари масалаларини мустақил ҳал қилиш хуқукини, шунингдек, маҳаллий маориф органларининг назорати остидан чиқиш ва бевосита маориф ва фан департаментига бўйсуниш хуқукини бериш. Ана шундай жараёнлар Шотландия ва Шимолий Ирландиядаги мактаб таълимида ҳам рўй берётир.

Англияда беш ёшга тўлган болалар бутун ўқув йили мобайнида мактабга қабул қилинаверади. Битта синфда 5—6 ва 7 ёшли болалар ўқийверади.

Болалар бир неча ой мактабга қатнаганларидан сўнг уларни яхшироқ ўсган ва сустрок ўсган болалар гурухларига бўлинади.

Болалар синф хоналарида ўйнайдилар, шуғулланадилар ва овқатланадилар. Хоналарда расм чизиш, елимлаш ва ўйинчоқлар ясаш учун турли ашёлар, хисоблаш, тортиш учун ҳар хил приборлар, асбоблар ва бошқа дидактик воситалар мавжуд бўлади. Ҳар бир синфда кичкина кутубхона ташкил этилади. Ҳамма машғулотларни битта ўқитувчи олиб боради. Болаларнинг кўп вақти очик ҳавода ўтади.

Японияда кўп мамлакатлардан фарқли равишда ўқув йили 1 апрелда бошланиб, кейинги йилнинг 31 марта тугайди. Бошланғич ва кичик ўрта мактабда ўқув йили учта семестр (апрел, июл, сен-

тябр, декабр, январ, март)га бўлинади. Катта ўрта мактабда ўқув йили икки учта семестрга бўлинади. Ёзги, қишки (янги йилдан олдин ва кейин) ҳамда баҳорги (йиллик имтихонлардан кейин) таътиллар белгиланади. Ёзги таътилларнинг бошланиши худудлар ва ўқув юртларининг типлари бўйича ҳар хилдир. Улар кўп бошланғич ва кичик ўрта мактабларда июннинг охирида бошланиб, августнинг охирида тугайди. Айрим кишлоқ хўжалиги худудларида баҳорда ва кузда ёзги таътилни қисқартириш хисобига мавсумий фермерлик таътиллари ҳам бўлади.

Япония мактабларидаги ўқув йили АҚШ мактабларидагига нисбатан 60 кун узунроқ, яъни 240 кун давом этади. Машғулотлар иш ва шанба кунлари эрталаб 8.30 дан 15.15 гача, яъни 7 соатдан ўтказилади. Шунингдек, ўқувчилар машғулотлардан кейин хафтада 2—3 соат синфдан ташқари клуб ишлари билан шуғулланадилар ҳамда хафтада 7 соатгача вактларини маҳсус репититорлик мактабларида ўтказадилар. Япониялик ўқувчилар АҚШдаги ўрта мактаб ўқувчиларига нисбатан кўпроқ вактларини синфдан ташқари машғулотларга сарфлайдилар. Таълим миллий институти ўтказган савол-жавоб маълумотларига кўра катта ўрта мактаб ўқувчиларининг 36 фоизи хафтада 10 соатгача ва ундан кўпроқ вакт мустақил ишлаш билан шуғулланади. Бу эса американлик ўқувчилар мустақил ишлайдиган вактдан 6 марта кўпdir.

Бошланғич ва кичик ўрта мактабда ўрганилиши лозим бўлган фанлар, шунингдек, йил давомида уларни ўрганиш учун ажратиладиган соатлар мидори таълим вазирлигининг фармойиши билан белгиланади. Мазкур вазирлик таълимнинг ҳар бир босқичидаги ўқув фанларининг мақсади ва мазмунини ҳам белгилайди.

Буларга кўшимча равишда ижтимоий мактабларда ҳафтасига бир марта мажбурий ахлок тарбияси машғулотлари ўтказилади, хусусий мактабларда эса бу машғулотлар диний таълим билан алмаштирилиши мумкин.

Япониядаги ўкув режаси доимо З та бўлим (ўқиш, ахлок тарбияси ва маҳсус фаолият)дан иборат бўлади.

Таълим вазирлигининг фармойишига мувофиқ катта ўрта мактабни битириш учун энг ками 80 та синов бирлигини олиш зарур. Мактаблар мажбурий предметларга кўшимча равишда хошишга караб инглиз тилини ва бошқа чет тилларини, шунингдек, маҳсус техник фанларини таклиф қилиш мумкин.

Бошланғич ва кичик ўрта мактабда билимларнииг асослари таркиб топтирилади: уларнинг ўкув режаларида кенг қамровли ва болалардаги ўсишнинг даражасига кўра мураккаблашиб борадиган ўкув курсини ўрганиш назарда тутилади. Бошланғич ва кичик ўрта мактабда тил бўйича тайёрланиш етакчи ўринда туради, бундай машғулотларга айниқса II—IV синфларда ўкув соатларининг энг кўп қисми ажратилади. Тилни ўрганишда эслаб қолиш бўйича ўтказиладиган машғулотларга алоҳида эътибор берилади. Ўрганишга ажратилган соатлар микдори бўйича арифметика ва математика иккинчи ўринни ишғол этади, улардан кейин жамиятшунослик туради.

Япон мактаблари учун чиқариладиган деярли барча дарсликлар хусусий нашриётларда чоп этилади. Дарсликларнинг мазмуни ва баҳосини Таълим вазирлиги маъқуллайди. Давлат мактабларида фойдаланиладиган дарсликларни З йилда 1 марта

таълим бўйича маҳаллий кенгашлар қабул қиласди. Давлатга қарашли ва хусусий бошланғич ҳамда кичик ўрта мактабларнинг барча ўқувчилари дарсликларини миллий ҳукумат ҳисобига бепул оладилар. Катта ўрта мактабларнинг ўқувчилари эса дарсликларни сотиб олишади. Дарсликлар арzon нарҳда сотилади.

6—15 ёшли болаларнинг ҳаммаси олти йиллик бошланғич мактабга қатнаши мажбурийдир. Мажбурий тўққиз йиллик таълим ҳам барча болалар учун бепул. Эҳтиёжманд оиласларнинг болаларига мактабдаги тушликлар, эккурсияларга тўловлар, тиббий хизмат учун миллий ҳамда маҳаллий бошқарув органлари томонидан ёрдам пули берилади.

Бошланғич мактабни битирган бола кичик ўрта мактабда ўқиши давом, эттиришга мажбур. Ижтимоий кичик ўрта мактаблар ўз туманида яшайдиган жисмоний ёки руҳий ноқис болани қабул қиласди. Мазкур мактабларда болаларни танлашнинг қандайдир қоидлари ёки қабул қилишнинг хеч қандай шартлари йўқ. Лекин ота-оналари ўз болаларини бошланғич мактабдан олий ўкув юритигача таълимнинг барча босқичларидаги хусусий пуллик билим масканларига бериш хуқуқига эга. Хусусий ўкув юртларида ўқувчиларни танлаш қоидаси жорий этилган ва унга амал қилинади.

Японияда уч хил: кундузги, кечки ва сиртқи катта мактаблар мавжуд. Ўқиш муддати кундузги мактабда уч йил. Кечки ва сиртқи мактабларни битирганлар катта ўрта мактабни битирганлик тўғрисидаги дипломга teng диплом оладилар. Катта ўрта мактаблардаги ўқувчиларинииг тахмцний 95 фоизи кундузги сменада ўқийди. Катта ўрта мактаблар ўкув режаларининг характеристи бўйича: умумий (академик)

мактабларга, техника, тижорат, махаллий санъат мактаблари ва хрказоларга бўлинади. Катта ўрта мактабларнинг 30 фоизига яқини таълимнинг хам умумий, хам касбкорлик курсларини, 47 фоиздан кўпроғи фақат умумий курсларни ва қолганлари касбкорлик курсларини ташкил қиласди. Катта ўрта мактаблардаги ўқувчиларнинг тахминан 70 фоизи умумий ўқув режалари бўйича таълим олади. Катта ўрта мактабларга ўқувчиларни кичик ўрта мактабни битиргани тўғрисидаги хужжатлар ва кириш имтиҳонларининг натижалари асосида қабул қилинади. Ижтимоий ва хусусий секторларда тегишли ёш гурухидаги ўғил ва кизларнинг 98 фоизи ихтиёрий ўрта таълимга жалб этилган, яъни у умумий таълим хисобланади.

Хитой мактабининг тарихи жуда узоқдир, унинг илдизи қадимий даврларга бориб тақалади. Хитойда дастлабки мактаблар эрамиздан анча илгари вужудга келган. Қадимги хитой файласуфи ва педагоги, эрамиздаи олдинги V—IV асрларда яшаган Кун-цзи (Конфуций) катор ажойиб педагогик ғояларни олға сурган ва хусусий ўқитишга асос соглан.

ХХР ташкил топгунича бошланғич мактаб 1946 йилда ривожланишнинг энг юкори даражасига етган. Ўша пайтда Хитойда 290 мингдан ортиқ мактаблар мавжуд бўлиб, уларда 23 миллион нафардан зиёд ўқувчилар таълим олган. 1946 йилда бошланғич таълимга болаларнинг тахминан 20 фоизи жалб қилинган. Шу билан бирга катта ёшли ахолининг 90 фоизидан кўпроғи саводсиз эди.

1949 йилда халк инқилоби ғалаба қозонганидан кейин Хитойда саводсизликни тугатиш ва мактаб таълимини кенг тус олдириш бўйича жуда катта

миқёсдаги ишлар амалга оширилди. Халқтаълими ни ислоҳ қилиш тўғрисидаги (1951 йилги) қарорда болалар ва ўсмирлар учун хам, катталар учун хам бошланғич хамда ўрта мактабларнинг кенг тармоғини яратиш кўзда тутилган эди. Ислоҳотга мувоғик ўқиш муддати бошланғич мактабда 5 йил ва ўрта мактабда 6 (3—3) йил қилиб белгиланди. Лекин кейинчалик бошланғич мактаб хам 6 йиллик бўлди.

XXR ташкил топган дастлабки йилларда мамлакатдаги мактаблар тизими ижтимоий-иктисодий ривожланиш режаларига мувоғик жиддий такомиллаштирилди. Аммо 1958 йилда Мао Цзе — дун ва унинг гурухи «катта сакраш» йўли билан барча соҳалардаги, шу жумладан таълим борасидаги ижтимоий-иктисодий ривожланиш суръатини сунъий равишда тезлаштиришга қарор қилди. Шундан сўнг моддий шароитлар хисобга олинмай, таълимнинг суръатларини жадаллаштириш бошланди, бу харатат таълим ва тарбиянинг сифатига салбий таъсир кўрсатди. Янги ташкил қилинган мингларча бошланғич мактаблар тегишли биноларга, дарсликлар ва ўқув кўлланмаларига, зарур асбоб-анжомлар ва яхши тайёрланган ўқитувчиларга эга эмасди. Мактаб таълимининг инқирози 1966 йилда ниҳоятда кучайди.

Мамлакатда узок вақт давом этган 1966—1976 йиллардаги «маданий инқилоб» аслида халқ таълимени кучсизлантириш натижасида хитой халқининг аклий имкониятларини хам заифлаштириди. Шунга кўра мамлакат раҳбарияти таълим тизими ни қайта тикиш ва янада такомиллаштириш томон фаол қадам ташлаш тадбирларини қўллашга киришиди.

ХКП МК нинг 1985 йил 27 майда қабул қилинган «Таълим тизимини ислоҳ қилиш тӯғрисида»ги қарори хозирги босқичда ХУРтаълимини ривожлантиришнинг муҳим омили бўлди. Унда таълим тизимининг барча бўғинларини қайта қуриш ва такомиллаштириш тадбирлари белгиланди. 1986 йил 12 апрелда Умумхитой ҳалқ вакиллари мажлисининг сессиясида Хитой ҳалқ Республикасининг мажбурий таълим тӯғрисидаги Конуни қабул қилинди ва бу қонун 1986 йил 1 июлдан кучга кирди. .

Мана шу Конунга мувофиқ мажбурий таълимнинг муддати бошланғич ва тўлиқсиз ўрта мактабда 9 йил, тўлик ўрта мактабда 3 йил қилиб белгиланди.

Ҳозир Хитойда бошланғич мактабларнинг иккитури мавжуд бўлиб биринчи хилида ўкиш муддати 5 йил ва икkinchi хилида 6 йил. Бошланғич ва ўрта мактаблардаги таълим ҳамма тушунадиган путунхуа тилида олиб бориладики, у хитой тилининг пекин шевасига асосланган.

Хитойдаги болаларнинг бир қисми бошланғич мактабга киришдан олдин болалар боғчаларида тайёрланади.

Хитойда сўнгги 20 йил мобайнида ҳар қайси оила биттадан болага эга бўлиши сиёсати юргизилиши сабабли ўкувчиларнинг сони анча камайди.

Бошланғич мактаб ўкув режасига 9 та предмет: ахлоқий тарбия, она тили, арифметика, «Жамият» (тарих, география), табиатшунослик, жисмоний тарбия, ашула ва мусика, бадиий тарбия, меҳнат таълими киритилган. Мана шу асосий ўкув предметларидан ташқари, хафтада 6—8 соат фаолиятнинг ҳар хил турларига: мустакил тайёрланишга, (1—2 соат), синф мажлислари ўtkазишга (1 соат),

спорт ўйинларига (2—3 соат), кизиқишлар бўйича машғулотларга (2 соат) ажратилади.

Лотин Америкаси мамлакатлари 1961 йилда АҚШ таклиф этган иқтисодий ёрдам дастурини, яъни «Тараққиёт йўлидаги иттифоқ» дастурини қабул қилишга мажбур бўлди. Унда ҳалқ таълимими ривожлантиришнинг ўн йиллик режаси ҳам ифодаланган, умуман мазкур дастурда мактаблар тармоғини кенгайтириш, ўкув масканларини бартараф этишнинг, бутун жамиятни замонавийлаштиришнинг асосий омили экани қайд этилган, аммо дастурда асосан хорижий мустамлакачилар ва маҳаллий зодагонларнинг мақсад ҳамда манфаатлари назарда тутилган бўлиб, уларнинг нияти аввало ходимларни етиштириш ва тараққийпарвар жамоатчиликнинг дикқат-эътиборини долзарб сиёсий муаммолардан чалғитиш эди.

60—70 йилларда Лотин Америкасидаги барча мамлакатларда маориф органларининг фаолияти кескин кучайди. Ҳукумат мактаб ва университетлар ишига, уларни молиявий таъминлашга жиддий эътибор берди. Америка давлатлараро органлари ва БТМ ташкилотларининг, аввало ЮНЕСКОнинг харакатлари туфайли ўқитувчилар тайёрлаш, шунингдек мактаб ходимларига янгича ўқитиш усусларини ўргатиш кенг тус олди. 60-йиллар охиридан кўпгина Лотин Америкаси мамлакатларида мактаб ва университет таълими тизими ислоҳ қилина бошланди. Ислоҳотнинг асосий ғояси ўкув масканларини маърифий мазмундаги ёки маҳаллий мақсадларни кўзланган вазифаларни бажаришга, фан-техникани такомиллаштириш негизида иқтисодиётни жадал ривожлантириш вазифаларини амалга оширишга йўналтиришдан иборат эди.

. Таълим сиёсатини ана шу тариқа ўзлаштиришларини Шимолий Америка ўкув марказлари асосида таълимни замонавийлаштириш деб баҳолаш мумкин эди. Мазкур ўзлаштиришлар педагогик жихатдан муайян амалий мақсадларни кўзлашга даъват этди. Ёш авлодни ўқитиш соҳасидаги мазкур ўзгаришлар кўпчиликни ишончини оқламади ва умидини пучга чиқарди. Туб ижтимоий-иқтисодий ўзгаришларни амалга оширмай, таълим соҳасида ҳам муваффакиятларга эришиб бўлмаслиги тўғрисидаги фикрларни исботлади.

60—70 йилларда таълим соҳасини режалаштириш аста-секин йўлга қўйилди, ўкув юртларини маблағ билан таъминлаш тартибга солинди. Мактаб ишларини марказлаштириш кучайди ва бу ҳол ўкув дастурларини тузиш, кадрлардан фойдаланиш, мактаб биноларини қуриш каби ишларни мувофиқлаштириш имконини берди.

Минтақадаги (Барбасдан бошқа) ҳамма мамлакатларда болаларни мажбурий равишда 14 ёшгача (Перуда 16 ёшгача) ўқитиш жорий этилди. Бошланғич мактабдаги, айрим мамлакатларда, ҳатто ўрта мактабдаги ўқиш ҳам бепул қилинди. Лекин бу коида факат давлат секторига карашли мактабларга тааллуқли эди.

Лотин Америкаси мамлакатларининг баъзиларидаги мактабларнинг азалий структурасини ўзгартириш бўйича ҳам ислохотлар ўтказилди. Бошланғич мактабларни ва ўрта мактабларнинг дастлабки босқичларини бирлаштирган мактаб таълими базавий туркуми тузилди. Чунки бошланғич мактабга асосланиб келган касб-корлик мактабларининг умумтаълимий савиясини ошириш зарур эди. Дастлаб 1965-йилда Чилида 8 йилга мўлжалланган базавий

туркум ташкил топган бўлиб, 70-йилларда Боливия ва Бразилияда ҳам 8 йиллик, Перу, Сальвадор ва Венесуэлада 9 йиллик, Аргентинада 6 йиллик, Ямайка ва Колумбияда 5 йиллик ана шундай туркумлар жорий этилди. Перу, Панама ва бошқа катор мамлакатларда мажбурий таълим факат бошланғич мактабларга эмас, балки бутун базавий туркумга ҳам татбиқ қилинди.

»

Лотин Америкаси мамлакатларининг айримларидаги ўкув дастурларининг тор ихтисослашуви ва муайян амалий йўналишига эга бўлиши ёшларнинг умумтаълимий тайёргарлиги учун заарли бўлиб, ана шу тайёргарлик даражаси пасайишига олиб боради. Бразилия, Колумбия, Венесуэладаги мактаблар ихтисослаштирилганинг оқибати ана шу фикрни яққол исботлайди. Мазкур ислохот ахолини иш билан таъминлашнинг, давлат корхоналари учун кадрлар тайёрлашнинг баъзи муҳим миллий муаммосини ва бошқа баъзи масалаларини ҳал этиш имконини берган бўлса-да, катор салбий натижаларга олиб бориши ҳам муқаррардир. Чунки ушбу ихтисослаштириш бир томонлама характерга эга бўлиб, мактаб тизимишининг америкачалашувига, унинг инсонпарварлиги бузилишига сабаб бўлади. Минтақадаги мазкур ўзгартиришлардан кўзланган асосий мақсад ажнабий монополиялар ва махаллий катта компаниялар корхоналарини ерлик меҳнат ресурслари ҳисобидан малакали кадрлар билан таъминлаш эди. Шунга кўра таълимнинг ислоҳ қилиш дастурининг бир томонлама характеристи тез орада яққол аён бўлди.

Шунга қарамай, минтақада таълимни ислоҳ қилиш, шу жумладан, ўрта мактабларни ихтисослаштириш миллий иқтисодиётни кадрлар билан

таъминлашда маълум даражада ёрдам берди. Шунинг учун ҳам давлат бошланғич мактаблар билан бир қаторда ўрта ва олий ўқув юртларини ҳам маблағ билан таъминлашни кучайтириб борди. Минтақада хусусий ўқув юртлари тармоғи ҳам кенгайди. Таълимнинг ҳамма босқичларидағи ўқувчилар *контингенти* анча ортди. Лотин Америкаси минтақаси 1975 йилда болаларни бошланғич таълимга жалб этиш бўйича дунёда биринчи ўринга чиқди ва қолган ҳамма кўрсаткичлар бўйича ривожланаёттан ҳамма мамлакатлардан анЧа илгарилаб кетди.

Лотин Америкаси мамлакатларининг тараққий-парвар жамоатчилиги кенг ҳалқ оммасига хизмат киладиган ҳалқ маорифи масалаларини мустақиллик, демократик ва ижтимоий тараққиёт учун курашиб орқалигина ҳал этиш мумкинлигига ишонч хосил қилди ва худди ана шу йўналишдан боришига интилмоқда.

Савол ва топшириклар

1. «Умумий таълим» тушунчасига нималар киради?
 2. Таълим мазмунини қайта кўриб чиқиш зарурлигининг сабаби нималардан иборат?
- ЗгМактабнинг ўқув роҳаси нима?
4. Ўқув дастури нима ва унинг ҳалқ таълимини қайта қуриш давридаги хусусияти нималардан иборат? Бошланғич таълимнинг исталған предметтига доир ўқув дастурини таҳлил қилинг.
 5. Дарслерларга асосан қандай педагогик талаблар қўйилади?
- Бошланғич таълим дарслеридан бирини таҳлил қилинг.
6. Таълим мазмунини янада тақомиллаштириш соҳасидаги тадқиқот ишининг айрим йўналишларини айтиб беринг.

XI б о б . ЎҚУВ ЖАРАЁНИИ ТАШКИЛ ЭТИШНИНГ ШАКЛЛАРИ ЎҚУВ ИШНИИ ТАШКИЛ ЭТИШ ШАКЛЛАРИ ҲАҚИДА ТУШУНЧА

Таълим ижтимоий ходиса бўлиб, унинг тарихи жуда узокдир. Таълим инсоният жамияти ривожининг дастлабки пайтларида ёқ катта рол ўйнаган. У тўпланган тажрибаларни, дунё ҳақидаги ахборотларни бериш жараёнини таъминлаган, инсониятнинг фақат ижтимоий ривожланишига эмас, балки қийин шароитларда яшай олишига ҳам ёрдам берган. Узлуксиз ривожланган жамиятда таълимнинг мукаммал жамоа шакли, яъни дарс минг йиллар мобайнида вужудга келган. Я. А. Коменский «Буюк дидактика» асарида жамоавий тарбиянинг олдинги барча тажрибаларини умумлаштириди, синфнинг дарс тизимида таълимнинг асосий дидактик принципларини изчил ифодалади. Ўша замондан бўён 350 йил ўтди. Шунча вакт мобайнида дарснинг ташкилий шакллари ҳам, таълимнинг -методлари ҳам узлуксиз такомиллашиб кетди.

Ҳалқ мактаблари ташкил топганидан бошлаб ўқитувчи ва ўқувчиларни ўзаро ҳамкорлиги ҳамда ўзаро муносабати муаммолари ҳам вужудга келгандир. Маълумки, ўқитувчининг билими унинг дарсдаги ва уйдаги фаолиятининг характеристига бевосита боғлиқдир, фаолиятсиз билимлар ҳам бўлмайди. Ўқитувчи ажойиб йўсинда дарс ўтиши ва лекин бу дарснинг натижаси муайян ўқувчи учун нарсага арзимаслиги мумкин.

Шуларга кўра ўқитувчи ўзини ана шундай ўқувчининг ўрнига кўя билиши, унинг дарсдаги фаолиятини ва унга мактабда бутун ўқиш давридаги

муносабатини тасаввур қилиши ғоят мухимdir. Зотан тарбия ва таълим аста-секин амалга ошади ҳамда ўқувчига барча дарслар мажмуи қандай таъсир этишига, ўқувчи ўқитувчи раҳбарлигига онгли ва фаол бажарадиган ишларнинг ҳажми ҳамда мунтазамлигига боғлиқдир.

Ўқитувчининг вазифаси — дарсда тафаккур ва фаолиятнинг ана шу турларини энг тўғри уйғунлаштиришдир. Бинобарин, бундай уйғунлик дарс самарадорлигини оширишнинг мухим омилидир.

Ўқитувчи дарс муаммоларига тўғри ёндошиши учун таълим жараёнининг асосий компонентларини билиши, уларнинг ўзаро боғлиқлиги ва- бирбирига таъсирини тушуниши лозим. Объектив мавжудликнинг моҳиятини билиши — таълимнинг мақсадларидан биридир.

Таълимда б.илимларни ўзлаштириш жараёнига қуйидаги компонентлар киради:

1. Ҳодисаларни, нарсаларни кузатиш, ахборотларни идрок этиш.
2. Олинган ахборотларни таҳлил қилиш (билимларнинг характерли белгиларини аниқлаш, тақослаш, кўчириш, бирйнчи жараёнда олинган ахборотларни ўзгартириш' ва унда олинган ахборотлар доирасидан чиқиш).
3. Эслаб қолиш.
4. Ишлар, умумлаштиришларнинг тўғрилигини текшириш ҳамда баҳолаш.

Умуман айтганда, таълимни бошқариш ўқитувчи ўқиш жараёнининг асосий структураси элементлари, хусусан ўқув материалининг мазмuni, таълим методлари, фаолият усуллари, шакллари ва воситалари тўғри амалга ошуви ҳамда ўзаро таъсирини таъминлашдан иборатdir.

ТАЪЛИМДА СИНФ - ДАРС ТИЗИМИНИНГ ВУЖУДГА КЕЛИШИ

Таълимни бошқаришнинг асосий ташкилий шакли қуйидаги маълум белгиларга эга бўлган машғулотларни гурухий йўсинда ўтказилиди:

- машғулотларнинг ҳар йили ва ҳар бир ўқиш куни бир пайтда бошланиши;
- машғулотлар ва улар орасидаги танаффусларнинг маълум вақт давом этиши;
- гурухлардаги болаларнинг ёши ва сони жиҳатдан бараварлиги;
- материал ўрганиш суръатининг бир хиллиги;
- ўқув машғулотларининг маълум ташкилий шаклда ўтказилиши.

Гурухли машғулотларнинг синф-дарс тизими деб аталган бундай шакли кенг тарқалди, мустахкамланди ва ҳозир ҳам анча такомиллашган ҳолда мавжудцир.

Мактаб ривожланиши тарихида 20-йилларда таълимнинг якка тартибдаги шакли нотанқидий йўсинда қабул қилинди ва амалиётга таълимнинг бригада — лаборатрия методи билан киритилди. Унда бир гурух. (5—6 нафар) ўқувчилар ўқитувчи тавсия этган материални мустақил ҳолда ўрганганлар. Ўқитувчи маҳсус тушунтиришлар бермай, факат йўл-йўриқлар кўрсатган. Ҳамма нарса учун бригадир жавоб берган. Бундай таълим болаларнинг ўқув фаолияти учун масъулиятини пасайтирган.

Мактаб барҳам топишининг нотўғри педагогик концепциялари даврида таълимнинг «лойиҳалар методи» деб аталган шакли вужудга келган. Унда ўқувчилар ўқитувчининг топшириғи бўйича қандайдир объектининг лойиҳасини тайёрлаганлар. Мазкур ғоялар муаллифларининг айтишича ўқувчилар лойи-

хани тузишда ўкув режаси бўйича ўтиладиган предметларга доир комплекс билимларни ўзлаштирган.

Сўнгги йигирма йил мобайнода педагогика назарияси комбинацияланган дарсни ўрганишдан дарсни элементлари бўйича босқичма-босқич ўзлаштиришга, ундан синтетик ва ниҳоят муаммоли ўрганишга ўтди. Тадқиқотларнинг узвийлиги ва узвий ёндошиши тўғрисида жуда кўп илмий адабиётлар мавжуд. Масалан, Н. М. Махмутов, Г. Д. Кирилова, Ф. Ф. Королев ва Э. Г. Юдинларнинг хозирги замон дарси, уни ташкил этиш, камол топтирувчи таълим шароитидаги дарс назарияси ва амалиёти, муаммоли дарс ва хоказоларга доир китобларида дарсга система сифатида қаралсагина уни чукур тушуниш мумкинлиги қайд қилинган. Лекин педагоглар 70-йиллардагина дарсни ўрганиш ва тушунтиришга системали ёндошиш зарурлигйни тўла англадилар, Фанлар ривожланишининг хозирги босқичида дарсни кандай тушуниш керак?

Дарс назариясида хозиргача бу тушунчанинг янги таърифлари йўқ. Кўп таърифларда худди илгаридек дарс маълум вакт мобайнода таркиби ўзгартмайдиган ўқитувчилар ва ўқувчилар фаолиятини ташкил этишнинг шакли бўлиб, у болаларни ўқитиш, тарбиялаш ва камол топтириш вазифаларини амалга ошириш учун мунтазам қўлланishi ифодаланган. Дарсда ўқув-тарбия ишларининг барча компонентлари: мақсад, мазмун, воситалар, методлар, ташкил этиш ва бошқариш фаолияти ҳамда унинг ҳамма дидактик элементлари мужассамланган деб хисоблаш қабул қилинган.

Табиийки, дарс яхлит таълим жараёнини ўқутарбия ишининг бошқа ташкилий шакллари — уй вазифаларини бажариш, предмет тўгараютарининг

машғулотлари, сайрлар ва ҳоказолар билан узвий бирликда акс эттиради. «Дарсни икки жиҳатдан: умуман таълим жараёни ва таълимни ташкил этиш шакли сифатида таърифлаб уни фойдали деб хисоблаш таклифи бор (М. И. Махмутов). Таълимнинг умумий жараёни сифатида қаралса, дарс ўқитиш харакатининг таълим мазмуни, принциплари ва методлари билан белгиланадиган, маълум маконзамон чегараларида ўқитувчи режалаштирадиган ҳамда бошқарадиган биргаликдаги обьект ўқитувчи ва ўқувчилар амалга оширадиган асосий шаклидир.

Мазкур тушунча иккинчи нуқтаи назардан қуйидаги таърифланади: дарс маълум таркибдаги ўқитувчилар (муаллимлар) билан ўқувчиларнинг мақсадга мувоғик ўзаро таъсири (фаолиятлари ва алокалари) жараёнини ташкил этишнинг, таълим мазмуни, шакллари, методлари, воситаларини ўз ичига олади, таълим жараёнода ўқитиш, камол топтириш ва тарбиялаш вазифаларини амалга ошириш учун (бир хил вакт ичida) мунтазам қўлланадиган бой ва ўзгарувчан шаклидир». (Қаранг: М. И. Махмутов. «Современъга урок».)

ДАРС МАКТАБДА ЎҚУВ ИШЛАРИНИ ТАШКИЛ ҚИЛИШНИНГ АСОСИЙ ШАКЛИ

Хозирги пайтда ўқув ишларини ташкил этишнинг қуйидаги шакллари қўлланади: дарс, экспурсия, ўқув устахоналаридаги машғулотлар, меҳнат ва ишлаб чиқариш таълими шакллари, уй ишлари, синфдан ташқари ўқув ишларининг шакллари (предмет тўгараклари, студиялар, олимпиадалар, танловлар).

Дарснинг ташкилий шакллари

Педагогик адабиётларда ва мактаб амалиётида дарсдаги ишларни ташкил этишнинг асосан учта: якка тартибдаги, умумий ва гурухий шакллари қабул килинган.

Биз дарслардаги ва уйдаги якка тартибдаги ишлар деганда ўқувчиларнинг ўзлари учун маҳсус танланган ва хар бирининг имкониятларига мос топширикни бажаришларини тушунамиз. Шунга кўра ўқитувчи ўқувчининг ўзига хос имкониятларини аниклаб, унга факат тайёр намуна бўйича эмас, балки мустакил ҳолда ишлашни ҳам талаб қиласидаги топшириклар системасини танлайди. Бундай иш тасодифий эмас, балки мунтазам, пухта ўйланган бўлиши ва бунда ўқувчининг хусусиятлари ҳамда имкониятлари ~хисобга олиниши лозим. Ўқувчи имкониятларининг икки томони назарда тутилиши зарур.

Ўқув имкониятларининг ички томонига фикрлаш ва эслаб қолишдан иборат ўкиш қобилияти; ўқувчи илгариги таълимда олган маҳсус билимлар, шунингдек, ўқув меҳнатига доир кўникма ва малакаларнинг, маълум даражада иш қобилияти ва масъулиятнинг, ўкиш сабаблари мажмуининг мавжудлиги киради.

Ўқувчи имкониятларининг ташки томони унга мактабда хилма-хил таъсир кўрсатишдан ва унинг оиласда ҳамда мухитда оладиган таассуротларидан иборатdir.

Якка тартибдаги таълим хар бир ўқувчига етарли даражада чуқур ва пухта билимлар бериш учун, хар бир ўқувчи маҳсадга мувофиқ камол топишини ва заруратга қараб ўзининг билимларини мус-

тақил ҳолда тўлдириб бориш кўникуларига эга бўлишини таъминлаш учун керак.

Якка тартибдаги ишларни дарснинг хамма босқичларида ташкил қилиш маҳсадга мувофиқдир. Бундай ишлардан билимларни мустаҳкамлаш, такрорлаш ва турли машкларни уюстиришда фойдаланиш энг осондир. Улар янги материални ўрганиша ҳам ғоят самаралидир.

Ўқувчилар билан олиб бориладиган якка тартибдаги ишлар режасини қўйидаги йўсинда тузиш мумкин:

- дастлаб мустакил ишларни ўтказиш ҳамда ўқувчи яшайдиган ва ўқийдиган шароитларни тахлил қилиш орқали унинг имкониятларини ўрганиш;
- ўқувчилар билан якка тартибда ишлашнинг дидактик воситаларини яратиш;

— хар бир ўқувчи учун энг мақбул топширикларни ҳамда билим олиши ва камол топиши назорат қилиш системасини белгилаш, ўқувчини ўз вақтида мураккаброқ масалаларни ҳал қилишга ўтказиш, амалга оширилган ишларни тахлил қилиш ва умумлаштириш, тузатиш ва хулосалар чиқариш.

ЎҚУВ ИШЛАРИНИ ТАШКИЛ ЭТИШНИНГ УМУМИЙ ШАКЛИ

Умумий шакл дарсда, ўқитувчи ва ўқувчилар фаолиятининг шундай туридирки, унда ўқувчилар хаммалари учун умумий битта ишни баравар бажаридилар. Олинган натижалар синф бўйича мухокама қилинади, таққосланади ва умумлаштирилади. Оммавий таълим шароитида ўқув ишларини ташкил этишнинг умумий шакли ғоят муҳимдир. У болаларда жамоатчилик хиссини тарбиялаш, уларни мулоҳаза юритишга, ўқувчиларнинг мулоҳазаларидағи хатоларни топишга ўргатиш имконини

беради. Тўғри раҳбарлик қилинса, болаларнинг ўқув имкониятлари аниқланса, синфда турли муаммоларни мухокама этиш жуда самарали тадбир хисобланади. Бу тадбир ўқитувчидан ҳамма ўқувчиларнинг фикрлашига мос ишни топиш маҳоратини, уларнинг истакларини тинглай олишни талаб қиласди. Дарснинг умумий шаклида кўзланган мақсадлар бўйича ва айникса, ўқувчиларда далиллар билан мухокама юритиш кўнигмаларини ривожлантиришда ажойиб натижаларга эришиш мумкин. Агар боланинг ўқув имкониятлари тўғри баҳоланса, дарсни ташкил қилишнинг умумий шакли ўқувчиларга якка тартибда ёндошидан кенг фойдаланиш имконини ҳам беради. Ўқитувчи улардан ўз имкониятларига боғлиқ ҳолда турли дараҷадаги умумлашмаларни сўрайди. Шу тариқа ўқувчиларнинг тинглашлари ҳам, ўз билимлари ва фикрларини ўртоқлари билан тақкослаши, тезда тўлдириши, ундаги хатоларни топиш кўнигмаларини шакллантириши жуда муҳимдир.

Умуман олганда, синфга ҳам репродуктив, ҳам ижодий топшириқдар бериш мумкин. Дарсда ишнинг якка тартибдаги ва умумий шакллари бирлаштирилса, ҳар иккаласининг афзалликларидан кенгрок фойдаланиш имконияти туғилади.

Янги материални ўрганиш ва уни мустаҳкамлашда дарсни ташкил қилишнинг умумий шакли энг самаралидир, олинган билимларни ҳаётий вазиятларда қўллашни эса якка тартибдаги ишлардан кенгрок фойдаланиб ташкил этиш яхшидир. Лаборатория ишлари умумий йўсинда ташкил қилинади. Лекин бунда ҳам ҳар бир ўқувчини мақсадга мувоғиқ камол топтириш имкониятларини излаш керак.

ТАЪЛИМНИ ТАШКИЛ ЭТИШНИНГ ГУРУХИЙ ШАКЛИ

Сўнгги йилларда дарсни ташкил этишнинг умумий ва якка тартибдаги шакллари билан бир қаторда таълимни ташкил этишнинг гурухий шакли ҳам кенг тарқалмоқда.

Дарснинг гурухий шаклининг асосий белгилари:

- мазкур дарсда муайян ўқув вазифаларини ҳал қилиш учун синф бир неча гурухларга бўлинади;

- ҳар бир гурух маълум топшириқ олади ва уни биргалашиб ўз бошлиғи ёки ўқитувчининг бевосита раҳбарлигига бажаради;

- топшириқ гурухнинг ҳар бир аъзоси қўшган хиссани хисобга олиш ва баҳолаш имконини берадиган йўсинда бажарилади;

- гурухнинг таркиби доимий бўлмайди, уни танлашда гурухдаги ҳар бир аъзонинг ўқув имкониятлари жамоа учун кўп фойдали амалга ошадиган бўлиши назарда тутилади.

Махсус танланган гурухларда ўқув ва ишлаб чиқариш топшириқлари маълум йўриқнома режа бўйича бажарилади. Турли предметларда ва хатто битта предмет бўйича дарсларда гурухларнинг раҳбарлари ва таркиби ҳар хил бўлиши мумкин. Дарснинг гурухий шакли гурухцаги ишнинг ташкил этилишига боғлиқ.

Биринчи галда гурухнинг таркибини тўғри танлаш зарур. У албатта кичик жамоа бўлиши лозим, шундагина барча аъзолар бир-бирларининг ютукларини бойитадилар ва камчиликларини тўлдирадилар. Гурухда ўзаро салбий муносабатдаги болалар бўлмаслиги керак. Баъзан маълум топшириқни гурухнинг мойиллиги ва қобилиятларига қараб қисмларга ажратилади. Аъзоларниг ҳар бири иш-

нинг ўзига теккан қисмини якка тартибда бажаради. Кейин ҳар бир ўқувчи бажарган ишнинг натижалари мухокама килинади ва жамланади.

Дарснинг гурхий шакли айниқса, қандайдир амалий масалаларни ҳал қилишда ёки курснинг қандайдир хусусий масаласини чукур ўрганишда самарали бўлади.

Дарснинг умумий ёки якка тартибдаги шаклида ўқитувчи битта дарсда ҳамма ўқувчиларга ёрдам беришга қийналади. У бир-икки ўқувчи билан ишлаётганида ўзларида саволлар туғилган кўп ўқувчилар навбат кутиб турадилар. Гурухда эса ўқувчиларга жуда тез ёрдам бериш мумкин. Тажрибадан кўринадики, бунда кучли ва гурухдаги бўш ўқувчига ёрдам берадиган ўқувчи бўш ўқувчига нисбатан кам манфаатдор бўлмайди, бинобарин у ўз ўртоғига тушунтиришда унинг билимлари юксак даражада фаоллашади ва мустаҳкамланади. Гурухлар қандайдир муаммоларни ҳал қилишда ҳам ғоят самаралидир. Бир томондан, ижодий иш хақиқатни излаш жараёнини индивидуаллаштиради, чунки ҳар бир ўқувчи ечимни мустақил холда топишга интилади. Иккинчи томондан — фикр алмашиш, тахминларни биргаликда текшириш табиий жамоавий хусусият касб этади.

Синфни гурухларга бўлишда қийинчиликлар туғилиши табиий. Айримлар синфни қобилиятлар бўйича, ақлий камолат даражаси бўйича гурухларга ажратишини тавсия этадилар. Бундай қилиш ҳатодир, бинобарин қобилиятли ва қобилиятсиз ўқувчиларни бир-биридан узоқлаштириш мумкин эмас, Аксинча, гурухларда кучсиз ўқувчиларга кучли ўқувчиларнинг ташкилий равишида ёрдам беришини йўлга қўйиш мақсадга мувофиқдир.

Ўкув дастурида кўзда тутилган экскурсияларни ўтказиш мажбурий бўлиб, бу иш ўёки бу предметни ўрганишга ажратилган вакт ҳисобига амалга оширилади. Таълимни бошқа ташкилий шакллари каби ўкув экскурсиялари ҳам дидактик принципларни (илмийлик, ўқиши ҳаёт билан боғланишини, кўрсатмалик ва ҳоказоларни) амалга оширади, борликдаги ходисалар ва жараёнларни, ўзаро боғлиқлик ҳамда ўзаоо алоқаларни ўрганишда, илмий дунёкарашни, **б-1лиш** ва жамоатчилик қизиқишиларини, шахснинг сифатларини шакллантиришда, ўқувчиларни меҳнат фаолиятига тайёрлаш ва касбларга йўналтиришда ёрдам беради.

ДАРСНИНГ СТРУКТУРАСИЙ, ЭЛЕМЕНТЛАРИ ВА ТИПЛАРИ

1. Таълимнинг структураси ва тизими хақида тушунча. Аввало, структуранинг нималигини кўриб ўтамиш. Ҳар бир фандаги «структур» тушунчаси ўзига хос мазмунга эга. Чунки ҳар қандай объект, жараён, ходисанинг ички тузилиши бўлиб, унда турли алоқа ва муносабатлар мавжуд. Ўқув жараёни ҳам ўзининг тузилишига эга ва у звенолар деб аталадиган ўзаро боғлиқ маълум қисмлардан ташкил топади. Бутун ичидаги ана шу звеноларнинг ўзаро боғланиши мазкур жараённинг структурасини вужудга келтиради. Лекин, маълумки, структурасиз тизим бўлмаганидек, тизимсиз структура ҳам бўлмайди. Шунга кўра структурани тизимдаги ўзаро боғлиқ элементларнинг тартиблари деб таърифлаш мумкин. Биз тизим тушунчасига нималарни киритамиш?

Тизим — ўзининг хоссалари ва боғланишлари бўйича ўёки бу тартибдаги ўзаро боғлиқ кўп элементлардир.

Ўқув жараёнининг структураси ва тизимини яққол тасаввур этиш учун бу жараён қандай звенолардан ташкил топганини, улар орасидаги ўзаро боғланиш қандайлигини ва хар бир звено қандай элементлардан иборатлигини аниқ билиш зарур. Аввал ўқув жараёни қандай звенолардан ташкил топишини ва улар орасидаги боғланишларни кўриб чиқамиз.

Ўқув жараёни қуйидаги звеноларга эга бўлади:

1. Ўқувчининг ўқувчилар диккати ва тафаккурини жалб қилиши, шу орқали уларни ўқув материалини фаол идрок этишга олиб бориш мақсадида билиш вазифасини ўртага қўйиши.

2. Ўқитувчи томонидан билимларнинг берилиши жараёни ва ўқувчиларнинг янги материални ўзлаштириши.

3. Илмий тушунчадарнинг умумлаштирилиши ва шакллантирилиши жараёни, ўқувчиларнинг билим, кўникма ва малакаларини мустаҳкамлаш ва такомиллаштириш.

4. Ўқувчиларнинг билим, кўникма ва малакаларини тегишли вазиятларда қўллаш.

5. Ўқувчилар билим, кўникма ва малакаларини ўзлаштираётганини текшириш.

Хар куни ўқув жараёнининг таркибий қисми умумий вазифаларни хам, ўзига хос функцияларни хам бажаради. Ўқувчилар уларнинг бирида билиш вазифасини англайдилар, иккинчисида ўрганилаётган материални идрок этадилар ва тушунадилар, учинчисида кўникма ва малакаларини тақомиллаштирадилар. Хар бир звенода янгиликнинг қандайдир қисми идрок этилади, меҳнат маданиятининг қандайдир элементлари ўзлаштирилади. Уларнинг ҳар бирида таълимнинг умумий ва ўзига

хос функциялари маълум йўсинда бирлашади. Ўқув жараёнининг мазкур барча звенолари ўзаро чамбарчас боғланган. Масалан, ўқувчилар билиш жараёнига лоқайд муносабатда бўлса, ўқув материалини чукур ва онгли ўзлаштириши мумкин эмас. Бундай ҳолда звено иккинчи вазифага фаол тайёргарлик ролини бажаради. Агар ўқувчилар ўқитувчи раҳбарлигига ўз мушоҳадалари кучи билан илмий тушунчаларни, конунларни умумлаштирумаса, янги материални идрок этиш жараёни юзаки бўлиб қолади. Шу мақсадда ўқитувчи янги материални ўтишада: а) индуктив; б) аналитик-синтетик, яъни тушунчаларни муайян ходисаларни анализ ва синтез қилиш асосида аста-секин шакллантириш; в) дедуктив йўллардан фойдаланади.

Янги материални ўзлаштиришнинг ҳар бир йўлида муайян ва мавҳумликнинг, тасаввур ва тушунчаларнинг ўзаро боғланиши жуда мухим аҳамият касб этади.

Тасаввур предметнинг асосан ташки кўринишини, яъни инсоннинг сезги органлари бевосита идрок этиши учун қулай белгиларини акс эттиради.

Тушунча эса нарсаларнинг мэҳиятини англаш имконини беради ва мазкур синфга мансуб барча предметлар учун умумий мухим хусусиятлар, белгилар ва боғланишларни акс эттиради. Ҳар бир фан ўзаро боғлик тушунчалар тизимини ташкил қиласди. Демак, қандайдир фаннинг асосларини ўзлаштириш аввало мана шу фандаги тушунчалар тизимини ўрганишга чамбарчас боғлиқдир.

Ўқувчиларнинг билим, кўникма ва малакаларини дастлабки вазиятларда, яъни намуна бўйича, шунингдек, ҳаётий шароитларга яқин янги вазиятларда қўллаш таълим жараёнининг мухим зве-

носи хисобланади. Чунки инсоннинг амалий фаолияти билимлар хақиқатлигининг мезони сифатидаги хизмат қиласи. Ана шундай фаолиятсиз таълимни ҳаёт билан, амалиёт билан боғлашдан иборат муҳим вазифани ҳал қила олмаймиз.

Шу тариқа барча звенолар ўзаро чамбарчас боғланышда ўқув жараёнини ташкил этади. Ўз-ўзидан аёнки таълим жараёнидаги мана шу ҳамма звенолар белгиланган тартибда ёки тўлалигича амалга ошувиning аҳамияти йўқ. Бунда ўқув жараёнининг маълум кисмида бир звенонинг иккинчи звенога қўшилиши, ўзаро сингиши қандайдир звенонинг етакчилик ролини бажариши кузатилади. Ўқув жараёни амалда анча ўзгарувчандир. Айтайлик, ўқув жараёнининг маълум бир кисмида ўқувчилар билимини текшириш ва баҳолаш асосий вазифа хисобланади. Лекин бундан бошқа звенолар жараёнида дахлсиз бўлади, деган маъно келиб чиқмайди. Бунда барча звеноларнинг умумий вазифалари нағоён бўлаверади. Негаки, билимларни текшириш ва баҳолаш тўғри йўлга қўйилса, ҳамма ўқувчилар фаоллашади, уларнинг ҳар бири тегишли билимларни онгли равишда эслайди, ўртоқларининг жавобларини таңқидий эшитади, масалаларнинг ечилишини дикқат-эътибор билан кузатади, тажрибаларнинг бажарилишига қизиқади ва ўзи ҳам ҳар онда ишга қўшилиш учун тайёр бўлади.

Аммо ҳар бир звено таълимнинг умумий вазифаси билан бир каторда ўзига хос масалалар доирасини ҳам қамрайдики, улар биргаликда звенолардан ҳар бирининг мазмунини ташкил этади. Бу масалалар структурадаги ҳар қайси звенонинг таркибий кисми саналади. Шунинг учун ўқув жараёнини биз фақат структуравий звеноларини эмас,

яти шунча катта бўлади. Таълимдаги муаммолилик анъанавий дидактиканинг принципларини ва коидаларини инкор қиласи, балки уларга таянади. Таълимда муаммоли ёндошишни жорий этишдан мақсад ҳозирги таълим жараёнини ўқувчиларнинг ижодий фикрлашини фаол ривожлантирадиган методлар ва усувлар билан тўлдиришдан иборат.

Ўқув жараёнини такомиллаштиришнинг асосий мақсади уни сифат жихатдан янги поғонага кўтартацдир. Ана шу мақсадга кўра ўқитувчицинг фаолиятида қандай янгилик намоён бўлиши керак? Энг аввало у материални шунчаки баён қиласлиги ва ўқувчиларга тайёр хулосалар ҳамда умумлашмаларни айтиб бермаслиги керак. Балки уларнинг фикрини ўрганилаётган объектга жалб этиши шарт. Демак, ўзининг тарбияланувчилари га олган билимларни кузатилган ҳаётий фактлар ва воқеалар билан қиёслашни, шу асосда тўғри хулосалар ва умумлашмалар чиқариши ўргатиши даркор. Мана шуларнинг ҳаммаси биргаликда таълим жараёнига замонавий тус беради.

КИЧИК МАКТАБ ЁШИДАГИ ЎҚУВЧИЛАР ТАЪЛИМИГА МУАММОЛИ ЁНДОШИШНИНГ ХУСУСИЯТЛАРИ

Таълимда муаммоли ёндошиш ўқув дастурларидаги ҳам, ўқитувчи билимларини баён қилишда ҳам, ўқувчиларнинг мустақил иши ва ҳоказоларда ҳам ўзининг ифодасини топиши лозим. Шу билан бирга ҳар қандай масалани, ўқувчиларнинг ҳар қандай мустақил изланишини муаммоли таълимга киритмаслик кераклигини назарда тутиш керак. У ёки бу муаммо ҳаётий муҳим масалаларни ўрганиш жараёнининг ўзида вужудга келса ва маълум янгилик хисоблансанагина муаммоли таълим бўлади. Уни

ёритишда турли шархларга ва ёчиш усуулларига йўл қўйилади.

М. Н. Скаткин муаммоли таълимнинг қўйидаги учта асосий турини алоҳида ифодалаган:

1. *Билимларни муаммоли баён қилиши*. Бундай баён қилишда ўқитувчи ўқувчиларга у ёки бу қоидаларни факат гапириб бермайди, балки оғзаки фикр юритиб, муаммони ҳам айтади ва уни ҳал қилиш жараёнини кўрсатади.

2. *Баённинг айрим босқичларида ўқувниларни изланишга жалбэтиши*. Бунда ўқитувчи муаммони қўяди, ўкув материалини тушунтиради, лекин ана шу жараёнда ўқувчиларга улардан изланиш жараёнига қўшилишни ва у ёки бу билиш вазифасини мустақил ҳолда ҳал этишни талаб қиласидиган саволларни беради.

3. *Таълимнинг тадқиқий методи*. Ўқувчилар билиш муаммосини англаб, ўзлари изланиш режасини белгилайдилар, тахмин (гипотеза) ни тузадилар, уни текшириш йўлини мухокама қиласидилар, кузатиш ва тажрибалар ўтказадилар, фактларни қайд қиласидилар, тажрибаларни ва фактларни тақкосладилар, умумлаштирадилар.

Муаммоли таълимнинг учта турини бирлаштирадиган умумийлик — муаммони ҳал қилиш воситасида ўқитиш бўлиб, уларнинг фарқи ўқувчилар мустақил изланиш фаолиятининг даражасидир. Тадқиқий методда мустақиллик юкорироқ даражага кўтарилади, ўқувчиларнинг билиш фаолияти ўз характеристери ва босқичи уларнинг тадқиқотчилик ишига яқинлашади.

Муаммоли баён қилиш жараёнинда изланишни ўқитувчи олиб боради, ўқувчиларга илмий исботлаш бўйича фикрлаш намунасини кўрсатади, ўқувчилар

фақат унинг мулоҳазасини кузатадилар, муаммони ҳал қилишга қаратилган қизиқиши ўрганадилар.

МУАММОЛИ ТАЪЛИМНИНГ МАҚСАДИ

Муаммоли таълим деганда ўқув материалини ўкувчилар онгиди илмий изланишга ўхшаш билиш вазифалари ва муаммоларини вужудга келтирадиган йўсинда ўргатиш тушунилади. Ўқувчининг фикрлаш фаолиятида муаммоли вазиятлар вужудга қелади ва улар болани объектив равишда изланишга ва мантикан тўғри илмий холосалар чиқаришни ўрганишга даъват этади.

Ўрганиладиган материал ўкувчи учун мухим аҳамият касб этади. У эса вужудга қеладиган муаммони ҳал қилиш учун ўрганилаётган қоидаларни тўғри тушунишга тиришади. А. Н. Матюшкин, М. И. Махмутов, И. Я. Лернер, М. Н. Скаткин ва бошқалар фикрлаш ва таълимдаги муаммоли вазиятнинг чукур психологик характеристикасини ифодалагандар.

Ўқувчиларнинг фикрлаш фаолиятида муаммоли вазиятларнинг шаклланиши уларнинг шахсида қизиқувчанлик, ўткир зеҳнлилик, мустақиллик, ўқишига қизиқиши ва ижодга интилиш каби фазилатларни тарбиялади.

Бошланғич таълимда муаммоли вазиятнинг хар хил турлари бўлиши мумкин. Бошланғич синфлардаги ўқитувчилар болаларда қизиқиши ва қизиқувчанликни таркиб топтирадиган топишмоқларни, зеҳнни ўткирлаширадиган масалалар ва тегишли жумбокларни кўп вақтлардан буён қўллайдилар. Бундай холларда муаммоли вазият топишмоқлар мазмунининг ўзида, шунингдек, болаларда савонни ва шу саволга жавоб топиш истагини вужудга

келтирадиган йўсинда тузилган масалаларда берилади. Бунда бола тўғри жавоб учун ўзидаги билимлар етарли эканини тушунади. У масалани ҳал қила олишни, бунинг учун нима хақида гап бораётганини тасаввур этиш ва фикрлашнинг тўғри йўналишини топиш кераклигиғи хис қиласи. Зехға ва топқирликни ўстирадиган топишмоқлар ҳамда масалалар болаларни мантиқан тўғри фикрлашга, ўzlари учун тушунарли фактли материал юзасидан фикр юритишнинг қизиқарли тизимини топишга ўргатади.

Ўқитишнинг ҳар қандай методи боланинг онгйида муаммоли вазиятларни шакллантириш билан боғлиқ бўлиши мумкин. Шундай ҳоллардагина педагогика ва муаммоли таълим хақида гап боради.

Аслида ҳар қандай таълим ўқитувчи учун ҳам, ўқувчи учун ҳам ва жамият учун ҳам муаммодир.

Муаммо — идмий билишни ривожлантириш зарурлигини ифодалашнинг субъектив шаклидир. У муаммоли вазиятнинг, яъни жамият ривожланиши жараёнида билиш ва билмаслик ўртасида объектив равиша вужудга келадиган зиддият.

Илмий муаммо шахсдан билимларнинг мазкур соҳасидаги номаълум нарсаларни ёритишни талаб қиласи. Шунингдек, ўзининг ҳал қилиниши учун фанда маълум бўлмаган анчагина янги билимларнинг ўзлаштирилишини тақозо этади. Амалий муаммони ҳал қилиш учун амалда куч сарфланиши, олдинги билимлар, кўникмалар ва малакалар янгитдан ташкил этилиши зарур. Ўқув муаммосида объектив янгилик бўлмайди. Ўқитувчи ўқувчилар олдига ҳар қандай ўқув муаммосини эмас, балки фақат улар тушуна оладиган ва субъектив муаммо сифатида кабул қилиши мумкин бўлган муаммоларни кўйиши керак.

Муаммоли вазият — ўқувчининг маълум психик ҳолатидир. Бундай ҳолат маълум топшириқни бажариш (масала ечиш, саволга жавоб топиш) жараёнида зиддиятни англаш туфайли вужудга келади. Ана шу зиддиятни англаш ўқувчиларда предмет тўғрисидаги, ишни бажаришнинг усули ёки шартлари тўғрисидаги янги билимларни излаш эҳтиёжини уйғотади.

МУАММОЛИ ВАЗИЯТЛАРНИ ЯРАТИШ ВА ҲАЛ ҚИЛИШНИНГ ЙЎЛЛАРИ

Муаммоли вазият муаммодан фарқли равища унга ўқувчини (биливчи субъектни) жалб этишдан иборатdir. А. М. Матюшкин ёзганидек: «Муаммоли савол ўзлаштирилган билимлар асосида ёритиш мумкин бўлган маълум конуниятлар ёки харакат усулларини белгилаш соҳасидир».

А. М. Матюшкин муаммоли вазиятларнинг ўқувчилар ақлий фаолияти хусусиятларидан келиб чиқадиган иккита асосий типини яратиш мумкинлигини ифодалайди. У битта муаммони ўқувчилар олдига назарий муаммо сифатида ҳам, амалий муаммо сифатида ҳам кўйиш мумкин, деб ҳисоблайди. Биринчи ҳолда уни кўйиш ўқувчилар биладиган баъзи умумий коидаларга асосланади ва уларни ёритиш, янги фактларни тушунтириш, асослаш мақсади кўзланади.

Муаммоли таълим жараёнида учрайдиган вазиятларнинг иккинчи типида ўқувчилар ўзларига маълум ишни бажариш учун бартараф этишлари зарур бўладиган баъзи «аклий» тўсиқларга дуч келадилар. Ишни бажариш шароитларига (мазкур вазиятга) мувофиқ янги усулини топиш зарурати туғилади.

Т. В. Кудрявцев билиш ва билмаслик ўртасида келиб чиқадиган хамда муаммоли вазиятларнинг шароитини ташкил этадиган ҳар хил зиддиятлар асосида вазиятларнинг қуидаги типларини ажратган:

1. Ўқувчилардаги мавжуд билимлар тизимлари билан янги таълимий масалани ҳал қилишда уларга қўйиладиган талабларнинг номувофиқлиги аён бўлгандаги вазият; Унинг фикрича, бундай номувофиқлик, биринчидан, ўқувчилар ўзлаштирган билимлар билан масалани ечишда дуч келинадиган янги фактлар ўртасида; иккинчидан, характеристи бир хил, лекин савияси пастрок ёки баландрок билимлар ўртасица; учинчидан, илмий билимлар билан хаётий билимлар ўртасида вужудга келади;

2. Муаммоли вазиятларни яратиш имконияти ўқувчиларни билимларининг мавжуд хилма-хил тизимлари орасидан масалани тўғри ечишда ёрдам берадиган ягона зарур тизимиши танлаш ҳолатига қўйиш билан таъминлашда вужудга келадиган вазият;

3. Ўқувчилар ўзларининг билимларидан фойдаланишнинг янги амалий шароитига дуч келганларида ва уларнинг назарий билимлари билан ана шу билимларни амалда қўллай олмаслиги ўртасидаги зиддият аник бўлганида вужудга келадиган вазият;

4. Масалани назарий ечишнинг мавжуд йўли билан танланган усулни амалда бажариб бўлмаслиги ўртасида, шунингдек, масалани ечишда эришилган амалий натижалар билан унинг назарий исботи йўқпиги ўртасида зиддият мавжуд холларда вужудга келадиган вазият;

5. Муайян қурилма тасвирининг ташки кўриниши билан конструктив безалиши ўртасида бевосита мувофиқлик йўклиги фазовий тасаввурни шакл-

лантиришда қатор вазиятларни вужудга келтириш имкониятини таъминлайди;

6. «Статистик» йўсиндаги анчагина схематик тасвирлар уларни ўқиши жараёнида «динамик» фазовий образлар билан ишлашни талаб қилиш хам қатор муаммоли вазиятларни (шунингдек, фазовий муносабатлар ва боғланишлар соҳасида хам) вужудга келтиради. Бизнингча, М. И. Махмутов муаммоли вазиятларнинг типларини жуда изчил баён қилган.

Биринчи тип. Муаммоли вазиятлар кўпинча ўқувчилар илгари ўзлаштирган билимларидан янги амалий шароитда фойдаланишга мажбур бўлганида вужудга келади.

Бунда М. И. Махмутов ана шундай шароитлар фақат ўқувчилар ўз билимларини амалда қўллай олиши учун эмас, балки амалий масалаларни ҳал қилишда мавжуд билим, кўнишка ва малакалардан фойдаланишга уринишда ўзлари билмайдиган фактларга дуч келиши учун хам ташкил этилишини тўғри таъкидлайди. Мана шу фактни англаш ўқувчиларда билишга қизиқиш уйғотади ва уларни янги билимларни излашга рағбатлантиради.

Иккинчи тип. Масалани мавжуд йўллар билан назарий ҳал қилиш ва танланган усулни амалга ошириб бўлмаслиги ўртасида зиддиятлар борлигига муаммоли вазият вужудга келади.

Учинчи тип. Таълимий масалани ҳал қилиш бўйича амалда эришилган натижа билан ўқувчида уни назарий асослаш учун билимлар йўклиги ўртасида зиддият мавжуд холда муаммоли вазият вужудга келади.

Тўртинчи тип. Ўқувчилар қўйилган масалани ечиш йўлини билмайдиган, муаммоли саволга жа-

воб бера олмайдиган, улар янги фактни изохлаш уч илгари ўзлаштирган билимлари етарли эмаслигин англаган холда муаммоли вазият вужудга келади.

М. И. Махмутов ҳақли равишда қайд қилгани дек, вазиятнинг бу типини энг кўп тарқалган ти деб хисоблаш мумкин.

Дидактика ва психологияга доир адабиётлард муаммоли вазиятларнинг типларини таснифлаш; асосида уларни яратишнинг энг муҳим йўллари ва усуллари ишлаб чиқилган. М. И. Махмутов ўқитувчиларнинг илғор тажрибаларини умумлаштириш орқали муаммоли вазиятларнинг типларини таърифлаш билан бирга уларни яратишнинг қўйидаги асосий усулларини хам ифодалади:

1. Ўқувчиларнинг назарий тушунтиришни талаб қиласидиган ходисаларга, фактларга, шунингдек, ходисалар ўртасидаги ташқи номувофиқликларга дуч келиши уларни ана шу номувофиқликларни тушунтиришга интилишга ундейди ва бу интилиш билимларни фаол ўзлаштиришга олиб боради.

2. Ўқувчилар мактабда, уйда ёки ишлаб чиқаришда амалий топширикларни бажараётганида ва ҳоказоларда вужудга келадиган таълимий ва хаётий вазиятлардан фойдаланиш. Бундай холда муаммоли вазиятлар ўқувчининг ўз олдига қўйилган амалий мақсадга мустақил равишда эришиш учун харакат қилишда муаммони ўзлари вужудга келтирадилар.

3. Ходисани тушунтириш ёки уни амалда қўлланилиш йўлларини излашга доир таълимий-муаммоли топширикларни қўйиш.

4. Ўқувчиларни хаётий тасаввурлар билан илмий тушунчалар ўртасидаги зиддиятларга дуч келтирадиган фактлар ва ходисаларни таҳлил қилишга қизиктириш.

5. Тахминларни олға сурин, хуносаларни баён қилиш ва уларни тажрибаларда текшириш.

6. Ўқувчиларни фактлар, харакатлар ва ҳодисаларни таққослашга, хамда қарама-қарши қўйишга даъват этиш.

7. Ўқувчиларни янги фактларни дастлабки умумлаштиришга рағбатлантириш: ўқувчилар ўзлари учун янги материал мазмунидаги айрим фактларни, ҳодисаларни қўриб чиқадилар, уларни маълум фактлар, ҳодисалар билан таққосладилар. Бунда одатда муаммоли вазият вужудга келади, чунки таққослашда янги фактларнинг қандайдир алоҳида, тушунтириб бўлмайдиган белгилари ва хусусиятлари аниқланади.

8. Ўқувчиларни гўё тушунтириб бўлмайдиган характеристердаги ва фан тарихида илмий муаммо қўйилишига олиб келган фактлар билан таништириш. Одатда бундай фактлар ва ҳодисалар ўқувчиларда таркиб топган тушунчалар хамда тасаввурларга зид бўлади. Табиийки, бунинг сабаби ўқувчилардаги мавжуд билимларнинг тўлиқ ва етарли эмаслигидир.

9. Предметларро алоқаларни ташкил этиш. Кўпинча ўқув материали муаммоли вазиятни (малакалар ҳосил қилишда, ўтилганларни такрорлаш ва ҳоказоларда) вужудга келтиришни таъминлайди. Бундай холда бошқа ўқув предметларидаги ўрганилаётган материалга боғлик фактлар ва маълумотлардан фойдалағиши лозим.

ДИДАКТИК МАСАЛА

Савол — тугалланмаган гап ва унда сўрок ёки ифода билан алмашинган қандайдир бўлак мавжуд бўлмайди. Агар савол ўқувчини мазкур ҳолни, мисолни, фактни, ходисани ёки жараённи тушу-

нишга йўналтирилса, у муаммоли — дидактик савол бўлади.

Муаммоли — дидактик савол ақлий фаолликка, уни ўргатишга раҳбарликнинг энг мухим воситаларидан биридир.

Бундай саволнинг жавоби камчиликларни тўлдиради, номаълумни аникдайди, ўхшашлик ва фарқни топади, хусусий фикрни ифодалайди, шунингдек, схема ёки символ билан тушунилган нарсаларнинг маъносини англатади. Савол жавоб қайтарувчига тил жихатдан ёрдам беради. Чунки жавоб учун зарур сўзларнинг кўпи ўқитувчининг саволида берилади.

Дидактик саволлар ўқувчиларга маълум билиш харакатларини бажаришни таклиф киласди ва табиий билиш вазиятини яратади. Ўқитувчи ўқувчи ни янги фактларга, воқеа, ҳодиса ёки жараёнларга рўбарў қиласди. У бунда нимани аниклаш кераклигини олдиндан билади. Шунингдек, педагог сифатида ўзи назарда тутган маълумотни қандай йўллар билан мустакил ҳолда билиб олишини хис этади. Шу боис ўқитувчи синфда тайёр натижани эълон қилмайди, балки ўқувчиларни мустакил билиш йўлидан ўзларига маълум ва изланаётган натижага олиб борадиган ҳаракат ва билимларни қўллаш йўлига йўналтиради.

Ўқувчилар янги шароитда, ўзлари дуч келган янги ҳодисалар, нарсалар, жараёнларда ишни нимадан бошлишни билмайдилар. Шунга кўра ўқитувчининг саволлари мушкулни осон қиласиган, ўқувчиларга янги шароитга ўрганишда, тўғри билиш харакатларини топишда ёрдам берадиган нарсадир. «Бу нима?» деган саволга жавоб бериш учун кўпинча амалда ва фикран нимадир қилиш керак. «Узунлиги қанча ва нима учун?» сингари саволлар жа-

воб топиш мақсадида маълум ишларни бажаришга даъват этади. Саволлар қандайдир нуқтаи назарни ифодалайди. «Қанча?» деган савол нарсага миқдор нуқтаи назаридан карашни билдиради. «Нима учун?» деган савол билан эса сабабий боғланишлар аникланади. «Қаерда?» деган савол воситасида нарсанинг холати текширилади.

Хулоса килиб айтганда, дидактик саволлар — нуқтаи назар ва билиш ҳаракатларини бажаришга рағбатлантириш йўли хисобланади.

Саволлар сўрок гаплардан бошқача йўсинда ҳам берилиши мумкин. Улар талаб ёки фармойишни ўз ичига олган тасдиқлаш шаклида ҳам ифодаланади. Масалан, «Гапда нечта сўз бор?» деган савол ўрнига «Гапдаги сўзларни сананг» ҳам дейилади.

Нуткни ўстириш учун носёрок шакл қулайроқдир, чунки у ўқувчиларнинг жавобларини сўзлар ва ифодалар тўпламига боғламайди. Масалан: гапдаги сўзларни санаш таклиф қилинса, ўқувчиларнинг жавобларини ифодалаш йўсини бўйича хар хил бўлиши мумкин «Ҳаммаси еттида сўз», «Мен еттида сўзни санадим», «Ҳаммаси еттида», «Еттида» ва ҳоказо.

Ахборотнинг катталиги бўйича саволлар тор ва кенг, мазмунининг ҳарактери бўйича назарий ва амалий саволларга бўлинади. Тор саволлар жараёнида мақсадга қисқа йўлдан борилади. Бундай саволлар асосан ўқувчиларнинг хотирасига қаратилиб, зохиран гўё ўқувчиларни мушоҳада юритиш имкониятидан маҳрум қиласди, лекин ҳар доим ҳам шундай бўлавермайди. Тор саволлар факат эслаш ёки билишни талаб қиласа, ўқувчиларнинг фикрини кўзғатади. Аммо эслашсиз ва билишсиз фикрлаш мумкин эмас.

Тор саволларда ўқувчига битта факт ёки мисол устида битта, жуда бўлмаса, иккита ўхшаш билиш харакатини бажариш тавсия этилади. Айтайлик, берилган гапдаги эганинг тагига чизиш ёки кесимни кўрсатиш иши бажарилади. Бундай холда ўқувчи тайёр натижани айтади. Ва унинг ана шу натижани излаш мантиқи ноаниқ қолади: ўқувчи қандайдир амалий ишни қайд қиласди ёки кўрсатади, айтади ёки бажаради. Хўш нима учун гапнинг худди ана шу бўлаги эга ҳисобланади?

Сабаб натижа боғланишларини аниқлаш, так-қослаш, қоидаларни янги шароитда қўллаш, умумлаштириш, қоидаларни киритиш ва ҳоказолар одатда анчагина фикрлаш операцияларини ёки билиш харакатларини бажаришни талаб қиласди. Бу эса қарама-қаршиликлар, танлаш, асослаш, тушунтириш ва баҳолаш натижаларида ўқувчининг мушоҳада килишга имкон берадиган кенг саволлар соҳасидадир. Тор савол кўпроқ тайёр натижани талаб қиласа, кенг савол ўқувчини натижани асослашга унрайди.

Кенг саволларни факат маълум шароитларда қўллаш мумкин. Кўпинча, тор саволлар кенг саволлар учун замин тайёрлайди. Ўқувчидаги мантикий мустақил фикрлаш ривожланишини назарда тутиб ҳар бир ўқув йили сайн кенг саволлар салмоғини ошириб бориш лозим.

Шуни алоҳида таъкидлаш керакки, ҳар қандай кенг савол ҳам фикрлаш фаоллигини оширавермайди. Тайёр ёки ёд бўлиб қолган жавоб қайтариладиган ҳар қандай савол ўқувчининг ақлий фаоллигини оширишга ёрдам беради. Савол ёдланганларни такрорлашдан кўра кўпроқ нарсаларни талаб қиласа, кичик жузъий тадқиқот учун озгина муаммони ўз

иҷига олган бўлса ва бу тадқиқот ўқитувчининг эҳтиёткорона раҳбарлиги билан имкониятга кўра, мустақил холда олиб борилсагина фикрлашни фоллаштиради.

Саволлар ҳар хил таълимий максадларда қўлланилади. Улар ўқитувчи гапираётган ёки дарсликда ёзилган маълумотлар қанчалик муваффақиятли идрок этилаётганини аниқлаш зарур ҳолларда энг қулай омил ҳисобланади, факат ўқув жараёнини бошқаришда эмас, балки ўрганилаётган мавзуни ўзлаштириш жараёнини фаоллаштиришда ҳам қўл келади.

Берилган саволларга ўқувчиларнинг жавоблари дарснинг ўқувчиларда тушунилмаган қисмларини аниқлашда ёрдам беради. Ўқувчиларга ишнинг тартибини ўзлари белгилашлари, ўқитувчининг озгина ёрдами билан идрок этишнинг қийинчилигини бартараф қидишлири учун вакт берилади. Бундай ёрдам ўқувчиларни ўрганилаётган материални тўғри тушунишга йўналтирадиган алоҳида савол тарзида берилмайди. Ўқувчиларнинг ўзлари ходисани тушунтира оладиган, боғланиш, сабаб ва натижаларни топа биладиган ҳолларда ўқитувчи ўзининг тушунтишлари билан ёрдамга шошилмайди.

Шундай қилиб, саволлар ўзлаштиришнинг муваффақиятлилигини аниқлаш имконини яратишдан ташқари, ходисалар ўртасидаги боғланиш ва муносабатларни аниқлашда ҳамда қонуниятлар мантиқини тушунтиришда ёрдам беради. Улардан ўқитиш жараёнининг ҳамма звеноларида фойдаланиш мумкин. Саволларни ўқитувчи янги материални баён этишда қўллаши мураккаб жараёндир. Ўқитувчи янги материални баён этишнинг жуда нозик жойида тўхташи ва ўқувчиларга ходисалар-

нинг кейинги ривожи хақида ўз фикрларини айтишни тавсия этиши мумкин. Ўқувчилар мазкур ҳодисаларнинг бошланиши тўғрисидаги ўzlари билган маълумотлар асосида ишнинг кейинги боришини олдиндан билишга харакат қиласидар. Бу усул дарслардаги ўқув ишларини жонлантиради, фаоллаштиради. Масалан, инсоннинг ишлари, қарори, хатти-харакатлари тўғрисида гап бораётганида ўқувчиларга ўз муносабатларини белгилаш тавсия этилади. Ўқувчилар ана шундай саволларга ўzlари тушунганича жавоб қайтарадилар. Ўқитувчининг вазифаси синф ўқувчиларини тўғри тушунишларига ёрдам беришdir. Одатда умумий қоидалар ёки фикр-мулохазалар мисоллар воситасида тушунтирилади.

Маълумки, ўқитиши билимларни ўзлаштириш ва билиш йўлларини тушунишни ўз ичига олади. Таълим — ўқишига раҳбарлик қилиш ва ўқувчининг билиш ишларини бошқаришdir. Ўқувчиларнинг фикрлаш фаоллигини ошириш учун асосий савол (топширик, муаммо) навбатдаги дарснинг мазмунини ёритишдан олдин қўйилади. Мавзунинг ахамияти англангач дарснинг бутун мазмунини тушуниш осонлашади ва мустақил ишлар ҳам қийинчиликсиз амалга оширилади. Дарснинг бошланишида бериладиган мақсадга мувофиқ саволлар ўқувчилар онгидаги ҳалинадиган муаммога доир тасаввурни вужудга келтиради.

Мақсадга мувофиқ савол — навбатдаги мавзуга бевосита дахлдор савол бўлиб, у бошқа соҳилга ўтиш учун кўприкча сифатида хизмат қиласиди. Бундай саволлардан кўзланган мақсад янги мазмунни идрок этиш учун дикқатни тўплаш ва мавжуд тасаввурларни жамлашdir. Ана шу янги мазмун бу-

292

тун дарснинг асосий муаммосини ўз ичига оладиган йўсинда баён қилиниши, уни ҳал этишда ўқувчиларнинг ўzlари қатнашиши лозим. Бундай раҳбарлик дидактик саволлар билан бирга кўрсатмали воситалар ва ҳаракатлар ёрдамида амалга оширилади. Ўқувчиларга ўз ҳаётий тажрибасидан маълум холатлардан фойдаланиш булар мураккаб материални тушуниш учун ёрдам берадиган пайтларда мақсадга мувофиқdir. Лекин кўпинча бу ишни кўрсатмали воситалар ёрдамида ташкил этишига тўғри келади. Шундай ҳолларда ўқувчилар ўрганиладиган нарсанинг вужудга келиши жараёнини кузатишлари мумкин. Кўпинча болаларни ўрганиладиган таълимий ишга қизикитиш учун уларга атайн қандайдир ҳайратланарли ҳодисалар айтилади.

Ўқувчини ажаблантириш, ҳаётий тушунчасига номувофиқ нарсаларни айтиш ва кўрсатиш орқали унинг ўзида савол туғдиришда кескин, ғайриоддий таққослаш ва қиёслашдан фойдаланиш усули доимо ўзини оклади. Ўқувчининг айтган ёки айтмаган саволи идрокни ўткирлаштиради ва дикқатни кучайтиради.

Илгариги тасаввурларнинг қайта тикланишига, янги тасаввурлар ҳосил бўлишига, одатдаги тушунчаларнинг илмий тушунчалар билан тўқнашувига олиб берадиган дидактик саволлар, бир сўз билан айтганда, «жонсиз» ўқув материалини жонли ҳаракатга, манзарага, тасаввурга айлантиришда ёрдам берадиган барча саволлар таълимнинг савол-жавоб методини яққол ифодалайди.

Таълимнинг савол-жавоб ёки диалогик методи олдинги материалнинг ўзлаштирилиши даражаси ҳамда характеристини ва янги материалнинг ўзлаш-

тирилиши сифатини аниклашда ёрдам беришдан ташқари, ўқувчининг мустакил фикрлашини ривожлантириш учун ғоят'кенг имкониятларга эга. Мустакиллик кўпроқ ўрин олиши учун саволларни ўқитувчининг ўқувчини жавоб ёки ечимни мустакил ўйлашга даъват этадиган луқмаси даражасига-ча қисқартирилади. Луқмалар хусусан ечим ёки жавоблар етарлича ўйланмаган ҳолларда қўлланилади. Масалан, ўқувчи ноаниқ фикрни айтади. Ўқитувчи унинг хатосини тузатиш ўрнига кўп маънони билдирадиган «Шунаками?» ёки «Нахотки?» ибораларини қўллайди. Ана шу йўл билан ўқувчига яна бир марта ўйлаб тўғри жавобни топиш учун туртки беради. Бунда ўқувчи йўл қўйган хатосини ўзи бартараф этиши керак. Диалогнинг иккинчи варианти хам ўқитувчининг ўқувчини фикрлашга йўналтирадиган ёки даъват этадиган кенг саволини ўз ичига олади. Бундай ҳолларда кенг савол «Кўриб чик...», «Таккосла...», «Бугун нимани ўрганишимизни тақрорла», «Ўқувчи А. нийг жавобини баҳола» ва ҳоказолар қабилидаги талаблар билан алмашинади. Шундай пайтларда ўқувчи кўриб чиқиш, тақкослаш, умумлаштириш натижаларини таърифлаш ва ифодалашда мустакилликка интилади. Мазкур талаблар гурухига илгари ва энди ўрганилган нарсаларни эслатиш хам киради.

Ўқувчиларни мустакил фикрлашга ундашнинг ана шу барча усулларида яширин савол маълум луқма бўлади ва у шунчалик қисқа ифодаланадики, уни оғзаки айтишда ўрганилган ёки тайёр жавобларни келтириб чиқара олмайди.

Юқорида айтилгандек, дидактик савол одатда ўзининг тўлиқ ифодаланишида жавобнинг кўп-элементларини ва хатто, оғзаки талкин ёки сўзлар гу-

рухини ўз ичига олади. Бу эса ўқувчини ақлий зўриқишдан қутқаради ва ўқишининг таълимий хамда камол топтириш савиясини пасайтиради.

Талаблар, эслатиш, рағбатлантириш ва лукмалар кўринишидаги «яширин» саволлардан фойдаланишнинг афзаллиги ўқувчини мустакил фикрлашга, бир қарорга келишга ва ўзининг жавоблари учун зарур сўзларни топишга мажбур қилишдир. Ақл ва нутқнинг ривожланиши саволлар кенгайтирилган ҳолда ёки тўла ифодаланиб қўйилган пайтлардагига нисбатан кулайрок шароитларда яхшиrok амалга ошади. Агар ўқувчиларнинг ўзлари жавоб топа олмасалар, ўқитувчи уларга ёрдам беради, саволни кенг ҳолда, яъни дидактик саволни тўла ифодалаб такрорлади.

Савол — ўқитувчи билан ўқувчи ўртасидаги диалогнинг пружинасидир. Диалог эса улар ўртасидаги маънавий мулокотнинг шакли хисобланади. Тўғри жавобни ёки ечимни топиш, ҳодиса ёки манзаранинг умумий маъносини англаш тушунишдан далолат беради. У идрок этиш пайтида ёки идрок этишдан кейин ўрганилган мавзунинг моҳиятига доир масалаларни мухокама қилиш муносабати билан намоён бўлади. Ҳар қандай ҳолда хам тушуниш шахснинг ўзи куч сарфлаши натижасида вужудга келади. Ўқитувчининг саволи фақат тўғри жавобни топишга ёрдам беради ва бу ишни тезлаштиради, аммо ўқувчининг ўз ақлини ишлатишни бартараф эта олмайди.

Ўрганилаётган мавзуга доир дидактик саволлар тизими ўқувчи қанчалик ақлий зўриқишини тақозо этади. Ўқувчининг бундай зўриқиши қанчалик кам ва мустакиллиги қанчалик кўп бўлса, унинг ақлий камолат йўлидан бориши шунчалик самара-

ли бўлади. Ана шу йўлда унинг ақли ва янги таас-
суротларни англаш, янги маълумотларни қайта иш-
лаш қобилияти таркиб топади.

Лекин ўқув жараёни ҳеч қачон факат тушуниш
билин чекланмаган ва чекланмайди. Ўрганилган
масала пухта эслаб колинмаса, ўқитиш бекор ке-
тади. Шунинг учун ҳар бир мавзуга доир дидактик
саволлар тизимида ўрганилган билимларни мустаҳ-
камлашга ва улардан фойдаланиш йўллари ҳамда
усулларини яратишга хизмат қиласиган хилма-хил
саволлар муҳим ўрин олади. Эслаб қолишнинг пухта-
лиги факат тушунишнинг чуқурлигига эмас, балки
ўқувчининг ўрганилган билимларни мустаҳкамлаш-
га доир топшириклар ва саволларни ўзлаштириш учун
тайёрлигига ҳам боғлиқцири.

Билимлар, кўникмалар ва малакаларни мустаҳ-
камлашга эришиш мақсадида ўрганилганларни
кўллашга доир саволлар изланиш ва тадқиқот эле-
ментларини ўз ичига олади. Шу тариқа ўқувчининг
мустакил билиш учун онгли равишда интилишига
эришиш мумкин. Бунда у ўзлаштирган билимлари-
ни синаб кўради. Ўзи хусусан нимани билмаслиги-
ни тушунадиган кишигина излаши ва тадқиқ қили-
ши мумкин. Факат мавжуд билимлар янги масалани,
янги саволни ва янги топшириқ ёки муаммони ву-
жудга келтиради.

Ўзининг дарсини изланиш ва тадқиқ этиш эле-
ментларига эга бўлган муаммодан бошлишни хоҳ-
лаган ўқитувчи ана шу муаммонинг билимларга
маълум даражада боғлиқлигини кўриши керак. Би-
лимларнинг ўзаро боғлиқлигидагина қандайдир
муаммони топиш мумкин. Ана шу боғланишнинг
узилган жойини танлаш ўқитилаётган предметеинг
таълимий мақсадларига ва дарснинг муайян ўқув

топшириғига боғлиқдир. Мазкур узилиш ўқувчилар-
даги мавжуд билимлар ва ҳаётий тажрибани фаол-
лаштириш асосида уларнинг тафаккурини кучай-
тириш учун амалга оширилади.

Фактлар мантиқий занжирининг, ҳодисалар ёки
жараёнларнинг узилишини, етишмовчиликни, ху-
лоса чиқариш соҳасида эса муҳим муаммони ву-
жудга келтиради. Кўп ҳолларда етишмовчиликни
билиш ва муаммо ўз маъносига кўра савол ёки ма-
салани келтириб чиқаради.

Ҳодисалар хронологик занжирининг узилиши ҳам
етишмовчиликни вужудга келтиради. Лекин бундай
етишмовчилик бевосита муаммога олиб бормайди,
балки эсда бор нарсалар билан тўлдирилади. Бунда
тахмин ёки жавоб эътиборга олинмайди, чунки
етишмовчилик факат ўрганилган ва эсда сакланан-
ётган нарсалар билан тўлдирилади. Ҳар бир пред-
метда номлар, саналар, исмлар ва терминларнинг
тўплами бўлади. Уларни эслаб қолиш керак.

Етишмовчилик ва муаммо қандайдир йўсинда
синфдаги ўқувчиларни зарур билимларни излашга ун-
дайди. Бу ундаш объектив равишда эслаш, ўйлаш,
кўз олдига келтиришни, ҳатто, адабий ёки тажриба
манбаларидан, хусусан етишмовчиликни тўлдира
оладиган ва муаммони ҳал қилишга олиб борадиган
нарсаларни топишни таклиф этишдир. Объективлик-
ни мазкур етишмовчиликни ўз ичига олган ўқув ма-
териалининг ўзи тақозо этади. Бу эса ўқувчиларни
ўқитувчи айтган ёки дарсликда берилган ва факат
ўрганилган билимларга даҳлдор тайёр натижалар уст-
тида ўйлашга мажбур этишдан кўп марта яхшидир.
Лекин баъзан тайёр натижалар хақиқатан зарур бўла-
ди ва ўқитишда бундай ҳоллар муаммоли таълимнинг
тарафдорлари исталганидан анча кўп учрайди.

Етишмовчилик ва муаммолар энг аввало ўқувчиларга пухта билимлар асосида билиш усуллари ни ўзлаширишда ёрдам бериш учун яратилади. Шу билан бирга изланиш ва тадқиқот жараёнида ўқувчиларнинг мустакил фикрлаши фаоллашади ва билиш жараёни кучаяди. Бунга қандай килиб эришилади? Аввал синфга қандайдир маълум нарса айтилади. Уни сухбат ёки якка тартибда сўраш вақтида аникланади. Янги мавзуга ўхшаш материал фаол ва мақсадга мувоғиқ йўсинда такрорланади. Мустакил ҳал қилинадиган муаммони вужудга келтирувчи вазиятга яқин муаммоли вазиятлар яратилади. Ана шундай шароитларда ўқувчилар муаммонинг қўйилишини ўзларининг фикрлашлари сифатида идрок этадилар. Улар ана шу муаммога мазкур вазиятларда ифодаланган илгариги билимлар дарвозаси орқали кирадилар.

Шундай қилиб, муаммони синфга хеч қандай тайёргарликсиз тўғридан-тўғри қўйилмайди. Уни бутун дарсдаги бош масала сифатида баён қилинади. Материалнинг хусусий масалаларини ўқувчиларнинг ўзлари ҳал қила олсадаргина уларнинг муаммони ҳал қилишдаги иштирокининг салмофи ортади.

МУАММОЛИ ТАЪЛИМ МЕТОДЛАРИ

Йигирманчи йилларда ёк методистлар ўқитишнинг янги методларини излашди. Улар ўқувчилар фаннинг турли соҳаларидан иложи борича кенгроқ маълумотларни ўзлашириши билан бирга уларда мустакиллик, хаётга ижодий муносабат малакаларини таркиб топтириш керак, деган холосага келдилар. Ана шу мақсадца ўқитишни ўқувчиларнинг у ёки бу шаклдаги таълимий фаолияти тад-

қиқотни эслатадиган, ўқувчилар учун «Кс-шфиётлар» билан тугайдиган, яъни улар мустакил ҳолда холоса чиқарадиган ва қандайдир амалий вазифани ҳал қиласидиган методларга асосланиши таклиф этилади.

Жуда кўп дйдактлар, ўқитувчилар ва методистлар (Бабанский, Лернер, Матюшкин, Махмутов, Пишкано, Оконь, Флеминч, Марков, Сани ва бошқалар) муаммоли таълим масалалари бўйича тадқиқот ишларини амалга оширдилар. Муаммоли таълим методлари орасида қўйидаги бештаси асосий методлар сифатида фарқланади.

ТАДҚИҚОТ МЕТОДИ

Бу метод, биринчидан, билимларни ижодий қўлланишини таъминлашга, иккинчидан, илмий билиш методларини излаш жараёнида мазкур методларни ва уларнинг қўлланишини ўзлаширишга қаратилади. Учинчидан, ижодкорлик фаолияти хислатларини шакллантиради, тўртинчидан, ана шундай фаолиятга қизиқиши ҳамда эҳтиёжни таркиб топтиришнинг шарти хисобланади.

Ана шу хусусиятларини назарда тутиб методни ўқувчиларнинг ўзлари учун янги муаммони ҳал қилиш бўйича ижодкорлик фаолиятини ташкил этиш йўли сифатида таърифлаш керак. Ўқувчилар ўзлари учун янги саналган муаммоларни ҳал қиласидилар. Тадқиқот методида топширикларнинг шакли ҳар хил, масалан, синфда ва уйда тез бажариладиган топшириклар, дарс жараёнини тақозо этадиган ишлар, маълум, лекин чекланган муддатга мўлжалланган уй вазифаларицан иборат бўлиши мумкин. Чунончи жамоа хўжалигининг, заводнинг, мазкур ахоли пунктидаги ташкилотнинг тарихини

ўрганишга доир топшириклар ғоят фойдали ва са-марали тадбирлардир. Аммо улар чинакам тадқи-котчилик характерига эга бўлиши учун материал излашни ўқувчиларни ўзлари режалаштириши, уни ўзлари шарҳлаши ва маълум мантикий изчилликда баён қилиши керак. Тадқиқот методининг босқичлари:

1. Фактлар ва ҳодисаларни кузатиш ҳамда ўрганиш.
2. Тадқиқотга доир тушунарсиз ҳодисаларни ой-динлаштириш.
3. Гипотезани олға суринш.
4. Тадқиқотнинг режасини тузиш.
5. Режани амалга ошириш.
6. Ечимни тузиш.
7. Ечимни текшириш.
8. Амалий хулосалар.

Тадқиқот методида ҳам оғзаки ва мутбуот сўзла-ри, кўрсатмали воситалар, амалий ишлар, ёзма ва график ишлар, лаборатория иши ва ҳоказолардан фойдаланилади.

ҚИСМАН ИЗЛАНИШ ЁКИ ЭВРИСТИКА МЕТОДИ

Ўқувчиларни аста-секин муаммоларни мустақил ҳал қилишга яқинлаштириш учун уларга аввало ечимнинг айрим содда қисмлари тадқиқотнинг айрим босқичларини бажаришни ўргатиш, уларда аста-секин кўникма хосил қилиш зарур. Тадқиқот методининг биринчи вариантида ўқувчиларга кўрсатилган расмга ва сўзлаб берилган мазмунга саволлар тузишни тавсия этиш оркали муаммоларни кўра олиш, айтилган фактлардан хулоса чиқариш ўргатилади.

Мазкур методнинг бошқа бир варианти мураккаб масалани тушунилиши осон ва ҳар қайсиси асосий масалани ечишга яқинлашишни ёнгиллаштирадиган кичик масалаларга ажратишдан иборатdir.

Ўзаро боғлиқ саволлардан ташкил топадиган эвристик сұхбатни тузиш тадқиқот методининг учинчи варианти бўлиб, мазкур саволларнинг ҳар бири муаммони ҳал қилиш йўлидаги қадам хисобланади ва кўплари ўқувчилардан факат ўз билимларидан фойдаланишни эмас, балки изланишларни амалга оширишни ҳам талаб килади. Эвристик сұхбатнинг мухимлиги шуки, унда ўқитувчи муаммоли масалани кичик муаммоларга ажратади, ўқувчилар эса ана шу муаммоларни биргалашив бажарадилар.

ТУШУНТИРИШ, НАМОЙИШ ЭТИШ МЕТОДИ

Бу методнинг асосий вазифаси ўқувчиларнинг ахборотни ўзлаштиришини ташкил этишидир. Уни ахборот-рецептив метод деб ҳам аталади (рецепция — идрок) ва унда ўқитувчи билан ўқувчи фаолияти давом этади. Бу фаолият шундан иборатки, ўқитувчи тайёр ахборотни турли воситалар билан беради, ўқувчилар эса ана шу фаолиятни идрок этадилар ва эслаб қоладилар. Ўқитувчи ахборот беришни оғзаки сўз (хикоя), матбуот (дарсликлар, қўшимча қўлланмалар) даги иборалар, кўрсатмали куроллар ва ҳоказолар ёрдамида амалга оширади.

Ўқитувчилар билимларни ўзлаштириш учун зарур ишларни бажарадилар — янги ахборотни тинглайдилар, кўрадилар, ўқийдилар, кузатадилар ва уни илгари ўзлаштирилган ахборот билан таққослайдилар, хотираларида олиб қоладилар. Улар синф-

•да ўтириб ўсимликнинг қандай униб чиқишини, гуллардан мевалар хосил бўлишини, баланд тоғларда, чукур дengизларда жониворлар қандай яшашларини кузатишлари хам мумкин.

МУАММОЛИ БАЁН ҚИЛИШ

Ушбу методнинг моҳияти ўқитувчи муаммони кўйиб, уни ўзи ҳал қилиши ва ечимнинг аҳамиятини ўқувчиларга тушунарли зиддиятлар орқали кўрсатишдан иборатdir.

Ўқувчилар ечимга олиб борадиган йўлнинг мантиғини, тавсия этилган гипотезаларнинг хақикатга ўхшалигини, исботларнинг ишончлилигини кузатадилар. Улар дастлабки пайтларда хулосаларга ишонмасалар ҳам, лекин кейинчалик муаммоли баён билан муаммоларни мустақил ҳал этиш жараёни аста-секин мувофиқлашуви натижасида хулосалар чикарадиган, эҳтимол ўз муҳокамаларнинг мантиғини туза оладиган бўлиб коладилар. Шунга кўра ўқитувчи муаммоли баён қилиши учун ўқувчилар мустақил ҳал эта оладиган муаммолардан мураккаброқ муаммоларни танлаш мумкин.

РЕПРОДУКТИВ МЕТОД

Ўқувчилар кўникма ва малакаларни эгаллаши, шу билан бирга билимларни ўзлаштиришнинг иккинчи даражасига эришиши учун ўқитувчи топшириқлар тизими орқали уларнинг ўзларига берилган билимларни бир неча марта эслатади. У топшириқлар беради, ўқувчилар эса топшириқларни бажарадилар — ўхшаш масалаларни ечадилар, намунага караб турлайдилар ва туслайдилар. Ўқитувчиғиңг неча марта ва қандай оралиқларда такрорлаши ўзининг қобилиятига, топшириқнинг қийин ёки осонлигига боғлиқ.

Саводхонликни ва аниқ ёзишни бир неча йилда, ўқишини эса ундан анча кам вакт мобайнида ўргатиш мумкин. (Янги сўзларни ўзлаштириш уларнинг маълум муддатда тахминан 20 марта учратиши талаб қилиши аниқланган). Қисқаси, ўқитувчининг топшириғи бўйича иш усулини эслаш ва такрорлаш методнинг асосий белгисидир.

МУАММОЛИ БОШЛАШ БИЛАН БАЁН ҚИЛИШ

Ўқитувчи янги билимларни баён қилишни бошлишда муаммоли вазиятни яратса, кейин ўқув материалини анъанавий, ахборот усулида тушунтиради.

Муаммоли вазият фақат тушунтиришнинг бошида вужудга келтирилади, ўқув материалининг ўзи муаммони ҳал қилиш сифатида баён этилмайди. У энг оддий ҳисобланади ва муайян вакт давомида ёки мураккаб материални баён қилишда қўлланади. Масалан, р ва рр ҳарфларини чиройли ёзиш қоидаларини ўрганишда ўқитувчи дарс мавзусини айтиш ўрнига уларни қизиқтиради; бунинг учун ариқ, ўриқ, арпа, варрак каби отлар қандай ёзилишини сўрайди.

Умуман олганда муаммоли вазиятни қандай тушунтириш ўқитувчининг иқтидори, тажрибасига чамбарчас боғлиқдир.

XIII б о б. ТАРБИЯ НАЗАРИЯСИ ТАРБИЯ ЖАРАЁНИ ВА УНИНГ МОҲИЯТИ

Таълим назарияси бўлимини ўрганишда ўқув жараёни ўзининг бутун мазмуни, ташкил этилиши, ўқитувчининг фаолият характеристи билан ўқувчиларни фақат билимлар билан қуроллантиришга эмас, балки уларни яхши хулқ-атвор эгалари қилиб

тарбиялашга ҳам қаратилғанлигига ишонч хосил қилдик. Бирок тарбия вазифаларини тұла маңнода факт үкув жараёнда ҳал этиш мүмкін әмас.

Тарбия, таълим бериш билан мустахкам алоқада бўлгани холда ўзига хос конуниятларга ҳам эгадир. Таълим ва тарбия ягона жараёндир. Лекин улар бир-бирига айнан ўхшаш әмас. Таълим ва тарбиянинг бирлиги аввало улар мақсадининг умумийлигидан иборат.

Бир бутун педагогик жараёнда таълим доимо тарбиявий вазифаларни, тарбия эса ҳаётни билиш, унга тайёрланишдек масъулиятли вазифани бажаради. Тарбиянинг вазифалари кўп қирралидир. Таълимнинг асосий вазифаси ўқувчиларни билимлар билан куроллантириш бўлса, тарбияда ўқувчининг жамиятимизда қабул қилинган ахлоқ-одоб коидаларига мос келадиган эътиқодини, ахлоқий малака ва кўникмаларини, эҳтиёж ва интилишларини таркиб топтириш мухимдир.

Тарбияшунос олим Абдулла Авлоний ўзининг «Туркий Гулистон ёхуд ахлоқ» асарида инсон камолатида тарбиянинг ролини алоҳида таъкидлаб шундай деганди: «Жаноби ҳақ инсонларнинг асл ҳилқатда истеъодод ва қобилиятли, яхши или ёмонни, фойда или зарарни, оқ или корани айирадиган килиб яратган. Лекин бу инсондаги қобилиятни камолга етказмоқ тарбия воситасида бўладир. Агар бола яхши тарбия топиб, бузук хулқлардан сакланиб, гўзал хулқларга одатланиб катта бўлса, ҳар ким қошида мақбул, баҳтиёр бир инсон бўлиб чиқади. Агар тарбиясиз, ахлоқи бузилиб ўssa, насиҳатни қулоғига олмайдиган, ҳар хил бузук ишларни киладиган, нодон, жохил бир расвойи олам бўлиб колади. Тарбия қилувчилар Табиб кабидур-

ки, Табиб хастанинг баданидаги касалига даво қилгани каби тарбияни боланинг вужудидаги жаҳл марзига «яхши хулқ» деган давони ичидан, «поклик» деган давони устидан бериб, катта қилмоғи лозимдир. Зероки, амри шарифи узра хулқмизни тузатмоққа амр қилинганмиз. Лекин хулқимизнинг яхши бўлишининг асосий панжаси тарбиядир.

Ахлоқимиз биносининг гўзал ва чиройли бўлишига тарбиянинг зўр таъсири бордир.

Шариати исломияда ўз болаларини яхшилаб тарбия қилмок оталарга фарзи айн, ўз миллатининг етим қолган болаларини тарбия қилмок фарзи кифоядур дейилади.

*Хар кишининг дунёда ороми жони
Тарбият,
Балки охирида эрур доруламони
тарбият.
Тарбият ҳамроҳ этадур ҳур ила
рузвонлара,
Гар десам бўлмас хато жсаннат макони
тарбият.
Эй, оталар! Жонларингиздан сучук
фарзандингиз,
Ғайрат айланг ўтмасун вақт-замони
тарбият.
Мояи зилли хўмодур тарбиянинг сояси,
Бизда анқо тухмидек йўқ ошёни тарбият'*

Ўкув жараёнини бошқариш нисбатан осон, унинг натижалари дархол намоён бўлади ва уларни текшириш мүмкін. Тарбия ҳақида буни айтиш мүмкін әмас.

¹ Абдулла Авлоний. Туркий Гулистон ёхуд ахлоқ. «Ўқитувчи». Т. 1967, 25-бет.

Боланинг ўсиши ва тарбияси унинг фаолияти жараёнида амалга оширилади. Ижтимоий-фойдали меҳнат, ижтимоий ишлар, ўйин ва ўқиш фаолияти, бўш вақтдан оқилона фойдаланиш кабилар болаларнинг ҳаётида катта аҳамиятга эга бўлади. Болаларнинг бундай хилма-хил фаолиятларини тўғри ташкил этиш, уни яхши алоҳида сифатлар, характер хислатлари, одатлар таркиб топтиришга қаратиш тарбиянинг муҳим вазифаси ҳисобланади.

Болаларни тарбиялаш улар туғилган вақтидан бошланади ва мунтазам равишда таълим бериш билан бирга олиб борилади. Бола мактабга борганидан кейин бу жараён давом эттирилади. Мактабдаги тарбия инсон шахсини таркиб топтириш юзасидан режалаштириладиган улкан ишнинг бир кисми холос. У боланинг илгариги тажрибаларини ҳисобга олган ҳолда ташкил этилади. Тарбия ўқувчи мактабни тамомлаганидан кейин ҳам тугалланмайди, балки мунтазам давом қилдирилади.

Педагогикада тарбиянинг мақсади, мазмуни, шакл ва усуллари тарбияланувчи шахсининг қарор топиши билан мустахкам боғлик ҳолда қараб чиқилади.

Тарбия тарбияланувчининг руҳиятига тарбиячига маъқул бўлган сифатларни сингдириш учун, мақсадга мувофиқ суратда ва мунтазам равишда таъсир этишдир.

-»

Ўқитувчи — тарбиячи томонидан тарбиявий жараёнга раҳбарлик қилинган тақдирдагина тарбияда бирор мақсадга қаратилганлик, маълум бир тартиб бўлиши мумкин. Шундай қилиб, тарбия аввало тарбияланувчи шахсининг таркиб топиш жараёнига раҳбарлик қилишни такозо этади.

Тарбия давомида тарбияланувчининг қарашлари, ҳаётий нуктаи назари аста-секин таркиб топиб

боради. У тарбияланувчининг хулқ-автори хамда теварак-атрофдаги мухитнинг хилма-хил таъсирига унинг муносабатларини белгилайди. Шахснинг бу тутган йўли қанча аник ва изчил бўлса, теварак-атрофдаги ҳаёт шароитларининг турлича салбий таъсири шунча кучсиз бўлади.

• ^Мактаб шароитида тарбиявий ишлар ўқитувчи-тарбиячилар, синф раҳбарлари томонидан амалга оширилади. Улар тарбияни жамиятнинг мақсади хамда вазифаларига мувофиқ равишда ташкил этадилар.

Тарбия жараёни ўз-ўзини тарбиялаш билан мустахкам боғланган. Ўз-ўзини тарбиялаш кишининг ўз шахсини ўзгартиришга қаратилган фаолиятидир. Ўз-ўзини тарбиялаш тўғри тарбия бериш билан бирга содир бўлади ва айни вақтда тўғри тарбия натижаси ҳисобланади.

Ўз-ўзини тарбиялашнинг муваффакиятли бўлишиби учун ўқувчи ўзини тўғри баҳолай билишга ўрганиши, ҳаётда ўзи интилиши лозим бўлган идеални аник тушунган ҳодда ўзидағи ижобий сифатларни ва, камчиликларни кўра олиши муҳим аҳамиятга эга.

• У Бошланғич синф ўқувчисининг хатти-харакатидаги айрим камчиликларни тузатишга тўғри келади. Бу камчиликлар аввалги тарбия жараёнида, кўпинча оиласда таркиб топган бўлади. Ўқитувчи ўз харакатларини ва ота[^]ндр[^]нжшшг харакатини бу камчилиоарн Сартараф этишга қаратиши лозим. Одатда бунинг учун болаларнинг оиласдаги ҳаёт шароитларини ўзгартириш, тарбияланувчиларда нотўғри хатти-харакатни келтириб чиқарувчи сабабларни йўқотиш талаб этилади.

Шундай қилиб, тарбиялаш, ўз-ўзини тарбиялаш ва қайта тарбиялаш жараёнлари ўзаро мустахкам

боғланган бўлиб, инсон шахсини таркиб топтиришнинг бир бутун жараёнида доимо бир-бирига таъсир ўтказади.

ТАРБИЯ ҚОНУНИЯТЛАРИ ВА ҚОИДАЛАРИ

Ҳар бир ишнинг ўзига хос, маълум қонун-қоидалари бўлганидек, бола тарбиясининг ҳам ўзига хос бир қатор мухим қонун-қоидалари борки, уларга амал қилиш тарбия ишининг самарали бўлишини таъминлади, чунончи:

тарбиянинг бир мақсадга қаратилганиги;

тарбиянинг ҳаёт, меҳнат билан, Ўзбекистонимизнинг мустақиллиги, гуллаб-яшинаши йўлида қилинаБётган фидойи ишлар билан боғланиши;

шахсни жамоада, жамоа орқали тарбиялаш;

тарбияда бола шахсини хурмат қилиш ва унга талабнанлик;

тарбиявий ишларнинг изчиллиги, мунтазамлиги ҳамда бирлиги;

тарбияда ўқувниларнинг ёши ва ўзига хос хусусиятларини ҳисобга олиш.

Қўйида тарбия жараёнининг қонун-қоидалари ни кўриб чиқамиз.

1. *Тарбиянинг бир мақсадга қаратилганиги.* Тарбия мақсадини белгилашда жамият талаблари, давр нафаси, миллий хусусиятлар асос қилиб олинади. Тарбиянинг мақсади — ҳар томонлама камол топган — мукаммал инсон шахсини тарбиялашдир.

Ўқитувчилар жамоаси ва ҳар бир ўқитувчи-тарбиячи ана шу мақсадлардан келиб чиқиб, тарбиявий ишларнинг вазифаларини белгилайди, унинг мазмунини аниқлайди ҳамда мактаб иш шароитларини ҳисобга олган ҳолда ўқувчиларни тарбиялашнинг шакл ва услубларини танлайди.

2. *Тарбиянинг ҳаёт билан боғлиқлиги қоидаси* тарбиявий ишларнинг мазмуни ва ташкил этилишини доимо янгилаб туришни талаб этади. Тарбиячилар болалар тарбиясини ҳаёт билан боғлар эканлар, уларга ўзларida имон-эътиқодни тарбиялаш имконини берадилар.

Тарбиявий ишлар шундай ташкил қилинганда ёшлар жамият ҳаётига фаолроқ жалб қилинади, бу эса ўқувчи шахсининг таркиб топишига ёрдам беради.

ШАХСНИ ЖАМОАДА ВА ЖАМОА ОРКАЛИ ТАРБИЯЛАШ

Илғор ўқитувчилар тажрибасининг кўрсатишича, ўқувчилар ахил жамоа бўлиб уюшгандагина тарбия ишларини амалга ошириш анча енгил бўлади ва муваффақияти таъминланади. Яхши уюшган, соғлом жамоада ўқувчилар жамоатчилигининг фикри жуда катта тарбиявий кучга эга бўлади ва тарбияда ўқитувчиларнинг таянчига айланади.

Ўз манфаатини жамият манфаатлари билан қўша билиш, бир-бирига ўзаро ёрдам бериш каби қимматли фазилатлар аввало жамоада шакллағ-ади. Ўқувчилар жамоасида ҳар бир шахснинг ламолга етиши, ҳамда синфда ва умуман мактабда тўстлик ришталарини мустаҳкамлаш учун қулай шароит яратмоқ даркор. Шуни ҳам айтиш керакки, бѓъзан тарбия жараёнида жамоа билан шахс ўртаситаги қарама-қаршиликларни бартараф қилишга Ҳам тўғри келади.'

Ўқувчиларда жамоа манфаатини кўзлаш, жамоачилик хисси аввало биргаликда ўқиш ва меҳнат қилиш жараёнида мустаҳкамланади.

Ўқитувчи ва тарбиячи ўзининг тарбиявий ишларida ҳамма вакт ўқувчилар жамоасига ва улар орасидаги фаол ўқувчиларга таянмоғи, ўқувчилар-

ни турли ишларни биргаликда бажаришга одатлантириб, уларга жамоатчилик рухини сингдириб бориши лозим.

ТАРБИЯДА БОЛА ШАХСИНИ ҲУРМАТ ҚИЛИШ ВА УНГА ТАЛАБЧАНЛИК

Тарбиячи аввалги болалардан бирор нарсани талаб қилиб, сўнgra ўзининг бу талабини унтиб қўйса, ёки кейинги ишларида ўзи бу талабга хилоф иш тутса, бу хол тарбияга емон таъсир этади. Биз бундай тарбиячини, ўз сўзида-муким турмайдиган киши, деб атамиз. У болаларга топширик бериб: «Билиб қўйинглар, топширилган вазифани, албатта, текшириб, тегишли баҳони қўяман» — деб огохлантиради. Лекин, болаларнинг топширикни бажарган ва бажармаганларини асло текширмайди. Болалар тартибни салгина бузсалар, у кўп дўқ-пўписа қилиб, уларга қарши турли чоралар кўражагини айтади-ю, аммо амалда хеч қандай чора кўрмайди. У, бирор қизик тадбир ўтказишни болаларга ваъда қиласди-ю, сал орада ваъдасини эсдан чиқариб қўяд^, болаларда бундай тарбиячига иззат ва ҳурмат пағдо бўлмайди. Ҳар бир педагогнинг сўзи билан вдш бир хил бўлиши керак. У ўз ишида ва сўзида и;чил бўлмоғи лозим. Ҳар бир тарбиячи учун бу нар^а қонун сифатида тан олиниши шарт.

.. Золаларга бирданига жуда кўп талаб ва қоидаларни тақдим қилиш мумкин эмас; болаларни хулқ ва юриш-туриш кўникмаларига ўргатган вақтда ҳам худди ўқув предметлари мазмунига кирадиган кўникмаларни ўргатишдаги тадрижийлик ва тизимилийка риоя қилиш керак. Шундай қилинса, болалар хулқий кўникмаларни пухта, мустахкам ўзлаштирадилар.

Бошланғич таълим усталари иш тажрибаларининг кўрсатишича, қаерда ўқувчиларга юксак талабчанлик, хурмат, муҳаббат, ишонч кучли бўлса, ўша ерда тарбиянинг таъсири самарали бўлади.

Болага меҳрибонлик, хурмат ва муҳаббат билан қараш унинг кучига куч қўшади, ўзига бўлган ишончни янада орттиради, бу айни чоқда ўқувчиларда ўз ўқитувчисига нисбатан ҳурмат, ишонч ва меҳрибонлик уйғотади. Зотан, болалар ғамхўр, меҳрибон ва талабчан ўқитувчини севадилар, ҳурмат қиласдилаr ва унга тўла ишонадилар. Мана шундай ўқитувчининг болаларга тарбиявий таъсири кучли бўлади, унинг обрўи ортади. Агарда ўқитувчи ўз ўқувчиларининг кучига ва имкониятига ишонч билан қараса, улар бу ишончни оқлашга интиладилар, ўз кучларига ишонч хосил қиласдилаr.

Ўқитувчи ва тарбиячиларнинг ўқувчига нисбатан ҳаддан ташқари талабчан ва қаттиқўл бўлиши ҳам, ва аксинча, болаларга бўш муомала қилиши ҳам ярамайди.

Ўқитувчи ва тарбиячилар ўқувчиларга нисбатан талабчан бўлишлари ва қўйган талабларининг ўқувчилар томонидан сўzsиз бажарилишига эришмоклари лозим. Бу эса болаларни катталар томонидан қўйилган оқилона талабларни ўз вақтида бажаришга одатлантиради. Шу билан бирга болалар ўзларига нисбатан ҳам талабчан бўладилар.

Тарбия жараёнида болаларга нисбатан ўқитувчилар, ота-оналар, болалар ва ёшлар ташкилотлари ҳамда барча жамоатчилик томонидан бир хилда талаб бўлишини, яъни талабда бирлик бўлишини таъмин этиш ғоят муҳимдир.

Мактаб маъмурияти, синф раҳбарлари, ўқитувчилар билан ота-оналар ўқувчиларга бир хилда та-

лаб кўйиши таъмин этишлари керак. Ота-оналар хам ўз навбатида болаларни тарбиялашни мактаб билан мустаҳкам алоқада олиб бормоқлари хамда болаларга нисбатан мактаб билан бирга бир хил талаб қўймоқлари лозим. Оила аъзолари: ота-она, акаука, опа-сингил ва бошқалар ўртасида хам болаларга тарбиявий таъсир кўрсатиша бирлик бўлиши зарурдир. Боланинг синфдан-синфга ўтиши, ёшининг улғайиши, савиясининг ортиши, дунёқараш доирасининг кенгайиб бориши билан талабларнинг мазмуни ва шакли хам ўзгариб, ортиб боради.

Хуллас, ўкувчиларга нисбатан талабчан бўлиш, уларга самимий муҳаббат ва ҳурмат билан қараш қоидасини оқилона ҳамда моҳирлик билан тўғри қўлланиши, ўкувчиларнинг кучига, имкониятларига ишонч билан қараш — тарбиянинг муваффакиятли боришига ёрдам беради.

ТАРБИЯДА ЎҚУВЧИЛАРНИНГ ЁШИ ВА ЎЗИГА ХОС ХУСУСИЯТЛАРИНИ ҲИСОБГА ОЛИШ

Болалар мактабда ривожланишнинг турли даврларини: болалик, ўсмирлик, ўспириналлик паллаларини босиб ўтадилар. Шу даврлар ичида улар ҳаёт, инсон ва табиат, умуман атрофимизни ўраб олган дунё ҳақида аниқ билимларга эга бўладилар. Уларнинг ахлоқи ҳам ўзгариб боради. Шу йиллар ичида боланинг ахлоқий туйғулари ривожланади, онги билан хулқи ўртасида уйғунлик вужудга келади, характеристики таркиб топади, ўз хулқи ва хатти-харакатларини эҳтиёжга ва шароитга мувофиқлаштиришга интилиш одатлари тарбияланади.

Болаларнинг ёши ривожланиш даражасига кўра уларга бериладиган тарбиянинг мазмуни, педагогик раҳбарликнинг характеристики ҳам ўзгариб боради.

Масалан, бошланғич синф ўқувчилари мактабдаги ўз асосий вазифаларини: ўзини мактабда, уйда, кўчада қандай тутиш қоидаларини билиб оладилар. Буйдай одатлар уларга намуна кўрсатиш, тушунтириш ўюли билан сингдирилади.

Болаларнинг ёши улғайган сари уларга талаб хам орта боради. Шу туфайли ўрта ва катта ёшдаги болаларни тарбиялашда уларнинг мустақиллигига суюниб иш кўриш яхши натижা беради. Тарбияда болаларнинг кучи ва имкониятларини тўла ишга солиш яхши, лекин уларнинг кучига ортиқча баҳо бериб юбориш ҳам ярамайди.

Тарбия беришда ўкувчиларнинг ёш хусусиятларидан ташқари, ҳар қайси боланинг ўзига хос хусусиятларини хисобга олиш ҳам катта аҳамиятга эга. Болаларнинг ёши, бўйи бир хил бўлса-да, уларнинг мижози, фазилатлари, қобилият ва майллари, қизиқишилари ҳар хил бўлади. Бу фарқлар болаларнинг, хулқида, ўқиши ва меҳнатида акс этади.

Бир ўкувчига нисбатан мувофиқ бўлган тарбия услубини бошқа бир ўкувчига нисбатан қўлланганда у кутилган натижани бермаслиги мумкин. Синфдаги ўкувчиларнинг баъзиларига оддий танбеҳнинг ўзиёқ самарали таъсир кўрсатади, аммо бошқа ўкувчиларга танбеҳ беришнинг ўзи кифоя қилмайди. Унга нисбатан жиддийроқ чоралар кўришга тўғри келади. Баъзан бир ўкувчи айрим ахлоқий фазилатларни тезда уқиб олади ва унга амал қиласи, иккинчиси эса унга амал қилмайди, айрим болалар эса бу хил сифатларни ўзларига жуда секинлик билан сингдирадилар.

Айрим ўкувчилар ўзларининг фаолликлари, саранжом-саришталиги, интизомлилиги, фаҳм-фаросати билан ўқитувчи ва болалар жамоасининг

ишенчи ва хурматига сазовор бўладилар, бошқалари эса, интизомсизлиги, пала-партишлиги, бетга чопарлиги, бемаъни қиликлари билан тезда «танилиб» қоладилар.

Демак, ҳар бир ўқувчининг қобилияти, қизиқиши, хистийғуларини кучли ва заиф жиҳатларини аниклаб, тарбиявий ишларда уларни хисобга олиш тарбияни тўғри йўлга қўйиш имкониятини беради.

ТАРБИЯВИЙ ИШЛАРНИНГ ИЗЧИЛЛИГИ, ТИЗИМЛИЛИГИ ҲАМДА БИРЛИГИ

Аввало таълим ва тарбия бир мақсадни — баркамол инсон шахсини тарбиялашни назарда туради. Яъни таълим иши тарбия билан бирга қўшилиб кетади ва бир-бирини тўлдириб, мукаммалластириб боради. Дарс жараёнида олиб борилган тарбиявий ишлар синфдан ва мактабдан ташқари тарбиявий ишлар билан қўшилади.

Болалар билан олиб бориладиган ҳар бир тарбиявий иш бутун тарбия ишларининг ажралмас бир қисми сифатида амалга оширилган тақдирдагина таъсири кучли бўлади.

Тарбия ишидаги изчиллик ва тизимлилик шундан иборатки, ҳар бир тарбия иши мактабнинг умумий тарбиявий режасига асосан маълум изчилликда амалга оширилади, олдинги ишларнинг мантикий давоми сифатида тарбия соҳасида қилинётган ишларни ривожлантиради, мустаҳкамлайди ва янада юкори даражага кўтаради.

Тарбия беришда тизимлилик коидаси тарбияни амалга оширадиган барча бўғинларнинг — оила ва мактаб, болалар ва ёшлар ташкилоти, жамоатчилик, маҳалла фаоллари, мактабдан ташқари тарбия муассасалари ва ишлаб чиқариш жамоалари-

нинг, кенг жамоатчиликнинг ҳамжиҳатлик ва бамаслаҳат иш кўришини назарда тутади.

Тарбия ишидаги бу ҳамжиҳатлик ва ҳамкорликни таъмин этишда мактаб асосий роль ўйнайди. Мактаб юқорида айтилган муассасалар билан мустаҳкам алоқада бўлиб, тарбия соҳасида баҳамжиҳатликда ишлашга эришади.

Тарбия жараёнида тизимлилик ва изчилликни таъмин этадиган муҳим шартлардан бири тарбия соҳасидаги билим, кўнирма ва малакаларни эгаллаш ва мустаҳкамлашда уйғунликка риоя этишdir. Тарбиявий ишларнинг ҳаммасида болаларда мавжуд бўлган билим, кўнирма, малака ва одатларга ҳамда уларнинг турмуш тажрибаларига суюниш лозим.

Ҳар бир одам ўз ҳаёт йўлида қанча муваффақиятларга эришган ёки имкониятларни қўлдан бой берган бўлса, бунинг ҳаммасига, аввало унинг феъл-атвори, олган тарбияси сабабчидир.

Хушхулқилик — камолат белгисидир

Хўшхулқилик, тарбияланганликнинг асосий белгилари нималардан иборат?

Улардан айримларини санаб ўтамиш:

- *Жаҳл чиққандা ўзини боса олиш;*
- *ҳар бир ишини қилганда «етти ўлчаб бир кесиши»;*
- *сир сақлай олиш, мулоҳаза қилиб, айрим гапларни ичга ютиш;*
- *доимо ишонч билан яшаши ва олға интилиш; андеша чегарасидан чиқмаган ҳолда дадил бўлиш;*
- *бир ишини бошлагандан кейин уни охирига етказмай қўймаслик;*
- *топган-тутганини тежаб-тергаб сарфлаш ва ҳоказолар.*

нинг энг асосий бурчларидан санайди, аксинча, ота-онага бехурматликни қоралайди.

Жаноби Расулуллоҳнинг таълим беришларича, ота-онасига шафқатли бўлган кишини Тангри тао-ло қиёмат куни химоя қилиб, ўз жаннатига кирги-зади, аксинча, ота-онасини норози қилиб, уларга оқ бўлган кишига Тангри раҳмат назари билан қара-майди, бундайлар жаннатга кирмағайлар. Бир ҳадисда: «Ота-оналарнинг кексалик вақтида ҳар икки-сини ёки бири бўлмагандан бошқасини рози қилиб, жаннатий бўлиб олмаган фарзанд хор бўлсин, хор бўлсин ва яна хор бўлсин», дейилади. Кимки ота-онасининг розилигини олган бўлса унга қандай яхши! Тангри унинг умрини узайтиради.

Одам киладиган гунохи азимлардан бири — ота-онасини хақорат қилмоқдир, дедилар.

Фарзанднинг ота-она олдидағи ҳакқи қуидаги-лар:

1. Агар овқатга мухтоҷ бўлишса, овқатлантириш.
2. Кийимга мухтоҷ бўлишса, кийинтириш.
3. Хизматга мухтоҷ бўлишса, хизматларини қилиш.
4. Чакиришса «Лаббай» деб хозир бўлиш.
5. Гуноҳ ва ғийбат ишлардан бошқасига буюришса, итоат қилиш.
6. Қўполлик килмай, мулойим гапириш.
7. Уларнинг исмларини атаб чакирмаслик.
8. Олдинга ўтиб кетмай, ортларида юриш.
9. Ўзи ёмон кўрган нарсани уларга раво кўрмас-лик ва яхши кўрган нарсасини илиниш.
- 10. Аллоҳдан ўзи учун қандай мағфират тиласа, уларнинг ҳам гунохларини кечиришни сўраш.**

КАТТАЛАРГА ҲУРМАТ - АЗАЛИЙ ОДАТ.

Исломий тарбия катталарни ҳурмат қилишни, уларга меҳрибонлик ва итоат кўрсатишни яхши фазилатлар қаторига қўшган. Бу ҳақда бир ҳадиси шариф ривоят қилинади: «Соч-соқолларига оқтушган мусулмон кишини, Қуръони Каримни, кибрланмай унга амал қилишдан юз ўғирмайдиган ва адолат билан иш олиб борадиган амалдорларни ҳур-мат қилиш Аллоҳ таолони ҳурмат қилишнинг бел-гилариданdir».

Яна бир ҳадиси шарифда ёши катта одам гапни ҳам, савоб ишни ҳам олдин бошлиши ҳакида сўз борган. Пайғамбар алайхиссалом: «Катта ёшдаги-лар билан сұхбатда бўлинглар, уламолардан мас-лаҳат сўранглар ва ҳукамолар билан аралашиб ту-ринглар», деб насиҳат қилганлар.

Ёшлар катталарга биринчи бўлиб салом бери-шади, бирор нарса сўралгандагина жавоб қайта-ришади. Катталар сұхбатида ўтирганда улардан ав-вал сўзлаш яхши эмас. Ёши катталардан аввал фикр билдиримаслик лозим. Катталар ҳузурида оғзини ланг очиб эснаш, қаттиқ ововзда гапириш, бурун қо-киш, ва туфлаш ҳам одобсизликка киради. Улар сұхбатида оёқларни чалишириб ёки узатиб ўтирил-майди, ёнбошлаб олинмайди.

Жаноби Расулуллоҳ: «Кимки кичикларга раҳму шафқатли, катталарга иззат-икромли бўлмаса, у бизлардан эмасдур», деганлар.

Исломий одоб қоидаларига кўра ёшлар, катта-ларни оғир машакқатли юмушлардан халос Қила-дилар, юкларини кўтаришадилар. Овқат устида та-омнинг аввали катталарга тутилади. Улар қўл узатмагунча овқатланиш бошланмайди. Катталар-ни рози қилиш, мамнун этиш, улар билан хушму-

омалада, меҳрибонлик билан муносабатда бўлиш ва шу тариқа улар дуосини олиш ёшларнинг унибўсиши учун яхши омил бўлади.

ИЛМ ВА КАСБ ЭГАЛЛАШ ҲАҚИДА

Фарзандлар илм олиб, оламни танишлари лозимлиги, ҳақиқатни англаш ва тафаккур қилиш учун илмнинг накадар зарурлигини ҳамиша таъкидлаб келинган. Пайғамбаримиз ўз умматларини илм олишга даъват қилганлар, илм эгаллашга ҳаракат қилиш хар бир мўмин ва мўмина учун фарз эканини қайта-қайта эътироф этганлар. Ҳадислардан бирида «Гарчи Хитойда бўлса ҳам илм истанглар» деб таълим берилган.

Ҳадисда айтилишича, бир соатгина илм ўрганиш бир кечалик ибодатдан яхши, бир кунлик дарс эса уч ой тутилган нафл рўздан афзалдир. Ёки, бошқача қилиб айтганда, илмга асосланган ибодат тақлидий ибодатдан афзалдир, такво динни тутиб турувчи устундир.

Аждодларимиздан бир уламо айтдилар: «Илм ўрган, у сенинг ёшлиқ пайтларингда тўғри юрishingни таъминлайди. Катта бўлганингда буюк шахсга айланишингда асосий сабаблардан бўлади. Илм доим сенинг ҳамроҳинг бўлиб, адашишдан ва қоқилишингдан сақлайди, душманларингни мағлуб қиласди.

Илм олиш билан бир қаторда, фарзандлар касб-хунар ҳам эгаллашлари, унинг воситасида оила-ларини ҳалол меҳнат билан бокишлари шарт. Пайғамбарларнинг ҳам ҳалол касб билан шуғулланганликлари тарихдан маълум. Масалан, пайғамбаримиз Мухаммад алайхиссалом чўпон ва савдогар бўлганлар. Довуд алайхиссалом темирчилик қилган-

лар. Исо алайхиссалом табиблик билан шуғулланганлар ва ҳоказо.

Халқимиз «Хунар-хунардан унар» деганда, одамнинг ризқи-насибаси хунардан, меҳнатдан пайдо бўлишини назарда тутган. Бу ҳикматлар ёшларга ибратдир. Бизнинг ота-боболаримиз азал-азалдан хунарманд, ижодкору миришкор бўлишган. Уларнинг хунарлари орадан неча юз йиллар ўтса-да ҳали-хануз қадр-қимматини йўқотмай, кўрки-тароватини намойиш этиб турибди. Дурадгорлик дейсизми, наққошлиқ дейсизми, заргарлик дейсизми, боғонлигу соҳибкорлик, устачилик дейсизми — ҳаммани лолу хайрон колдирадиган эзгу ишлар аждодларимиздан, бизларгача этиб келган.

Ўзбек халқ хунармандчилигининг санаб саноғига этиш қийин. Бешиксозлик, сандиксозлик, жайдари арава, Қўқон арава, ясси ва баланд зинали аравалар, жилоси-ю, накш кўз қамаштирадиган пичоқлару ўймакор курси-курсичалар, чорпоялар, гулдонлару шамчироклар, обдаста, жомашов, жом, дасшалар...

Уларнинг кўпини энди асосан музейларда кўриб, шундай забардасту мохир санъаткорлар наслидан эканимиздан кўнглишимиз олам-блам қувончга тўлади, нечоғли бой миллий маданиятга эга эканлигимиздан фахрур хиссига тўламиз.

Аждодларимиз ўз хунарларини, санъатларини кёлгуси авлодларга тўқис-туғал етказиш, уларни ўтмишимиз маданияти-ю, санъати билан ошно қилиш учун нечоғлик меҳр-ихлос, катта ғайратшилоат билан, кўз нурини, қалб қўрини сарфлаб, тинимсиз меҳнат қилганларининг гувоҳи бўламиз. Айни пайтда биламизки, бизлар кўрган-билган санъаткорлик, бунёдкорлик маҳсуллари ўз замо-

насида яратилган асарларнинг дарёдан бир томчи-си, холос. Чунки собиқ шўро даврига келиб, хунар-мандчиликнинг кадру киммати кескин пасайиб кетганидан боболардан қолган бойиклар хам талон-торож қилиб юборилди. Не-не ажойиб касблар, жумладан косибчилик, касаначилик, хунар-мандлик санъати ишлаб чиқариш рўйхатидан деярли ўчириб ташланди. Чинакам санъат асарлари ўрнини ўйинчок сифат буюмлар эгаллаб олди.

«Ҳак жойида қарор топади» деб бежиз айтмаган доно халқимиз. Мана, вакти келиб, яна ўша отабоболаримиздан колган хунармандлик санъатига кенг йўл очилди. Ҳак хақлигини исбот қилди. Лекин бу ишлар энг моҳир ва забардаст усталаримиз оламдан ўтиб кетгандан кейингина йўлга қўйилди. Эндиғи гап ёшлар катта қизикиш, зўр иштиёқ билан аждодларимиз ишини давом эттиришларида, колди.

Кўлида хунар бор ўлмайди, унинг номи хам учмайди, бирорга хор-зор хам бўлмайди. Шоир Бадриддин Ҳилолий айтади:

*Тиришиб топмасанг бир хунар, юз айб,
Бир хунар ёнади, бўлса гар юз айб,
Бир эса хунару ақл ҳам тамиз,
Эл наздида доим ул киши азиз.*

Хунарнинг умри боқий, у ўлмас-йитмас мўъжизадир. Ҳаёт давом этар экан, авлодлар кетидан авлодлар дунёга келар экан, юқорида зикр этганимиз — ноёб буюмлар турмуш эҳтиёжи учун доимо керак бўлиши табиийдир. Зоро, инсон тирик экан, уй-жой қуриши керак, фарзанд кўтар экан, бешик, ғалтакара ва, киз узатиш, ўғил уйлантиришга сандик-кути, боғ-роғ бунёд килиш учун аввало боғ-

бон, сўнг унинг хам ўзига керакли асбоб-ускуналари керакки, бу нарсаларни бунёдга келтириш учун усталарнинг меҳнати, ишбилармонлиги жуда зарурдир.

Агар ёшларимиз мактабдан ташкари бўш вақтларини бехуда кўча чангтишга сарфламай, турли касбу хунар сохибларига шогирд тушиб иш ўргансалар, беш-ён йил ўтмай қарабсизки, ҳамма тоифадаги хунармандлар ўзимизда муҳайё бўлади. Бу ёшларнинг рўзғор тебратишда ота-оналарига ёрдами бўлса, ўзларининг келажаклари учун хам муҳим омил бўлади. Бунинг яхши томони яна шундаки, меҳнат билан машғуллик уларни турли ножӯя хатти-ҳаракатдан, бефойда машғулотлардан, бехуда санғиб юришлардан асраб колади, бу эса ўзларининг келгуси баҳтли тақдирлари ва камолга етишувларида кони фойдадир.

Ҳеч ким онадан хунарманд бўлиб туғилган эмас. Ўтмишда ўсмир эсини таниб, кўли ишга келгач, ота-онаси зийраклик билан унинг қобилиятини кузатиб, ўзи қизиқкан хунар сохибига шогирдликка топширган. Шогирднинг меҳнатга муносабати, касб-корга муҳаббатига қараб устозлар ўз хунарларини ўргатганлар, мустақил ишлаш учун баҳоликдурат шарт-шароит ҳам яратиб берганлар.

Кекса хунармандларнинг ҳикоя қилишларича, уста канча қаттиққўл, талабчан бўлса, шогирд касбини шунча тез ва пухта эгаллар экан. Буюрилган иш кўнгилдагидек бажарилиб, шогирд эгаллаган хунар соҳасида оқсоколлар имтихонидан муваффакиятли ўтгандан сўнг унинг уста бўлишига фотиха бериларкан. Йигитнинг ота-оналари уста бошлиқ оқсоколларни зиёфатга чорлаб, хунар оши ўтказишаркан. Шундан сўнг, уста бўлган йигит истаса шу

жойда ишини давом эттиравериши, хохласа ўзи дўкон очиб, шогирдлар етиштириш хукуқига эга бўларкан.

Каранг, накадар чиройли, накадар ибратомуз удумлар! Бу бир томондан ёшларнинг ўзлари севганин касб-корларига қизиқишларини кучайтиrsa, иккинчидан, уларнинг зиммасидаги масъулиятни оширади. Айни замонда саноат корхоналаримиз кошида шундай устахоналар очилиб, малакали шогирдлар етиштирилса, кўплаб ёшлар хунарманд бўлиб етишадилар, улар бекорчиликдан кутулиб меҳнатга иштиёқманд бўладилар, ота-боболаримиз хунарларига меҳрлари товланади. Шундай қилингanda республикамиз равнақи ошади. Юкорида айтганимиздек, ҳам ишсизлик камаяди, ҳам ўзимиздан истаганча мутахассислар етишади, ҳам моддий бойлигимизга бойлик қўшилади. Бу эса кўп сонли ҳалқимизни кундалик зарурий буюмлар билан бемалол таъминлаш имкониятини туғдиради.

Қувончлиси шуки, республикамиз мустакил бўлди, ўзбек тилимизга давлат мақоми берилди. Ёшлар қунт қилсалар, айни пайтда қаёкка кўл узатсалар етгулик шароитлар бор. Факат мақсад аниқ, қизиқиш кучли, билим ва зеҳн ўткир бўлса бас! Бунинг учун хар бир ўкувчи ўзи қизиқкан соҳага оид адабиётларни топиб ўкиши, мустакил равиш¹ да² ўз-ўзини тайёрлаб бориши керак. Ота-она, ўқитувчи-тарбиячилар эса, албатта, болаларнинг бу интилишларини кўллаб-кувватлашлари, кўлларидан келганича кўмаклашишлари лозим.

Қадимда ўғил болалар ва қизларнинг ўзларига хос алохида-алохида касб-кор ўрганиш усуллари бўлган. Масалан, ўғил болалар дурадгорлик, ғиштерувчилик, бешиксозлик, сандиксозлик, боғонлик, этикдўзлик, ганчкорлик, наққошлик хунар-

ларини эгалласа, қиз болалар дўппидўзлик, чеварлик, каштадўзлик, йўрмадўзлик (жияк тўқувчи) хунарларини эгаллашга иштиёқманд бўлганлар. Ҳар ким ўзининг жинсига, жисмоний кучига, зехнига, зийраклигига караб, хохлаган ишини ўрганиб, шубилан машғул бўлган.

• Ҳунарли бўлиш фақат йигитларгагина эмас, қизлар учун ҳам зарурий шарт эди. Улар қандай тоифадаги оиласда — у бой хонадонми ёки ўртаҳолми, бундан катъи назар, барибир хунарли бўлиш зарурат хисобланган. Қизларни турмушга узатишида хунар жуда кўл келган. Бу, биринчидан, сеп тайёрлашда оиласа моддий ёрдам берса, иккинчидан, ўғил уйлантирадиган хонадон соҳиблари ҳам қизнинг одоб-ахлоди, шарму рисоладагидек бўлишидан ташқари, албатта тикиш-бичиши билиши, пазандалиги каби бир-икки хунарни эгаллаган бўлишига катта эътибор беришган. Кўёв, бўлажак йигитлар ҳам шундай талабларга тўла-тўқис жавоб беришлари лозим кўрилган. Негаки, турмушни қийналмай, бекаму кўст, тартибли олиб бориш ва унинг мустаҳкамлгини таъминлаш кўп жиҳатдан келин-куёвнинг уддабуролиги, ишбилармонлиги, эпчил-чаққонлиги, рўзгорни тебратади билишига боғлиқ бўлган. Шунинг учун илгари пайтларда оила қурганлар ўртасида қўйди-чиқди каби нохушликлар камдан-кам учраган.

. Қадим удумларимиздан яна бир ибратлиси, отаоналар касб танлашда фарзандларининг ўзларига тўла эркинлик беришган. Улар кайси бир хунарни мукаммал ўрганишларига кўзлари етса, шунга рози бўлиб кўмакдошлиқ қилганлар. Ҳозирги ота-оналарнинг кўпчилиги бу қоидага риоя қилмайдилар. Фарзандлари ўқигандан кўра ўзи истаган касб-

хунарни эгалласа баҳтли ҳаёт кечиришини ўйламайдилар, фарзандлари ўрта мактабни битириши билан уларнинг олий мактабда таҳсил олишлари учун қобилиятлари, билимлари, сабру бардошлари етарлими, йўқми, бу билан ҳеч хисоблашмасдан, бир амаллаб олийгоҳларга киритишга харакат қиласидар. Кўплар бунга муваффақ ҳам бўладилар. Лекин кейинчалик бунинг оқибати нима бўлади? Фарзандлар ё ўқишнинг ўзига хос машаққатларига тоқат қила олмай, ёки ўқиши давом эттиришга билим даражалари етмай, ташлаб кетадилар. Ваҳоланки, орада зое кетган бир-икки йил вакт мобайнида улар ўзларига муносиб бирор хунарни эгаллашлари ва ҳаётда равон йўлни топиб олишлари мумкин эди.

Юқоридагилардан шундай хулосага келиш мумкин: отанинг давлату мансаби, ҳеч қачон ҳеч кимга вафо қилмаган, бошга бир мушкул иш тушса бойлигу давлат бу мушкулотдан куткариб қололмаган. Абдураҳмон Жомий айтади:

*Отангга бўлмагин арзанда, банди,
Бандидан чиқиб, бўл ҳунар фарзанди.*

Буюк ўзбек шоири ва мутафаккири Алишер Навоий ўзининг «Фарҳод ва Ширин» асарида ёшлар таълим-тарбиясида асосий омил бўлган касб-хунар эгаллашнинг аҳамиятини зўр муҳаббат билан тасвирлаган.

Хитой хоқонининг яккаю ягона ўғли Фарҳодни отасининг давлати-ю мансаби заррача қизиқтирамайди. Тожу таҳт, шоҳ бўлиш орзуси унга бутунлай ёт бўлиб, хунарманд бўлиш иштиёқида ёнади ва отасини ранжитиб бўлса-да, мерос — тожу таҳтни рад этади. Ота ўғлининг маъюс аҳволини кўриб, унга қаср солдиришга қарор қиласиди. Фарҳод қаср бунёдкорлари бўлмиш Моний, Боний каби моҳир

усталар ёнидан кетмай, улардан тош йўниш, нақш ўйиш хунарларини мукаммал ўрганиб олади.

Бир куни у отасининг сандифида бир суратни кўриб, унга ғойибона ошиқ бўлади ва арман мамлакатининг маликаси бўлмиш Ширинни ахтариб, йўлга чиқади. Кўп азиятлар чекиб, гоҳ қуруқлик, гоҳ денгизу дарёлар оша Арман мамлакатига етади. Бу сафарида кемада танишиб қолган дўсти — эронлик йигит Шопур унга ҳамроҳлик қиласиди. Арман мамлакатининг подшоси Мехинбону кимда-ким Арманистон сарҳадига сув чиқарса, жияни Ширинни шу кишига никоҳлаб беришга ваъда қилганини эшитиб, Фарҳод дарҳол ишга киришади. Ўзи учун курилган қасрда усталар билан баб-баробар ишлаб, уларнинг хунарларини эгаллаган Фарҳод тош кесувчилик, йўнувчилик санъатини ишга солиб, саҳрога сув чиқаришга эришади ва довруғи ҳамма ёққа тарқалади.

Ёш малика Ширин кўли гул моҳир тошкесар йигитнинг ишини кўргали келиб, ўз аксини тошга йўниб ишлаган Фарҳодга қойил қолади ва унга кўнгил кўяди... Воқеанинг давоми «Фарҳод ва Ширин» достонини ўқиган, шу асосда яратилган кино ва драматик асарларни кўрган кишиларга яхши маълум.

Бу ерда гап Фарҳоднинг севгиси, дўстона муносабати ва бошқалар хусусида эмас, балки шоҳ ўғли бўлатуриб, хунар эгаллашни ҳаётининг маъноси деб билган, бу билан ўз йигитлик шаънини юксак дарражага кўтарган ва халқдилида абадий қолган меҳнаткаш, оқилу фозил инсон хусусида боряпти. Отанинг давлату мансаби, ҳатто тожу таҳти ҳам ҳеч қачон ҳеч кимга вафо қилмаган, бошига бир мушкул иш тушса бойлигу давлат бу мушкулотдан кут-

қарип қололмаслиги, фақат ўз кучи, билими, ақлу идроки, қолавсрса, садоқатли дўстлари-ю ўрганган хунаригина кишини хар қандай офату балолардан асраб-авайлаб қолиши муқаррарлигини ҳозирги ёшларимиз, хусусан ўқувчиларимиз Фарҳод тимсолида онг ва шуурларига мустахкам ўрнаштириб олишлари ва амалда бунга риоя этишлари ниҳоятда зарурдир.

XIV боб. МИЛЛИЙ ТАРБИЯНИНГ ЎЗИГА ХОСЛИГИ ВА МЕЗОНЛАРИ

Испаниялик бир файласуф олим бутун умрини жаҳон ҳалқларининг урф-одатларини, ахлоқ-одобини ўрганишга, тадқиқ қилишга бағишлиган экан. Иттифоқо, ўша олим бизнинг юртимизга ташриф буюриб, Тошкент, Самарқанд, Бухорода бўлибди. Юритига кайтиб боргач: «Ҳозиргача ўрганган, тадқиқ қилган барча ишларимни ўн беш ёшли ўзбек кизалоғининг ўрнидан туриб, қўлини кўксига қўйганча чой узатишдаги одобига, назокатига алмаштиришга рози эдим», деган экан. Биз шундай юксак одоби, маданиятли ҳалқнинг фарзанди эканлигимиздан хар қанча фаҳрлансанк арзиди, албатта.

Дарҳакиқат, ҳалқимиз азал-азалдан ахлоқий фазилатларга бой бўлган. Ота-боболаримиз фарзанд ўстирап эканлар, уларнинг хулқ-атворларига, гапсўзларига, кишилар олдида ўзларини қандай тутиб, нималар хақида фикрлашиб, ўз мақсадларини қандай сўзлар билан тушунтиришларига катта ахамият беришган. Улар фарзандларининг қўрслик килиши, катталар сұхбатига аралашиши, ножӯя ишларига зинхор-базинхор йўл қўймаганлар. Бу нарсаларга фарзанд тарбиясининг энг муҳим томони деб қараганлар.

Аммо, минг таассуфки, яқин тарихимизда" шарқона тарбия, ахлоқ-одобнинг минг йиллик тажри-баларидан «эскилик сарқити» деб воз кечдик, ўзлигимизни унутаётзик. Ахлоқсизлик, ҳаёсизлик, ичкиликбозлик, қадимий меросимиздан нафратла-ниш асосига қурилган «янги ахлоқ» зўрлаб тарғиб килинди. Бу «оврўпача одоб»нинг самарасини, ҳалқимиз бошига солган кулфатларини, маънавияти-мизга етказган заарларини бугун хаммамиз кўриб туриб миз—

Шарқона одоб минг йиллар мобайнида исломий тарбия қоидалари асосида таркиб топиб, такомиллашиб борганлиги тарихдан маълум. Чунончи, Куръони карим оятлари мазмуни, Пайғамбар алайхиссалом ҳадислари, шарқ аллбмалари ва файласуфларининг китоблари тарбиямизнинг манбаи бўлиб хизмат қилган.

Исломий тарбия мусулмонлар ҳаётининг барча қирраларини, ҳатто майда жиҳатларигача қамраб олган. У гўдакларни эмизишдан тортиб, қандай кийинтиришгача, овқатланиш одобидан тортиб, кўча-кўйда, катталар қошида ўзини қандай тутиш лозимлигигача барча жиҳатларни ўз ичига олган. Энг асосийси, исломий одоб фарзандларнинг ҳалол, пок, меҳнаткаш, илмга интилевчи, катталарни, айникса, ота-онани ҳурматлаш руҳида тарбиялашни шарт килиб қўйган..

Жаноби Расулуллоҳ ҳадисларида: «Фарзандларинизни иззат-икром қилиш билан бирга ахлоқ-одобини ҳам яхшиланглар!», «Хеч бир ота ўз фарзандига хулқу одобдан буюкроқ мерос бера олмайди», дейилган. Яна бир ҳадисда эса: «Мўмин кишига берилган нарсаларнинг энг яхиси чиройли хулқдир», дейилгани бежиз эмас. Бобокалонлари-

миз ҳамиша баркамол инсон шахсини тарбиялашга интилганлар ва ўз фарзандлари, махалла ёшлиари ва бутун жамиятнинг тарбияли бўлиши учун курашганлар. Ёшларни тарбиялашда «Менинг болам», «Сенинг боланг» деб ажратишмаган. Тарбия бериш ҳамманинг виждоний бурчи деб қарабан.

Одамзод дунёга келибдики, мудом мукаммал тимсол ахтаради, комилликка интилиб, руҳий најот йўлини қидиради. Шу орзу-интилиш самараси ўлароқ, маънавият бобида бекиёс кашфиётлар килинган.

Комил инсон хақидаги таълимот инсонни юксак камолатга етишини кўзда тутади. Комиллик бу — инсоннинг Ерда қилган ҳамма ишлари маънавий эътиқод билан суғорилишидир.

Ўзбек халқи ўз маданияти ва маънавиятида комил инсонларни вояга етказишга катта эътибор берган. Бунинг натижасида асрлар давомида ақлу заковатга, комусий билим ва кобилиятга эга бўлган Аз-Замахшарий, Абурайхон Беруний ва Ал-Форобий, Абу Али ибн Сино ва Ал-Хоразмий, Амир Темур ва Улуғбек, Алишер Навоий ва Бобур, Оғаҳий каби комил инсонлар етишиб чиқди ва оламга танилди. Улар туфайли халқимиз мағрур яшади, меҳнат қилди, доимо ҳуррият ва эрк сари интилди.

Бизга маълумки, Абу Али ибн Сино буюк комусий олим сифатида тибиёт, риёзиёт (математика), фалакиёт, физика, кимё, биология, доришунослик, рухшунослик, физиология, филология, фалсафа, ахлоқ, эстетика ва бадантарбия каби кўплаб фанларнинг етук билимдони бўлган. Унинг акл-заковати, яратган асарлари Ўрта Осиёдагина эмас, балки Шарқ ва Фарбий Оврупо мамлакатла-

рида ҳам ҳурмат билан тилга олинади. У ҳар томонлама комиллик даражасига етган улуғ инсон бўлган. Абу Али ибн Сино йигирма тўрт ёшида имларнинг ҳаммасидан хабардор бўлиб, Бухорода олимлар билан бўлган баҳсада уларн-и мот қилганилиги маълум. Бундай муваффақиятга олим камолатга эришганлиги туфайли муваффақ бўлган эди.

Абу Али ибн Сино ўз ҳаёти ва фаолияти давомида доимо эзгуликка интилган комил инсон бўлган. Унинг номи ва асарлари ҳамиша тиллардан-тилларга, диллардан-дилларга ўтиб юраверади.

Инсон комилликка интилар экан, зинҳор бу интилишнинг охирига ета олмайди. Шу боис, мен комилман, камолатга эришдим, деган одам хато қиласди. Инсон ўз фаолияти мобайнида, нуксон ва камчиликларга ҳам йўл қўяди. Аммо шу нуксону камчиликларни тушуниб, тузатиб, уларни такоррламасликка ҳаракат қиласидан киши баркамол инсондир. Бу хақда Алишер Навоий шундай деган:

*Ноқис улдирким, ўзин комил дегай,
Комил улким, нуқсин исбот айлагай.*

Инсон камолатига чек-чегара йўқ. Муттасил камолат сари интилмок — тараққиёт боисидир.

Киши умрини баланд ҳиммат билан бойитмоғи шарт. Юксак мақсадлар сари интилмок, инсониятга наф етказиб яшашни ҳаётининг мазмуни деб билмок-ҳиммат баландликдан нишонадир. Алишер Навоий бу хусусда бундай деган:

*Бирорким, анга ҳиммат ўлди баланд,
Эрур олам аҳли аро аржуманд
Ани, анга муфлиски йўқ ҳиммати,
Чу йўқ ҳиммати, йўқ анинг ҳурмати.*

Үтмиш маънавий меросимиз комил инсон ғояси билан чароғон. Ҳазрат Алишер Навоий достонлари-нинг хар бири комилликнинг ўзига хос мезонидир.

Дарҳақиқат, Навоий асарларининг хар бир саҳифаси, мисраси ва хуносасида ана шу мезон зўр куч билан ташвиқ этила боради. Чунончи, буюк шоирнинг «Арбаъин» асарида куйидаги ҳикмат, айниқса, муҳимдир:

*Эл аро яхшироқ, дединг, кимдур,
Эшишиб шубҳа айла раф андин.
Яхшироқ бил ани улус ароким,
Етса кўпроқ улусга наф андин.*

Яъни, эл орасидаги энг яхши одам — улусга (халқка) кўп фойда етказган кишиидир.

Зоро, комил инсоннинг бундан кўра таъсирчанроқ ташвиқини топмок қийин.

Маълумки, Навоийнинг идеал қаҳрамони — Фарҳодdir. Бу қаҳрамоннинг феъл-атворида, юриштуришида, фаолиятида мукаммал инсонга хос фазилатларнинг барчаси жамулжам. У илму ҳунарни бехад муҳаббат билан ўрганади. Мехнатсеварлик, инсоф, ҳалоллик, камтаринлик, химмат ва мурувватпешалик, фидокорлик, покиза табиатлилик, отонаага ҳурмат, тахту-тоҷ, давлат ва бойликка бефарқ қараш, ҳуллас, баркамол инсонга хос нимаики сифат бўлса, ҳаммаси Фарҳодда мужассам эди. Шунинг учун эл, ҳалойик Фарҳодни ғоят севади, туну кун уни дуо килади. Шоирнинг ўзи эса унинг олий фазилатларини мана бундай таъриф этади:

*Демонким, кўнгил пок ҳам кўзи пок,
Тили поку сўзи поку ўзи пок.
Анингдек тийнати покига лойиқ,
Дуосин айлабон поки ҳалойиқ.*

Инсон коинотдаги барча мавжудотлар ичida ҳаммадан улуғи ҳисобланади. Унинг камолати олдида ақл ҳайрон қолади, чунки, инсон ҳакиқат ҳақида чукур ўйлади. Камолат йўлига чиқиш учун у астасекин ўзлигини излайди, оламни танийди. Алишер Навоий «камол эт қасбким» дея даъват қилганларида комиллик учун зарур жуда кўп хусусиятларни назарда тутган. Киши ўзини ҳирс-таъма, нафс, ғафлат, нодонлик сингари майллардан покламаса, у хеч пайт комил бўла олмайди. «Олам уйи»да яаш — унинг фуқаросига айланишдир. Алишер Навоий инсоннинг жаҳон фарзанди мавкеига кўтарилишини хоҳлаган. Худди шу мавқени эса камолатнинг олий чўққиси деб билган.

Навоий ўз даврида комил инсонларни «ахли маъни» деб билган. «Ахли маъни» бу фикрли одамлардир. Фикрсиз ҳалойикнинг онгига маъни чукурлиги бўлмайди. Фикрлаш — ҳакиқатни англашдир. «Ахли маъни» деганда окил ва доно, камтар ва олижаноб, ҳакиқатпарвар ва фидоий кишиларни тушуниш керак. Бундай фазилатларга эга бўлган кишиларнинг тафаккур қилиши кенг бўлади.

Чунки уларда ақл оддий сўз ва тушунчалардан эмас, балки диёнат, адолат, инсоф, иймон, ишқ дард тухфаларидан камол топган бўлади.

Алишер Навоийнинг фикрича, ахли маъни, яъни маънили кишилар маънавиятли етук шахслардир. «Ҳайрат ул аброр» достонида етук шахснинг маънавиятидаги яхшилик, саховат, софлик, хаё, мурувват, андиша, адаб, камтарлик, садоқат, каноат, ростгўйлик, бағри кенглик сингари фазилатлари таърифланиб, руҳий камолат йўллари таҳлил этилган.

Навоийнинг фикрича, ёш авлодни камолатга етказиш деганда, уни ҳалқпарвар, билимли, энг яхши

фазилатларга эга кишилар қилиб етишириш англашилади. Бунда тарбия етакчи роль ўйнайди шу билан бирга Навоий тарбия таъсирига берилувчи, кобилиятли ўкувчи болалар бўлгани сингари, ёмон хулкли болалар ҳам борлигини, уларни тузатиш мумкинлигини айтади. Бола шахсининг камолатида тарбиянинг юксаклигини қайта-қайта таъкидлайди.

Инсон гўзал хислатлар, яхши фазилатлар, нурдек покиза умид-ниятлар билан комилликка — камолатга интилиб боради. Ҳаётнинг ҳамма аччик-чучугини, роҳату азобини, меҳнату машакқатини тотиб, булардан намунаю ибрат олиб, яшаш ва яратиш иктидорига эришади; инсон мингларча йиллар мобайнida бошидан кечирган барча тажриба-сабоқларидан хulosса чиқариб, мунавар ўйлга чиқкан.

Дунёда инсонга тухфа этилган ақл неъмати шундай кудратли кучки, у билан одам ўзини истаган холатда тарбия эта олади, ҳар қандай азоб-машакқатни, ҳар қандай ёмонликни, энг мураккаб муаммоларни ҳам ақл неъмати билан енгади ва ҳал этади. Руҳий камолат одам қалбida эзгуликнинг юксак кошонасини яратади.

Ақл-заковатнинг камоли ўқиш, ўрганиш, тахлил этиш, идрок қилиш, эътиқод қўйиш, ҳаёт тажрибасини эгаллаш билан рўёбга чиқади. Ёш ниҳолнинг басавлат дараҳтга айланиши парваришга боғлик бўлганидек, одам боласининг комил инсон бўлиб етишиши учун уни мурғакликдан тарбиялашга эътибор бериб бориш лозим.

МИЛЛИЙ, ШАРҚОНА ТАРБИЯ МЕЗОНЛАРИ

Давлатимиз сабит қадамлар билан ўз тараққиёт йўлидан бормоқда. Бу йўл — миллий хусусиятлар,

қадриятларни тиклаш, саклаш, ривожлантириш, миллий ғуруримизни уйғотиш, ватанпарварлик ва умуминсоний қадриятларга асосланган мафкура негизида камолатга эришиш йўлидир. Бу эса, ўз навбатида, собик шўро тарбия назариясида ўрганилиши мумкин бўлмаган миллий одоб, миллий эътиқод, иймон-диёнат каби инсоннинг бутун миллий хусусиятига бевосита боғлик фазилатларни ёш авлоднинг шахсий сифатларига айлантиришни долзарб вазифа қилиб қўйди.

Шу тарйқа юқоридаги фазилатларни шакллантиришни ўз ичига оловчи янги педагогик йўналиш дунёга келди. Дарҳақиқат, миллий тарбия — Ўзбекистон миллий мустақиллигининг педагогик максади ва шартидир.

Миллий тарбия Ўзбекистоннинг давлат мустақиллигини мустаҳкамлаш ва амалга оширишга тайёр фарзандларни тарбиялаб вояга етказишга хизмат қиласи.

Бу максадга эришишнинг ўзига хос назарий муаммолари бор. Шулардан бири — миллий тарбия назариясининг асосий қоидалари ва илмий тушунчалари яратилмаганлигидир. Иккинчи муаммо — «Ўзбекистон мустақиллигини амалга оширишга, мустаҳкамлашга тайёр фарзандлар қандай фазилатларга эга бўлиши керак?» деган саволга аниқ, тажрибада асосланган жавоблар олиш масаласидир. Буларнинг барчаси Ўзбекистон мактабларида миллий истиқлол тарбиясининг мезонларини илмий асослаш заруратини вужудга келтирмокда.

Ўзбекистон мактаблари ўқувчиларини миллий тарбиялаш мезонлари мустақиллик туфайли янада долзарб аҳамият касб этган шахснинг миллийлигига бевосита алоқадор бўлган фазилатларни сингдириш тамойилидан келиб чиқиб белгиланади.

Миллий тарбия мезонларини белгилашда мустақил Ўзбекистоннинг ижтимоий буюртмаси бўлмиш ижобий сифатлар: миллий ифтихор, ватанпарварлик, миллатлараро мулокот маданияти, миллий одоб, виждонийлик, иймон-эътиқод, миллий истиқлол мағкуравий онгини ривожлантириш зарур. Уларнинг акси бўлган салбий сифатлар: миллий бефарқлик, ватанфурӯшлик, хоинлик, манқуртлик, миллатчилик, маҳаллийчилик, виждонизлиқ, мағкурасизлик кабиларга нафакат уйғотиш даркор. Бу ишларни бир-бири билан узвий боғлаб олиб бориш ўқитувчи-тарбиячи томонидан маҳсус мезон килиб олиниши керак.

Милий тарбия мезонларини белгилашда ўқувчиларнинг ёш, ақлий имкониятлари эътиборга олиниди. Қуйида бошланғич синф ўқувчисининг миллий тарбияланганлик кўрсаткичлари ва мезонлари қандай бўлишининг тахминий намунасини келтирамиз.

Ўзбекистон — Ватаним менинг. Ўзбекистоннинг табиий, маънавий, жуғрофий ва миллий хусусиятини англаш; ўлканинг ўтмиши, хозирги ҳаёти ва келажаги ҳақида тушунчаларга эга бўлиш; Ўзбекистоннинг, ўзбек халқининг қаҳрамон фарзандлари хизматларини билиш; Ўзбекистон Давлат рамзларини билиш.

Миллий ғурур асослари. Ўзининг ўзбек миллатига мансублигини англаш; «ўзбек халқи» тушунчалигининг маданий моҳиятини тушуниш, ўзини ўз миллатининг фарзанди деб билиб, миллий бурчларини англаш; она тилини чексиз севиш, шу тилда тўғри сўзлаш ва фикрлаш.

Миллий одоб. Аввал саломлашиб, кейин сўз бошлаш; ўзбек халқида «яхши», «ёмон» деб баҳоланув-

чи хулқ намуналарини билиш, барчани «сиз»лаш, ўзидан катта ва кичикларни иззатлаш, дўстлик бурчларини билиш; устозларни эъзозлаш муносабати, уят сўз, сўқинишга, одобсизликка салбий муносабат билдириш.

Виждонийлик. Бирор ишга кўл уришдан аввал «Бу илмга одамлар нима дейишаркан?» деган мулоҳаза ва андишага бориш, ростгўйлик, яхши хулқ ва ёмон хулкнинг фаркларини тушуниш, яхши хулққа ижобий, ёмон хулққа салбий муносабатини билдириш, кўнглидаги гапни очик айтишга ўрганиш.

Шу тушунчалар моҳияти очиб берилиши лозим.

ВАТАННИ СЕВМОҚ ИЙМОНДАНДИР

Ота-боболаримиздан колган меросий анъаналардан бири — ўзи туғилиб ўсган ватанига, хонадонига, эл-улусига чексиз иззат-эҳтиром туйғусидир. «Ўзга юртнинг султони бўлгандан кўра, ўз юртнинг гадоси бўл» деган гаплар ҳам донолардан колган. Аждодларимиз ўз эл-юртларининг чинакам фидойилари, ўз ватандошларининг муҳибу меҳрибонлари бўлганлар. Киндик қонлари томган тупроқнинг бир сикимини ўзга юртнинг олам-олам бойлигию бехисоб зарларига алмаштирганлар. Бу одат ўзбек халқининг қон-қонига сингиб кетганки, у ўз гўшасини хеч қачон ўзгаларнинг қаеру кошоналарига алмаштиришни раво кўрмайди, «Она юртинг — олтин бешигинг», «Ўз уйим — ўлан тўшагим», дея бор меҳру муҳаббатини ўз юрти, ватани, уйи, хонадони ахлига улашиб, гоҳ тўқлик бўлсин, гоҳ йўқлик бўлсин, шукур қилиб яшайверади.

Мана бу фазилатни ватанни севиш, ватанпарварлик, дейилади.

Ўзбек халқ оғзаки ижодида, фольклорнинг катта-кичик жанрларида, яъни митти мақоллардан тортиб, йирик эпик асарлар — қаҳрамонлик, ишқий, романтик достонларда бош мавзу юртсеварлик оҳанглари бўлиб келган. Дарҳақиқат, Ватан йўлида фидойилик кўрсатиш фазилати ва халқ характери, у тарбиялаган баҳодирлар хатти-харакатларида алоҳида кўзга ташланади. Фольклор намуналарида таъкидланишича, бир сиким муқаддас она тупроқ узок ўлкага отланган баҳодирни хатто шунқор учб үтолмайдиган тоғлардан, асов дарёлардан, қуш учса қаноти, одам юрса оёғи куядиган чўлу сахролардан олиб ўтади, душманлар хаммасидан саклаб қолади, мақсадга етказади ва она юритига соғ-омон қайтаради.

Ўзбек халқ достонларида она диёрнинг бебаҳо тимсоли яратилганлиги уларнинг ғоявий мазмунини янада чукурлаштирган. Достон қаҳрамонлари учун она диёрдан ортиқ муқаддас жой йўқ, улар ўз юртлари иштиёқида ёнадилар, азиз юртнинг бир қариб ери, бир сиким тупроғи учун жон олиб, жон берадилар. Бу хусусият, айниқса, «Гўрўғли» достонларида жуда кучли намоён бўлади. Халқ баҳодир Гўрўғли тилидан шундай дейди:

*Юртга душман кўз олайтиrsa,
Қараб турмас йигит марди,*

Ёки:

*Юртни қўриди душман эллардан,
Ёвлар келса тайёр эди Гўрўғли.
Халқقا душман Гўрўғлининг
душмани,
Уларни қийратар эди Гўрўғли.
Ўз вақтида ман-ман деган шохларни,*

Ушлагандан отар эди Гўрўғли.

*Элга ғаним қўшин тортиб келгандা,
Шунда жонин тиккан эди Гўрўғли.*

Бу термадаги ғоя «Гўрўғли» туркумидаги достонларнинг бутун моҳиятини белгилайди, дейиш мумкин. Уларда яратилган афсонавий Чамбил эли тимсолида кенг маънодаги диёр — юрт образи хар томонлама мукаммал яратилади. «Гўрўғли» достонларининг асосий мавзуларидан бири — юртсеварликни чуқур очишга қаратилгандир. Шу она юрт образи орқали баҳшилар кишиларда ватанпарварлик, юртни чуқур сева олиш туйғуларини шаклантириб, уларни тобора ривожлантирганлар.

Халқ мақолаларида ҳам бу ғоя ўз аксини топганлигининг гувоҳи бўламиз:

*Булбул чаманин севар,
Одам — Ватанни.
Она юртнинг омон бўлса,
Ранги-рўйинг сомон бўлмас.
Элдан айрилгунча, жондан айрил.
Ўзга юртнинг данғиллама саройидан,
Ўз юртнингнинг кулбаи вайронаси яхши.
Юрт қўриссанг ўзарсан.
Кўримаснг тўзарсай.
Юрти бойнинг ўзи бой.
Юрт билан бўлган етар муродга,
Юртдан айрилган қолар уятга.*

Халқ оғзаки ижоди асарларида энг таъсирили, энг ширин сўзлар Ватанни севувчи, унинг ташвишини ўзининг ташвиши, унинг кувончини ўзининг севинчи деб билувчи, она диёр шаъни учун курашувчи кишилар шарафланади, энг ёмон сўзлар ва кора бўёқлар салбий образларга нисбатан қўлланади.

Халқ наздидә ҳар қандай гуноҳни кечириш мумкин-у, аммо, ватан хоинини кечириб бўлмайди.

Боболар айтадиларки:

— Ўз ватанини севмаган одам — ёмон одам.

Кимда-ким ўз она диёрининг замини-ю, оқар сувларини, кимсасиз чўллари-ю, дала-даштларини қалдан сева олса, ундаи одам кам бўлмайди, завол кўрмай камол топади. Ватан хоини эса халқ қаҳр-ғазабига учраган кишидир. Вақти келиб унга ҳатто бир қарич ер.хам, кафанди ҳам буюрмайди. «Бир сиким она ертупроғи бир ховуч олтиндан киммат», — деб бежиз айтилмаган.

— Ўз ватанингни, миллатингни севолсанг, уни қадрлай олсанг, ўзгалар юртини ҳам сева оласан. Ўз уйинг, ўз қишлоғинг, ўз шахаринг, ўз она-диёрининг фидойиси бўла олсанг, қардошинг ватани учун ҳам жонкуяр бўла оласан.

Кишиларимиздаги она-Ватанини севиш, унинг йўлида фидойилик кўрсатиш туйғуси, айниқса фашизмга қарши уруш даврида бутун дунёни қойил колдирди. Қалбida она-Ватан туйғуси жўш урган минглаб ўзбек ўғлонлари фашист каллакесарларга қақшатқич зарба бериб, чексиз фидойилик ва матонат намуналарини кўрсатдилар, ўз номларини абдий шарафга буркадилар.

Ватан туйғуси ҳар кимнинг қонига она алласи, болаликда эшитган шеър, қўшиклари билан киради. Ватанпарварлик туйғуси гўдакликдан бошлаб шаклланса у сўнгги нафасгача бокий бўлади. Ватан ва ватанпарварлик хиссини, миллат туйғусини ҳар бир ўзбек фуқароси чуқур англаши, айниқса ўзбекистонлик бўлганидан, шу юртга дахлдорлийгидан фахрланиши лозим.

Ватанпарварлик — бу Ватанимиз халқига, унинг анъаналарига, тили ва маданиятига муҳаббат ва хурмат билан қараваш хамда уни ривожлантиришга ўз хиссасини қўшиш, унинг ҳақиқий жонкуяри бўлишдир.

Ватанпарварлик — бу Ватан олдидаги масъулият, миллат манфаати билан яшаш, Ватан тараққиётини, миллат обрўсига обрў қўшиш, унга фойда келтириш, фидойилик, ҳалоллик билан меҳнат қилиш, ҳалқнинг шон-шуҳрати ва манфаатини ўйлаш, инсонпарвар бўлиш демакдир.

Она-юрт тупроғи шу қадар муқаддаски, уни дунёдаги хеч нарсага қиёслаб бўлмайди. Ноҷору ноиложликдан охирги чора излаб, ўзга юртларга бош олиб кетган юртдошларимиз бизлардан анча бой, фаровон яшасалар-да, барибир, ўша бойликлардан келган баҳту саодатнинг бир чеккаси кемтик эканлигини чуқур хис этиб турадилар. Бу ўз она-ватанинг бир сиким тупроғига зорлик, қачон бўлмасин ўзи учирма бўлган хонадонига қайтиб, ўз тупроғига коришиб кетиш илинжидир. Ватан шу қадар азиз, шу қадар мўътабарки, ундан бир қадам йирок кетган киши буни яхши билади.

Ватандан узоқда — буюк империяни вужудга келтирган, шоҳлик салтанатида нашъу намо сурган Захириддин Мухаммад Бобур она юрти Андижонни лоқал бир бор кўриш орзусида ҳасрат-надоматлар чекиб оламдан кўз юмган бўлса, эл севган шоир Фурқат киндик қони тўкилган Қўқондан йироқ яшаш азобини шундай таърифлайди:

*Фигонким, гардиши даврон, аиирди шах суворимдин,
Ғамим кўп, эй кўнгил, сен бехабарсан оҳу зоримдин.
Адашган им каби Фурқат қаён боргум билолмасман,
Қачон бўлғайким, топгаймен, хабар ёру диёrimдин.*

Ватан меҳри, ватан ишқи шу қадар буюк. Унга бўлган меҳр инсон қалбига шу қадар муқим ўрнашганки, хеч қандай куч бу туйғуни зўрлик билан ситиб чиқаролмайди. Хусусан, бизнинг аждодларимизда бу туйғу кўнгил тубида жуда чуқур томир ёйган. Уларнинг авлодлари хисобланмиш бизларга ҳам, бу туйғу теран сингиб кетган.

ТАРБИЯДА МИЛЛИЙ УДУМ ВА ОДАТЛАР

Тарихнинг гувоҳлик беришича, ҳар бир ҳалқ ва миллат ўзларининг энг ибтидоий давридан, яъни уруғчилик даврдан бошлаб, ўзлигини намоён килишга, миллийлигини саклаб қолишга ва уни тобора ривожлантириб боришга харакат қилиб келгандар. Тарбиянинг бундай кўринишлари ва унинг ўзига хос шакллари хилма-хилдир. Шу ўринда миллий қаҳрамон Спитаменning ватанпарварлик йўлида олиб борган мардонавор курашлари юкоридаги фикримизга далил бўла олади.

Илм-фандада мўъжизалар яратган Мухаммад ибн Мусо ал-Хоразмий, Абу Наср Форобий, Аҳмад Фарғоний, Абу Али ибн Сино, Абу Райхон Берумий ва бошқа кўплаб аждодларимиз қайси заминда яшамасин, қайси тilda асарлар яратмасин, ўз элини, урф-одатларини унутмаганлар, доимо «ўзбек» деган номни улуғлаганлар.

Миллий анъаналаримизни ўрганишда Махмуд Кошғарий ва Юсуф Ҳожиб сингари машҳур сиймолар хизматлари ҳам бекиёсдир.

Амир Темур, Мирзо Улуғбек, Алишер Навоий, Захириддин Муҳаммад Бобур, Абдулғози Баходирхон, Нодирабегим, Усмон Носир, Абдулла Қодирий каби ёркин сиймоларнинг саъй-харакатларини айтмайсизми?! Ҳақиқатан ҳам, бу давр

эл-юртимиз тарихини, маданиятини ва санъатини ўрганишнинг олтин даврини ташкил этади. Урфодатлар, маросим ва удумлар ўз-ўзича бошқа ҳалклар маънавиятидан айрича тараққий этмаган албатта. Аксинча, миллий анъаналаримиз кардош-қозоқ, қирғиз, туркман, тоҷик ва озарбайжон ҳалкларининг таъсирида яратилган, тараққий топган.

Ҳар бир ҳалкнинг ана шу улкан маънавий қадриятлари чуқур томир отиб кетган ўқ илдизлари билан жаҳон маданиятида ўзига хос ўрин тутади.

Туркистон қадим-қадимдан ҳунармандчилиги, пазандачилиги, дехкончилиги, илм-фани, санъати ва адабиёти, бир сўз билаи айтганда маънавияти юқсаклиги жиҳатидан оламга машҳурдир. Меҳнатсеварлик, ерга меҳр қўйиш, қасбига ихлос, меҳмондўстлик, меҳр-шавқатлилик, одамгарчилик, ота-онага ҳурмат, катталарни сийлаш, ака-ука, опа-сингил, қариндош-уруғлар ўртасидаги меҳроқибатлилик, пешона тери эвазига топилган ризқнасибасига қаноат қилиб яшаш, бева-бечораларга мурувватлилик ҳалқимизга хос одатлардир. Бу урфодат, анъана ва маросимларда ҳалқимизнинг қатор ноёб фазилатлари, инсонпарварлик хислатлари мужассам.

Одат — ҳалкларнинг ички муносабатларини тартибга соловчи мезон ва анъаналар мажмуаси. «Одат» сўзи удум, урф, анъана ва маросим тушунчалари ўрнида қўлланилади.

Маросим эса одатнинг амалий кўринишидир. Узбек ҳалқи жуда ҳам бой хилма-хил одат ва анъаналарга эга.

Миллий урф-одатлар, анъаналар тарихий-ижтимоий категория бўлиб, улар муайян миллатнинг

тарихии тараққиети жараенида авлоддан авлодга ўтиб қелган ишлаб чиқариш, тирикчилик, майшат, хулқ-атвор ва бошқаларда ўзига хосликка эга бўлиб, расм-русумга айланган муносабатлардир. Урф-одатлар асрлар давомида яшаб, кишиларнинг ахлоқий нормаларига айланган ҳолда, уларнинг қон-қонига, хатти-харакатига, кундалик турмуши шаклларига сингиб кетади.

Кишиларнинг ўз халқи урф-одатлари ва анъаналарига амал қилмасликлари халқ қадриятларини билмасликка олиб келади. Чунки хар бир миллий урф-одатларимиз, анъаналаримиз негизида миллий рух, маънавият, қадр-қиммат каби улуғ инсоний фазилатлар ётадил

Ўз қадр-қимматини билиш кишини худбинликдан сақлайди, ўзини бошқалар томонидан камсилишига йўл қўймайди. Шунингдек, ўз қадр-қимматини, иззат-нафсини хурмат қиласидан инсон ўзгаларни хўрламайди, у факат яхшилик қилишни ўйлади.

Инсон боласи ёшлигидан яхши ва ёмон одатларнинг қайсисига кўникиб, ўрганиб қолган бўлса, бу одат уни бир умр тарк этмайди. Шунинг учун хам халқимизда «Ёшликда ўрганган ҳунар, ўзингга ўлжага қолар» каби мақоллар бор.

Қуйида тарбиявий аҳамиятга эга халқ удумлари, урф-одатларидан айримлари устида фикр юритамииз.

ФАРЗАНД КЎРИШ БИЛАН БОҒЛИҚ БЎЛГАН УДУМЛАР

Ислом дини таълимотига кўра фарзанд кўрган ота-она зиммасига қуйидаги вазифалар юклатилиди: туғилган бола қулоғига аzon айттириш, унга муносиб исм қўйиш, жонлик сўйиб ақиқа қилиш, ўғил бўлса қўлини ҳалоллаш, ахлоқ-одоб, илм-

хунарга ўргатиш, бўйга етганда муносибиға уйлаш, узатиш-бошини иккита килиб қўйиш кабилардир. Одатга кўра ота-боболаримиз таваллуд топган боланинг қулоғига биринчи навбатда бир мулла чақириб, аzon айттирганлар.

Бобокалонимиз Абу Али ибн Сино гўдак чилласи тўғрисида минг йил бурун айтиб кетган фикрлар бугунги кунда хам ўз аҳамиятини йўқотмаган.

Таваллуд топган чақалок тўнғич фарзанд бўлса, бозордан бешик сотиб олинади. Одатда бешикни келиннинг ота-онаси олиб келишади. Иккинчи ёки навбатдаги фарзанд туғилган бўлса, опа-акасининг бешигига беланади.

Мустаҳкам, қулай, хосиятли битта бешик бир оиласидаги ўн фарзанднигина эмас, уч-тўрт авлодни тарбиялаб, вояга, етказиши мумкин. Ўзбеклар, тоҷикларда бобоси, отаси ётган бешикда парвариш топган болалар бор. Ёш оналар ихлос қўйиб, мана шундай хосиятли, кўхна бешикларда ўз чақалокларини боқиши афзал қўрадилар. Ўзбек шунинг учун бешикни муқаддас билиб, уни хеч қачон чақалоғи бўлмаса хам ташлаб юбормайди. Ҳамиша ўзи, оиласи билан бирга олиб юради.

Бешик бор жойда бола бўлади. Бола бор жойда алла айтилиши табиий. Оналар қадимда ўз болалари бешиги тепасида кечаси бўлсин, кундузи бўлсин, алла айтиб келишган. Аллаларда халқ турмушининг жуда кўп кирралари ўз инъикосини топган. Алла ўз оҳанги билан болага она нафасини етказиб туради. Гўдакни хотиржам қиласи, элитади, ором олиб ухлашига имкон беради.

Аллаларга оналар ўз хис-туйғулари, орзу-армонлари, истак-ниятларини, дард-ҳасратларини ҳам қўшиб айтганлар. Алла тарбиявий, дидактик, анъанавий ижод намуналаридан иборат бўлган. Алла

тинглаган бола онага меҳрини сут билан ўз шуурига сингдиради. Аллаинсон онг катламларида бир умр мунгли, ҳазин, нурли қўшиқ бўлиб сақланиб қолади. Алла эшитмаган болада бу хусусиятлар бўлмайди. Алла нафакат онанинг болага меҳри, балки боланинг онага меҳро-оқибатининг ҳам манбаидир.

Болага муносиб исм танлаш ва қўйиш ҳам азалий одатдир. Ҳалқ орасида одам боласи ўз хулқатвори, феъли ва шу жумладан, исми билан билинди, деган гап бор. Ота-оналарнинг энг муҳим бурчларидан бири ўз фарзандларига муносиб номни топиб қўйишдан иборат.

Болага исм қўйиш ғоятда жиддий, масъулияти удум саналиб, бу исм бўлажак фуқаронинг келажак такдири — хаёт йўлига таъсир қилади, деб тушунилган. Шунинг учун ҳам уруғ, касб-кор-у сулола мавқеига мос исм қўйиш тақозо қилинган.

Аввало исмлар мавруди билан худо ва пайғамбарларнинг номлари асосида Расул, Ақбар, Наби, Ғани, Мухаммад сингари аталган. Бу билан фарзанд оллойи таолонинг марҳаматидан дунёга келди, умри узун бўлсин, худо ёрлақасин, деган ният қилинган. Худойберди, Оллоберди, Тангриберди сингари исмлар аксарият пайтларда қизлар орасида туғилган ягона ўғил болага, тилаб олинган фарзандларга қўйилган. Бола туғилган фасли, вакти ва маросим даврига караб: Бахор, Наврӯз, Тўйчи, Чўли, Байрам сингари номлар билан аталган.

Чакалокнинг оиласидаги ўрнига караб Эргаш, Уғилой, Қўчкор каби номлар берилган. Бадан белгиларига караб Холдор, Ортиқ, Қудрат, Суннат, Нортожи деб қўйилган.

Туғилган қизларнинг када^{*}ми хайрли келсин деган ниятда Муборак, Муқаддас, Шарофат, Хай-

ринисо, Умринисо, Робия, ой-қуёшдек бўлсин дея Мунаввар, Шамсиқамар, Ойпари, Ойгул аталган. Гулу чечаклардек нафис, муаттар ва ёқимли бўлсин деб Гулранг, Гулчехра, Наргиз сингари исмлар кўйилган.

Кўпинча боланинг қайси кунда туғилганлиги хисобга олиниб, унга исм танланган. Бозорвой, Тўйчивой, Хайтвой, Жумавой, Чоршанба сингари номлар ана шундайлардан хисобланади.

Исл қўйиш одатида ўғил-қизга ота-онанинг, ака-опаларининг исми ҳам муайян ўрин тутади. Кейинги номлар шу исмларга монанд тарзда қўйилади. Масалан, Наим, Карим, Салим, Махмуд, Маъсуд, Максад сингари.

Ўзбек оиласидан эр-хотинлар бир-бирининг номини айтиб чақиришмаган. Жуда зарурят туғилганда, улар бир-бирларини катта фарзандларининг номи билан аташган. Бу хол шарқона нафис муносабатнинг бир белгисидир. Ўзбекчиликда тарбия ўғил-қизга ном бериш, исм қўйишдан бошланади. Ота-онанинг бурчи боласига муносиб исм қўйиб, қўлини ҳалоллаб, бошини иккита қилиш эканлигини Сиз ҳам эшитгансиз. Шунинг учун ҳалқимизда «ота бўлиш осон, оталик қилиш кийин» деган накл бор. Мураккаб хаёт йўлида тўғри исм олган ўғил-қиз ота-онанинг, авлоднинг муносиб давомчилари бўлиб, бу йўлда катталарга ёрдам беришлари талаб қилинади.

Кексаларни хурмат қилиш, уларнинг маслаҳатларини, йўл-йўрикларини олиб иш тутиш, панднасиҳатларига қулоқ солиш ва унга амал қилиш қадим-қадимдан ўзбекларга хос одат бўлиб келган.

Нонни эъзозлаш одати қадим-қадимдан то шу кунгача давом этиб келмоқда. «Нон — иймондек

азиз, хидида хаёт бор», «Нонга хурмат, элга хурмат», «Нон мўллиги — эл тўклиги» каби қатор халқ мақолларини нон ҳақида бўлган сухбатларда ишлатиш ўринлидир.

Масалан, меҳмон кутганда дастурхонга биринчи бўлиб нон қўйилиши, икки ёшни унаштириш маросимида патир ушатиш одати, чақалоқни бешикка солганда бошига нон қўйиш, йўлга чиққанда ўзи билан бирга нон олиб кетиш энг яхши одатлардир.

Ўтмишда ўз хато-камчиликларини тан олмаганларни муқаддас китоб «Қуръон» билан, сўнгра «Нон билан қасам ичдиргандир.

Халқимизнинг ажойиб одатларидан яна бири сувни эъзозлашдир. Ота-боболаримиз сувнинг бир томчисини ҳам нобуд қилмасликка интилганлар. Сувга туфлаш, унга мағзава ва чикиндиларни оқизиш, турли хас-чўп ва ахлатларни ташлаш гуноҳ хисобланган.

Сув — хаёт демакдир. Сув бор жойда одам яшнайди, ўт-ўлан, экин-текин, гул ва дараҳтлар гуркираб ўсади. Қурт-кумурсқадан тортиб одам ва хайвонларгача сувдан баҳраманд бўладилар.

Сувнинг қадрига етмаслик, уни нес-нобуд қилиш, авайлаб ишлатмаслик қанчалик оғир оқибатларга, табиятдаги мувозанатнинг бузилишига олиб келишини Орол денгизининг қуриб бораётганида яқкол кўришимиз мумкин. Денгиз сувнинг тобора камайиши унинг атрофида яшаётган ахолининг соғлигига жиддий путур етказмокда, атрофдаги экологик вазиятнинг бузилишига олиб келмокца.

Эндиликда Оролни куткаришга бутун жаҳон жамоатчилигининг диккат-эътибори жалб қилиниб, катта маблағлар сарфланиши кутилаётган бир ша-

роитда халқимизнинг сувдан ҳамма жойда тежабтергаб фойдаланиш ҳақидаги азалий удумини ҳамиша ёдда сақлаш, уни ўқувчилар онгига сингдириш айни муддаодир.

Қўни-қўшничилик, меҳмондўстлик, ҳашар каби ажойиб одатларимиз энг мұтабар инсоний хусусиятлар сифатида яшаб келмокда.

Ўзбек халқ маколларида «Ён қўшним-жон қўшним», «Узоқдаги қариндошдан-яқиндаги қўшни яхши» дейилган бўлса ҳадисларда қўшничилик тўғрисида шундай дейилган: «Ёнида қўшниси оч туриб, ўзи тўйган одам мўмин эмас» Бу чукур маъноли гапда одамларни инсоф-диёнатга, меҳроқибатли бўлишга чорлайдиган ажойиб ўғитлар ўз ифодасини топган.

Меҳмондўстлик ўзбек халқимизга хос ажойиб бир удум. Халқимиз ўзи чор-ночор яшаганда ҳам топганини меҳмондан аямайди, унинг дилини хушнуд қилишни истайди. Бу саҳоватликнинг, улуғворликнинг белгисидир.

Буюк бобокалонларимиз А. Навоий, Улугбек, Бобур каби даҳолар хаёти ва фаолиятлари билан танишганимизда, А. Қодирийнииг машхур «Ўтган кунлар» романидаги Отабек ва Кумушби билар ўсган хонадонлар оила тарбиясида, ўзаро муомалада юксак бир одоб-ахлоқ намунаси эканига гувоҳ бўламиз. Бу оиласларда ота-оналарнинг фарзандлар билан, ҳатто устозларнинг шогирдлар билан ўзаро муомалада «сиз»лаб гапиришлари, оиласдаги фарзандлар ва тенгқурлар ҳам ўзаро сўзлашувда «сиз»лаб муомала қилишлари ниҳоятда ибратлидир. Бу файзли урғодатларимиз кишилардаги меҳроқибатни, ўзаро хурмат-иззатни, ўртоклик, дўстлик ришталарини янада мустахкамлашда катта ахамият касб этади.

Шунинг учун доно халқимиз «сен» ҳам бир оғиздан чиқади «Сиз» ҳам, деб бекорга айтмаган.

Бу одатларимизга хозир ҳам кўпгина оилаларда амал қилинади. Тарбиявий ишларни яхши йўлга қўйган, бу удумимизнинг моҳиятини чукур англаб олган ўқитувчиларимиз унга амал қилиш борасида ўқувчиларда кўникума ва малака хосил килдиргандар.

Катта тарбиявий аҳамиятга эга бўлган оилавий удумларимиздан яна бири дастурхон атрофида ўтириш, оилавий овқатланишдир. Одат буйича дастурхон атрофидаги оддий сухбатда кексалар тўрда, ундан кейин ота-она, aka, опа, келин, сингил, укалар ўтиради. Энг ёш болалар катталар ёнида ўтиришлари керак. Барча оила аъзолари тўпланиб, дастурхонга таом тортилгандан сўнх шу ердаги ёши улуғнинг рухсати билан овқатга кўл узатиш лозим. Ёши катталарни хурматлаб, улар обрўси ва иззатини ўз ўрнига кўйиш — бу одатимизнинг асосий максадидир. Чой атрофидаги сухбатда чойнак, пиёла, тагликларнинг тозалаб ювиб-артилиши, хар бир киши учун алоҳида пиёла тутилиши гигиена талаби бўлса, чойни уч марта пиёлага қўйиб, чойнакка ағдариш ҳеч қандай ирим-сирим бўлмасдан, балки чой таъминнинг бир хиллигини таъминлаш учун қилинади. Чойни ёши катталар қўйиб, ёшларга узатиши эса одобга зид бир ҳолдир.

Овқатланиб, чой ичиб бўлгандан сўнг дастурхон атрофидаги кекса ёки ёши каттарокдан дастурхон ва таом ҳаки дуо фотиха ўқинг, деб сўралади.

Илгариги пайтларда халқимизнинг энг олижаноб оилавий ағъланаларидан • бири кечалари отаоналарининг болалари билан танча атрофида ўтириб тарбия, одоб, ахлоқ, ҳақида мароқли сухбатлар ўтказишлари бўлган, Бунда улар ўзбек халқ эртак-

лари, достонлари, Қуръони Карим ва Ҳадислардан одамларни ҳалолликка, покликка, диёнатга ундовчи ривоятларни мисол келтириб, турмушда, хаётда учраб турадиган салбий воеа-ходисаларга атрофлича баҳо бериш асосида фарзандларини тўғри йўлга бошлаганлар.

Ўзбек халқининг турмуш тарзига сингиб кетган яхши ва ижобий урф-одатларимизнинг кўпчилиги халқни, жамиятни фақатгина яхшиликка — олижаноб инсон, ахлоқи пок, жисмоний соғлом, эътиқодли шахс бўлиб етишишига хизмат қилиб келди.

Халқимизда кўп яхши, ибратомуз урф-одатлар борки, уларни бугунги кунда ҳам кенг қўллаш фойдадан ходи эмас. Масалан, қадимда фарзанди вояга етмаган ёки фарзандсиз кишилар хусусан, қариялар бирор-бир юмушлари учун ҳеч қачон мардикор ёлламаганлар. Мабодо ёллагудек бўлсалар, бу-хол шу маҳаллада истиқомат қилувчи ёш-ялангларнинг иззат-нафсига теккан; ён-атрофида тайёр дастёrlар турганда четдан одам олиб келиб, юмуш буюриш қаттиқайб саналган. Қишида кор курашми, кузда том сувашми, ўтин ёриб сув ташишми ёки экин-тикин ишларими — ҳамма-ҳаммаси қўни-кўшни болалари ёрдами билан бажарилган. Оиласда эркаги бўлмаган аёллар эса, бозор-ўчар ишлари, ўтин ёриш, сув ташиш ташвишларидан бутунлай озод бўлганлар. Бунинг учун бўш чеалкларни кўча дарвозаси олдига чиқариб қўйиш, ўтин ва болтани ташқарига қўйишнинг ўзи кифоя қилган. Буларга қўзи тушган йўловчилар таниш-нотанишлигидан қатъи назар, чеалки сув билан тўлдириб, ўтинни ёриб кетаверишган.

Мана шундай беминнат ҳожатбарорлар уй сохибидан пул сўрамаганлар, бирор нарса таъма ҳам

килмаганлар. Чунки ёшлар бирорларнинг ҳожатини чиқармоқ учун ўзларини хамиша вазифадор деб хисоблаганлар. Бу кимматли удумимизни айни вактда ҳам қайта тикламоқ зарурий ишлардан биридир. Ёшларимиз ота-боболаримиздан мерос бўлиб қолган ушбу одатларни тиклашга хисса қўшсалар айни мудда бўлар эди. Бу эса уларнинг келгуси камолатини, ризқу рўзларининг баракасини ва ҳеч қачон завол кўрмасликларини таъминлаган бўларди. Зотан доно ҳалқимиз: "Ердан айрилсанг ҳам элдан айрилма", "Эл ишини эр йигит қилур, эр йигит кадрини эл билур", — деб бежиз айтмаган. Ёшларимиз ана шу доно гапларга амал қилишлари максадга мувофиқдир.

XV боб. ТАРБИЯ УСУЛЛАРИ

• Тарбия методлари (усуллари) — ўқитувчи-тарбиячининг ўқувчиларга таъсир кўрсатиш усуллари, уларга ижобий хулқ-атвор кўникмалари ва малакаларини сингдириш мақсадида уларнинг ҳаёти ва фаодиятини тарбиявий жихатдан тўғри ташкил этиш йўлларидир. Аникроғи, тарбия усули деб тарбиячининг болаларда ахлок-одоб фазилатларини таркиб топтириш мақсадида уларнинг онги ва иродасига таъсир этиш йўлларига айтилади. Тарбия усуллари тарбиянинг мақсади ва мазмунидан келиб чиқиб, комил инсон шахсини тарбиялашга каратилгандир.

Аждодларимиз давр синовидан ўтган ажойиб инсоний фазилатлар ҳамда уларни амалга ошириш усул ва воситаларини яратганлар, шу асосда ёшларни ижтимоий ҳаёт талабларига жавоб берадиган кишилар қилиб тарбиялаб келганлар. Болаларда инсоний хис-туйғуларни тарбиялашнинг асоси

— кишиларга меҳр-мухаббат қўйиш, иззат-хурмат билан муомала қилиш, инсоний ҳуқуқларни химоя қилиш, қадрлаш кишилар олдидағи ўз бурчини англаш, одамларга нисбатан самимий, ҳалол ва ростгўй бўлиш каби одоб ва ахлок қоидаларини ўз ичига олади.

Ўзбек халқ педагогикасининг мухим аҳамиятга эга бўлган хусусиятларидан яна бири фольклор материалларида халқ педагогикасида қўлланиладиган тарбия йўллари, усули ва воситаларининг ёритилишидир.

Мехнаткаш халқ оммаси, юкорида қайд қилиб ўтилганидек, узок даврлар давомида вужудга келган тарбия усуллари ва воситаларидан фойдаланган. Чунончи, тушунтириш, одатлантириш (ўргатиш, машқ қилдириш), болаларнинг кундалик ҳаётй режими, ибрат (намуна, ўрнак) кўрсатиш, маслаҳат бериш, ўғит-насиҳат, ундаш, кўндириш, илтимос қилиш, ёлбориши, тилак-истак билдириш, маъқуллаш, мақташ, раҳмат айтиш, дуо қилиш, оқ йўл тилаш, тақиқ қилиш, ман этиш, таъна, гина, (ўпка) қилиш, коралаш, Оллоҳдан кўркишга ундаш, танбех бериш, узр сўраш, мажбур қилиш, масхара-мазах қилиш, заҳархандалик, айблаш, уялтириш, койиш, қарғаш, кўрқитиш, нафрат билдириш, айбига икрор қилдириш, онт-касам ичириш, лаънатлаш, сўкиш, уриш-калтаклаш; жамоа ҳукмига ҳавола қилиш каби усуллар тарбияда қўл келганлиги таъкидланади.

Шу билан бирга, болалар яшаб турган мухитдаги яшаш тарзи улар тарбиясига катта таъсир ўтказган. Жумладан, меҳнат жараёни, турли шаклдаги ҳашарлар, болалар ўйини; болалар ижоди, чойхона гурунги, ҳалфана, туй маросимлари — ақика, бешик тўйи, суннат тўйи, никоҳ туйи, .сайиллар-
23-11

дала сайли, гул сайли, ковун сайли, йиғин-томоша, туғилған күнни нишонлаш, йигит базми, қиз мажлиси, истироҳат боғларидан бўлиш, оммавий йиғин ҳамда томошаларга қатнашиш (ва ҳоказолар) тарбиявий восита сифатида хизмат қилиб келган.

Айни вактда тарбия мазмунининг кўп қирралиги ва кенглиги туфайли тарбия усуллари ҳам хилма-хил бўлиб, муайян шароитда улардан қайси бирини танлаш ва қўллаш ўқитувчи билан ўқувчи ўртасида вужудга келган муносабатларга, тарбиянинг қайси соҳаси ҳал қилинаётганлигига (ўқувчиларда бурчга муносабат, ота-она, катталарга хурмат, одоб қоидаларига риоя қилиш, савоб ва гуноҳ ишлар, хушхулқлик ҳамда бадхулқлик хақида), айни вактда вужудга келган вазиятга боғлиkdir.

Тарбия усули ҳам таълим усули каби ёлғиз ўқитувчи ва тарбиячилар фаолиятинигина эмас, балки ўқувчиларнинг фаол иштирокини ҳам ўз ичига олади. Болаларнинг ёши улғайган сари уларнинг тарбия жараёнидаги фаоллиги ва мустакиллиги оша боради, улар тарбиячилар раҳбарлигига ва ўз ташабbusлари, интилиш ва истаклари билан янги-янги ахлоқий фазилатлар орттириб, мукаммалаштириб борадилар.

Ўқитувчи қўллаётган усул ва воситалар таъсирида боланинг онгига ва хулқида ҳам ўз шахсини ўзгартириш истаги вужудга келади. Бола ўзини-ўзи тарбияламаса, ақл-фаросатини ишга солмаса, тарбиядан кўзланган натижага эришиб бўлмайди. Хар бир бола ўзининг хулқ-авторига талабчан бўлиши ва ўзида энг яхши инсоний фазилатларнинг таркиб топиши учун астойдил тиришмоғи лозим. Ўқитувчи ва тарбиячилар болаларни кичик ёшдан бошлаб ўзини ўзи эплаш, тута билиш, одамлар билан қай йўсинда муомала қилиш, рост сўзлаш,

катталарга хурматда бўлиш, ўзидан кичикларга меҳрибонлик кўрсатиш кабиларга ўргатиб, одатлантириб боришлари лозим. Умуман, ўзини ўзи тарбиялаш ахлоқий баркамолликка иштиёқ туғдиришдир.

Ўз-ўзини тарбиялаш боланинг доимий иши бўлмоғи ва узлуксиз давом этмоғи зарур. Чунки ҳақиқий тарбия болани ўз кучи, лаёқатлари ва қобилиятини ишга солишга ундиҳи, унинг идеалларини, шахсий мулоҳазаларини, эътиқодини таркиб топтиради. Натижада бола шахсини ҳар томонлама ривожлантиришга қаратилган тарбиявий жараён ўз-ўзини тарбиялаш жараёнига айланади.

Тарбия усуллари назариясида яна йўл ва восита тушунчasi ҳам қўлланади. Йўл усулга нисбатан хусусий тушунча бўлиб, усулга бўйсунади, хизмат қилади. Масалан: болаларни ахлоқ-одоб кридаларига ўргатиб, одатлантириш учун машклардан фойдаланамиз. Бу усулга турли йўллари хизмат қилади, яъни кўрсатамиз, ўргатамиз таъкидлаб, эсига тушириб турамиз ёки маъруза, сухбатлар орқали ахлоқий фазилатлар мазмунини очиб берамиз.

Бу ўқувчининг онгига таъсир этиш мақсадидаги ишонтириш йўлларидир. Лекин ишонтиришда боланинг факат онгигагина таъсир этиш орқали натижага эришиш қийин бўлади. Шунинг учун айтиётганларимизнинг тўғрилигини исботлаш ва уни аниқлаштириш учун кўрсатиш усулидан фойдаланамиз: хушхулқлик ва бадхулқликка оид ҳикоят, ривоят, ҳикматлардан фойдаланамиз ва ҳоказо. Буларнинг бири одатлантириш усулининг йўли бўлса, иккинчиси ишонтириш усулининг йўлидир.

Тарбиявий восита анча кенг тушунча бўлиб, ҳар қандай тарбиявий вазифани ҳал қилиш учун қўлланилаётган усулий йўлнинг муваффакиятли чикишига кўмаклашади. Тарбиявий воситага турли

хил предметлар, фаолият турлари, тарбиявий мақсадда қўлланаётган техник имкониятлар, кўрсатмали куроллар, аждодларимиз мероси, халқ оғзаки ижоди материаллари, болалар адабиёти, оммавий алока воситалари (радио эшиттириш, мактаб радиоси, ойнаи жаҳон кўрсатуви ёки кинофильм ва бошқалар)ни киритиш мумкин.

Моҳир тарбиячи болага тарбиявий таъсир этишда унинг ёши ва шахсий хусусиятлари, тарбияланганик даражаси, ўзи билан бола ўртасида вужудга келган муносабат, ўқувчи интилишларининг ўзига хослиги, фаолиятда катнашишдан боланинг кўзлаган мақсадини хисобга олиб, болага таъсир этишнинг муваффакиятини таъминлайдиган усулни тўғри танлай олади.

Усуллар тизимиning ўзига хос хусусияти шундаки, улар ўзаро боғлиқ бўлиб, унинг бир тури иккинчиси билан қўшилиб кетади. Ҳеч бир усулни алоҳида, якка ҳолда кўллаб бўлмайди. Масалан, ўқитувчи биринчи синф ўқувчилари билан ишлашда, улар учун янги бўлган ўқув меҳнатини ўргатиш ишини ўқувчиларнинг хулқ-атвор коидаларини, мактабда ва уйда кун тартиби аниқ бўлиши муҳимлигини, кунт билан, зўр бериб меҳнат қилиш зарурлигини уқтиришда тушунириш йўлини кўллайди. Тушунириш билан бир каторда ўқитувчи ўз ўқувчиларини ҳар куни ахлоқ-одоб қоидаларини машқ килдиради, синфга тўғри кириб келишга, ўқитувчи ва болалар билан саломлашишга, парта қопқоғини тарақлатмай очиб-ёпишга, иш жойида тартиб саклашга, ўқитувчига мурожаат қилиш ва хоказоларга одатлантириб боради.

Ўқувчиларни ўқув меҳнатига жалб қилиш ўқитувчидан ўқув иши натижаларини рағбатлантиришни талаб этади. Шу билан бирга, биринчи синф

ўқувчилари билан ишлаганда маъқуллаш, мақташ сингари таъсир воситаларини, шунингдек, бепарвоник, кунт қилиб ишламаганлик учун огоҳлантириш, танбех бериш, уялтириш усулларини кўллай бошлайди.

Ўқитувчи биринчи синф ўқувчиларини дастлабки кундан бошлабоқ ўз устида ишлашга, ўз-ўзини тарбиялаш малакаларини эгаллашга ўргатади.

Кўриб турибмизки, ўқитувчи болалар билан ишлашда тарбиянинг хилма-хил усул ва воситаларини қўллайди, бунда болаларнинг ўзига хос хусусиятларини ва бутун синф жамоасининг манфаатларини кўзлаб бирон-бир катор қабул қилишни талаб этадиган тарбиявий вазиятни хисобга олади.

Тарбиявий усулларни уларнинг вазифасига қараб қуйидаги асосий гурухларга ажратиш мумкин:

Ижтимоий ахлоқни таркиб топтириш ва ўқувчilar фаолиятини йўлга қўйиш усуллари: ўргатиш ибрат-намуна, ишонтириш, ўйин, мусобакалар.

Булар ^ёрдамида ўқувчida ахлоқий одатлар хосил бўлади. Ўқувчининг хулқида тарбиянинг мазмунига мувофиқ ахлоқий нафосат, меҳнат қилиш одатлари қарор топиб боради. Бундай одатлар асосан фаолият заминида таркиб топади. Демак, бола шахсими ифодалайдиган ижтимоий хулқ одатларини хосил қилиш учун уни фаолиятга жалб этиш йўли билан ижтимоий алоқалар шароитига кўямиз ва унинг шахсий хусусиятларини белгилайдиган одатлар хосил қиласиз. Бу гурух усулларга вазифалари бир-бiriдан фарқ қиласиз жуда кўп йўл ва воситалар киради. Масалан, ўқувчига шарқона урф-одат, тарбияни ўргатиш, машқ килдириш, ибратнамуна, талаб этиш, ишонтириш, ўйин, жамоатчилик фикридан фойдаланиш шулар жумласидандир.

Ўқувчи эгаллаган ижобий тажрибаларни мустаҳкамлаш максадида мусобака, топшириклар бериш йўларидан фойдаланиш мумкин.

Ўқувчиларнинг онги ва хис-туйғуларига таъсир қилиш билан бирга уларнинг хулқ-авторида керакли фазилатларни тарбиялаш зарур. Бу ишни ўқувчиларнинг мактабга биринчи қадам қўйган кунларидан бошламоқ керак. Бошланғич мактабдаёқ ўқувчилара хулқ-автор соҳасида дастлабки кўнишка ва одатлар хосил бўлади ва мустаҳкамланади.

Дарсни тўғри ташкил этиб, таълимнинг хилманил усусларини қўллаш, ўқув ишларида ўқувчиларнинг фаоллигига эришиш болаларда қимматли фазилатларнинг таркиб топишига ёрдам беради. Уларда ташаббускорлик, қатъийлик, ҳар қандай қийинчиликларни енга билиш каби ижобий фазилатларни шакллантиради.

Үйга берилган вазифаларни ўқувчиларнинг пухта ва астойдил бажариши уларда ўқув вазифаларига масъулият билан қараш, батартиблик ва уюшқоклик, фаоллик, ташаббускорлик каби фойдали сифатларни тарбиялашга ижобий таъсир этади.

Ўқувчиларда мана шундай ахлоқий фазилатларни тарбиялаш ва мустаҳкамлаш зарур. Ахлоқий фазилатлар болаларда, асосан, уларнинг фаолиятлари жараённада хосил бўлади. Шунинг учун болаларга уларнинг маънавий қиёфасини такомиллаштириш билан боғлиқ бўлган амалий вазифаларни кўпроқ топтириш лозим.

Ўргатиш усули ўқувчиларнинг хаётини, меҳнатини, дам олишларини батафсил ўйлаб чиқилган ҳолда ташкил этишни ҳамда дастлабки ахлоқ-одоб фазилатларини таркиб топтириш мақсадида уларни муомала-муносабат, юриш-туриш одобига ўргатиб боришни назарда тутади.

Хусусан, бошланғич синфларда ўқитувчининг бирор-бир хатти-харакат намунасини сурат, диафильмларни намойиш қилиш, таъсирли, қизикарли хикоят, ривоят ўқиб бериши ёрдамида ўзи қилиб кўрсатишдан бошланади.

Болаларда бирор хатти-харакат шаклига ижобий муносабат уйғотишни ўргатишнинг муҳим шарти деб ҳисобламоқ керак. Бунга эса кўрсатмалилик, образлилик, ўқитувчининг ўзи болаларга ўргатагетган фазилатга хиссий, ижобий муносабатда бўлиши асосида эришилади.

Ўқувчилар жамоасида вужудга келадиган шароит (вазият) ҳам катта аҳамиятга эга. Агар ўқувчилар хеч нарсадан чўчимай ўз ўртоқларининг хатти-харакатини баҳолай олсалар, тортишсалар, ўқитувчига хоҳлаган саволларини берсалар, бундай вазият уларнинг ахлоқ қоидаларига бўлган муносабатларига ижобий таъсир этади. Катталарнинг ўқитувчилар, ота-оналар, жамоатчиликнинг болалар хулқ-автори, юриш-туришини назорат қилиб туриши ҳам ишда муҳим аҳамиятга эга бўлади.

Бу назоратнинг мунтазам, тизимли ва пухта бўлиши жуда муҳимдир. Ана шунда у ўқувчиларда ахлоқ-одоб фазилатларининг тарбияланишига олиб келади.

Ўргатиш усули болаларнинг ёши ва тарбия шароитларига қараб ўзгариб туриши мумкин. Тарбиячи маълум бир топширикни (тувакдаги гулларга сув қуиши, парвариш қилиш, синфда тозаликка риоя қилишини кузатиб бориш ва хоказо) бериши мумкин. Ўқувчи бу топширикни бажариш давомида зарур ахлоқ-одоб қоидаларини эгаллаб олади.

Тарбияда машклардан факат ахлоқ-одоб фазилатларини таркиб топтириш йўли сифатида ҳам фойдаланиш мумкин. Шунинг учун ўргатиш ва одат-

лантириш усулларидан фойдаланишда болаларнинг ахлок борасида эришилган натижаларидан қаноатланиш ва ўз шахсларини такомиллаштириб боришга интилиш хиссини сезишлари мухимdir.

Ибрат-намуна усули. Болалар тарбиясида ибрат-намунанинг аҳамияти каттадир. Намуна ёки ибрат усули болалардаги тақлидчанликка асосланади. Тақлид бошқаларнинг хулк-авторини, юриш-туришини онгли ёки ихтиёrsиз равишда тақрорлаш демакдир.

Одатда болалар ўзларининг яқинлари, теваракатрофдаги кишиларнинг (ота-оналари, опа-акалари, муаллимлари, катталар, тенгқурлари) хулк-авторини ва хатти-харакатларини кузатиб борадилар, уларга тақлид қиладилар. Лекин кўпинча буларнинг нимаси яхши-ю, нимаси ёмон эканини фарқлай олмайдилар, улар ўзлари учун маъқул бўлганларига тақлид этадилар ва қабул қиладилар.

Болалардаги бу хусусиятлар шуни кўрсатадики, уларнинг ахлок-одоб коидаларини ўзлаштириши, ахлоқий тасаввурларни хосил қилиши ана шундан, яъни ибратдан бошланади, Дастлаб бола оила аъзоларидан ибрат ола бошлайди. Отa-она ва оиланинг катта ёшдаги аъзолари намунаси кичик ёшдаги болага тарбиявий таъсир кўрсатишда асосий манбадир.

Бола мактабга бориши билан у тақлид этадиган ва-эрғашадиган кишилар доираси кенгаяди.

Ёш болалар ён-атрофларидаги кишиларнинг хамма хатти-харакатларини тақрорлай бериш ўринили эмаслигини хали тушуниб етмайдилар.

Бола ёши улғайиб, катта бўлган сари нима яхши-ю, нима ёмон, қайси хулк-автор одамларга хузур бағишлиши, қайси қилик, хатти-харакат нохушлик келтиришини фаҳмлай бошлайди.

Бола катта бўлиб эс-хушини таний бошлаган сари юриш-туриш, мумомала-муносабатда ўз нуктати назари ва фикрига таяниб иш қиласи.

У катталарнинг хулк-автори ва юриш-туришларига кўпроқ танқидий кўз билан карай бошлайди ва ижобий хислатларгагина тақлид қилишга уринади.

Болаларга хаётдаги яхши одамлар, бадиий адабиётдаги ижобий образлар, меҳнат қаҳрамонлари, ота-боболаримизнинг ўлмас жасоратлари, эзгу ишлари тақлид қилиш учун яхши намуна бўлади. Шуни алоҳида қайд этиш керакки, болалар ҳаммавақт ҳам ижобий хулк-автор ва хатти-харакатларга тақлид қиласи майдилар.

Шунинг учун ўқитувчилик, тарбиячилар ва ота-оналарнинг ўзлари ҳаммадан бурун болага намуна бўлмоклари, ўзларида энг яхши фазилатларни акс эттиромоклари керак. Шу билан бирга ўқитувчилик ибрат учун намуналарни ҳалқ оғзаки ижоди, болалар адабиёти, мактаб, синф ҳаёти, ота-оналар фанолиятидан олмоклари керак. Болаларда ижобий хулк-автор кўниқмаларини тарбиялашда оила мухити, ота-онанинг ҳаёт тарзи, оиладаги катталарнинг яхши ибрати фоят мухимdir. Халқимиз «Қуш уясида кўрганини қиласи», — деб бежиз айтмаган. Оилада эрхотин ўзаро тотув, ахил бўлишса, бир-бирларини хурмат қилишса, болалар тарбиясида баробар жон куйдиришса, оиладаги катталар сийланиб, иззатхурмат қилинса, ака-ука, опа-сингиллар бир-бирига меҳрибон бўлишса-, кўни-кўшни, қариндош-уруғ, ёру биродарлар ўртасида меҳр-оқибат, борди-келди бўлса, бундай оилада вояга етадиган бола ҳам миллатимизга, халқимизга хос урф-одатларни ўрганди ва уларга амал қилиб боради.

Ишонтириш усуллари. Бу бўлимга ўқувчиларда илмий дунёқараш ва ишонч-эътиқодни шакллан-

тириш мақсадида уларнинг онги, хис-туйғулари ва иродасига ҳар томонлама таъсир кўрсатиш усула-ри киради.

Юкорида бола шахсининг шаклланиш жараёни асосан, кундалик турмуш ва фаолиятда ҳосил қилинадиган тажриба, катталар ва тенгдошлари билан ўзаро муносабатларга боғликлиги таъкидлаб ўтилган эди. Бирок, аввал тажриба тўпланади, сўнгра эса тегишли тушунча шакллантирилади, ёхуд аксинча деб, қандайдир навбат белгилаб қўйиш но-тўғри бўлур эди.

Бошланғич мактабда ишонтиришнинг тарбиявий жиҳатдан муҳим ва қимматли бўлган тушунтириб бериш ва ишонтириш, хикоя ва сухбат, синфдан ташқари ўқиш, намуна кўрсатиб ишонтириш сингари шакл ва усуларидан кенг фойдаланилади.

Чунончи, ўқитувчи 1- синфдан бошлаб болаларга катталарни хурмат қилиш, уларга бакириб-чакириб эмас, балки ширин муомала қилиш кераклиги, кўчада юрганда эса кўча қоидаларига риоя қилиш, жамоат орасида юрганда, тўй-хашам, маъракаларда ўзини тутиш, билиб муомала қилиш, дастёрчилик, ўзбекона урф-одатларни ўрнига кўя олиш каби одатларимиз аниқ тушунтирилади.

Ота-она, ака-опаларни хурматлаш, сийлаш, сизлаш, уларнинг сўзларидан чикмаслик одобдан эканлиги уқтирилади.

Тушунтириш ва уқтириш. Тушунтиришнинг мөхияти жамиятнинг маънавий ва моддий ҳаётидаги энг муҳим воқеалар тўғрисида ахборот бериш асосида ўқувчилар дикқатини теварак-атрофдаги воқеликка, ўз фуқаролик бурчларига онгли муносабатни шакллантиришга каратишдан иборатdir. Кўпинча ўқувчиларнинг' ўз бурчлари тўғрисидаги билимлари тасодифий, юзаки бўлади. Тушунтириш-

дан мақсад — бирон-бир воқеа, хатти-харакат, ҳодисанинг ижтимоий, ахлоқий, эстетик мазмунини очища, хулқ-атвор ва инсоний муносабатларни тўғри баҳолай олишда ўқувчиларга ёрдам беришdir.

Тарбиячи тегишли қоида ва талабларга қандай риоя қилиш зарурлигини болаларга кўрсатади ва тушунтириди. Болалар кўрсатилган намунали ахлоқий қоидаларга тақлид қиласилар. Қоида ва талаблар факт ва мисоллар билан тушунтирилса, уларни болалар равshan англаб оладилар ва онгларига чукуррок сингади. Натижада бу қоида ва талаблар боланинг кундалик ҳаёт тарзига айланади. Ахлоқий қоида ва талабларнинг бола ҳаётига сингиб кетиши кўп жиҳатдан унинг эътиқодининг мустахкам бўлишига боғлиқдир.

Уқтириш. Уқтириш бирор ахлоқий фазилатни ўқувчилар онгига сингдириш ва улар томонида укиб олинишини таъминлашга асосланади. Шунинг учун ўқитувчилар ва тарбиячилар ўқувчиларни тарбияланганда ва уларга ахлоқий фазилатларни тушунтирганда унинг афзалликларини кўрсатувчи далиллар келтириши, исботлаши, ишонтириши лозим. «Ўқигандан уккан яхши» деган ҳалқ маколи бор. Укиб олинган ахлоқий фазилат болада маҳкам сингиб колади.

Уқтиришнинг натижали чиқиши ҳаммадан бурун тарбиячининг обрўсига боғлиқдир. Агар тарбияланувчи ўз тарбиячисини иззат-хурмат қилса, унга ишонса, унинг ўғит-насиҳатларига кулок солса, уқтириш натижаси самарали бўлади. Акс ҳолда уқтириш тегишли натижада бермайди. Шу билан бирга, ўқитувчи ва тарбиячилар ўз тарбияланувчиларини севишлари, хурмат қилишлари, уларнинг куч ва имкониятларига ишонишлари керак. Уқтириш жараённида ўқитувчилар болаларнинг ўзларига ўз қобиляйтларига, келажак истиқболларига ишонч туғ-

дирмоғи лозим, бу эса болаларда ахлоқий фазилатларнинг пухта укиб олинишини таъмин этади. Тарбиялаш жараённида ишонтириш, тушунтириш ва уқтириш хамма вақт бирга, бир-бири билан мустахкам боғланган холда олиб борилади. Бунга тушунтириш ва уқтириш орқали эришилади.

Давлат, жамият томонидан қабул қилинган ахлоқий қоидалар, талабларга, нормаларга, оиласадаги, мактабдаги, жамоат ўртасидаги юриш-туриш қоидаларига ҳамиша ўқитувчиларнинг ўзлари амал қилишлари ва бошқаларни ҳам шунга ундашлари зарур.

Демак, ўқувчиларимиз бу талаб ва қоидаларнинг ҳаммасини етарлича англаб, уларни ишонч ва эътиқод билан бажаришлари айни муддаодир.

Педагогика фани ишонтириш усулларига муҳим ўрин бериш билан бирга, мажбур этиш усулини ҳам инкор этмайди. Агарда ўқувчи ўз олдига қўйилган талабнинг моҳиятини ва мазкур қоидага нима учун риоя этиш зарурлигини тушуниб тургани холда итоатсизлик кўрсатса ва белгиланган тартиб-коидани бузса, уни бу тартиб-коидаларни бажаришга мажбур қилмоқ керак. Ахлоқий талабларни бузувчиларга индамаслик ва бепарволик билан қараш эса жамиятга зиён келтиради ва юриш-туриш қоидаларини бузган ўқувчининг ўзи учун ҳам зарарлидир. Агар тарбиячи ахлоқий талабларнинг бузилиш холатларини кўриб, индамай кетаверса ўқувчилар ахлоқий талабларни ва юриш-туриш қоидаларини бузишда давом этаверадилар.

Юқоридагиларга асосланиб, шундай хуносага келиш мумкин: чинакам обрў болаларни хурмат қилиш билан бирга, уларга нисбатан талабчан бўлишга, болага чин кўнгилдан ғамхўрлик кўрсатишга, унга ёрдам қиласишишга, тарбиячининг

болаларга намуна бўладиган ўз шахсий фазилатларига асосланади.

XVI бо б. МЕҲНАТ ТАРБИЯСИ

Мехнат инсон ҳаёти учун, унинг фаровон турмуш кечириши учун ҳамиша асос бўлиб келган ва шундай бўлиб қолади.

Мехнат—фаровон ва баҳтли ҳаёт кечиришнинг энг асосий шарти бўлганлиги сабабли ҳамма фуқаролар учун мажбурийдир.

Мехнат одамларнинг бирор мақсад учун сарфлаган вакти, ақлий ва жисмоний кучи ёки зарур фаолиятидир. Мехнатсиз яшамоқ мумкин эмас.

Барча тирик мавжудот ниманидир истеъмол қилиш хисобига яшайди, умрини давом эттиради. Ерда яшовчи майда күрт-кумурсқадан тортиб, паррандаларгача, сув остида яшовчи жониворлардан тортиб, улкан хайвонларгача овқатсиз яшай олмайди. Худди шунингдек одамлар ҳам узлуксиз овқатланади, ҳаёт кечиради. Бошқа тирик мавжудотлардан фарқли ўлароқ, одамлар кийинишади, уй-жой куришади, савдо-сотик қилишади, китоб ўқишиди, ижод қилишади. Бу ишларни амалга ошириш учун бойлик, яъни тирикчилик манбай бўлган пул керак. Пул топиш учун, ўзларига керакли нарсаларни яратиш учун одамлар меҳнат қилишлари лозим. Мехнат жараёнидагина озиқ-овқат, кийим-кечак ва бошқа зарур нарсалар яратилади. Мехнат инсон ҳаётини сермазмун килади ва бойитади. Одамлар меҳнат қилиш жараённида соғликларини мустахкамлайдилар, обрў орттирадилар ва ўз кела-жакларини яратадилар.

Ота-боболаримиз асрлар давомида меҳнатни улуғлаб келишган, ўзлари сидқидилдан меҳнат қилишган. Бизга улардан мерос бўлиб колган бар-

ча хазиналар — илмий-бадиий китоблар, турли хилдаги санъат асарлари, меморчилик обидалари ва бошқа нарсалар ана шу меҳнатнинг маҳсулидир. Жаҳон фанининг ривожига бебаҳо хисса кўшган ал-Хоразмий, Ибн Сино, Исмоил Бухорий, Мирзо Улуғбек, Алишер Навоий, Захириддин Муҳаммад Бобур сингари бобокалонларимиз меҳнатсеварликлари туфайли улкан ютуқларни қўлга киритишган ва ёшларни хам меҳнатни севишга, меҳнатсевар бўлишга чақиришган. Шу боисдан жаҳондаги барча халқларнинг мақолларида бўлгани каби ўзбек мақолларида хам меҳнат ва меҳнатсеварлик ғояси марказий ўринлардан бирини эгаллайди. «Сувсиз хаёт бўлмас, меҳнатсиз роҳат», «Меҳнат қилсанг яшарсан, катта-катта ошарсан», «Олтин ўтда Чиникар, одам — меҳнатда», «Меҳнат билан қарисанг, раҳмат билан яшарсан», «Узок умр сири меҳнатда» каби мақоллар бежиз яратилмаган. Меҳнат хаёт чироғига ёғкуйиб туради. Меҳнат билан чархланиб турмаган куч сусаяди. Ишламаслик ҳар доим ланжликни келтириб чиқаради, ланжликдан кейин эса ногиронлик келади.

| Меҳнат шахсни ҳар томонлама камол топтиришнинг асосий омили ҳисобланади. Шунинг учун болаларни жуда кичик ёшидан бошлаб меҳнатга ўргатиш зарур.

| Меҳнат тарбияси масалалари Ўрта Осиёлик мутафаккир олимлар ва шоирларнинг бизга мерос бўлиб колган маърифий асарларида катта ўрин олган.

Масалан, буюк ўзбек шоири Алишер Навоий меҳнатсеварликни чинакам инсоннинг энг асосий хусусияти деб билган. Меҳнат кишини безашини, уни ҳар томонлама камол топтиришини юксак кўтаринки рух билан мадҳ этган. Ёшларни сидқидилдан меҳнат қилишга, меҳнатни қадрлашга чақир-

ган. Шарқ маданиятининг буюк намояндаси Мирзо Улуғбек хам ёш авлодга табиат ва уни муҳофаза қилиш, табиат яратган неъматларни тежаб-тергаб тасарруф қилиш тўғрисидаги билимлар бериш кераклигини таъкидлаган. Ёшлар билимларни онгли равишда ўзлаштиришлари, ўз фикр-мулоҳазаларининг тўғрилигига бевосита кузатиш орқали ишонч хосил қилишлари муҳим аҳамиятга эга эканлигини кўрсатиб ўтган.

|| Умуман, маърифатпарварлар ёшларнинг меҳнат таълими ва тарбияси масалаларига алоҳида эътибор бериб, турли асарларида ёшлардаги қизикувчанлик, тежамкорлик, дўстлик ва одамийлик каби олижаноб фазилатлар меҳнат орқали вужудга келишини ғоят таъсиричан шаклларда ифодалаганлад!: Улар ёшларни касб-хунар ўрганишга, ҳар ким ўзи қизиқкан ва ўзига муносиб фаолият билан шуғуланишига даъват этганлар. Меҳнаткаш одам ҳеч вакт бирорвга қарам бўлиб қолмайди, деган фикрни илгари сурганлар.

Ёшлар меҳнатсевар бўлиб тарбияланиш билан бир вактда, инсон қўли билан яратилган нарсаларни қадрлашга, ардоқлашга ва уни увол қилмасликка чақирилган. Уволнинг оқибати гуноҳ бўлиши ажойиб ўғитларда, ҳалқ оғзаки ижодида хам кенг ўрин олган.

Меҳнат фақат хаётий зарурат ва моддий фаровонлик манбаи бўлиб қолмай, ёшларда яхши хулқ ва маънавий сифатларни вужудга келтиради; лоқайдлик ва бепарволик каби иллатларни бартараф этиб, кишида қувонч Ва мамнунлик ҳисларини пайдо қиласди.

Одам дунёдаги ҳамма яхши нарсаларга эга бўлса-ю, лекин ўзи меҳнат қилмаса, у баҳтли бўла олмаслиги бадиий асарларда куйланган; эзгу мақсадларга эришишнинг энг муҳим омили бўлган меҳнат ту-

файли мамлакатнинг гуллаб-яшнаши мумкинлиги қайд этилган. .

Хуллас, меҳнат тарбияси масаласи маърифатпарварлар ижодида ҳамиша фахрли ўрин тутган. Улар ёшларни жамият манфаати учун ишлашга чақириш билан бирга, устозлар ва ота-оналарнинг меҳнат тарбияси соҳасидаги вазифалари нималардан иборат эканлигини ҳам кўрсатганлар.

Ўзбек маърифатпарварларининг таникли намояндаларидан бири Абдулла Авлоний ёшларнинг бирор касб билан машғул бўлишини биринчи галдаги муҳим иш деб хисоблаган. У «Туркий гулистон ёхуд ахлоқ» асарида дангасалик ва ялқовликни коралаб, ҳаракатчанликни олқишилаб шундай ёзган: «Сиҳатимиз, саодатимиз, сарватимиз, қаноатимиз, сабримиз, фазилатимиз, бутун ҳаётимиз ҳаракатимизга боғлиқдир. Ҳаракатсиз кишилар ҳар нарсадан маҳрум, доим бошқаларнинг ёрдамига муҳтож бўлиб, хорликда колурлар. Шунинг учун болаларни хунар ўрганишга чақириб, кишиларни бирор касб билан шуғулланишга ундан, «ёшлар»... бу кўмиричилар, бу темирчилик менга муносиб иш эмас, деб дангасалик қилиб ишсиз юрса, зўр айб» хисобланишини уқирган.

Меҳнат асосан икки турли бўлади: ақлий меҳнат ва жисмоний меҳнат. Инсоният қўл ва бошқа аъзолари ёрдамида жисмоний куч сарфлаб, амалга оширадиган ишлар жисмоний меҳнатни ташкил қиласди. Жисмоний меҳнатни акдий меҳнатдан ажralган ҳолда тушуниш мумкин эмас. Жисмоний меҳнат ақл ёрдамидагина мазмунли, яхши сифатли ва маҳсулдор бўлади: ақлли одам кетмон чопса ҳам, трактор хайдаса ёки завод-фабрикада бирор жисмоний вазифани амалга оширса, унинг иши яхши натижада беради. Ақл аралашмаган ишнинг маҳсули бўлмайди.

Ақлий меҳнат эгалари—ўқитувчилар, шифокорлар, олимлар, шоир-ёзувчилар, ноширлар ва бошқалар бўлиб, улар маънавият эгаларидир. Агар жисмоний меҳнат эгалари жамиятни иктиносидий томондан таъмин этишса, ақлий меҳнат эгалари инсониятнинг маънавий юксалишига хизмат киладилар.

Ўқувчи ақлий меҳнат эгаси бўлиб, у ҳамиша ўқииди, ёзди ва ўз маънавий оламини бойитиш йўлида меҳнат қиласди. Оилада, жамоат орасида жисмоний меҳнат билан шуғулланишига тўғри келади, мактабда эса ўз соғлиғини мустаҳкамлаш учун бадантарбия дарсларига қатнашади. Ўқувчининг ўз одобини намойиш қиласидиган яна бир имконияти борки, бу унинг жамоатида фаол иштирок этишидир. Жамоатчилик асосида бажариладиган ишлар кўча-кўйда ҳам, мактабда ёки синфда ҳам тез-тез учраб туради. Синфнинг тозалиги учун курашда қатнашиш, мактаб тажриба участкасида олиб бориладиган меҳнат жараёнода иштирок этиш ҳар бир ўқувчининг шарафли бурчидир.

Ёшлиқданоқ бирор хунар ё касб этагини маҳкам тутган йигит-қизлар ҳаётдан ўз ўринларини топадилар, қоқилмайдилар. Ота-боболардан колган хикматда «Бир йигитга кирк хунар оз» дейилади. Ўша хунарлардан айримларини санаб ўтамиш: дурадгор, наққош, кулол, заргар, этиқдўз, новвой.

| Инсон ўзининг болалик давридан бошлаб меҳнат қилишга ўрганиб, ўзига ёқкан бирор касбни эгаллаб бориши ва келажакда меҳнатсевар инсон бўлиб этишмоқ учун ҳаракат қилиши керак. Эл-юрт орасида ўз касбининг моҳир устаси бўлган, кўлида гулдек хунари бўлган кишиларни одамлар эъзозлаб ҳурмат қиласидилар.

Ишнинг оғир-енгили бўлади-ю, аммо яхши-ёмони бўлмайди. Баъзилар кора меҳнат деб жирканган
24-11

ишига сиз сидқидиллик билан кўл урсангиз, у иш сизни ўзига шу қадар тортадики, хаётингизни ўша ишсиз тасаввур этолмай қоласиз. Мехр ва иштиёқ билан бажарилган хар кандай «қора» иш ҳам тоза, кўнгилли, жозибадор бўлиб туюлади. Кўрганлар: «Қўли гул экан, отасига раҳмат!» деб кетади.

Яхши инсон ҳакида хаёл килганингизда, меҳнат ҳаётининг энг зарур эҳтиёжига айланган киши кўз олдимизга келади. Хар куни, хар дақиқа меҳнат бурчини камтарлик билан, керилмасдан, мактансадан, вактини бекор ўтказмасдан бажариб келган одам чинакам яхши инсондир.

Меҳнат билан суюги котган, меҳнат туфайли иззату хурмат кўрган хар бир ота-она ўз фарзандларининг ҳам меҳнат билан яшашини, меҳнати билан эл-юрт олдида шараф топишини хоҳлайди. Хар кандай юмуш, жумладан, идиш-товор ювиш, уйховлиларни супуриш, мол-холларга қараш, томорка, қурилиш, тъмирлаш ишларида қатнашиш ҳам меҳнатдир.

ОИЛАДА МЕҲНАТ ТАРБИЯСИ

Ота-оналар болаларининг келажагини ўйлаб, уларни илк ёшлидан меҳнатга солиб чинктириб борадилар. Тўғри тарбиянинг энг таъсири, энг самарали усули ҳам шу меҳнатдир. Ота-оналар болаларининг меҳнатига ҳамма вакт ҳам муҳтоҷ бўлавермайдилар, лекин болани ёшлигидан ишига ўргатиш, меҳнатга кўнигириш зиммаларидаги бурч эканлигидан шундай йўл тутадилар.

Маълумки, ҳар бир оиланинг ўз хўжалиги бўлади ва у ўз хўжалигини соф, ҳалол меҳнати билан куради; бу хўжалик даромади оила аъзоларининг қандайдир доимий фойда олиб туришлари орқасидан эмас, 370

балки иш ҳақининг ошуви ва оила ҳаражатларидан орттириб, тежаб қолиш туфайли кўпаяди.

Биздаги оила хўжалиги рўзғор учун керакли бўлган буюмлардан, ашё ва жихозлардан иборатдир. Оила давлатманд бўлса, бу ҳол оила аъзолари яхши ва баҳти ҳаёт кечираётганини, истеъмол буюмларини кўпроқ харид қилаётганини, ўз эҳтиёжларини кўпроқ қаноатлантираётганини билдиради.

Хар бир оила ўз хўжалигини тузатиб олиш йўли билан ўз турмушини яхшилашга уринади. Оиланинг давлатманд бўлиши кўпроқ бутун мамлакат эришган муваффақиятларга, унинг иқтисодиёт ва маданият соҳасидаги ютукларига боғлик бўлади. Оилада болаларни тежамкорлик руҳида тарбиялашга қанчалик кўп эътибор берилса, улар ҳалққа ҳам, ота-оналарига ҳам, ўзларига ҳам шунча кўп фойда етказадилар.

Хар бир бола оиланинг тенгхукуқли аъзосидир. Демак у оила хўжалигининг иштирокчисидир. Шу билан бирга, биз болаларимизни факат оила хўжалигини юритишга қобилиятли кишилар қилиб тарбиялабгина қолмай, шунингдек бутун жамият хўжалигини ҳам тежаб-тергаб юритадиган садоқатли фуқаролар қилиб тарбия қилмоғимиз лозим.

Барча ота-оналар бундай тарбия мақсадлари тўғрисида ўзларида равшан тушунча ҳосил қилиб, бу билан ўз тарбия йўсинларини доимий ишига солиб ва текшириб боришлари зарур.

Кўпинча ота-оналар болаларининг ҳамма нарсаси муҳайё бўлиши, яъни яхши еб-ичиши, яхши кийиниши, катта бўлганда уй-жойли бўлиши ҳакида ўйлайдилар. Буларнинг ҳаммасини фарзандларига чексиз меҳрибонликларидан ва уларни бешад севганликларидан қиладилар. Болаларини деб ўзларининг энг зарур эҳтиёжларини қондиришни. ҳам четга суриб қўядилар, лекин буни бола эсига

хам келтирмайди ва ҳатто секин-аста ўзини ҳаммадан ортиқ, менинг истагим ота-онам учун қонун, деб ўйлашга одатланади.

Бу тарбиянинг нотўғри ва зарарли йўли бўлиб, бундан ота-оналарнинг ўzlари кўпроқ заҳмат чекадилар. Бизнингча, ота-оналар ўз фарзандларини меҳнатсевар ва тежамкор қилиб тарбиялаш учун куйидагиларга амал қилишлари керак.

1. Бола ўз ота-онасининг қаерда ишлашини ва нима ишлаб чиқаришини, бу ишлаб чиқаришнинг бутун жамият учун қандай аҳамияти борлигини билиши керак.

Умуман, бола ота-онаси ишлаб, топиб келтирадиган даромаднинг катта ва фойдали ижтимоий меҳнат эвазига олинадиган иш хақи эканини мумкин қадар эртарок яхши тушуниши лозим.

2. Болани оила бюджети билан мумкин қадар эртарок таништириш лозим. У отаси ва онасининг қанча маош олишини билиши керак. Бола ота ёки онасининг нимага муҳтоҷ эканлигини, бу муҳтоҷликнинг қанчалик зарурлигини билиши зарур, у оиланинг бошқа аъзолари эҳтиёжини яхироқ кондириш учун ўзининг баъзи эҳтиёжларидан вактинча кечишга одатланиши керак. Оиланинг умумий эҳтиёжига доир масалаларни муҳокама қилишга болани кўпроқ жалб қилиш лозим.

3. Агар оиланинг моддий шароити жуда яхши бўлса, боланинг ўз тенгдошлари олдида бундай яхши шароит билан ғуурланиш ва мақтанишга одатланирмаслик керак. Бола оиланинг бойлигидан ўзгалар олдида гердайишга ҳеч қандай асос йўклигини тушуниш зарур.

4. Ота-оналар болаларининг ҳалол, ростгўй ва соғдилликка одатланиб боришлиарини дикқат билан кузатиб боришлиарни керак. Улар ҳеч нарсани

боладан атайн яширмасликлари ва шу билан бирга унинг кўз ўнгидаги ётган бўлса ҳам, сўроқсиз олмасликка ўргатишлари зарур. Ҳавас келтирадиган хар хил нарсаларни атайн боланинг кўз ўнгига қўйиб, уни ана шу нарсаларга бепарволик билан, суклик қилмай қарашга ўргатиш лозим.

5. Оиласа тежамкорлик ва эҳтиёткорлик тарбиясини тўғри ташкил этиб, эскириб колган нарсаларни яхшилаб таъмир қилиб, янгисини сотиб олиш вактини чўзиш ва шу йўл билан ота-оналар ёки оиланинг бошқа аъзолари топган пулнинг маълум қисмини тежаб қолиш мумкин бўлади. Шунинг учун болани жуда кичик ёшлигидан бошлаб нарсаларни эҳтиёт қилишга одатлантириш лозим. Ўз оила хўжалигини яхши юритмокчи бўлган киши рўзғорда қайси нарсанинг эскира бошлаганини аввалрок пайқashi, рўзғор буюмларининг жуда ҳам эскириб қолишига йўл қўймаслиги, уларни ўз вактида тузаттириш, бозорда ёки дўконда тасодифан кўриб қолган нарсасини сотиб олавермай, балки ҳакиқатдан керак бўлган нарсани сотиб олиши мақсадга мувофиқдир. Болаларга ҳам шу одатни сингдириб бориш керак.

6. Бола факат ўз хонадонидаги буюмларнигина эҳтиёт қилиб қолмай, балки бошқа кишиларнинг буюмларини ва айниқса, кўпчилик фойдаланадиган буюмларни ҳам эҳтиёт қиласидиган бўлиши лозим.

7. Тежаб-тергаб иш кўриш одатларини болада мумкин қадар эртарок тарбияламоқ керак. Одат машқ қилиш билан хосид бўлади. Шу йўл билан болада буюмларни тежаб-тергаб тутиш истагини доимо рағбатлантириб туриш керак.

8: Пулни тежаб-тергаб сарфлаш айниқса муҳимдир. Бундай харажатларнинг рўйхати боланинг ёшига ва оиланинг курбига караб турлича бўлиши мум-

кин. Дейлик, 10 яшар бола учун тахминан куйидагича рўйхат тузса бўлади: дафтар, китоб сотиб олиш, йўл кира, бутён оила учун нон, сут, сариёф, совун сотиб олиш, унинг ўзи ва укасига ручка олиш... Бола катта бўлган сари, бундай харажатлар рўйхати анча масъулиятлирок ва мураккаброк бўла бориши лозим.

Оилада ота-оналар ўз фарзандларининг меҳнат-севар, тежамкор ва эҳтиёткор кишилар бўлиб етишишларида ўzlари намуна бўлишлари керак. Бу тарбия ишлари учун жуда мухим омиллардан саналади.

БОШЛАНГИЧ СИНФ ЎҚУВЧИЛАРИ МЕҲНАТ ТАРБИЯСИННИНГ МАЗМУНИ, ШАКЛ ВА УСУЛЛАРИ

Ўқувчиларни меҳнат тарбияси дастлаб оилада, мактабда ўқув-тарбия ишининг бутун тизимида, болаларнинг оммавий ташкилотлари фаолиятида, ишлаб чиқариш жамоалари меҳнатида иштирок этишлари орқали амалга оширилади.

Болалар ёшлик чоғларидан бошлабоқ теварк-атрофларидағи кишиларнинг турли-туман ишларига қизиқадилар, катталарга дастёрчилик қиласадилар. Бу ишни хар томонлама рағбатлантириб, кўллаб-куватлаб туриш фойдалидир. Мактабда меҳнат тарбиясининг яхши бориши мактабгача тарбия ёшидан бошлаб кичкитойларга меҳнат тарбияси бериб боришга боғлиқдир.

Болалар кўлларидан келганча оиладаги. рўзгор юмушларида ота-оналарига ёрдам бериб, дастёрчилик қиласадилар. Чунончи ҳовли-жойларни супурраб, саранжом-саришта қилиш, томорқадаги экинтикин, мол-холларга караш, меҳмон кутиш, бозор-ўчар қилиш, ўзидан кичик укаларига караш каби ишларда кўмаклашадилар.

Болаларга катталарнинг меҳнати, касб-хунарлари тўғрисида сўзлаб бериш, уларнинг меҳнатини хурмат қилиш лозимлигини тушунтириб бориш ҳам зарур.

ТАЪЛИМ ЖАРАЁНИДА МЕҲНАТ ТАРБИЯСИ

Болаларда меҳнатга бўлган қизиқиш ва эҳтиёж анча барвакт пайдо бўлган, мактабга келган ўғил ва қизларда эса муайян меҳнат кўнимкамлари таркиб топган бўлади. Бу кўнимкамлар мактабдаги таълим ва тарбия таъсирида янада мустахкамланади. Ўқувчиларда меҳнат маданияти, тайёрланадиган маҳсулот сифати учун масъулият ҳисси, вактдан самарали фойдаланиш, асбобларни эҳтиёткорлик билан ишлатиш ва материалларни тежамли сарфлаш малакалари ҳосил бўла бошлайди. Мана шулар бошланғич мактаб ўқитувчисидан алоҳида эътиборни, меҳнат тарбиясининг хилма-хил омилларидан самарали фойдаланишни такозо этади.

Дарс ўқувчилар меҳнатининг асосий ва мухим турларидан биридир. Бу меҳнат тури ўқувчидан қатъиятни, кунт ва ақлий зўр беришни талаб қиласадилар. Дарс жараёнида ўқитувчи ўқувчининг фикрлаш қобилиятини ўстириб боради. Баъзи ўқувчиларга ақлий меҳнат қилиш меҳнатнинг бошқа турларига нисбатан оғирдек туюлади. Улар дарсда дарров зерикадилар, материалларни ўзлашибдиша сусткашлик қиласадилар.

. Лекин, ўқитувчи ўқувчиларда пайдо бўлган анашу ҳолатни дарров пайқаб олиши, дарсни қизиқарли мазмунда, шаклда, усулда олиб бориши, борилими, маҳоратини ишга солиши зарур.

Бошланғич мактабдаги меҳнат машғулотлари ўқувчиларнинг хар томонлама уйғун ривожланишига хизмат қилиб, у ўқувчиларда ижодий қобилиятлар-

ни, бадий дидни ўстиришда ва уларни ахлоқий жиҳатдан тарбиялашда алоҳида ўрин эгаллади.

Дарсларни ташкил қилишдан аввал мавзуу ва мақсадни аниқ белгилаб олиш даркор. Дарс ўтиш учун зарур материаллар етарли бўлсагина танланган мавзуни бажаришга киришиш ёки мавзуга ижодий ёндашиб, болалар яшаётган муҳитни, у ердаги мавжуд ишлаб чиқариш ва хунармандчиликни хисобга олиш лозим.

Бошланғич синфларда хизмат кўрсатиш меҳнатининг ўзига ўзи хизмат қилиш ва жамоатчилик ишлари билан танишириш, шу билан бир каторда бунга қўшимча тарзда қўйидаги мавзуларда машғулотлар олиб борилиши мумкин: «Пазандачилик сирлари», «Таом тайёрлашда масалликларга ишлов бериш, саралаш, ювиш, арчиш, тўғраш ва қирқишиш», «Сабзавотлардан тайёрланган салатлар», «Дастурхон тузаш», «Ўйни ва синф хонасини сарнжом-саришта тутиш», «Меҳмон кутиш».

Бу мавзуларни ёритишда болаларнинг жинсига қараб топшириклар бериш лозим. Бунда қиз болаларга енгилрок топширикгасар, ўғил болаларга ўзларига хос ва керак бўладран хунарлар ўргатилса, мақсадга мувофиқ бўлади. Ўтмишда меҳнат тарбиясида турли усул ва воситаларни қўллаш орқали болалар меҳнатга руҳан ва амалий жиҳатдан тайёрлаб борилган. Болаларни амалий машғулотга тайёрлашда ишонтириш ва бола фаолиятини баҳолаш усуллари қўлланган. Бу ишларни амалга оширишда восита сифатида ўйин ва маросимлардан, халқ оғзаки ижодидан, меҳнат билан боғлиқ миллий анъаналардан моҳирона фойдаланилган, бадий сўз воситасида улар руҳиятига таъсир кўрсатилган. Бу хилдаги тадбирлар боланинг ахлоқий ва руҳий жи-

хатдан меҳнатга тайёрланишида Мухим аҳамият касб этади.

СИНФДАН ТАШҚАРИ ОЛИБ БОРИЛАДИГАН МЕҲНАТ ТАРБИЯСИ

Кузатиш ва тажрибалардан маълумки, бола ўзи бажарадиган иш топшириклари моҳиятини тушунса, унга қизиқади. Қизиқишиш ғайрат билан ишлашга ундейди, лекин ўқувчиларга тавсия этиладиган ишлар уларнинг кобилиятларига яраша бўлиши керак.

Дарсда ва дарсдан ташқари машғулотларда, маданий хордик чиқариш пайтларида ўқимишли қишилар ва уларнинг жамиятдаги ўринлари хақида сухбатлар ўтказиш, хикматли сўзлар ва шеърлар ўқиб бериш, ўзларига ҳам ўқитиб, ҳам ёд олдирив, мазмунини тушунтириш ўринлидир.

Буюк бобокалонларимиз Амир Темур, Абу Али ибн Сино, Абу Райхон Беруний, Алишер Навоий, Заҳириддин Муҳаммад Бобур сингари кўплаб алломаларнинг ҳёти, меҳнат фаолиятлари ва буюк мерослари дунёга машҳурдир. Уларнинг азиз ва мўътабар қишилар сифатида кўп йиллардан буён ҳалқимиз дилида сақланиб, ҳурмат билан тилга олинининг боиси нимада? Бунинг боиси, уларнинг билимли, ишбилармон, ҳалқ манфаати учун хизмат қилган қишилар бўлганликлари эканлигини алоҳида-алоҳида машғулотларда тушунтириб бериш керак. Шунингдек, ҳозирги кунда яшаётган, ҳалқ учун хизмат қилаётган ва эл-юрт олқишига сазовор бўлаётган билимли қишилар, етук кашфиётчилар ҳакида ҳам маълумотлар бериб бориш мақсадга мувофиқдир. Айникса, ўқувчиларнинг ўзларига таниш бўлган, китоб ва газета-журналларда суратларини, ойнаи жаҳон орқали чикишларини

кўрган билимли кишилар хақидаги сұхбат ва маълумотлар тушунарли ва қизиқарли бўлади. Бундай тадбирлар ўқувчиларда билимли бўлишга, ана шундай обрўли кишилар изидан боришга қизиқиш уйғотади.

Укиш-ўрганиш, турли билимларни эгаллаш хақида ўзбек халқ маколлари ва ҳикматли сўзларининг аҳамияти бекиёсdir. Жумладан, «Хадис» китобида: «Гарчи Хитойда бўлса ҳам, илмга интилинглар, чунки илм олиш, харакат қилиш — ҳар бир мўминга фарздир», — дейилган. Бу фикрнинг маъноси ниҳоятда кенг ва чукур бўлиб, якин атрофда мактаб бўлмаса, ўкиш-ўрганиш учун шароит яратилмаган бўлса, узок жойларга бориб бўлса ҳам илм ўрганинг, чунки билим олишга. харакат қилиш ҳар бир киши учун фарз, яъни худонинг буйруғидир, деган маънони ифодалайди. Ҳадисларни ўқувчиларга ана шундай соддароқ сўзлар билан тушунтириш керак. Ўзбек халқ маколларидан қуидагиларни ўқувчиларга айтиб бериш, маъносини тушунтириш орқали уларда илмга, ўқув меҳнатига қизиқиш, билимли кишиларга ҳурмат ҳиссиётларини уйғотиш мумкин. Жумладан:

*Билаги зўр бирни йиқар,
Билими зўр мингни йиқар.
Билим — баҳт келтирап.
Илм — акл чироги.
Илмсиз — бир яшар,
Илмли — минг яшар.
Оз-оздан ўрганиб доно бўлур,
Қатра-қатра йигилиб дарё бўлур.*

Булардан ташқари, кўплаб бебаҳо асарлар мавжудки, улардан фойдаланиш, ўқувчиларнинг мустақил ўқишлиарини ташкил этиш уларнинг ўқишга бўлган интилишларини оширади. Шу максадда

378

Юсуф Ҳос Ҳожибнинг «Қутадғу билиг» асарида фойдаланиш ҳам яхши самара беради. Асарда тилга олинган мавзуларда инсон камолати масаласи ва билимли киши қадрини ошириш хақида ажойиб сатрлар бор:

*Ўқув қайдада бўлса, улуғлик бўлар,
Билим кимда бўлса, буюклиқ олар.*

Билим мисоли бир жилов. У одамни барча ёмон, ярамас ишлардан тийиб туради. Билим эгаси ўз тилакларини топади, орзу-мақсадларига эришади. Билим эгалари элда азиз бўлади, ҳурмат қозонади. Барча мураккаб ишлар билим билан ҳал этилади. Ана шу ўгит насиҳатларни содцалаштириб, тушунарли қилиб гапириб бериш орқали ўқувчиларда ўқув меҳнатига қизиқиш орттирилади. Қизиқиш эса ғайрат ва қунт билан ўқишига ундайди. Натижада ўқувчилар дарс қолдирмай ва кечикмай билимларни пухта ўзлаштиришга харакат қиласидар.

Ўқувчиларнинг жисмоний меҳнатга нисбатан ижобий муносабатларини тарбиялашда меҳнат турлари ва илғор меҳнат кишилари хақида сұхбатлар ўтказиш, ишлаб чиқариш корхоналарига, завод ва фабрикаларга, дала, боғ ва чорвачилик, паррандачилик фермаларига экспурсиялар уюштириш, меҳнат илғорлари хақида очерк ва ҳикоялардан ўқиб бериш; меҳнатни улуғловчи эртак ва маколлардан фойдаланиш; ўқувчиларнинг ўз ота-оналари касби, уларнинг ишлари хақида сұхбатлар уюштириш сингари тадбирлардан фойдаланиш яхши натижалар беради.

Хўш, ана шундай учрашувларни қандай ўтказиш керак?

Аввало, ҳар бир учрашувга пухта тайёргарлик кўриш лозим. Тайёргарлик пайтида мутахассислар-

379

дан кимлар ва қандай касб әгалари таклиф этилишига қараб, ана шу касбнинг моҳияти, шу касбда ишлайдиган кишиларнинг жамиятда тутган ўрни, уларнинг ишлаб чиқарган меҳнат маҳсулотлари ҳақида ўқувчиларга тушунча берилиши зарур. Чунки учрашувга келган мутахассисни ҳам маълум маънода тайёрлаш керак, у ҳам қайси ёшдаги болаларга нималар ҳақида гапириш кераклигини билсин. Сўнг учрашув давомида мутахассис ўз касбини қандай эгаллаганлиги, борди-ю, ўқувчилар орасида шу касбга қизиқувчилар бўлса, улар шу кунлардан бошлиб нималарга эътибор беришлари ҳақида ҳам тўхталиб ўтади. Ўз навбатида ўқувчилар ҳам касб-хунар ҳақида ёдлаган шеърларидан айтиб бериш билан бирга, ўзларини қизиктирган масалалар юзасидан саволлар беришлари мумкин.

Умуман, хар бир учрашув пухта тайёргарлик билан ўтказилса, унинг тарбиявий таъиери кучли бўлади.

Ўқувчиларда меҳнатсеварликни тарбиялаш учун, аввало улар бажарадиган ишнинг инсон ҳаётидаги аҳамиятини тушунириш ва бу ишни бажаришга уларни қизиктириш зарур. Бунинг учун эса юқорида таъкидлаб ўтилган тадбирларни режали ва мазмунли тарзда уюштириш лозим бўлади.

МЕҲНАТ ДАРСЛАРИ ВА УЛАРНИ ТЎҒРИ ЮШТИРИШГА ҚЎЙИЛАДИГАН ПЕДАГОГИК ТАЛАБЛАР

1. Агар меҳнат дарсларида бажариладиган ишнинг мақсади болаларга аниқ бўлса, улар шу ишни жон-диллари билан адо этадилар.

2. Болалар қилган меҳнатлари зое кетмаслигини, ишда муваффақият қозонишларини хис қил-

380

салар, яъни ўз меҳнатлари самарасиз қолмаслигини яхши билсалар, сидқидилдан меҳнат киладилар.

3. Болалар ўзларига мос ва кучлари етадиган ишни роҳатланиб бажарадилар.

4. Ўқувчилар ишда ўз бурчларини сезишлари, жавобгарликни англашлари ва шунга амал килишлари лозим.

5. Инсон бир ишга киришишдан олдин, ўша ишнинг оқибатини яхшилаб ўйлаши керак. Ўйламасдан тапир-тупур бирор ишга киришган кишининг меҳнати зое кетади.

6. Инсон истаганини қўлга киритиши учун сабрли, чидамли ва ғайратли бўлиши керак. Ғайратли, ишchan болаларни ҳамма севади.

XVII б о б. НАФОСАТ ТАРБИЯСИ

/Нафосат тарбияси (эстетик тарбия) бу ўқувчиларни воқеликдаги, санъатдаги, табиатдаги, кишиларнинг ижтимоий ва меҳнат муносабатларидаги, турмушдаги гўзалликни идрок килиш ҳамда тўғри тушунишга ўргатиш, уларнинг бадиий дидини ўстириш, уларда гўзалликка мухаббат уйғотиш ва ҳаётига гўзаллик олиб кириш қобилиятларини тарбиялашдир)

Нозикдидли бўлиш, гўзалликни фаҳмлай ва қадрлай олиш, бадиий маданиятни тушуниш, хуллас, ўз ҳаётини гўзаллик қонунлари асосида кура олиш — комил инсоннинг энг зарурий фазилатидир.

Инсонда гўзалликни тушуниш бирданига вужудга келмайди, балки у жамият ва одамлар, атроф-мухит таъсирида шаклланиб боради. Шунга кўра, инсониятнинг бадиий ривожланиш қонунлари ижтимоий ривожланиш қонунлари билан боғланган.

Бадиият қонунлари эса, ижтимоий-эстетик идеаллар орқали намоён бўлади.

381

Нафосат тарбияси — энг аввало ҳар бир кишида бадий хиссёт түйғуларини, бадий дидни тарбиялашдир. Бундай юксак нафосатлилик ақл-заковатдан холи бўлади, деган маънони тушунмаслик керак. Шахснинг баркамол инсон бўлиб шаклланнишида бу икки томон бир-бирини тўлдиради. Чинакам санъат асарида хиссёт чукур ғоявий аклий мазмун билан бирикиб кетади. Нафосат тарбияси ақл билан хиссётни тарбиялаш, янада аникрок қилиб айтганда, хиссёт воситаси билан ақлни тарбиялашдир. Бу икки томон бир-бири билан узвий боғлиқдир.

Илмий дунёкарашга асосланган нафосат, дид, хис-туёғулар ва кўнималарнинг ўсиб бориши жаёнода инсоннинг ўзи ҳам маънавий бойиб, олижаноб бўлиб боради, унинг ҳаёти янада сермазмун бўлади, яшаётган замонига нисбатан меҳр-мухаббат ортиб боради. Буларнинг ҳаммаси ҳар бир инсонда гўзалликни хунукликтан, жирканчликдан фарқ қила билиш қобилиятини шакллантиради, уни янада ривожлантиради. Чинакам нозик дид хақиқий гўзалликдан лаззатлана олиш, меҳнатда, турмушда, юриш-туришда, санъатда нафосатни идрок этиш ва яратишга эҳтиёж сезиш демакдир. Дидсизлик кишининг воқеликка бўлган ижобий муносабатини бузуб юборади, натижада у нафосатга лоқайд карай бошлайди.

Нафосат тарбияси бугунги кунда шунинг учун ҳам муҳимки, дид-фаросатлилик меҳнатда, ишлабчиқаришда, кундалик амалий фаолиятда — ҳар бир инсон учун ҳаётий эҳтиёжга айланиб қолган.

Дид-фаросат ҳар бир инсоннинг ҳатти-харакатида, кийинишида, юриш-туришида, кишиларга бўлган муносабатида, жамиятдаги у ёки бу воқеаларга ёндошишида ва хоказоларда якқол кўзга ташланади.

Баъзан ҳаётда диди паст, маънавий кашшоқ кишиларни учратамиз. Бундай кишилар акдан, ахлоқан ва рухан заифлигини яшириш учун сохта ҳатти-харакатлар қиласидар, ўзларига ярашмайдиган ишлар қиласидар, дидсиз кийинадилар, маъни-матрасиз, шовқин-сурондан иборат мусиқа ва ашуласарни тинглайдилар. Бундайларни кузатаркансиз, уларнинг меҳнат гаштини сурмаган, ҳаёт ташвишларига бепарво, лоқайд кимсалар эканлигига гувоҳ бўласиз.

ОДОБ ВА НАФОСАТ ТАРБИЯСИ

Донолардан бири гўзаллик ахлоқ-одобнинг туғишиган синглисиdir, деган эди. Дарҳакиқат, бу, жуда тўғри таъриф. Одатда одоб ва нафосат тарбияси ўзаро чамбарчас боғлиқ ҳолда амалга оширилади. Чунки нафосат тарбиясининг натижаси ахлоқ-одобда, чиройли* ҳатти-харакат, гўзал муносабатда ва ҳаётга, келажакка, инсонларга, табиатга муҳаббатда кўринади.

Халқимиз: «Камтарлик ҳам хусн», дейди. Мана шу биргина иборада чукур маъно бор. Нафосат тарбияси туфайли ўшларда камтарлик хислати таркиб топади. Бу хислат кишиларнинг энг гўзал, энг чиройли белгисидир. «Кишининг чиройи юзида», дейди халқимиз. Бир гўзал табассум кишиларга мисоли қуёш бўлиб, қалбларга илик нур таратади. Киши бирор асарни ўқиб, чехраси ёришиб кетади. Ёки ёқимли бирор куй, ашула тингласа, боши майнин тебранади, бирор гўзал расм, манзарали тасвирга бокиб ундан кўз узолмай колади, қалбий кувончларга тўлади.

Хунук ҳатти-харакатдан нафратлана билиш туйғусини ҳам нафосат тарбияси пайдо қиласиди. Бунда бадий асарларнинг роли муҳимдир. Масалан, «Зумрад ва киммат» эртагида Қиммат ҳар қанча бўлса

хам, унинг хулқ-атвори, қиликлари, хатти-ҳаралати ўқувчи қалбидаги нафрат уйғотади. Зумраддинг теварак-атрофга муносабати, меҳнатсеварлиги, камтарлиги, сезгирилиги, шириш сўзлиги каби хислатлари эса, аксинча, қалбларда қониқиши, қувонч, иликлиқ, табассум, унга хайрихохлик пайдо қиласди.

Шуни алоҳида қайд этиш ўринлики, айрим ёшлилар гўзалликни тор маънода тушунади. Яъни, чиройни кўпинча хусни жамолда деб билишади. Бу бир томонлама тушунчадир. Хар томонлама тўлиқ маънода эса чирой, хусн-жамол қалб гўзаллигига, маъноли сўздадир. Халқимиз ҳам «Чирой хусну жамолда эмас, фазлу камолда» деб бежиз айтмаган!

Гўзаллик тарбиясида шу нарсага эришиш керакки, ташки қиёфани ҳаддан ташқари безайвермасдан, асосан маънавий оламини безаш учун интилиш лозим. Шундай экан, бошланғич синфларда одоб гўзаллигига эришишимиз зарурдир. Бунинг учун ўқитувчиларимиз гўзаллик илми билан қуролланган бўлишлари мухимдир. Бундан мақсад ёшларга гўзаллик асосида тарбия беришдир.

Эстетик, яъни гўзаллик тарбиясини сингдиришнинг аҳамияти катта. Бундай тарбия, аввало ёшларни турмушдаги гўзаллик ва хунукликни тушуниш, хис этиш орқали маълум бир кайфиятни шакллантиради, уларда гўзалликтан завқланиш, хунук қилиқ, хатти-харакатлардан нафратлана олиш қобилиятини пайдо қиласди, кишиларни маънавий фазилатли бўлишга етаклади.

Эстетик хиссиёт, одоб инсонни олижаноб қиласди, уни юксакликка чорлайди. Ана шу туйғу ривожланган бўлсагина кишиларда чинакам меҳр, самимият, олижаноблик, камтарлик каби фазилат-

лар ва гўзалликка ташналиқ ҳосил бўлади. Эстетик туйғу: кечинмалар дидни ўстиради, зехниликни кучайтиради. Диди, зехни ўткир кишининг сўзи билан қилган ишлари ўзаро монанд бўлади, у интизомлиликда намуна кўрсатади.

Юксак дидли инсон ички ва ташки гўзалликнинг бирлигини англаш етади. Ҳар бир нарсадаги, ҳодиса ва воқеалардаги узвий алоқадорликни чукур хис кила олади.

Яхши дид, ўзини тута билиш ва тарбияланганлик бир-бири билан узвий боғлиқдир. Ўзини тута билиш, одоб, хулқ-атвортаги тарбияланганлик эса сухбат ва гаплашишдаги яхши дид-фаросат хисобланади. Яхши, нозик дид кишининг юксак ахлоқий сифатларida ифодаланади ва уларни янада ривожлантиришга ёрдам беради. Инсон маънавий маданиятининг умумий даражаси, ақлий, эстетик ва ахлоқий ривожланиши қанчалик юқори бўлса, унинг ички маънавий дунёси ташки қиёфада шунчалик яққолрок акс этади. Зоро, ички гўзаллик ташки қиёфада кўринади. Ички ва-ташки гўзаллик бирлиги — бу ахлоқий камолатнинг гўзал ифодаланишидир. Инсон гўзал бўлишга, гўзал кўринишга харакат қиласди — бу қонуний хол. Аммо уни амалга ошириш ахлоқий фазилатга, яъни инсоннинг гўзаллиги унинг ижодий, яратувчилик фаолияти мазмунига боғлиқдир. Агар инсон ўзи севган фаолият билан банд бўлар экан, унда ички кўтаринкилик, олижаноблик ва илхомбахш туйғу пайдо бўлади.

Инсоннинг ички ва ташки маънавий дунёси, ўз олдига қўйган мақсади қанчалик гўзал бўлмасин, агар ундан жамиятга фойда бўлмаса, уни нафосатли деб айта олмаймиз. Зотан, ҳақиқий гўзаллик ҳар бир кишининг ижтимоий-фойдали фаолияти даражаси билан ўлчанади.

Инсон меҳнати билан яратилган барча нарсалар фақат моддий жиҳатдан фойдали бўлибгина колмасдан, балки, завқ-шавқ уйғотиш манбаи ҳамдир, чунки улар кишининг баҳри дилини очади, унга маънавий озиқ беради.

Инсон меҳнат жараёнида бошқа инсонлар билан муомала қиласди, уларга яқинлашади. Натижада ақлий, ахлоқий ва ҳиссий камолатга эриша бошлиди. Кишилар билан муомала қилиш жараёнида ўз-ўзини такомиллаштиради. Инсоний муомала маданияти кишини донолик ва завқ-шавқ билан бойитадиган мўъжизавий куч-кудратга эгадир. Зоро, кишилар билан учрашишдан, улардаги маънавий бойликни билишдан инсон ўзи учун битмас-туган мас озиқ олади. Худди шу инсоний муомала маданиятида шахснинг хаётни севиши шаклланади ва янги инсон камол топадиган маънавий муҳит мустаҳкамланади. Инсоний муомаланинг ички аҳамияти шундан иборатки, бу жараёнда инсон бошқаларнинг ички дунёсини тушунади ва ҳис этади. Бу билан у тор бикиқлик ва худбинликдан холис бўлади, хушмуомалалик гаштидан завқка тўлиб, ўз хаётини маънавий бойитади.

Хуллас, эстетик дид, эстетик қобилият, ҳиссисёт маданияти бирданига пайдо бўлмайди, табиатдан тайёр ҳолда берилмайди. Ҳар қандай инсоний қобилият қаторида гўзаллик туйғуси ҳам тарбиялаш, ривожлантириш, такомиллаштиришга муҳтоҷдир. Буларнинг ҳаммасида инсон гўзаллиги намоён бўлади. Халқимиз «Яхши ҳуснингни ёмон хулқинг бузади», деб бекорга айтмаган.

ДИД-ФАРОСАТЛИЛИК - ТАРБИЯ КЎРГАНЛИК БЕЛГИСИ

Маданиятилилк, тарбия кўрганлик, одоблилк инсоннинг ташқи қиёфасида ҳам намоён бўлади.

Кўча-кўйда, учрашувларда нотаниш кишиларни учратар эканмиз, аввало, унинг ташқи қиёфасига назар ташлаймиз. Шунга қараб, у ҳақида маълум бир фикрга келамиз. Зоро, ҳамма жойда доимо кишига юзлаб кўзлар қараб туради: у қандай кийинган, қандай қадам ташляяпти, ўзини қандай тутаяпти?

Покизаликка, озодликка интилиш ҳар бир инсон олдидағи муҳим вазифалардан ҳисобланади. Озода кийиниши, бадани тоза саклаш, сочни тараб оройиш бериб юриш, кийим-бошни ва уй-жойни озода тутиш киши риоя қилиши керак бўлган энг оддий ва энг зарурый талаблардандир. Уст-боши фижимланган, соқоли олинмаган киши кўзга соувқ кўринади. Тирнокни ҳаддан ортиқ ўстириш, ошириб пардоз қилиш кулгилидир. Сочи ғалати қилиб турмакланган, кўзга ташланиб турадиган катта зирақ таққан, бўйнига катта маржон осган қизлар, сочини елкасига тушириб, хурпайтириб юрган йигитлар кўзга хунук кўринади. Ўзининг ташқи қиёфасига эътибор бериб юриш — ҳар бир кишининг муҳим ижобий хислатидир. Лекин ўзига оро бериш бирдан-бир максад бўлиб қолса, унинг бошқа барча манфаатлари шунга мослаштириб қўйилса, бу ҳол ижобий бўлмай қолади.

Ҳақиқий тарбияланганлик чиройли юриш, қадди-қоматни чиройли тутиш, чиройли гапиришни тақозо этади. Кўп ёшлар билишмайди. Баъзилар лапанглаб, қўл силтаб, елкани чикариб юрадилар, қўлларини чўнтакларига солган ҳолда гапирадилар, стулда оёқларини чалиштириб ўтирадилар. Кишилар ўртасида бўлганда ўзига оро бериш, тез-тез кўзгуга қарап, безаниб сочини тараш қиз бола, аёлларга ярашмайди.

Айрим ёшлар ясама, сунъий «гўзалик» билан ўзларини бадбашара қилиб кўядилар, улар ҳақиқий

гўзаллик юзнинг табиий латофатида, содда ва хушбичим кийимда эканини унутиб қўядилар. Кишининг ташки ғўзаллиги кийим рангларининг бирбирига мос келишида, табиийлик ва соддалика жуда яққол кўринади. Кўзга ташланмаган холда кишининг хуснига табиий латофат ва нафосат берадиган, унинг айрим камчиликларини билинтирмай кетадиган уст-бош кийган маъкул.

Инсоннинг дид-фаросати кийим-бошида, хатти-харакатларида, ўзини тута билишида кўзга ташланади. Самимий, оқкўнгил, ўзига талабчан, умумий тарбияланган киши ташки кўринишида сунъийлик, қалбакиликни кўрсатувчи бирон-бир беъманиликка йўл қўймайдиган тарзда кийинишга, ўзини шунга муносиб тутишга харакат килади. Дидли-фаросатли киши ҳамиша ана шу қиёфасини саклаб колади. Ташки қиёфага эътибор бериш ички маънавий гўзаликнинг ифодаси хисобланади.

Гап иафосат, гўзаллик ҳақида борар экан,..халқимизда покиза, саранжом-саришта, пок табиат кишиларга нисбатан ишлатиладиган «назофат» тушунчаси ҳақида бир-икки оғиз тўхташ жоиздир.

Тарбияшунос аллома Абдулла Авлоний ўзининг «Туркий Гулистон ёхуд ахлок» асарида инсонларга, айниқса, хотин-қизларга ярашиқли «назофат» фазилатига алоҳида урғу бериб, шундай деган:

«Назофат» деб аъзоларимизни, кийимларимизни, асбобларимизни пок ва тоза тутмоқни айтилур».

Поклик зехн ва идрокни кенг ва ўткир қилур. Халқ орасида эътибор ва шухратга сабаб бўлур. Поклик ила ҳар хил касаллардан кутулиб, жонимизнинг қадрини билган бўлурмиз. Пок бўлмак саломатимиз, саодатимиз учун энг керакли нарсадир. Йиртиқ, эски кийимлар киймок айб эмас, янги

кийимларни кир қилиб, ёғини чиқарип юрмок зўрайб ва гуноҳдир. Чунки бу иш шариатга терс, тарбияти баданга зид, ҳам бир йилга етадиган кийимлар олти ойга етмай йиртилиб тамом бўладур. Бу исроф, мол қадрини билмасликдир. Ифлослик балосидан поклик давоси ила қутулмоқ қерак. Балиқнинг хаёти сув ила бўлганидек, инсоннинг саломатлиги ҳаво иладур. Агар тан пок бўлиб, ювилиб турмаса, қулоқ кир бўлса эшитмагани каби бадан ҳам ўзига қерак бўлган ҳавони ичига ололмас, ичидаги рутубат ҳам кирдан ўтуб чиқиб кетолмас, чунки бадан элак каби кўзликдир. Агар кўзи кир бўлса, ун туриб сув ҳам ўтмас, шунинг учун тамизи бўлмаган кишилар қўрқинчли касалларга тезгина гирифтор бўлурлар. Шодликлари ғамда, олтиндан кадрли умрлари касалхоналарда ўтар. Мана шуларни риоя қилиб, шариатимиз бизга покликни фарз қилмушдир.

*Халқи олам суйгусидир тозалик, покни,
Поклик орттиргусидир фаҳм ила идрокни.
Ҳар кишини қўксига поклик нишони бўлмаса,
Тозалик майдонидан қувғайлар ул бебокни».*

Киссадан хисса: «поклик, озодлик, саранжом-саришталик—юксак дидлилик, иймон саломатлигидан дарак берувчи сифатлардир.

НАФОСАТ ТАРБИЯСИ ВАЗИФАЛАРИ ВА МАЗМУНИ

Нафосат тарбияси барча ёшдаги кишиларга баббаробар зарур. Аммо бутун тарбия тизимида, амалда исботланганидек, нафосат тарбиясини сингдиришни инсоннинг болалик давридан бошлаш ниҳоятда мухим, бу давр инсон ҳаётида феъл-атвор, иродадининг, дид, гўзаллик туйғуси ва ҳаётий тушунчанинг пайдо бўлиши ва шаклланиши давридир.

Болаликда акл-фаросат, ахлоқий кўнималарни тарбиялаш билан бир қаторда, уларда чиройли, нафис, гўзал нарсалардан завқола билишни, гўзалликни дағалликдан, қўполликдан тез ажрата олиш қобилиятини тарбиялашимиз керак.

Гўзалликни хунукликдан ажрата олиш, гўзалликни севиш, унга интилиш қобилияти соддаликдан мураккабликка қараб ўсиб боради. Бола тўрт-беш ёшдаёк кийинишдаги гўзалликка — ихчамликка, нафисликка, чиройлиликка эътибор бера бошлайди, тўккиз-ён ёшларда эса юриш-туришдаги, хатти-харакатдаги гўзалликнинг хам фахмига етадиган бўлади, ўн тўрт-ён беш ёшларда меҳнатдаги, ижтимоий хаётдаги гўзалликни хам англаш қобилиятига эга бўлади. Лекин бу гап беш ёшли болаларга ижтимоий хаётдаги гўзаллик хақида тушунчалар беришнинг ҳожати йўқ деган фикрни билдирамайди. Ёш болаларга хам меҳнат ҳақида, хаёт ҳақида гапириб бериш мумкин, аммо бу сухбатлар ниҳоятда сода, ихчам ва бола ҳурмат қиласидан бирор кимсанинг ишлари мисолида олиб борилса, айни муддао бўлади.

Нозик дидни, гўзаллик туйғусини шакллантиришда гўзал мухитнинг роли катта. Биз чиройли мухит деганда болага чиройли кўринган, унинг қалбида завқ-шавқ уйғотадиган нарсалар, буюмлар, воеалар, ҳодисаларни тушунамиз. Бунда оила, мактаб ва жамоатчилик асосий роль ўйнайди.

Оилада болани тозаликка, тартиблиликка, гўзалликни севишга ўргатиш керак. Бунинг учун аввало уйдаги барча буюмлар дид билан танлаб, жойлаштирилган, тоза, саранжом-саришта бўлгани маъкул. Чунки болага иккি хил нарса кўпроқ таъсир қиласиди. Биринчиси боланинг кўзига тез-тез ташланаидиган буюмлар, одамлар ўртасидаги муносабат

бўлса, иккинчиси боланинг ўзига бевосита тегишли бўлган нарсалар — кийим-кечак, идиш-товоклар, китоблар, ўйинчоқлар, ёзув столи ва бошқалардир. Бола ўз буюмларини асраб, авайлаб, тоза-озода, саранжом-саришта қилиб юришга ўрганса, у ёши улғайган сайн гўзалликнинг мурракаб кўринишларини табиатдаги уйғунликни, санъатдаги гўзалликни пайқаб олиш учун тайёрланна боради.

/Ёшланғич синф дастурига кўра ўқувчиларга даттглаб хулқ-атвор ва турмушдаги гўзаллик, яъни буюмлар, кийимлар, ўкув қуролларини тоза, озода, чиройли асраш, уларни саранжом-саришта саклай билиш, улардан тўғри ва ўринли фойдаланиш ўргатилади. Ўқувчиларда хушмуомала бўлиш, қўполликдан нафратланиш, ифлослик, тартибсизликка муросасиз бўлиш каби хусусиятлар тарбияланиб боради. Нафосат тарбияси таъсирида болалар қалби шунчалик нозиклашадики, улар ҳар бир сўзни дархол кулоққа оладиган бўлади, қалб фазилати ортади, нафосат ҳис-туйғуси кучаяди, ҳис этиш, тушуниш, қадрлаш, завқланиш, нафратлана билиш, бир ҳодисага муносабат билдириш — булар нафосат тарбиясининг алифбоси ҳисобланади.

Нафосат тарбиясининг асоси оиладан бошланади, гўдаклик давридан вактида овқатланиш, ухлаш тартибига риоя этиш, уйда озодалик, саранжом-саришталик била аъзолари ўртасидаги ўзаро ҳурмат, қадр-қиммат бола қалбида ўчмас из қолдиради. Бола олдида беҳаё сўзларни айтиш, бачкана килик, хатти-харакатлар килиш бола тарбиясига ёмон таъсир этади. Нафосат тарбияси орқали овқат пишириш, дастурхон атрофида ўтириб овқатланиш жараёнидаги азалий шарқона одат, одоб коидала-

рига амал қилиш ўргатилади. Оила гўзаллик тарбиясининг биринчи ўчоғи бўлса, ундан кейин мактаб, ўқитувчи-тарбиячи ўгити, жамоатчилик, катталар таъсири-таълим-тарбияда муҳим ўрин тутади. Мана шу жараёнда боланинг хар бир хатти-харакати кузатиб борилиши, хатолари сабр-чидам, ўрни, ётиғи билан тузатиб турилиши лозим.

Мехмонга бориш, меҳмон қабул қилиш, кўчада юриш каби ота-боболаримиз тажрибаси ўргатилмоғи зарур!

«Ассалому алайкум»дан бошлаб, чехра табассуми, катталар олдида бош эгиб туриш ҳар бир насиҳати учун миннатдорчилик билдириш, кетишга рухсат сўраш — булар биринчи ўриндаги талабларга киради. Айниқса, сўзлаш одобига жиддий эътибор бериш даркор. Сўзлаганда тинглаётган киши кўзига қараб туриш, сўзлаб туриб ўёқ-буёққа аланглаш ёки тескари қараб тўнғиллаш одобсизлик эканлигини яхши англаб етиш, оғиздаги лукмани ютгандан кейин оҳиста гап бошлаш, шошилмай, дона-дона қилиб, мақсадни аник, дангал, равшан, эшитарли овоз билан тушунириш кераклиги ўргатилади. Булар — одоб гўзаллигидир.

Нафосат тарбияси орқали ўз-ўзини бошқариш шаклланади. Бу ўз-ўзига аста-секин талабчанликни келтириб чиқаради. Ўз-ўзини тергаш, ўзини мустакил, онгли, оқилона бошқариш, ўз хулқ-атвори, хатти-харакатига баҳо бера билиш кўнилмаларини эгаллаш демакдир.

НАФОСАТ ТАРБИЯСИ ВОСИТАЛАРИ

Нафосат тарбиясига доир билим ва малакалар асосан дарс жараённада — ўқиш, мусика, она тили, табиат, тасвирий саиъат, тарих, география ва жисмоний тарбия каби дарсларда берилади.

Ўқиш дарсларида нафосат тарбияси ифодали ўқиш, техника воситаларидан фойдаланиш, дид билан чизилган расмлар ва сахна ўйинлари орқали ўқувчи онгига сингдирилиб борилади. Шунингдек, турли жанрдаги бадиий асарларни ўқиш, шеърларни ёдлаш, жумладан эртак, ривоят, хикоятларни ўрганиш орқали бола сўз кудратидан завқланади, ҳаяжонланади, таъсиранади. Ўзини сирли вокеалар ичидаги юргандек хис этади, бутун вужуди кулокқа айланади, турли кечинма, кайфият, хистийғу қалбини қамраб олади. Сўз кудрати уни сеҳрлаб, бутунлай ўзига жалб этади, эргаштиради.

Нафосат тарбияси воситаларидан энг муҳими санъатдир. Санъатнинг барча тур ва жанрлари ўзиға хос таъсири кучига эга. Ёш ўса борган сайин, бollaда санъатнинг у ёки бу турига қизикиш алмашиб боради.

Санъатнинг энг таъсирчан турларидан бири мусиқадир. Бола ҳали ёзиш, ўқиш, чизишни билмаган пайтда ҳам мусиқанинг сеҳрли тўлкинини кабул қилиши, улардан озиқланиши мумкин. Мусиқанинг илк таъсири она алласи билан боғлик. Она алласи майин, жозибали, ширадор, таъсирчан бўлгани учун ҳам бола ундан оромолиб уйқуга кетади. Мусиқа боланинг эшитиш қобилиятини яхшилайди, унинг руҳиятига юмшоқлик, фель-авторига мулоҳимлик бағишлайди. Ҳақиқий мусиқа асарлари таъсирида улғайган бола ўртоқлари орасида ажralиб туради.

Санъатнинг иккинчи бир тури — тасвирий санъат ҳам нафосат тарбиясида муҳим ўрин тутади. Расм чизишга бўлган қизикиш аксарият болаларда ёшлиқданоқ бошланади. Расм чизишга бўлган хавас болаларда ижодкорлик қобилиятини тарбиялайди,

хотирасини шакллантиради, хаёлнинг ўсишига ёрдам беради. Гўзаллик ва хунукликка бўлган ўз муносабатини бола ўзи чизган расмлари орқали ифодалашга ҳаракат қиласди. Бола ўзи яхши кўрадиган кишисини ёки бирор нарсани чиройлироқ ва нағисрок чизишга ҳаракат қилса, ёмон кўрганини масхаралаш шаклида чизишга интилади. Биз бола ҳаётидаги бу жараённи пухта билиб олиб, унга ёрдам беришимиз лозим.

Болаларда гўзаллик туйғусининг шаклланишида бадий адабиёт ва ракс санъатининг ҳам роли бенихоя катта. Умуман, тўрт санъат тури — мусика, тасвирий санъат, шеърият ва ракс болаларни гўзаллик дунёсига етакловчи, уларда кузатувчанлик, тъсирчанлик каби руҳий хусусиятларни, ижодий ҳёл ва ижодкорликни тарбияловчи асосий омиллар хисобланади ва болада эстетик дидни шакллантиради.

Табиат ҳодисалари ҳам нафосат тарбиясининг муҳим воситаларидан биридир.

Ўкувчиларни табиатдан баҳра ола билиш, унинг гўзаллигини севишга ўргатиш лозим. Бунинг учун табиат бағрига тез-тез сайр уюштириш, табиат манзаралари, қуёш, ҳаво, боғ, дала, сув, дарё, тоғ қушлар, жоноворлар, ҳайвонларни кузата билиш, уларнинг кўриниши, шакли, ранги овозини тинглаш, эшитиш, меҳнат обьектларини бориб кўриш, инсон ва унинг турли касбларга оид фаолиятини ўрганиш — нафосат тарбиясининг асослари хисобланади.

Ўкувчиларни ҳаваскорлик тўгаракларига жалб этиш, интермедиялар ижро этиш, саҳнада роль бажариш, турли миллий ўйинлар ўйнаш — булар қалбларни гўзалликка ошно этувчи воситалар бўлиб хизмат қиласди.

Нафосат тарбияси жисмоний ривожланиш билан ажралмасдир. «Соф танда — соғ ақл» деган ҳикмат бежиз айтилмаган. Биз ташки ва ички гўзалликни бир-бирига қарама-қарши қўймасдан, уларнинг уйғунликда тараққий этишигемиз лозим. Бадантарбия ва спорт билан шуғулниш, бир томондан, кишининг саломатлигини мустахкамласа, иккинчи томондан, ташки қиёфасини кўркам қиласди.

Ҳамма вақт нафосат тарбиясининг асосида эркин фикрлаш, эшитиш, кўриш, ҳаракат қилиш кобилиятини тарбиялаш масаласи туради.

Бола воқеликдаги, санъатдаги, инсондаги гўзалликни кўра олишга, хис қила билишга, мусика асарларини эшита олишга, гўзаллик ва хунуклик ҳакида эркин фикрлай олишга, ўз фикрини аник сўзлашга кобил бўлса, демак, унда гўзал дид, гўзал туйғу, эстетик идрок камол топган бўлади.

XVIII боб. АХЛОҚ-ОДОБ ТАРБИЯСИ

Ахлок ижтимоий онг шаклларидан бири бўлиб, муайян жамиятда яшовчи кишилар амал қилиши зарур бўлган маълум хатти-ҳаракат қоидалари йиғиндисидир.

Ахлок одамларнинг бир-бирларига, жамиятга, давлатга, ҳалқ мулкига, оиласа, ишлаб чиқариш воситаларига, меҳнат маҳсулотлари ва шу кабиларга муносабатини муайян тартибга соладиган Хатти-ҳаракат қоидалари тизимида намоён бўлади.

Одоб — одамнинг жамоат, эл-юрт орасида ўзини тутиш, бошқалар билан қай йўсин муюмала қилиш, ўз турмуши, майшати ва бўш вақтини қандай ташкил этиши, хуллас, шахснинг кундалик хулқ-атвори, юриш-туриши, хатти-ҳаракатлари қандай бўлиши лозим ва маъқул эканлиги хусуси-

да баҳс этади. Аникроғи, ахлоқ кишининг ички олами, эътиқоди, фазилатлари сифатида мавжуд бўлса, одоб шахснинг кўзга ташланадиган мулозамати, хулқ-атвори, муомала-муносабатлари тарзида намоён бўлади. Ахлоқ кишидан ҳар хил ҳолатларда қандай йўл тутиш кераклигини яхши ўйлаб, энг мақсадга мувоғик ҳаракат қилишни талаб этса, одоб ўз қоидаларининг одат тусига киришини, яъни ҳар қандай вазиятда ана шу одатни намоён қилишини тақозо қиласди. Ҳар бир одам хусусида, одатда, унииг фаолиятига, қандай иш билан шуғулланишига, бу фаолияти ва ишиахлоқ талабларига[^] турмуш қоидаларига, жумладан, давлат қонунларига мувоғик ёки хилоф эканлигига асосланиб муайян фикр юритилади.

Ахлоқ илми яхшилик билан ёмонлик ўртасидаги мураккаб муаммолар ҳакида баҳс юритиб, инсоннинг камолатга эришиш йўлини ёритиб боради. Ҳар бир инсон бир олам бўлгани каби унинг ахлоқ-одоби ҳам жуда мураккаб олам, десак янгишмаймиз. Чунки, шахснинг зоҳирий ва ботиний оламини, айникса қалб оламини ўрганиш, билиш, тахлил этиш ғоятда қийин, бу руҳият билан боғлиқ ҳолатдир. Ахлоқли, одобли комил инсонда одамийликнинг энг яхши хислатлари: меҳр-муҳаббат, раҳм-шафқат, адолату диёнат, ҳаёю иффат, вафою садоқат, химмату саховат, имон-эътиқод кабилар мужассам бўлади, айни ҳолда шу хислатларнинг акси—бебурд, ахлоқсиз кимсалар феълида қўринади.

Ҳар бир ҳалқнинг нуфузи ва обрў-шуҳрати кишиларнинг ахлоқи-одоби, яхши хислат-фазилатлари билан белгиланади, шу тахлит баҳосини олади.

Қадимги файласуфлару донишмандлар ахлоқ-одобга жуда катта баҳо бериб, уни жамиятнинг пойдевори деганлар. Шунинг учун ҳам жамият ҳар

бир аъзосининг хулқи-одобига алоҳида эътибор берилиши бежиз эмас.

Асрлар давомида ахлоқ-одоб мавзуида қанчадан-қанча китоблар, ҳикматномалар, одобномалар, пандномалар ва насиҳатномалар, ибратли ҳикмату ривоятлар яратилган. Ҳалқ оғзаки ижоди хазинала-рида ахлоқ-одобга доир бебаҳо фикр жавоҳирлари борки, уларнинг ҳаммасини хисоблаб хисобига, таърифлаб таърифига етиб бўлмайди.

Муқаддас Қуръони Каримда ва пайғамбаримиз Мухаммад Алайхиссаломнинг ҳадисларида инсоний ахлоқ-одобнинг барча қирралари ўз ифодасини топган. Муқаддас калималарнинг деярли ҳаммасида яхши амалларнинг ҳидоятию ёмон одатларнинг зарари баён этилиб, улардан қандай қилиб сакла-ниш лозимлиги ҳақида йўл-йўриқлар кўрсатиб қўйилган.

Ёш ниҳолнинг бакувват дарахтга айланиши парваришга боғлиқ бўлганидек, одам боласи комил инсон бўлиб этишиши учун ҳам уни мурғакликдан ахлоқ-одоб илмидан баҳраманд этиб бориш лозим.

АХЛОҚИЙ ТАРБИЯНИНГ ВАЗИФАСИ

Ахлоқ-одоб тарбияси миллий, маънавий, умуминсоний қадриятлар асосида амалга оширилганда-гина унинг мазмуни янада бойиб боради. Чунки миллий, умуминсоний ва маънавий қадриятлар ахлоқиий тарбиянинг ҳамма томонларини қамраб олади.

Инсоннинг жамиятга бўлган муносабатини шакллантириш, салбий иллатларга қарши нафрат уйғотиш, онгли интизомни тарбиялаш, комил инсонни вояга етказиш кабилар ахлоқиий тарбиянинг вазифаларидир.

Ахлоқий тарбия вазифаларидан яна бири инсоннинг жамиятга бўлган муносабатини юқори поғонага кўтаришдир.

Иймон ва инсоф, сўз ва иш бирлиги, инсон-парварлик — янги қурилаётган жамиятнинг асосий хусусиятлари бўлиб колади. Шундай экан, жамият ва халқ манфаати, унинг баҳт-саодати учун курашиш масъулиятини ҳар бир фуқаро теран ҳис этиши ва унга амал қилиши лозим. Ёшларни тарбиялашда шўроча ахлоқ усулларидан воз кечиб, шарқона ва миллий ахлоқ-одоб нормалари асосида иш юритиш билан бирга жамиятга хурмат, мустакилликни мустаҳкамлаш, инсонларга инсоний муносабатда бўлиш каби фазилатларни сингдириш тақозо этилади. Бу вазифаларни амалга ошириш ўқувчиларнинг жамиятга бўлган муносабатини шакллантиришда муҳим аҳамиятга эгадир.

Уқувчиларни жамият манфаати учун килинадиган меҳнатга илхомлантириш ўқитувчининг энг муҳим вазифаси хисобланади. Ўқувчининг жамиятга бўлган муносабатида миллий бирлик, бирдамлик ва ҳамкорлик туйғулари, турли халкдарга бўлган хурмат.кабилар яққол намоён бўлиши зарур.

Ахлоқ, одоб инсоннинг жамиятга бўлган муносабатининг негизини ташкил этади. Шунинг учун ҳам ўқувчида жамиятга бўлган хурматни юксалтириш мустакиллигимизни мустаҳкамлашга, ахлоқий маданият эгаси бўлишга, ахлоқий онгни, ўзини-ўзи англаб этишга, яхши инсонларга бўлган эътиқодни ривожлантиришга олиб келади. Мактаб ўқитувчилари дарс ва дарсдан ташкари жараёнларда дўстлик, ҳамжиҳатлик, ҳамкорлик/ бир-бирини қўллаб-қувватлаш, бироннинг дардига дармон бўлиш каби фазилатлар халқимиз ва миллатимиз-

нинг куч-кудратининг асоси, ижтимоий-иктисодий, сиёсий тараққиётнинг негизи эканлигини ўз ўқувчиларига тушунтиришлари даркор.

Ўзбекистон мустакиллиги, юртимиз равнафи ёшларни ўқиши, изланиши ва меҳнатдан қочмайдиган, ҳар қандай қийинчиликлардан ҳайикмайдиган, салбий иллатларга нафрат билан караш руҳида тарбиялашни талаб қиласди. Шунга кўра бугунги Ўзбекистон заминида яшаётган ҳар бир ёш келгусида шу ўлкани ҳақиқий эгаси бўлиб этишиши, унинг гуллаб-яшнаши ҳақида қайғуриши, эришган ютуқларни мустаҳкамлаши лозим.

Салбий иллатларнинг дастлабки белгилари оиласда, мактабда кўринади. Бунинг олдини олиш ва бартараф этиш учун тинимсиз кураш олиб бориш зарур. Бунда мактаб ўқитувчилари, ота-оналар ўз ўқувчиларида, ўз фарзандларида самимилик, ташаббускорлик, фаоллик меҳнатсеварлик каби ахлоқий сифатларни, матонат, қатъият, мустакиллик, ташаббускорлик, ишонч каби хислатларни шакллантиришлари шарт.

Ўқувчилардаги салбий иллатларга қарши кураш олиб бориша ўқитувчилар муҳим роль ўйнайдилар. Ўқитувчилар таълим-тарбия жарёнида ўқувчиларни мамлакатимизда рўй бераётган воеа ва ходисаларнинг ҳаққонийлигига, тўғрилигига ишонч руҳида тарбиялашлари зарур.

Айниқса улар ҳар бир дарсни ўтишида республикада бўлаётган янгиликлар, мустакил Ўзбекистоннинг фидоий кишилари ҳақида сўзлаб беришлиари, шу билан бирга мустакилликнинг қадрига етмаётган баъзи бир ёшларнинг ярамас кирдикорларини тушунтиришлари керак.

Ахлоқий тарбия вазифаларидан бири — онгли интизомли бўлишдир.

Онгли интизом кишининг кундалик фаолиятида, хулқ-атворида, кишилар билан алоказида, умумий дунсқарашида намоён бўлади. Онгли, интизомли кишининг маданияти, муомаласи кундалик масалаларни ҳал қилиш билан ҳаётининг мазмунни, яхшилик ва смонлик ҳақидаги, маънавий бойлик ҳақида тасаввурлари билан у ёки бу тарзда боғлангандир.

Онгли интизом эгаси бўлган киши ўз ахлоқий бурчини тӯғри англайди, ўз хатти-харакатларига баҳо беради, нотӯғри хатти-харакатни қоралайди. Интизомли киши ўз хулқ-атворига тӯғри баҳо бериш билан бирга, бирор хатти-харакат учун шахсий масъулиятни хис этади.

Абдулла Авлоний «Интизом деб қиладурган ибодатларимизни, ишларимизни ҳар бирини ўз вактида тартиби ила қилмоқни айтилур. Агар ер юзида интизом бўлмаса эди, инсонлар бир дақиқа яшолмас эдилар» деб таъкидлайди. Демак, интизом рухимиизга, фикримизга таъсир қиладиган хислат, тартиб-одоб, маънавий кувватдир. Интизом яхши хулқларнинг манбаидир.

Ўқувчиларда интизомни тарбиялашда мактаб жамоаси ва улар орасидаги ўзаро муносабатлар, бирбiriга бўлган ишонч ва хурмат, ўзаро ёрдам ва ўртоклик хислатлари асосий роль ўйнайди.

Ўқувчиларда онгли интизомни, одобни тарбиялашда ўқитувчилар ўз хулқ-атворлари, муомала маданияти билан намуна бўлишлари даркор. Чунки уларнинг юриш-туриши, одоби ўқувчининг ички эътиқодига айланиши ва маънавиятига таъсир этиши керак. Шундагина ўқувчилар жамият ва жамоа олдида ахлоқий тарбия талабларига жавоб берадиган хулқ-атвор эгаллари бўла оладилар.

АХЛОҚИЙ ТАРБИЯНИНГ МАЗМУНИ

Ўзбекистон мустақилликка эришгандан сўнг таълим-тарбия мазмуни ва моҳиятида, усуллари ва шаклларида жиддий «ўзгаришлар рўй берди. Таълим-тарбияда миллий қадриятларни шакллантириш ва ривожлантириш асосий ўринни эгаллайди. Тарихимиз, маданиятимиз, миллий урф-одатларга эътибор кучайди. Ҳақиқатда ҳам, бугунги кунда Ўзбекистон мустақиллигини мустаҳкамлаш ва келажакда истиқлол истиқболини ривожлантириш аввало комил инсонларга боғлиқ. Чунки бундай инсонлар туфайли фан ва маданият, саноат ва қишлоқхўжалиги ривожланади. Зоро, ахлоқий маданият вазифаларидан бири комил инсонни вояга етказиш, уни тарбиялашдан иборат.

Комил инсон Ўзбекистон мустақиллигини мустаҳкамлашда ўз эътиқоди, ғайрат-шижоати, маданияти, билими ва уларни татбик этиш маҳорати билан ажralиб туради. У жамиятда, жамоада ҳалқлар ва миллатлар ўртасида дўстлик, соғлом турмуш тарзини яхшилашга қаратилган мухитни вужудга келтиришга интилади.

Комил инсонни шакллантиришда мактабда, оиласда, соғлом маънавий мухит баркарор бўлишига эришиш мухим аҳамиятга эга. Чунки соғлом мухит натижасидагина ахлоқий фазилатлар таркиб топади.

Ота-оналар ўз фарзандларини комил инсонлар қилиб тарбиялаши уларда Ватанга мухаббат, меҳнати ва фидойилиги билан ўзгаларга фойда келтириш, садоқат, самимийлик каби хислатларни камол топтиришга хизмат қиласи. Фарзандларимизнинг бундай инсонлар бўлишида оиласнинг тотувлиги, ота-онанинг ўзаро меҳр-муҳаббати ҳам самарали таъсир этади.

Киши ўз ҳаётида ахлоқий камолатга қанчалик кўп интилса, шунчалик ўз хато камчиликларини англаб боради.

Бизнинг Турон замин ҳалқлари ахлоқий тарбия соҳасида бой анъаналарга эга. Ахлоққа оид дастлабки фикрлар «Авесто» китобида, қадимги битикларда ва бошқа ёзма манбаларда ўз ифодасини топган. Булардан ташқари, ўзбек ҳалқи ўртасида кенг тарқалган пандномалар, ўғитлар ва одобномаларда, ҳалқ педагогикасида, фалсафий рисолаларда, алломалар меросида ахлоқий масалаларга кенг ўрин берилган.

Ҳадиси шарифлардаги ахлоқка оид ибратли маслаҳатлар, хикоятлар, асрлар давомида аждодларимиз ҳаётида таркиб топган миллий урф-одатлар, анъаналар Беруний, Форобий, Аҳмад Яссавий, Амир Темур, Навоий, Бобур сингари буюк алломалар, олимлар, ёзувчиларнинг ахлоқ ҳақидаги кўплаб фикр-мулоҳазалари бугунги кунда ҳам оиласиий ҳаёт учун, ҳар бир инсон учун қадр-кимматини йўқотмаган муҳим тарбиявий аҳамиятга моликдир. Жумладан, Амир Темур Ахлоқи Ҳусния — яхши хулқлар эгаси бўлган. У оқил ва тадбирли саркарда сифатида одамларни ишга тайинлашда ҳам, вазифасидан озод этишда ҳам шошма-шошарлик ва адолатсизликка йўл қўймаган, балки етти ўлчаб бир кесган.

Амир Темур сингари жаҳон маънавияти салтанида ўз ўринларига эга бўлган буюк бобокалонларимизнинг ахлоқ, гўзал хулқ ҳақидаги фикрлари бугунги кун талаби билан ёзилгандек туюлади.

«Ўғилларим! миллатнинг улуғ мартабасини, саодатини сақламоқ учун Сизларга қолдираётган вазият ва тузукларни яхши ўқинг, асло унутманг ва татбик этинг.

Миллатнинг дардларига дармон бўлмоқ вазифангиздир. Заифларни қўриқланг, йўқсилларни бойлар зулмига ташламанг. Адолат ва озодлик дастурингиз, раҳбарингиз бўлсин. Мен каби узун салтанат сурмоқ истасангиз, киличингизни яхши ўйлаб чекингиз. Бир дафъа чеккандан сўнграда уни усталикла қўллангиз. Орангизда нифоқ тухумлари экилмаслиги учун кўп дикқат бўлинг. Баъзи ходимларингиз ва душманларингиз нифоқ тухумлари сочмакка, бундан фойдаланмоққа чалишажакдурлар... Буларга содик қолсангиз тош бошингизга тушмас»¹.

Амир Темурнинг бу вазиятларидан унинг ўз ҳалқига чексиз содиқлигини, миллатини улуғлаганини, камтарин, адолат ва озодлик учун курашувчан, ахлоқий маданияти юксак инсон бўлганлигини кўриш мумкин. Шунингдек, И smoил Ал-Бухорий «Ахлоқнинг яхши бўлиши, таомнинг покизалиги, ростлик ва омонатга хиёнат қилмаслик шарт, дунёвий ишлардан четда қолган бўлсанг ҳам зарари йўқдир»², — деб ёzáди.

Ўрта Осиё мутафаккирларининг ахлоқ ҳақидаги фикрлари, ўғитлари шундай кучга эгаки, улар ўқувчилар қалбида инсонийлик уруғларининг униб чикишига, катта ҳаёт йўлига олиб чикишга ёрдам килади, маънавий куч-куват беради.

Ҳалқига ва кариндош-уруғларига кўлидан келган барча яхшиликларни килиш, уларнинг хурматини жойига қўйиш каби инсонийлик фазилатларини шакллантиради. Бу эса имонли, эътиқодли, ғурурли, одобли шахсни вояга етказишнинг асоси.

¹ Амир Темур ўғитлари. Т. Наврӯз. 1992.

² И мом И smoил Ал-Бухорий. Ал-адаб ал-муфрат. Т. Ўзбекистон, 1990.

сий мақсадидир. Шу боис биз учун қадрли бўлган Абу Наср Форобий, Абу Райхон Беруний, Юсуф Хос Ҳожиб, Абу Али ибн Сино, Алишер Навоий каби улуғ мутафаккирларнинг ахлоқий қарашлари ва қадриятларидан мустакил Ўзбекистон истиқлонилини мустахкамлашда, ўкувчиларнинг ахлоқий маданиятини шакллантиришда, кундалик турмушилизда кенг фойдаланишимиз мақсадга мувофиқдир.

Шуни айтиш керакки, ҳалқимиз ахлоқ-одобни қадимдан улуғлаб келган. Чунки ахлоқ-одоб инсонга хусн, латофат ва назокат бағишилаган. Ўрта Осиё мутафаккирлари ўз асарларида ахлоқий ғояларни доимо тараннум этиб, ҳалқни орифлик, фозиллик, комиллик даражасига кўтаришга чорлаганлар. Бу борада Абу Наср Форобийнинг ижоди дикқатга сазовордир.

Форобийнинг ижодини ўрганиш ўқитувчиларнинг ахлоқ, таълим-тарбия соҳасида олиб борадиган ишларига кенғ имкониятлар яратади.

Форобий инсон ахлоқи ҳақида гапирав экан, унинг хислатларини қўйидагича таърифлайди:

1. Бундай одамнинг барча аъзолари шу даражада мукаммал таракқий этган бўлиши зарурки, у бу аъзолари билан бажармоқчи бўлган барча ишларини осонлик билан амалга ошира олсин;

2. Барча масалани, мухокама ва мулоҳазани тездан ва тўғри тушуна оладиган, унинг маъносини англай оладиган, сўзловчининг мақсади, айтилган фикрининг чинлигини тезда пайқай оладиган бўлсин;

3. Хотираси жуда бақувват бўлсин, кўрган, эшитган, сезган нарсаларининг биронтасини ҳам эсидан чиқармай, ёдида сақлаб қоладиган бўлсин;

4. Зехни шу даражада тез ва ўтқир бўлсинки, бирор нарсанинг аломатини сезиш билан бу аломат нимани билдиришлигини тездан билиб олсин;

5. Сўзлари аниқ бўлсин, фикрини ва айтмокчи бўлган мулоҳазаларини равон ва равшан баён эта олсин;

6. Билиш ва ўқишига муҳаббатли бўлсин, ўрганмокчи бўлган билимини чарчашни сезмасдан осонлик билан ўзлаштира олсин;

7. Овқатланишда, ичимлик истеъмол қилишда очкўз бўлмасин, табиати кимор ўйинларини ўйнашдан узок бўлсин ва улар келтирадиган хурсандчиликдан жирканадиган бўлсин;

8. Ҳақиқатни ва ҳақиқат тарафдорларини севадиган бўлсин, ёлғон ва ёлғончиларга нафрат билан қарайдиган бўлсин;

9. Руҳининг ғурури ва виждонини қадрлайдиган бўлсин, унинг руҳи ва ўз табиати билан паст ишлардан юкори ва олижаноб ишларга ишлатиладиган бўлсин;

10. Ўз табиати билан адолатни севадиган ва адолат учун курашувчиларга, адолатсизликни, жабрзулм ўтказувчиларга нафрат билан қарайдиган бўлсин, ўз одамлари ва бошқаларга адолатли бўлсин, гўзал ва яхши хисобланган нарсаларни барчага тақдим этган ҳолда одамларни адолатга тарғиб этадиган, адолатсизлик оқибатларини йўқотадиган, уларга йўл қўймайдиган бўлсин;

11. Адолатли бўлсин, аммо қайсар бўлмасин, адолат олдида қайсарлик қилиб ўзбилармонликка берилмасин, лекин ҳар қандай адолатсизлик, пасткашлик олдида лафзли бўлсин, ўзи зарур деб билган нарласини амалга оширишда қатъийлик кўрсатсин: қўрқмас, жасур бўлсин, қўрқув ва ожизликни билмасин¹.

‘Абу Наср Форобий. Фозил одамлар шаҳри. Тошкент. А. Қодирий номидаги ҳалқ мероси нашриёти, 1993. 186—187-бетлар.

Форобийнинг фикрича, инсоннинг ахлоқли, саҳоватли ва ақл-идрокли бўлишида билимларни эгаллаш мухим аҳамиятга эгадир. Инсон билим орқалигина ўз мақсадига эриша олади.

Абу Наср Форобий «Инсоний вужуддан мақсад — энг олий баҳт-саодатга эришувдир; аввало у баҳт-саодат — нима ва нималардан иборат эканлигини билиш, унга эришувни ўзига ғоя ва энг олий мақсад қилиб олиши, бутун вужуди билан мафтун бўлиши керак. Кейин бу баҳт-саодатга олиб борадиган иш, амал ва воситаларнинг нималардан иборат эканлигини билиб олиши зарур. Сўнгра эса баҳт-саодатга эриширадиган ишларни шахсан бажарishi га киришмоғи лозим бўяди»¹ деб таъкидлайди.

Форобий ахлоқий маданиятнинг фазилатларидан хисобланган саҳоват масаласига алоҳида эътибор берган. У ўз замонасидаги адолатсизликларга бефарқ бўлмаган. Буюк алломанинг таъкидлашича, кишилар ўртасидаги ўзаро ёрдам, дўстона ва қардошлиқ муносабатлари, саҳоватли бўлиш, озодлик, роҳат-фароғат калитидир.

Ибн Сино инсоннинг умумий фазилати, кишиларда яхши ва ёмон-хулкларнинг пайдо бўлиши сабабларини «Аллоҳ хақида рисола» асарида кўрсатиб ўтади. Олим бу асарида яхши ва ёмон хулклар одамларнинг одатидан, хукумат аҳлларининг салбий таъсиридан пайдо бўлишини таъкидлайди.

Абу Али ибн Сино ахлоқ хақидаги қарашлари унинг шоҳ асарлари бўлмиш «Тиб қонунлари», «Аш-шифо» ва бошқа асарларида ҳам ўз ифодасини топган.

Ибн Сино таълимотига кўра, одамга дўст тутишишнинг уч хил йўли бор: «Биринчидан, ҳар қан-

дай қийинчилик бўлишига қарамай, киши ўз дўстини фалокатдан қутқаришни, иккинчидан, ғоявий яқинлик ва дунёқарашлар умумий бўлган чинакам ва доимий дўстликни ва учинчидан эса кицшнинг мансаби, пули ёки мавқеига қараб ўзининг шахсий манфаатини қондириш кўзда тутилган дўстлик бўлади», — деб таъкидлайди Ибн Сино.

Ўрта Осиё мутафаккирларидан бири Юсуф Хос Хожибининг асарларида ҳам ахлоқ маданияти кенг ўрин эгаллаган.

Мутафаккир «Қутадғу билиг» достонида хоким билан ҳалқ ўртасидаги ўзаро муносабатлар масаласига эътибор беради. Унинг фикрича, агар беклар табиатан эзгу бўлсалар, барча фукароси бойиди, олам гулистон бўлади. Шунингдек: «Ҳамма нарсанинг қоидаси, тартиби, таълими бор, тартиб, одоб қоидаларини тўғри тутса, кишининг юзи ёруғ бўлади», — деб таъкидлайди.

Инсон камолатининг фазилатларидан хисобланган адолат тушунчasi ва адолат туйғуси Алишер Навоий донишмандлигининг асосини ташкил этади. Унинг фикрича, онгнинг мавжудлиги адолатнинг мавжудлигидир. Адолатсиз онг онг эмас. Инсоният тириклигининг давомийлигини таъминлайдиган бирдан-бир нарса ҳам адолатdir.

Ахлоқ ғояси боланинг маънавий тарбияси ва етуклигининг асоси хисобланади.

«Одобли инсон барча одамларнинг яхшисидир ва барча ҳалклар учун ёқимлидир. У мансабдор кишилардан гўзалроқ ва бадавлат одамлардан ҳурматлироқдир. Одобли одам ўз тенгдошлари орасида ҳам таҳсинга сазовор бўлиб ҳеч қандай эҳсон бермай каттадан-кичик, ҳаммани шод қиласи: ҳеч қанака хадя қилмай, кишиларнинг ғамини тарқатади.

¹ Ўша асар, 189-бет.

Одоб—кичик ёшлиларни катталар дуосига сазовор этади, ёшлар у дуо баракасидан умрбод баҳраманд бўладилар. Одоб—улуғлар кўнглида ёшларга меҳр уйғотади ва у одобли ёшга бўлган мухаббат кўнглида абадий қолади. Ёшларни кўпига улуғ қилиб кўрсатадиган феъл-атвор одобдир, одоблиларнинг юриш-туришида халк улуғворлик кўради.

Одоб—кишилар тарафидан қилиниши мумкин бўлган хурматсизлик эшигини бекитади ва одамни ҳазил-мазаҳдан, камситишдан саклайди. Одоб—одам табиатига инсонийлик бахш этади.

Одоб—меҳр-мухаббатнинг зеб-зийнатидир, • одобсизлик-дўстликкапутуретказади. Одобдўстлик ойнасига жило беради ва икки орага ёруғлик бағишишлайди.

Одоб уруғини эккан одамнинг ҳосили жавоҳир бўлади. Одобли ва гўзал хулқди одамлар кўпаяверса, халқнинг дўстлиги, уларнинг бир-бирига бўлган меҳр-мухаббати борган сари ривож топади. Агар киши одоб каби хулқка эга бўлса, ўзи ҳам халқнинг иззат-хурматига сазовор бўлади¹ Дўстлар брасида шу каби сухбат ва шу йўсинда ҳамжихатлик бўлса, қандай яхши. Бундай ақл, иттифоқ, муҳаббатли, одобли бўлиш дўстлар учун баҳтиёрикдир¹.

Шундай қилиб, Ўрта Осиё алломаларининг ижодида ахлоқий маданият мазмунан бой ва шаклан фоят ранг-барангдир. Халқимиз тарихида ахлоқий маданият таълимоти доимо ривожланиб, такомиллашиб борган. XVI—XX асрлар давомида унга салмоқли хисса қўшган Турди ва Машраб, Гулханий ва Мунис Хоразмий, Муқимий ва Фурқат, Аваз

Ўтар ўғли ва бошқа қатор илғор шоир ва алломалар хақида ҳам кўп мулоҳазалар баён қилиш мумкин.

Ўрта Осиё мутафаккирларининг ахлоқ-одоб хақидағи фикрларини ўрганишнинг амалий аҳамияти шундан иборатки, унда ахлоқий одоб маданиятидан ташкари халқимизнинг қадимий урғ-одатлари ва удумлари, анъаналари ҳам яхши ёритилган.

ХХ аср бошларидаги педагогик фикрлар тараккиётининг асосчиси Абдулла Авлоний ахлоқни шундай таърифлайди: «Инсонларни яхшиликка чакиравучи, ёмонликдан қайтаргувчи бир илмдир. Яхши хулқларнинг яхшилигини, ёмон хулқларнинг ёмонлигини далил ва мисоллар билан баён кила-дурган китобни ахлоқ дейилур.

Ахлоқ илмини ўқуб, билиб амал қилган кишилар ўзининг ким эканини, жаноби хақ на учун халқ қилганин, ер юзида нима иш қилмок учун юрганин билур. Бир киши ўзидан хабардор бўлмаса, илмни, уламони, яхши кишиларни, яхши нарсаларни, яхши ишларнинг кадрини, қимматини билмас. Ўз айбини билуб, икрор қилуб, тузатмоқга саъи ва қўшиш қилган киши чин баҳодир ва паҳлавон кишидур¹.

Ўзбекистоннинг мустақиллиги туфайли ахлоқий тарбия мазмунини ташкил этувчи халқимизнинг миллий руҳияти, юксак инсоний фазилатлари, маънавияти, эзгу орзу-умидлари ёрқин ифодасини топиши учун кенг имкониятлар пайдо бўлди. Янги шаклданиб келаётган мустақил Ўзбекистон давлатининг асосий мақсади — жамиятни маънавий юксалтириш, маданиятли, баркамол инсонни тарбиялаш, ёшларда ахлоқий фазилатларни шакллантиришдир.

¹ Алишер Навоий. «Маҳбубул қулуб» асаридан. Тошкент, Бадиий адабиёт нашриёти, 1966 йил.

¹ Абдулла Авлоний. «Туркий Гулистон ёҳуд ахлоқ». Тошкент, «Ўқитувчи». 1992.

XIX боб. ЭКОЛОГИК ТАРБИЯ

Бугунги кунда инсониятни хавф остида қолдираётган ходисалардан бири экологик вазият хисобланади. Жамиятнинг атроф-мухит билан ўзааро бузилган алоқаси кенг жамоатчилик ўртасида катта ташвиш уйғотмоқда. Инсоннинг табиий бойликлардан хаддан ташкари ошикча фойдаланиши оқибатида сайёрамизнинг киёфаси ўзгариб бормоқда. Яшил ўрмонлар сийраклашиб, ўсимлик ва ҳайвонот турлари камаймоқда^{*}, фойдали қазилмалар тугаб бормоқда. Сув ҳавзалари ва атмосфера ҳавосининг ифлосланиши, чиқинди моддаларнинг ортиб бориши натижасида ахолини озиқ-овқат билан таъминлаш, энергия ва чучук сув муаммолари борган сари мураккаблашмоқда. Оқибатда, миллион-миллион йиллар давомида турғун бўлган табиий холатга птур өтмоқда.

[^]Табиатнинг экологик барқарорлиги, турғунлиги ва унинг табиий қонунларининг бузилишига инсонда экологик билимларнинг етишмаслиги, табиатнинг келажакдаги экологик холати қандай бўлиши ни олдиндан кўра билмаслиги сабаб бўлмоқда.

Экологик билим — бу тирик табиатнинг тузилиши, ривожланиши, ўзгариши, ер юзидағи тирик жонзотларнинг холати, уларнинг бир-бирлари ва атроф-мухит ўртасида бўлиб турадиган муносабатларни, табиий бойликларнинг сон ва сифатини, ҳажмини, хилларини ҳамда уларни сақлаш ва тежамкорлик билан фойдаланиш ўйларини ўзлаштиришдан иборатdir.

Инсон табиатга, ўзини ўраб олган мухитга нисбатан ўз муносабатини ўзгартириши, табиат қонунларини билиши, ўрганиши ва улар асосида ўз хаётини ривожлантириши шарт. Табиат қонунларига мос

келадиган ҳаёт ўйларини ишлаб чиқиш керак. Акс ҳолда инсон ва жамият катта табиий оғатларнинг келиб чиқишига сабабчи бўлади ва шу оғатлардан ҳалок бўлади.

Бир неча миллион йиллар давомида бунёд бўлган коинотнинг табиий кўриниши кейинги 10—15 йил, ичидаги жуда оғир холатга тушди. Хаво бузилди, ифлосланди. Жумладан тупрок захарли моддалар боис «жароҳатланди», сувлар турли моддалар билан ифлосланди ва хоказо. Бу холатлар оқибатда инсонсаломатлигига салбий таъсир қила бошлади.

Хозирги куннинг энг долзарб муаммоларидан бири фан-техника ютуқлари асосида ахолининг турли табакалари орасида экологик таълим-тарбия ва маданиятга оид билимларни ошириш ўйли билан табиат муҳофазасини тезлаштиришнинг турли чора-тадбирларини ишлаб чиқиш хисобланади.

^{*} / Экологик таълим ва тарбиянинг туб маъноси — табиат ва жамият ўртасидаги доимий бирлик ва уларни бир-бирларига боғловчи табиий ҳамда ижтимоий қонунларни ўрганиш, ҳаётга татбиқ қилишдан иборатdir.

Экологик таълим ва тарбия — бу инсонни табиатга қадам қўйган вактдан бошлаб, бутун ҳаёти давомида табиатдан онгли равиша фойдаланишга, психологик, ахлоқ-одоб юзасидан ҳалқимизнинг табиатга хурмат ва эътибор билан қарайдиган урфодатларини, удумларини тарбиялаш, табиий бойликларни кўпайтириш, боғу-роғлар, гулзорлар ташкил қилишга ундашдан, унинг қалбida яхши хислатлар уйғотишдан иборатdir.

Инсонни ўраб турган табиий мухит ва унинг бойликларини биладиган, ундан тежамкорлик билан фойдаланадиган, саклайдиган, табиат бойли-

гига, гўзаллигига гўзаллик қўшадиган, ижтимоий ва табиий қонунларни биладиган билимдон шахсни етишириш — бу экологик тарбия мақсади.

Табиатга нисбатан хурмат ва эътибор билан карайдиган инсонлар, унинг ҳар бир қарич ерида бўлаётган ижобий ва салбий ўзгаришларни сезади, кузатади, табиатга ёрдамга боради, яъни йиқилган бутани тиклади, касал ҳайвонпи тузатади, даволайди, ифлос сувни тозалашга харакат қиласди, ёнғинни ўчиради ва хоказо.

Хозирги кунда жамият ичидаги, жамият билан табиат ўртасидаги муносабатлар кескинлашиб бўраётган бир даврда, хўжаликнинг турли соҳалари ни ривожлантириш билан бир каторда атроф-мухит мухофазаси ва табиий бойликлардан тежамкорлик билан фойдаланишга оид чукур билимли, экологик маълумотли ёшларни тарбиялаш вақти келди.

ТАБИАТГА МУНОСАБАТ ОДОБИ

Инсон онадан туғилиб, оламга келган чоғиданоқ табиат эхсонидан баҳраманд бўлади. Илк бор ҳаводан тўйиб нафас олади. Одамзод ўсиб-униш учун озик-овқат, сув, куёш ҳарорати жуда зарур бўлиб, у буларнинг ҳаммасини табиатдан олади. Инсонни она туғиб тарбияласа, табиат — вояга етказади. Шунинг учун уни «Она — табиат» деб аташади. Одамзоднинг соғлом бўлиши уни ўраб олган атроф-мухитга, табиатга боғлиқ. Табиат мусаффо бўлса, одам ҳам соғлом, бақувват ўсади.

Одам ҳар нафас олганда унинг ўпкасига яrim литргача ҳаво киради. Одам бир минутда 16—18 марта нафас олади ёки танага 8—9 литр ҳаво киради. Бу миқдор бир кечакундузда 11 минг литрдан Ортади. Демак, ҳаво инсон танаси учун энг муҳим > 412

ва зарур табиат инъомидир. Ҳавога мунтазам ра-вишда аралашиб турадиган ифлос чанг ўпкада газ алмашувига салбий таъсир кўрсатади. Бу инсоннинг соғлиғини бора-бора издан чикариб, турли-туман хасталикларни вужудга келтиради.

Ер юзидаги барча одамлар, барча жониворлар нафас олиш билан кислородни ютиб, карбонат ангидрид (ис гази) чикаради. Бундан ташқари, турли жараёнларда, масалан, кўмир, ёнгандা, автотранспорт ишлаганда унинг двигателидаги ёниш жараёни орқали ҳавога карбонат ангидрид ва бошқа заҳарли газлар чиқиб туради. Ҳавонинг бундай ифлосланиши, унинг таркибида карбонат ангидриднинг кўпайиши инсон саломатлигига жиддий ҳавф туғдиради.

Табиат шундай одил мўъжизаки, у атроф-мухитни мувозанатга келтиради. Чунончи, чикарилган карбонат ангидридни ўсимликлар ютиб, уни кислородга айлантиради. Демак, ўсимликлар дунёси, рамзий маънода айтганда, ҳавони чанг ва карбонат ангидриддан тозалаб берувчи бебаҳо восита-дир. Бундай инсон ўз атрофини ўраб турган табиатни, унинг ўсимликлар дунёсини кўз корачиғидай асраргина қолмай, уни бойитиши, қўлидан келганича кўпроқ дарахт экиши, кўкаламзорлаштиришга интилиши зарур деган хулоса келиб чиқади. Шунинг учун ота-боболаримиз дарахт экиш, боғ-роғ яратишни савобли иш деб билишган. Бир туп мева-ли дарахт эккан кишининг икки дунёси обод бўла-ди, деб бежиз айтишмаган.

Муҳаммад алайҳиссалом ҳадисларида бу ишнинг савоби хусусида қўйидагилар айтилган: «Экмоқ ниятида қўлингизда кўчат турган пайтда, бехосдан киёмат қоим бўлиб қолиши аниқ бўлганда ҳам, улгурсангиз, уни экиб қўйинг».

Инсон эҳтиёжи учун зарур бўлган сув, озиқ-ов-кат маҳсулотлари, кийим-кечак ҳам табиатдан оли-нади, ҳаттоки инсоннинг хасталикдан кутулиши, саломатлигини тиклаши учун зарур бўлган дори-дармонлар ҳам она-табиатда етишган мевалар, турли гиёхлар ва зираворлардан тайёрланади. Инсон танасида бирорта ортиқча аъзо бўлмаганидай, табиатда ҳам ортиқча яратилган бирорта нарса йўқ. Уларнинг ҳаммаси ҳаёт учун зарур.

Кейинги йилларда эса уларга нисбатан шафқат-сизларча муносабатда бўлинди. Табиий дарёларни бўғиб, йўлини тўсиб, сунъий денгизлар яратиш, чўлларни ўзлаштириш билан шуғулланилди. Бу «ютуқлар» туфайли табиат қонунлари ҳамда унинг мураккаб ва нозик мувозанати бузилди. Бирок одамлар бунинг турли-туман оғатлар келтириб чиқариши мумкинлигини ҳисобга олмади. Натижада ўт-ўланли яйловлар, ям-яшил майсазорлар бузилиб, янги ерлар ўзлаштирилди. Экинларга кирон келтирадиган, ҳашаротларни еб битирадиган қушларнинг бир кисми йўқолиб кетди. Бу осмондан ва ердан сепиладиган оғулар касофатидир.

Ер юзи экологияси ҳам кескин бузилмоқда. «Табиатни енгамиз», «Табиатдан инъом-эхсон кутиб ўтирмай, уни жиловлаймиз» деган ноўрин шиорлар, дараҳтларнинг кесиб юборилиши, қуш ва ҳайвонларнинг шафқатсизлик билан овлаб йўқ қилиниши табиат мувозанати қонунларининг бузилишига сабаб бўлди ва бўлмоқда.

Денгиз ва дарёларга, океанларга нефть қолдиқла-ри қуилиб, ер юзидаги сув экологияси тубдан издан чиқарилмоқда. Инсон учун күёш нури, тоза ҳаво, тоза сув нақадар зарур бўлса, она замин ҳам шундай зарур, уни асраб-авайлаш инсоннинг ўз қўлидадир.

414

Абу Али ибн Сино «Дунёда чанг ва тутун бўлмаганида, одамзод минг йил умр кўриши мумкин эди», — деган эди.

Атроф-муҳитнинг тозалигини таъминлаш ўзимизга боғлиқ. Тоғлардан келадиган сув тиник, соғ бўлади, лекин баъзи кимсаларнинг ўйламай-нетмай оқаваларни, ахлатларни ташлашлари натижасида сувларимиз ифлосланади. Таътил кунлари бўлалар шу ифлос сувларда чўмиладилар ва турли касалликларга чалинадилар.

Биз катта-ю ёш тоза ҳаводан баҳраманд бўлиш учун шахримизга кўчат экиб кўкаламзорлаштирасак, унинг озодалигини сақласак, ўзимизнинг соғлигимизни сақлаган бўламиз.

Баҳор фаслида кўчат экиш ойлиги ўтказилади. «Боғни боқсанг боғ бўлади» деган ҳалқ маколи бежиз айтилмаган. Шундай экан, ниҳолларни яхши ният билан экиш, парваришлаш, гуллар экиб ўстириш ҳар бир ўқувчи ва катталарнинг инсоний бурчидир.

Ўзбек ҳалқ қадриятлари орасида табиатни сақлаш, қадрига етиш, чиройига-чирой, кўркига-кўрк кўшиш одатлари бор.

Инсон табиатдаги ҳар бир гиёҳ, ўт-алаф, довдараҳт, парранда-даррандаларни, оламда нимаики керакли бор нарсани зарур деб билади.

~Ота-боболаримиз зилол сувни, тЗулоқларни, сўлим дараҳтзорларни, коя-ғорларни, хосиятли ўт-ўланларни, гул-гиёхларни муқаддас билиб асрашга, нияти нопок кишилардан саклашга, топтамасликка, оёқ ости қилмасликка алоҳида эътибор бериб келганлар.

Ҳалқ нопок кишилар хақида шундай иборалар қўллаган: *Дараҳт кўр қилгур*, *«Молинг сутдан қолсин»*, *«Парранда урсин»* (қарғиши).

415

«Дарахтга кўз олайтирма, ёмон бўлади»,
«Сувга тупурма, ифлос бўлади»,
«Ерни топтама, у дунёлигинг қолмайди» каби
накллар хам бекорга айтилмаган.

Аввало ҳар бир инсон ер юзидағи ўсимликларни кўпайтиришга хисса қўшиши, камайтиришдан ўзини тийиши лозим. Ўсимликларни кўпайтиришнинг бирдан-бир йўли — мевали ва манзарали дарахтларни иложи борича кўпроқ экишдир. Уларни парвариш килиш, боғ-роғлар яратиш ҳар бир инсон учун хайрли иш бўлиши билан бирга, савобли иш ҳамдир. Бунга ҳар ким ўзи амал қилиши, ўзгалирни хам ундаши, бу хайрли ишни ўзидан кичик ёшдагиларга ўргатиш даркор. Мевали дарахтларнинг шох-шаббаларини синдириласлик, мевазорлар орасида мол бокмаслик каби умумий талабларга одатланиб бориш керак. Ташландик ва қаровсиз бўлган ерларга, ариқ ва кўчаларнинг бўйига, албатта, дарахт кўчатлари ўтқазилиши лозим.

Халқимиз боғ яратган одамларни хеч қачон эсларидан чиқармайди. Гўзал боғлар яратиш, юртни гуллар билан буркаш қадимдан энг яхши одатларимиздан бири бўлиб келган.

Яқин ва Ўрта Шарқ халқларининг қимматли ва нодир ёзма ёдгорликларидан бири Шарофиддин Али Яздийнинг «Зафарнома» асарида Амир Темурнинг давлат фаолияти ва ҳарбий юришлари баён қилиниши билан бир қаторда, XIV аср охири ва XV аср бошларида Ўрта Осиёдаги маданий хаётга доир бир қанча ноёб маълумотлар хам келтирилган. Унда халқимиз қадимдан боғ-роғлар яратишга алоҳида дид билан қараганлари тилга олинган.

Аждодларимизнинг юксак дид ва нафосат нигоҳи билан яратилган боғ-роғлари, улкан қурилиш-

лари ҳозирги кунда хам Самарқанду Бухорони, Кўхна Урганч, Хивани безаб, ер юзига зеб бериб турибди. Бу нодир обидалар бобокалонларимиз эл-юрт ободончилигига алоҳида эътибор қилганликларидан далолат беради. Ўша даврларда хам отабоболаримиз боғ-роғлар яратиб эл дастурхонини ноз-неъматлар билан тўлдирганлар. «Зафарнома»да Соҳибқирон Амир Темур томонидан барпо этилган «Боғи шамол», «Боғи дилкушо», «Шахрисабз қўрғони» ва Оқсарой, Шайх Аҳмад Яссавий макбараси, Тахти қорача қасрининг қурилишлари, Самарқандда бунёд этилган Жоме масжидлари ҳакида батафсил ҳикоя қилинади.

Бундай мисолларни келтиришимиздан максад ўтмиш аждодларимиздан бизгача урф-одат бўлиб этиб келган ободончилик ишларидан ҳозирги ёшларни хабардор этиш, уларни ана шу эзгу ишлар мисолида тарбиялашдир. Улар ҳам Жалолиддин Мангуберди, Амир Темур, Мирзо Улуғбек, Алишер Навоий, Бобур Мирзо каби эл фаровонлиги, юрт ободлиги учун курашувчи забардаст ўғил-қизлар, олийхиммат инсон, табиатга меҳр-мухаббатли кишилар бўлиб этишсинлар.

Ҳар йили биринчи синфга келган ўқувчилар эрта баҳорда мактаб боғига кўчат ўтқазишни байрам қилишади. Бунда бутун мактаб жамоаси қатнашади. Биринчи синф ўқувчилари ўтқазган дарахтларнинг белига шу ўқувчининг исми-шарифи, дарахтнинг номи ёзилган тахтача осиб қўйилади. Мактабни тамомлаш олдидан 11-синф ўқувчилари ўзлари эккан дарахтни тантанали кунда биринчи синф ўқувчиларига топширадилар.

Мактаб раҳбарлари, педагоглар жамоалари ишни ахиллик билан ташкил этиб, юқорида ай-

тилганларни амалга оширсалар, она табиатга оқилона муносабатда бўлиш, уни муҳофаза қилиш одобини болаларга ўргатсалар, теварак-атроф яшил либос кийиб, ҳаво софланади. Бу эса инсон саломатлигига, атроф-мухит соғлигига ижобий таъсир кўрсатади.

ҲАЙВОНОТ ОЛАМИГА МУНОСАБАТ

Ҳайвонот дунёси — инсоннинг энг қадими хамроҳидир. Ота-боболаримиз ўз фарзандларини табиатга меҳр-муҳабbat руҳида тарбия қилганлар. Безинён бўлган оддий курт-кумурскани ҳам ўлдириш гуноҳ деб уларнинг қулоғига қўйганлар. «Тил-забони йўқ жониворга озор берма, гуноҳ бўлади!», «Сигир — оиланинг бозори», «Товуқ етти хазинанинг бири», «Қўй бор уйда, барака бор» сингари хикматли нақллар тўқилган.

Деярли барча ўзбек хонадонлари қўй-эчкисиз, сигирсиз, товуксиз, қишлоқларда яна иш ҳайвонларисиз яшай олмайди.

Ҳайвон ва паррандалар билан одамлар ўртасидаги муносабат ва муҳабbat ҳақида кўп эртаклар яратилган. Ҳамид Олимжоннинг машҳур достонидаги Семурғ күш тимсолини яхши биламиз.

Семурғ қайси эртак ёки достонда бўлмасин инсонга ёрдам бериб, унинг узоғини яқин, оғирини енгил қилган, одамзоднинг энг яқин дўсти сифатида талқин этилган.

Кишиларнинг чорва ҳайвонларига муносабати ҳақида Муҳаммад алайхиссаломнинг ҳадисларида айтилишича «Қўй баракадир, туя азиздир, отнинг ёлларига қиёмат кунигача яхшилик боғлаб қўйилгандир. Ходимларигиз, биродарларингиздир. Уларга яхшилик килинглар. Агар уларни қийинчиликда кўрсангиз ёрдамлашиб юборинглар».

Еки Билкиз Аладдиннинг «Муҳаммад қиссаси» асарида шундай дейилади:

«...Бир гал у тушдан кейин ётиб дам оларкан, кўзини уйқу элтади. Уйғониб қараса, қасалга чалингандир бир мушукча унинг яктаги этагида ғужанак бўлиб ухлаб ётган эмиш. Пайғамбар мушукчани бевозта қилишга кўнгли бўлмайди. Эҳтиётлаб яктагиэтагини кесади-да, ўрнидан туради».

Бу гаплар ҳикмат даражасига кўтарилиган ва афсона бўлиб кетган. Ҳа, мусулмон оламининг буюк раҳнамоси Муҳаммад пайғамбар мушукка ҳам озор бермаган эканлар. Улар табиатнинг нозик ва мисқол тарози билан тенглаштирилган мувозанатини бузуб қўйишдан эҳтиёт бўлиш учун юқоридаги талабларни қўйганлар. Агар табиат асраб-авайланмаса, унга ноўрин муносабатда бўлинса, охирида бир фалокат келиб, табиат инсонни жазолашини яхши тушунгандар. Айни чоғда пайғамбаримиз шу табиатни, унинг ажралмас бўлаги бўлмиш ҳайвонот оламини қадрлашга, эъзозлашга, парваришилашга, кўзкорачиғидек саклашга даъват этганлар.

Бизда чорва моллари бўрилардан асраш мақсадида бўри отган овчиларга мукофотлар берилар эди. Окибатдабўриларкамайиб кетди. Аммобоғваўрмонларда яшовчи ҳайвонлар ўртасида юқумли қасалликлар кўпайди. Чунки бўри ва бошқа йиртқич ҳайвонлар ўлжа излаганда асосан қасалликка чалинган, яхши югурга олмайдиган ҳайвонларни тутиб ейдилар. Натижада ҳайвонлар орасида юқумли қасалликлар тарқалишига барҳам бериб турилади. Бу жихатдан бўрилар «ўрмон санитари» вазифасини бажарадилар. Бугунги кунда бўри отиш тақиқлаб қўйилган.-

Демак, табиатда бирор жонзотнинг кирилиб кетишига йўл қўйилса, шунга боғлик бўлган муво-

занат бузилиб, хавфли вазият вужудга келади. Мана шу нозик хақиқат аввалдан маълум бўлганлиги учун ислом динида табиатни муҳофаза қилиш нуктаи назаридан жонзодларни бесабаб ўлдиришга йўл қўйилмаган. Бу талаблар, бир томондан, инсонни табиатни муҳофаза қилишга ўргатса, иккинчи томондан, унинг калби мулойим, раҳмдил, пок бўлиб тарбияланишига сабаб бўлади.

Шаҳар ва қишлоқлардаги айрим оромгоҳларда сув бўйида турган оху, қўниб турган бургут, лочин сиймоларини кўрасиз. Самарқанддаги Шердор мадрасасининг олдида, Тошкентдан Фарғонагача олиб борувчи довон орқали ўтадиган йўлнинг баланд нуктасида шер ҳайкали ўрнатилган. Буларнинг барчаси одамзоднинг ҳайвонот оламига меҳр-муҳаббат, унга бўлган оқилона муносабатининг рамзий белгисидир. Ҳайвонот оламига, барча жониворларга меҳр-шафқатли бўлиш савобдир.

ШАРҚ АЛЛОМАЛАРИНИНГ ТАБИАТ ВА ЭКОЛОГИЯ ХАҚИДАГИ ФИКРЛАРИ

Ўрта асрларда яшаб ижод этган Шарқ алломаларидан Муҳаммад Мусо ал-Хоразмий, Абу Наср Форобий, Абу Райхон Беруний, Абу Али ибн Сино ва бошқалар табиат фанларининг ривожланишига катта ҳисса қўшганлар. Улар ҳали экология фани дунёга келмаган даврда табиат ва ундаги мувозанат, ўсимликлар ва ҳайвонот дунёси, табиатни эъзозлаш ҳақида кимматли фикрлар айтганлар.

Буюк аллома Муҳаммад ал-Хоразмий (782—847) рисолаларидан бирида бундай деб ёзади: «Билингки, дунёнинг кўзлари ёшланса, унинг бошига ғам, кулфат тушган бўлади. Одамлар, дарёдан меҳрингизни дариф-тутманлар». Дунёнинг ёшли кўзлари

деганда Муҳаммад ал-Хоразмий нималарни кўзда тутган экан?

Эҳтимол, у дарё сувининг ортиқча исроф бўлишини назарда тутгандир? У энг аввало дарё билан одамларнинг бир-бiriни тушунишлари ва тил то-пишишлари, ўзаро меҳр-муҳаббат қўйишларини назарда тутган. *Л*

847 йилда Муҳаммад ал Хоразмий «Китоб сурат ал-арз» деган асарини ёзди. Унда дунё океанлари, қуруқликдаги қитъалар, қутблар, экваторлар, гуллар, тоғлар, дарё ва денгизлар, кўллар, ўрмонлар ва улардаги ўсимликлар, ҳайвонот дунёси, шунингдек бошқа табиий ресурслар — Ернинг асосий бойликлари ҳақида маълумотлар келтирилган. Ушбу рисолада математика, геология, астрономия, этнография, тиббиёт, шунингдек дунё ҳалкларининг табиий кўникумлари ва тарихий-хуқуқий билимлари умумлаширилган.

Абу Наср Форобий (870—950). Форобий табиатшуносликнинг турли тармоқлари билан шуғулланган бўлиб, «Китоб кол-ҳажм ва ал-Микдор», «Китоб ал-мабоди ал-инсония» («Инсониятнинг бошланиши ҳақида китоб»), «Калам фиаъзо ал ҳайвон» («Ҳайвон аъзолари тўғрисида китоб») номли асарлари бунга далил бўла олади.

Форобий ўзининг «Иҳсоа ал-улум ва ал-таъриф» асарида замонасидаги илмларни ҳар томонлама ўрганиб, уларни маълум тизимга солиб, туркумларга ажратди, ҳар бир илм тармоғига таъриф беришга ҳаракат килди, табиатшунослик илмига катта эътибор берди.

Табиатшуносликка оид «Одам аъзоларининг тузилиши» («Рисолат фиаъзо ал-инсон»), «Ҳайвонлар аъзолари ва уларнинг вазифалари ҳақида» каби

асарларида одам ва ҳайвонлар айрим аъзоларининг тузилиши, хусусиятлари ва вазифалари хақида, уларнинг ўшашлиги ва фарқлари келтирилиши билан бирга, асосий анатомик-физиологик тушунчалар берилган. Уларнинг руҳий холатларидаги хусусиятлари хақида ҳам тўхтаб ўтилган. Одам танасининг тузилиши ва вазифалари хақида сўз юритилганда уларнинг ўзаро боғлиқлиги ва яхлитлиги, улардаги ўзгаришлар, яъни касалликлар биринчи навбатда овқатланиш тартибининг бузилиши оқибатида келиб чиқади, деб тушунтирилади. Касалликнинг олдини олиш, соғломлаштириш ва бошқа чоратадбирларни қўллаш лозим эканлиги хақида маълумотлар келтирилади.

Форобий табиий ва инсон қўли билан яратиладиган сунъий нарсаларни ажратган. У Табиий нарсалар табиат томонидан яратилган, деган хulosага келади. Инсон омилиниң таъсири катта эканлигини, табиий ва сунъий танлаш ҳамда табиатга кўрсатиладиган бошқа таъсирларни атрофлича баҳолаган.

⁸ Абу Райхон Беруний (973—1048) кбинотдаги ходисаларни тараққиёт қонунлари билан, нарса ва ходисаларнинг ўзаро таъсири билан тушунтиришга уринади. Беруний табиатшунос сифатида табиат хақида қуйидагича фикр юритади: «Экин ва насл қолдириш билан дунё тўлиб бораверади».

Беруний асарларида ўсимлик ва ҳайвонларнинг биологик хусусиятлари, уларнинг тарқалиши ва хўжаликдаги аҳамияти хақида маълумотлар топиш мумкин. Берунийнинг илмий қарашлари асосан «Сайдана», «Минералогия», «Қадимги авлодлардан колган ёдгорликлар» каби асарларида учрайди. Олим «Қадимги авлодлардан колган ёдгорликлар» асарида Эроннинг турли тропик ўсимликлари ва ҳайвонла-

рининг ташки муҳит билан алоқаси, уларнинг хулк-автори йил фасларининг алмашинуви билан боғлиқ равиша ўзгаришини мисоллар билан тушунтирган.

Жумладан, асарда қиши қаттиқ, совук келса, күшларнинг тоғдан текисликларга тушиши, чумолиларнинг ўз уясига бекиниб олиши ва хоказолар ифода этилади.

Беруний тирик организмларнинг хаёти Ер тарихи билан боғлиқ бўлиши керак деб ҳисоблайди. Қумни ковлаб, унинг орасидан чиганоқни топиш мумкин, дейди аллрма. Бунинг сабаби шуки, бу қумлар қачонлардир океан туби бўлган, деб хулоса киласди у.

Беруний «Сайдана» деган асарида 1116 турдаги дори-дармонларни тавсифлаган. Уларнинг 750 таси турли ўсимликлардан, 101 таси ҳайвонлардан, 107 таси эса минераллардан олинади. Ҳар бир ўсимлик, ҳайвон ва минералларнинг хоссалари, тарқалиши ва бошқа хусусиятлари келтирилган.

Берунийнинг ўзи ёшлиқ давларидан бошлаб табиат шайдоси бўлган. Бунинг исботи учун «Сайдана» китобидаги маълумотни келтириш мумкин. Жумладан, олим Румдан келган кишига ўсимликнинг мева ва уруғларини кўрсатиб, унинг номини сўраб ва ёзиб олганлигини ҳикоя қиласди.

Берунийнинг «Қадимги авлодлардан колган ёдгорликлар» ва «Хиндистон» деган асарларида ўсимлик ва ҳайвонларнинг тузилиши ҳамда уларнинг ташки муҳит билан ўзаро алоқаси хақида ҳам кизиқарли маълумотлар келтирилади.

Абу Али ибн Сино (980—1037) жаҳон фани ва маданияти тараққиётига буюк хисса кўшган олимлардан биридир. Йирик қомусий олим сифатида у ўз

даври илм-фанининг деярли барча соҳалари билан шуғулланган. Турли ёзма манбаларда унинг 450 дан ортиқ асар ёзганлиги эслатилади. Бизгача эса унинг 240 та асари етиб келган.

^-Ибн Сино асарлари орасида унинг машхур «Тиб конунлари» номли шох асари тиббиёт илмининг қомуси ҳисобланади. Олимнинг жуда кўп қимматли фикрлари, жумладан, унинг инсон соғлиғини саклаш ҳақидаги, парҳез, гигиена тўғрисидаги хulosava маслаҳатлари ханузгача ўз аҳамиятини йўқотмаган. У барча ёшдаги кишилар учун жисмоний машғулотлар билан шуғулнишни тавсия этган.

Асаб қасаллигига мубтало бўлганларга жисмоний усувлар билан даволанишни маслаҳат беради.

Ибн Сино тиббиёт тарихида физиотерапия асосчиларидан бири ҳисобланади. Киши организмига ташки мухит таъсирининг муҳимлигини билган аллома айrim қасалликлар сув ва ҳаво орқали тарқалиши ҳақида фикр баён этган, яъни у қасалликнинг келиб чикиши масаласини ҳал этишга яқинлашган эди: «Қасалликларнинг баъзилари юқумли бўладилар. Булар моҳов, қўтири, чечак, вабо иситмаси, йиринглаган яралар каби қасалликлардир. Хусусан, булар одамларнинг турур-ерлари тор бўлганда хосил бўлади ва қасал кишининг қўшнилари шамолнинг тагида бўлганда юз беради», деб хulosava чиқаради олим.

Абу Али ибн Синонинг фалсафий ва табиий-илмий қарашлари унинг жаҳонга машхур асари «Китоб аш-шифо», яъни «Даволаш китоби»да баён этилган. Бу асарда материя, фазо, вақт, шакл, характеристика, борлик каби фалсафий тушунчалар, шунингдек математика, кимё, ботаника, зоология, геология, астрономия, психология каби фанлар ҳақида фикрлар баён этилган.

Ибн Сино ўз давридаги барча илм соҳаларининг ривожланишида турли масалаларни ўз ичига олувчи табиат фалсафасига катта эътибор беради. Айникиса, табобат ва у билан боғлиқ ҳолда анатомия, психология, фармакология, терапия, жарроҳлик, диагностика, гигиена каби илмлар ибн Сино ижодида бир қанча янги қашфиётлар билан бойиди ва юкори босқичга кўтарилиди.

Ибн Синонинг тоғларнинг вужудга келиши, Ер юзининг даврлар ўтиши билан ўзгариб бориши, зилзиланинг бўлиши каби турли табиий жараёнлар ҳақидаги фикрлари геология илмининг ривожланишига катта таъсир қилди.

Захаријиддин Мұхаммад Бобур (1483—1530) факат шоирона бўлмай, балки подшоҳ, саркарда, тарихчи, машшоқ, овчий ва боғбон, сайёҳ ва табиатшунос ҳам бўлган. Бобурнинг энг йирик асари «Бобурнома»дир. Унда шоирнинг кўрган-кечиргандари, борган жойларининг табиати, бойлиги, одамлари, урф-одатлари, ҳайвоноти, ўсимликлари ва бошқалар тасвирланган. Ҳар бир касб эгаси бу китобдан ўзига керагича маълумот топади. Асар муҳим атамалар ва топонимик манбаларга бой. Унда ер, сув, ҳаво турли табиий ҳодисаларга тегишли ҳалқ сўзлари кўплаб топилади.

«Бобурнома»ни ўқиган ва ўрганган ҳар бир киши уни табиат ва географияни яхши билган ўлкашунос олим ёзган деган хulosaga келади. Бобур ўлканни билган кишиларни хурмат қилган, уларнинг қадрига етган ва улар билан ҳамиша маслаҳатлашган. «Бирон сафарга чиқишдан олдин ер, сув билур кишиларни чорлаб, атроф ва томонлар суриштирилар эди», деб ёзади муаллиф.

Бобур ҳар бир худудни маълум бир тартибда тасвирлайди. Аввало жойнинг географик ўрни, сўнгра

қайси икlimга мансублиги, шифобаҳш жойлари, ўсимликлари, қазилмалари, ҳайвоноти ва аҳолиси ҳакида маълумотлар берилади.

Бобур ажойиб ботаник бўлган. У ўсимликларни севган ва яхши билган. У жуда кўп гиёҳ ва меваларни, уларнинг хосиятлари ва аҳамиятини таърифлаганки, ҳақиқатда боғон бўлган киши, асл табиатшуносгина бунинг уддасидан чиқа олади.

«Бобурнома»да муаллиф Марказий Осиё, Афғонистон ва Ҳиндистон давлатлари қишлоқ хўжалигининг ривожланиши ҳакида маълумотлар келтирган. Асарда ўлкамизда қадим вақтлардан буён қовун, буғдой, ўрик, олма, бехи, анор, шафтой, олча, ёнғоқ, нок ва тутларнинг бир неча навлари борлиги таъкидланади. Шунингдек, Бобур Марказий Осиё ва Ҳиндистонда чорвачилик ва хунармандчиликнинг ривожланишига катта эътибор берган, Афғонистон ҳалқининг асаларичилик ва савдо-сотик билан қадимдан шуғуллангани ҳакида тўхталган.

Бобур ўзи бўлган жойларнинг табиати ва ўзига хос хусусиятларини жонажон ватани Андижон билан тақкослайди. У айникса, гуллар, манзарали ҳамда мевали дараҳтларни кўпайтиришга, уларнинг тарқалишига эътибор берган. Бобур овга жуда қизиқар эди, шунинг учун у Марказий Осиё, Афғонистон, Хуросон ва Ҳиндистондаги ҳайвонларни ба-тафсил баён этган. Алломанинг фикрича, ўша даврларда Фарғона водийсида антилоплар, тоғ кўйлари ва йирик йиртқич қушлар, Самарқандда эса жайронлар, Бухоро антилопи, тоғ эчклиари, какликлар ва бошқа ҳайвонлар кўп бўлган. У Ҳиндистон ҳайвонларидан фил, каркидон, антилопларнинг бир неча турлари, маймунлар, дараҳтларда яшовчи калаҳара кемирувчиларини батафсил

426

ёритган. Қушлардан эса тустувуклар, тўтиқушлар, булбуллар, сувда яшовчи лайлак, ғоз ва ўрдаклар, йирик сут эмизувчи ҳайвонлардан бегемот, сувтўнғизи кабиларни таърифлайди.

Бобур бир неча бор Ер қимираши, Ой ва Қуёш тутилиши каби табиий ҳодисалар гувоҳи бўлган. Ушбу ҳодисаларнинг табиат қонунларидан бошка нарса эмаслигига ишонч ҳосил қилган. Демак, марказий Осиё ҳалқлари, жумладан ўзбек ҳалқи қадимдан экологик маданият меросига эга бўлган. Шунингдек, Бобур ўтган буюк алломаларимизнинг ҳам табиат, тирик организмлар ва уларнинг ташқи муҳит билан ўзаро алоказларига доир масалаларга тўхталиб ўтганлигининг гувоҳи бўламиз. .

XIX б о б. БАДАН ТАРБИЯСИ (ЖИСМОНИЙ ТАРБИЯ)

Машхур юонон донишманди афлотун баҳт ҳакида зикр этиб: «Инсон учун биринчи баҳт-унинг соғлиги, иккинчиси — гўзалликдир» деган экан. Чиндан ҳам сихат-саломатлик ҳамма бойликлар манбаидир. Насл-насаби соғлом ва маънавияти юксак ҳалқнинг авлодлари ҳам соғлом-бақувват, иймон-эътиқодли ва садоқатли бўладики, бу баҳт она-Ватанинг шуҳрати ва қудратининг зўр омилига айланади. Ҳалқнинг ана шундай баҳт-саодати учун соғлом авлод керак.

Соғлом авлод деганда биз ҳам жисмоний, ҳам маънавий томондан етук, бардам, хар ишга кодир, илғор маданиятли кишиларни кўзда тутамиз. Дарҳақиқат, шундай ноёб фазилатларга эга авлодни тарбиялаб вояга етказаётган ҳалқ келажакка очик кўз, ёруғ юз, катта ишонч билан қарайди.

427

Она-табиат ато этган олий моҳиятга кўра, биз — ўзбеклар ҳаётимизнинг, умримизнинг мазмунини фарзандсиз тасаввур этолмайдиган халқмиз. Дунёга келиб фарзанд кўриш, иморат куриш, нихол экиб боғ яратиш — ота-боболаримиздан қолган наслий анъана, эзгу тилак ва қутлуғ инсоний бурчдир. Шуни алоҳида шукроналик билан таъкидлаш лозимки, халқмиз тарихнинг машаққатли синовлари оша ўзининг ана шу олижаноб хислат-фазилатли анъаналарига завол етказмай сакдаб келмоқда. Аждод-авлодларимиз ўз наслларини умумбашарий туйфулар, ўлмас Шарқ фалсафаси, миллӣй қадриятларимиз руҳида тарбия қилиб келганлар.

Инсоннинг куч ва қобилияларини таҳлил этганда, у учга бўлинади: жисмоний, ақлий ва ахлоқий. Шунга биноан инсоннинг бу куч-қобилияларининг тараққийси юксалишини таъмин этадиган тарбия ҳам уч қисмга ажралади: булар бадан тарбияси, акл тарбияси, ахлок тарбиясидир.

Бадан тарбияси инсон ҳаётида катта аҳамиятга эга. Биринчидан, ҳаётда ҳар кимнинг мукаммал ҳюғсаломатликка, куч-куватли баданга эга бўлиш эҳтиёжи бор. Иккинчидан, бадан соғлиғи фикр ва ахлоқнинг ҳам соғлиғини таъмин этади. Кувватли баданинг фикр ва ахлок узра таъсири ошкордир. Фикр ва ахлок билан мижоз ва соғломлик узвий боғлиқ.

Бадан тарбиясининг мақсади ҳар томонлама жисмонан чиниккан, соғ фикрли, мард, саботли, қатъиятли, Ватанини ҳимоя қила оладиган шахсларни камол-топтиришдан иборат.

Ўқувчиларни жисмоний тарбиялаш жараённида қўйидаги асосий вазифалар ҳал этилади. Биринчи вазифа — соғлиқни мустахкамлаш, тана аъзолари-

ни чиниктириш, жисмоний жихатдан тўғри ривожланиш ҳамда унинг ишлаш қобилиятининг ошишига таъсир этишдир.

Мактаб ёшидаги болаларнинг қадди-қоматини тўғри-мутаносиб шакллантириш, суюк-бўғинларни ва мускулларни уйғунлашган тарзда ривожлантириш, юрак-томир ҳамда нафас олиш аъзоларининг асаб толалари мажмуасини мустахкамлаштириш муҳим.

Тана-аъзоларининг мўътадил фаолияти учун харакат жуда зарурийдир. Буюк ҳаким Абу Али ибн Сино: «Бадан тарбия — соғлиқни сақлашда улуғвор усулдир», дейдики, бу фикр: «Кимки қилса харакат — соғлиғида баракат бўлади» деган наклни эслатади.

Қадимда халқмиз бадан тарбияни риёзат деб аташган. Абу Али ибн Сино «Тиббий достон» («Уржуза») асарида риёзат — бадан тарбияси хақида тўхталиб, унинг бир неча хиллари бўлиши, бу жисмоний машқлар билан ўртача шуғулланиш соғлиққа фойдали эканлигини бундай таърифлайди:

*Билсанг риёзат турлари неча-неча
Шарофатли бўлур эса у ўртача'.
Тўғри ва мўътадил бўлиб ўсгай бадан,
Кир-чир ила чиқиндидан қутулар тан.*

Олим яна, жисмоний машқсиз юриш баданда ёмон хултларнинг йиғилишига сабаб бўлишини алоҳида уқтириб бундай деб ёзади:

*«Риёзатсиз ётишдан кўп топма роҳат,
Бу роҳатдан тополмассан ҳеч манфаат.
Жим ётсанг ифлос хулт-ла тўлар бадан,
Ғизоча ҳеч ҳозирланмас бирор маскан».*

‘Бу ўринда Ибн Сино бадан тарбияни оғир ё енгилини эмас, ўртасини танла демоқчи.

Жисмоний машқларнинг сиҳат-саломатликка фойдаси чексиз эканлигини Д. Адиссон бундай тасвирлайди: «Мутолаа акл учун қанча зарур бўлса, жисмоний машқлар ҳам бадан учун шунча зарур.»

Сукрот ҳаким эса бундай дейди:

«Гимнастика ёрдами ила мен баданимнинг мувозанатини тўғрилаб оламан».

Олим Иван Павлов таъкидлаганидек бош мия пўстлоғини «кучайтириш ва мустаҳкамлаш» йўли билан асаб жараёнларининг фаоллигини янада ошириш мумкин.

Шуни ҳам айтиш керакки, ўқувчиларнинг соғлиғини фақат жисмоний тарбия дарслари ҳамда мактаб режими шароитида ўтказиладиган маҳсус тадбирлар хисобигагина мустаҳкамлаш қийин. Чунки бу жараён ота-она, тарбиячи, бутун педагоглар жамоасининг иши бўлиб, соғломлаштириш билан болаларни мунтазам равишда, бутун йил давомида шуғуллантириш керак.

Иккинчи вазифа — ўқувчиларда янги ҳаракат турларига қизиқиши, кўникума ва малакалар хосил қилиш, уларни маҳсус билимлар билан қуроллантириш зарур. Ўқитиш жараённида ўқувчилар ҳаракат, кўникума ва малакаларни эгаллайдилар. Бу малака ва кўникумалар жисмоний тарбия бўйича тузилган ўқув дастурида назарда тутилган бўлиб, улардан баъзилари, масалан тез юриш, югуриш, сакрашлар амалий машқлардир. Шу билан бирга, бу машқлар гимнастика анжом-асбобларида машқ қилиш, акробатика, бадиий гимнастика ҳаракатларини координация қилишга, шунингдек, янги ҳаракатларни осонроқ ва қисқа вақт ичida ўрганиб олишга кўмаклашади, кўникума ва малакалар хосил қиласди.

Учинчи вазифа — ўқувчиларнинг ёшига, жинсига мувоғик келадиган (куч, тезкорлик, чақкон-

лик, чидамлиликни) асосий ҳаракат сифатларини ривожлантиришдир. Юкорида айтилган жисмоний сифатлар алоҳида мавжуд бўлмай, балки улардан бири у ёки бу фаолият турида етакчи ўринни эгаллайди. Масалан, ҳаракатли ва спорт ўйинларида чақконлик, қисқа масофага югуришда—тезкорликни айтиш мумкин. Мактаб дастури ўқувчиларнинг ҳаракатлари, сифатларини ҳар томонлама ривожлантириш ҳамда уларнинг жисмоний ривожланишлари ва умумий ишлаш қобилияtlарининг ортиши учун керакли шароитни яратади, албатта. Шу билан бирга, ўқувчиларда ахлоқий-иродавий сифатларни тарбиялаш, хулқ-автор маданияти кўникумларини таркиб топтириш керак.

Тўртинчи вазифа — ўқувчиларда ўз соғлиғига онгли муносабатни тарбиялаш бўлиб, бу уларнинг озода-саришталик тартибида, гигиена қоидаларига риоя қилишларида, эрталабки гимнастика билан шуғулланишларида ҳамда спорт машғулотларида мунтазам қатнашишларида намоён бўлади. Бадан тарбиянинг сиҳат-саломатликка фойдасини ўқувчи қанчалик яхши билиб олса, қизиқиши шунчалик ортади.

Мўтадил равишида, ўз вактида бадан тарбия билан шуғулланувчи одам касалликларнинг давосига муҳтоj бўлмаслигини чукур англаб олиши керак.

Олим ва шифокорларнинг кузатишларича, бадан тарбия туғма иссиқликни оширади, танага енгиллик беради. Чунки, булар енгилгина иссиқлик пайдо қиласди, аъзоларда тўпланувчи чиқиндиларни йўқотади.

Бадан тарбия машқлари тартибли ва йўли билан бўлса, фикрни уйғунлаштиради, қон юришига ёрдам беради, ҳазмни яхшилайди, асабни қувватлантиради, тан ҳароратини орттиради, зеҳнни очади.

Инсон жисмоний соғлом, ва бардам-бақувват бўлса, ҳаёт гўзалликларини яхши идрок этади, ақлзаковати юксала боради, атроф-мухитни зийрак бўлиб кузатади. Шу нуқтаи назардан айтганда, инсон боласи соғлом-бақувват бўлишда бадан тарбия муҳим омил экани аниқ. Демак, бу тарбия акдий, ахлоқий ва эстетик тарбиянинг замини экан. Таъбири жоиз бўлса, бир ерда туриб қолган сув кўлмак ҳолда ҳеч фойдасиз дейилса, харакатсиз одам ҳам кўлмак кабидир, шарқираб оққан сув ўзи гўзал, ҳам дала-боғларни яшнатгани каби, серҳаракат, жисмоний машқлар билан шуғулланадиган одамнинг ҳам ўзи (жисмонан) гўзал, ҳам ақли гўзал, ҳам одоб-ахлоқи гўзал бўлади.

Бадантарбия инсонни ҳар томонлама тетик, хушёр, қобилияти тарзда камолга етказадики, донолар жисмний тарбия-гўзаллик тарбиясидир, деб бежиз айтишмаган.

Инсон жисмоний соғлом, ҳар томонлама етук ривожланиши учун маълум мақсадни кўзлаган ҳолда тежамли харакат қилиши, табиат қўйнида ёки озода-шинам спорт залида харакатли машқлар билан шуғулланиши — буларнинг ҳаммаси унда нафосат хис-туйғусини, ақлий тушунчасини ва дидини тарбиялади. Шубҳа йўқки хилма-хил, аниқ, ифодали бажарилган жисмоний машқлар эстетик кечинма, хисларни юзага келтиради. Жисмоний машқларни бажариш жараёнида харакатлар мақсадининг ҳам шакл, ҳам мазмун жихатидан бир-бирига мос келиши эса унинг гўзаллигини таъминлайди.

Гўзаллик — бу аввало харакатларнинг содда, енгил, изчил ва тугал бўлишидирки, ўқитувчи ҳам, ўқувчи ҳам бунга интилсалар, нафосатга эришилади. Албатта жисмоний тарбиянинг вазифаси ўқув-

чида факат гўзалликни идрок этишнигина шакллантириш бўлиб қолмай, балки уларни киши характеридаги чинакам гўзалликни баҳолай билишга ҳам ўргатишдир.

Одатда, узок муддатли ақлий меҳнатдан сўнг ўқувчиларда ишлаш қобилияти секин-аста пасаяди. Бу ҳолат бошланғич синф ўқувчиларида тезда сезилади. Болалар дарс вақтида бетоқат бўлиб, ҳаддан ташқари кўп харакат қилишлари, ўтирган жойларидан тез-тез туриб кетишлари, бир-бирлари билан гапиришишлари, орқа-ю ёнларига қараб ўтиришлари, шовқин-сурон кўтаришлари мумкин ва хоказо. Айниқса дарснинг 25—30-минутларида ўқувчилар диккати сезиларли пасаяди, тушунтирилаётган мавзуни ўзлаштириш қийинлашади, ишда айрим хатоликлар учрайди. Ўқувчилар ўрганаётган мавзуларни бир неча мартадан қайта-қайта такрорлашларига тўғри келади. Ўқувчиларда ақлий чарчашиб билан бирга, қоматни тутиб турувчи бел, елка, бўйин мускуллари ҳам толиқади. Толиқиши натижасида бел эгилиб, елкалар пастга тушиб, бош олдинга эгилади, қомат мувозанати бузилади. Агар бу ҳолат такрорланаверса ўқувчиларнинг ишлаш қобилияти пасайиб, қомати бузилиб саломатлигига ҳам салбий таъсири этади. Ақлий меҳнатни жисмоний меҳнатга алмаштириш асосида бундай толиқишининг олди олинади. «Физкультминут»лар (жисмоний машқдақиқалари) ўқувчиларда фаолликни оширади, сусайган иш қобилиятини тиклайди, кайфиятни яхшилади.

«Физкультминут» лар дарснинг 25[^]30-дақикаларида (4—8 тадан иборат бўлган машқларни) 2—3 дақиқа давомида бажарилади. Бу чоғда бажарилиши осон, ўтириб ёки ўриндан туриб панжаларга, бўйин, елка, бел ва қоматнинг пастки қисмига таъсири этадиган машқларни танлаш лозим.

Ёзув дарсларида ўкувчиларнинг панжалари, кўл мускуллари тез толикади. Натижада ёзув тезлиги пасаяди, хуснихати бузилади. Бундай ҳолларда панжаларни букиб-ёзиш, кўлларни букиш, ёнга, олдинга, юкорига кўтарилиб бажариладиган машқлар берилади. Узок ўтириш натижасида гавданинг пастки қисми қаттиқтолиқади. Бутолиқиши тарқатиш учун тик туриб бажариладиган, олдинга, ёнга эгилиш, ўтириб-туриладиган машқдарни танлаш лозим.

Дарсда жисмоний машқлар секин, аник буйруқ тарзида берилади. Машкнинг хар бир харакатини бажариш орасида турли хил шўх, қувнок мусикалардан фойдаланса айни муддао бўлади. Агар танланган «Физкультминут»лар шеър айтиб бажарилса, ўкувчилар нутқини ўстиришга хам ёрдам беради.

Қўйида бошланғич синфларда қўлланиладиган жисмоний машқлардан айрим намуналар келтирамиз.

1-машқ.

— Тўғри ўтирган ҳолатда қўлни олдинга чўзиб, кафтлар юкорига қаратилади.

Биз ҳадеб ёзавериб, чарчади қўлларимиз,
Бир, икки, уч, тўрт, бир, икки, уч, тўрт.
Энди туриб, ўтириб, яна ёзишга тушамиз.

Бажарилиши: Шеърни айтиб панжаларни мушт килган ҳолда ёзилади, туриб ўтирилади.

2-машқ.

— Ўриндан туриб, қўллар чап елкада болта ушлагандек ҳолатда турилади:

Шеър:

*Биз ўрмонга борамиз,
Кўлимизда болтамиз.
Дараҳтларни кесамиз,
1 - 2 - 3 - 4 ; 1 - 2 - 3 - 4 .*

«Уф, чарчадик» машқининг бажарилиши:

— Шеърни айтиб, саноқка келганда болта чопгандек харакат килинади.

— 1— пастга, 2—ўнг елкада, 3—пастга, 4—чап елкада.

Саноқни 2—3 марта қайтаргандан кейин, «Уф, чарчадик» сўзи айтилганда қўллар пастга тушириб силкитилади.

3-машқ.

Партадан четга чиқиб, қўллар юкорига кўтарилади.

Бажарилиши:

— «Баҳор вальси» мусикаси садоси ёрдамида қўллар гавда билан бирга ўнг ва чап томонларга чайқалиди. Шу чайқалишда олдинга ва орқага эгилинади.

4-машқ.

— Партадан чиқиб тўғри турилади.

Бажарилиши: 1. Қўллар белда.

2. Қўллар юкорига кўтарилиб, кафтларга қаралади, оёқнинг уни кўтарилади.

3. Қўллар елкага тушади.

4. Қўллар пастга тушади.

5. Ўтирилади.

6. Даствабки ҳолат.

Бу каби жисмоний машқларни кўплаб келтириш мумкин. Лекин жисмоний машқлар ҳаддан ташкари узок давом этса хам яхши натижа бермайди. Шунинг учун машқларни болаларнинг айни чарчаган вақтини сезган ҳолда ўтказиш керак.

Жисмоний машқлар учун танланган материаллар ўтилаётган фанга доир бўлса янада мақсадга мувофиқ бўлади. Бунда болаларнинг ёши хисобга олинса, яхши натижа беради.

ЖИСМОНИЙ ТАРБИЯ ВОСИТАЛАРИ

Боланинг соғлом ўсиши ва тўғри камол топиши учун жисмоний тарбия воситаларидан ўринли фойдаланиш зарур.

Жисмоний тарбия воситалари уч турга бўлинади. Биринчи турни гигиена омиллари, иккинчи турни табиатдаги соғломлаштирувчи кучлар, учинчи турни эса жисмоний тарбия вазифаларини ҳал этишга йўналтирилган жисмоний машқлар ташкил этади.

Санитария-гигиена омилларига[^]риоя қилиш жисмоний тарбия тизимида алоҳида ўрин эгаллади, у бола аъзоларига фойдали таъсир кўрсатади. Жисмоний тарбия воситаларидан кўпчилиги ўкувчининг кундалик режимини ташкил этади.

Қатъий кун тартибига амал қилиш ҳар бир киши хаётида катта ўрин тутади. И. П. Павлов рефлекснинг вақтида бўлган алоҳида таъсирини таъкидлаган эди. Режимни мунтазам равишда бажариш аъзои тананинг ритм билан бир зайлда ишлашига одатлантиради.

Кун тартибига риоя кильмаслик ёки унинг бутунлай йўклиги (ўз вақтида овқатланмаслик, етарлича ухламаслик, дам олмаслик, ақлий ва жисмоний меҳнатнинг бетартиблиги) — буларнинг ҳаммаси аъзои бадани бўшаштиради, тананинг бутун хужайраларининг, хусусан бош мия хужайрасининг ишлашини ёмонлаштиради. Ота-оналар ва ўкувчилар муайян ёшдаги боланинг кун режимининг уйда ҳам, мактабда ҳам мунтазам амалга оширилишини кузатиб боришилари шарт.

Режимни тузишда ўкувчиларнинг ёши, мактабда ўқиши вақти, уйғониш вақти, эрталабки гимнастика, кунига 3—4 марта овқатланиш, очик ҳавода бўлиши, ақлий ва жисмоний меҳнатнинг алманишини хисобга олиш зарур. Кундалик режим бир қолипда бўлмаслиги ҳам керак. Режимга ўзгаришлар киритиш мумкин.

Соғликни мустахкамлаш, аъзои танани чиникириш, болаларнинг жисмоний ривожланиш даражасини кўтаришга табиатнинг соғломлаштирувчи кучлари — қуёш, ҳаво ва сув таъсири орқали эришилади. Табиат омилларидан жисмоний машғулотлар ўтказиши ҳамда мустақил шуғулланиш учун муҳим восита сифатида фойдаланилади.

Мактаб шароитида жисмоний тарбия воситалари орасида энг кўп жисмоний машқлар қўлланади. Жисмоний машқлар гавда мускулларининг ўсиши ва мустахкамланишига, юрак-қон томир тизими фаолиятининг ва нафас олиш аъзоларининг яхшиланишига самарали таъсир кўрсатади.

Жисмоний машқлар асаблар мажмуасининг фаолиятига ҳам, хусусан бош мия -қобиғидаги харакатлантирувчи қисмга ҳам таъсир этади, натижада харакатларнинг бир-бирига уйғунлиги яхшиланади, харакатларда мувофиқлик, аниқлик зарурий куч ва ритм хосил бўлади. Ўкувчи айнан шу таъсирлар натижасида тузилиши жихатидан мураккаб бўлган харакатларни, катта тезликдаги харакатларни осон ўзлаштириб олади, бу эса жисмоний.мехнат машғулотлари учун муҳимdir.

Жисмоний тарбия воситалари орасида асосий гимнастика, харакатли ўйинлар, бадан тарбия дақиқалари (физкутминутлар), ҳалқ анъаналари ва спорт турлари етакчи хисобланади.

Гимнастика. Гимнастика ўрта мактаб ўкувчиларини жисмоний жихатдан тарбиялашнинг асосий воситаларидан биридир. Бадан тарбиянинг бу тури куйидагиларга бўлинади:

- а) асосий гимнастика ва унинг тuri — гигиеник гимнастика;
- б) спорт гимнастикаси ва унинг турлари: акробатика ва бадиий гимнастика;

в) гимнастиканинг ёрдамчи турлари (даволаш гимнастикаси, дарс бошланишидан олдинги гимнастика).

Асосий гимнастика юкорида айтиб ўтилган вазифаларни амалга оширади. У сафланишлар, барча мускулларни ўстирадиган машклар, юриш, югуруиш, мувозанат сақлаш, тирмашиб чиқиш ва ошиб ўтиш кабилардан иборатdir. I-II синфларда гимнастика ва ҳаракатли ўйинлар асосий ўринни эгаллайди. III синфдан бошлаб гимнастикага акробатика машкдари, таяниб сакрашлар, оддий ва аралаш осилишлар, енгил атлетика машклари, ҳаракатли ўйинлар ва спорт ўйинларига тайёрлайдиган ўйинларни машқ килиш киритилади.

Одатда, ўйинлар ҳаракатларнинг эркинлиги билан ажралиб туради. Гимнастика машкдари эса чегараланган, аниқ ҳаракатларни талаб этади, бош мия пўстлоғида тормозланиш жараёнини хосил қилиш ва уларнинг кўзғалиш жараёнларига тўғри мутаносибликни таъминлаш билан боғлиқdir. Фаол тормозланиш хосил қилиш вазифасини ҳал этиш учун гимнастик машклардан фўйдаланганда, баъзан гимнастика машклари I-II синф ўқувчиларига кийин, унча қизиғи йўқдек ва ёқимсиздек бўлиб туюлишинизардатумоқлозим. Шунингчун гимнастика машкларини доим миллий ўйинлар билан алмаштириб туриш ҳамда уларни ўқувчиларга қизиқарли шаклларда бажариб кўрсатиш тавсия қилинади. Гимнастика дарсларига бундай ўйинларнинг доимо киритилиши ва шунинг учун ҳам муҳимки, булар - ўрганилган гимнастика машкларини мустаҳкамлаш ва такомиллаштиришга ёрдам беради.

Гимнастика машкларини бажариш жараённада фақат соғломлаштириш вазифасигина эмас, балки илм бериш вазифаси ҳам ҳал қилинади. Ўқувчи-

ларни ўз ҳаракатларини онгли равиша бошқаришга, ўз тана аъзоларини бошқаришни ўрганишга одатлантириш керак.

Спорт гимнастикаси. Бошланғич синфларда ўқувчиларга жисмоний тарбия дастури асосида умумий жисмоний билим берилади. Бу ёшда болалар ҳали тўла маънодаги спорт гимнастикаси билан шуғулланмайдилар, лекин улар спорт гимнастикасининг оддий элементлари билан танишадилар. Юкори синфларда спорт гимнастикаси дарсларда ва дарслардан ташқари вактларда борган сари кўпроқ ўрин эгаллай бошлайди. Спорт гимнастикаси дастурида эркин машклар, гимнастика асбоб-анжомларида машқ бажариш ва сакрашлар назарда тутилган.

Гимнастика турларидан яна бир муҳими — даволаш гимнастикасидир. Даволаш гимнастикаси болалар соғлигини ва кучини тиклашга йўналтирилган. Унда асосий ўринни гавда ҳолатини, қийшайиб колган умуртқа поғонани, кўкрак кафасини ва хоказоларни даволаш максадида қўлланиладиган тузатиш машклари эгаллайди. -

Даволаш гимнастикаси маҳсус даволаш муассасаларида мутахассис — шифокорлар ва жисмоний тарбия билимдонлари раҳбарлигига ўтказилади. Даволаш гимнастикасини айrim ҳолларда мактабда ҳам ўтказиш мумкин.

БАДАН ТАРБИЯСИДА ҲАРАКАТЛИ ЎЙИНЛАРНИНГ АҲАМИЯТИ

Ҳаракатли ўйинлар кичик ёшдаги мактаб ўқувчиларининг жисмоний тарбиясида муҳим восита хисобланади. Бу ёшдаги болаларнинг хаётида ҳаракатли ўйинлар уларнинг жисмоний чиниқа боришига ва ақлий ривожланишига ижобий таъсир - кўрсатади.

Тажриба шуни кўрсатадики, 6—8 ёшли болаларда образли (қаҳрамонлар қатнашган) ўйинлар, уларнинг фикрлаш ҳамда атроф-мухитни хис қилиш қобилиятларини ривожлантириб боради. Ўқувчилар хар хил ббрзларга тақлид қилинган ўйинларни ўйнаб бориш жараёнларида уларда ўзларини бошқариш қобилияти, фаол харакат қилиш малака ва кўнималари шакллана боради.

Такдидли ўйинларниг муҳимлиги шундаки, уларда жисмоний фазилатларни ривожлантириш учун жуда муҳим шароитлар яратилади. Масалан, фазогирлар ўйинида ракетадаги жойга ўрнашиб олиш учун иложи борича тез югуриш талаб қилинади. 06-разларга тақлид қилиб ўйналадиган харакатли ўйинлар давомида болалар ўша образларга маҳлиё бўлиб чарчоқни унтишади, баъзи бир мураккаб бўлган харакатларни ҳам бажарив юборишади. Натижада уларда чидамлилик ва бошка сифатлар ривожлантириб борилади.

Харакатли ўйинларни болаларнинг ёш хусусиятлари, жисмоний тайёргарлиги, физиологик хусусиятларини ҳисобга олган ҳолда ўтказиш жараённида ўқитувчидан катта масъулият талаб этилади.

Ўйин қоидасини ва тартибини болаларга тўғри тушунтириб бориш, уларда хар бир харакат ёки образ тўғрисида тўла тасаввур ҳосил қила олиш ўйинни уюшқоқлик билан ўтишини таъминлайди.

Биринчи синф ўқувчилари билан ўзлари танланган ўйинларни ўтказиш лозим. Бунда бир бола ўйин мазмунини, бошқаси ўйин қоидасини тушунтиради. Зарурат туғилса ўйин ўқитувчи томонидан кайта тушунтирилади. Бу восита жараённида болаларда ўзўзини бошқариш, хар хил мураккаб шароитлардан кутулиш йўлларини излаш ва фикрлаш, жавобгарлик хисларини тарбиялаш муҳим аҳамиятга эга.

Танаффус пайтида ўтказиладиган ўйинлар ўзининг харакатларга бойлиги, кизикарлилиги, қисқалиги билан ўқувчилардаги чарчоқ, толикиш, руҳий зўриқиши ҳолларини йўқотиш, кейинги бўладиган педагогик жараёнга болаларни тайёрлаш воситасида кўлланилади.

Харакатли ўйинларни бизнинг Ўзбекистон шароитида йилнинг деярли ҳамма фаслида очик ҳавода ўтказиш имконияти бор. Жисмоний машқлар ёпик шароитларга нисбатан очик ҳавода ўтказилса, бола аъзои-баданига таъсири кучли бўлади.

Ҳар бир ўйин тугагандан кейин ўқитувчи болаларни ўйин давомидаги ҳаракатларини баҳолаб, у камчиликларини кўрсатиб ўтиши керак.

Амалий тажрибалар шуни кўрсатадики, дарслар орасидаги танаффус вактида харакатли ўйинлар мунтазам ўтказилиб бораётган мактабларда ўқувчиларни фанларни ўзлаштиришлари, давоматлари ҳамда соғликлари яхшиланган.

Қуйида харакатли ўйинлардан айримларини ўтказиш намунасини келтирамиз.

Эшиш ва уни бажар

Ўқитувчи бир нечта харакатни (3—6), яъни уларни кўрсатмасдан овозини чиқариб айтади. Ўйин қатнашчилари ўқитувчи қандай айтган бўлса, амални шу кетма-кетликда бажарышлари шарт. Ўйинда хатога йўл қўйган ўқувчилар жарима (очко) оладилар. Энг кам жарима очко тўплаган ўқувчилар ўйинда ғолиб деб топилади.

Болалар катта бўлмаган гуруҳ ёки қаторда тиззалирини баланд кўтариб юрадилар. Сўнгра қўнғироқ чалиниши бўйича баланд қадам билан юрадилар.

2- Кўнғизлар

Ўқувчи «Кўнғизлар учди-я, — деб қўнғироқ чалганда болалар майдонча ичиди ҳар хил йўналишда

югурадилар. «Құнғизлар йиқилиб тушди» дейилганды болалар орка билан чалқанча ётадилар ва құл, оёқлари билан әркін харакат (типир-типир) кила-дилар.

3. Күшлар парвози

Күшлар (болалар) қанотларини ёзиб, бутун майдонча бўйлаб учиб юрадилар. «Бўрон бошланади!» деган сигнал берилиши билан улар дараҳтларга чиқиб яширинадилар (яъни бадан тарбия деворчасига тирмашиб чиқадилар). Ўқитувчи «Бўрон босилди», дейиши билан «кушлар» шохлардан тушадилар (яъни бадан тарбия деворчасида поғонама-поғона, оҳиста) ва учишни давом эттирадилар.

Кўрсатмалар. Агар бадан тарбия деворчаси бўлмаса ўтиргичлар, яшиклар ва бошқа буюмлардан фойдаланиш мумкин.

4. Арғамчи устидан сакраш ўйини

Болалар арғамчининг икки учидан ушлаб айлантира бошлайдилар, қатор бўлишиб арғамчига тегмасдан навбатма-навбат сакрайдилар. Арғамчига ким тегиб кетса, ўша арғамчи айлантираётган болаларни биринчи ўринни алмаштиради.

5. Қалға ҳимояси ўйини

Ўйновчилар 3—4 айланага сафланадилар. Ҳар бир ўқувчининг орасидаги масофа 1 метр. Уларнинг оёқлари олдида чизик чизилади. Айланалар марказига таёқчалар ўрнатилади. Ўйинчилардан бири ҳимоя қилиш учун чизик атрофига бориб туради. Унда волейбол ёки баскетбол тўпидан фойдаланилади. Ўйин ўқитувчи қўнғироғи билан бошланади. Ўқувчилар тўпларни бир-бирларига ошира туриб пайт пойлаб, тўпни қальгага текизишга харакат килалир. Ҳимоячи эса қўл, оёқ ва гавдаси билан қалъани ҳимоя килалир. Тўпни текизган ўйинчи ҳимоячи билан ўринни алмаштиради.

6. Зовурдаги бўри ўйини

Бир-биридан 60—70 см узунликда икки ёнмаён чизик ўтказилади, у зовур вазифасини ўтайди. Бир ва иккита бошқарувчилар, яъни «бўри»лар зовурда турадилар. Колган ўқувчилар «эчкилар» хисобланадилар. «Эчкилар» чизикнинг бир томонида ўз уйларида бўладилар. Қарама-қарши томонга яйловни тасвирлайдиган чизик чизилади.

Ўқитувчининг қўнғироғига биноан «эчкилар» уйларидан чикиб, зовурдан сакраб, яйловга чопиб ўтишади. «Бўрилар» эса уларни тутишга харакат қилалир. Ҳар бир югуришдан сўнг қўлга тушганлар сони санаб чиқилади. Югуришдан сўнг янги «бўрилар» сайланади.

7. Кечқолма!

Полга кубиклар ёки цилиндрлар доира шаклида териб қўйилади. Болалар кубикларни ёнида туришади. Ўқитувчининг ишораси билан улар хона бўйлаб югурадилар. Бунда улар бир-бирларига урилиб кетмасликлари ва кубикларни тепиб ўтмасликлари керак. «Кеч қолма!» деган овоз чиққач, болалар ўз кубикларига караб югурадилар.

8. Доирага тушир

Болалар давра куриб турадилар. Ўртага катта чамбарак қўйилади ва доира чизилади. Доирадан 2—3 қадам масофада давра куриб турган болаларнинг қўлида ичига кум тўлдирилган халтачалари бўлади. Ўқитувчининг «Ташла!» деган гапи билан барча болалар халтачаларни доирага ташлайдилар. Сўнгра ўқитувчининг «Халтачаларни кўтариб олинг!», деган буйруғи билан, болалар халтачаларни олиб ўз жойларига келиб турадилар. Ўйин 4—6 маротаба такрорланади.

9. Ўрмондаги айик

Майдоннинг бир томонида айик ини чизиб қўйилади. Иккинчи томонда болалар яшайдиган уй акс

эттирилади. Ўқитувчи инида ўтирадиган «айик»ни танлайди. Ўқитувчи: «Болалар ббринглар ўйнаб келинглар!», — дейиши билан болалар уйдан чикиб, ўрмонга ўйнагани кетадилар. Қўзиқорин терадилар, капалак тутадилар ва хоказо...

Улар хор бўлиб шундай дейдилар:

*Айик ини.олдида
Кўзиқорин терамиз.
Айиквой ўкирганда
Бизлар қочиб кетамиз.*

«Ўкирганда» сўзидан сўнг «айик» уйларига қочиб кетаётган болаларни тута бошлайди.

«Айик»нинг кўли теккан бола тутилган хисобланади, уни ўз инига олиб бориб кўяди. Ўз чегарасидан ^ўтгандан кейин болаларни ушлаш мумкин эмас. Ўйин 3—4 маротаба такрорланади.

10. «Ким биринчи?» ўйини

Иккита стулнинг ўртасига 8—10 м масофада арқонча ташлаб^қўйилади. Ўйинчилар икки гурухга бўлинадилар. Ўқитувчининг бўйруғи билан ўқувчилар ўз ракиблари стули атрофида югуриб, айланаб стулга ўтириб оладилар ва олдинга энгашиб арқон учини ушлашга харакат қиласидилар. Ким биринчи бўлиб арқон учини ушласа ўша ўйинчига бир очко берилади. Ўйин шу тариқа давом эттирилади. Қайси гурух кўп очко тўпласа, ўша гурух ғолиб топилади.

БАДАН ТАРБИЯСИДА ХАЛҚ ЎЙИНЛАРИДАН ФОЙДАЛАНИШ

Мустақил. ўлка ёшларини хар томонлама камол топган шахс қилиб тарбиялашда жисмоний тарбиянинг, колаверса, миллий жисмоний тарбия усулларининг аҳамияти катта. Қадим замонларда миллий спорт, харакатли ўйин ва кўнгил очишлардан ота-боболаримиз, момоларимиз байрамларда, сайл-444

ларда кенг фойдаланишган. Наврўз, хосил байрамлари, рамазон ҳайит, қурбон ҳайит ва бошқа байрамларда узокқа чопиш, кураш, кўпкари каби хилма-хил ўйинлар, кўнгил очишлар ўтказилган.

Миллий жисмоний машқдар спорт ва харакатли ўйинларнинг хилма-хиллиги уларни ўқув-тарбия жараёнининг жуда кўп соҳаларида қўллаш имконини беради. Куни узайтирилган жуда кўп гурухларда ҳар хил ҳаракатли ўйинлар ўтказиш, бошланғич синф ўқувчилари билан ҳар хил ўйинлар ўюштириш, маҳсус гурухларда қизиқарли ва бажарилиши осон бўлган машқлар ташкил этиш ўқувчилар ҳаракат сифатларини тўғри шакллантиришга катта ёрдам беради.

Қуйида, мактабларда ўқув-тарбия жараёнида қўллаш мумкин бўлган миллий спорт, харакатли ўйин ва кўнгил очишлардан бир нечтасини эътиборингизга хавола этамиз.

Ўйинда 2 тадан ортиқ иштирокчи қатнашиши мумкин. 15—20 метрлик масофага 70—80 см узунликдаги таёқ тик ўрнатилади. Ҳар бир ўйинчи худди шундай таёқни тик таёққа қараб улоқтиради. Таёқни кўп марта йикитган ўқувчи ғолиб хисобланади.

«Kec-Kec»

Иштирокчилар икки гурухга бўлинадилар. Биринчиси олдинда, иккинчиси орқада туради. Ўқитувчининг белгиси билан биринчи гурух қочади, иккинчиси қувлайди. Қувловчи ўйинчилар етиб олса, ўзлари орқага қочадилар, ушлаганлар қувлайдилар. Ўйин иштирокчилари ушланиб оз қолгунча ўйналади.

«Соққа»

Ўйин иштирокчилари икки қаторга тизилиб турадилар. Биринчи қатордаги ўйинчилар қўлидаги тўп ёки тошни узокқа улоқтирадилар. Иккинчи

қатордаги ўйинчилар эса қўлидаги тўп билан уни уришга ҳаракат киладилар. Агар ўйинчи тегиза олмаса, бошқа гурух ўйинчиси ташлашига рухсат этилади. Агар ўйинчи сокқани тегизса, бир очко берилади. Навбат иккинчи гурух ўйинчисига берилиб, упга сокқани улоқтиришга рухсат этилади. Ўйинда камрок хатога йўл қўйиб, кўпроқ очко тўплаган гурух ғолиб чиқади. Сокқа сифатида тўп (ёки *тошдан*) фойдаланиш мумкин.

«Kirk tosh»

Ўйинчилар 3—4 гурухга бўлинадилар. Ўйин эстафета шаклида ўтказилади. Ҳамма гурух қаторларга орқама-орқа бўлиб сафланадилар. Ўқитувчи буйруғи билан ҳар бир гурух олдидағи ўйинчилар ҳар қадамга тош қўйиб чиқадилар ва белгиланган жойдан қайтиб келадилар. Кейинги ўйинчи эса шу йикилган тошни йиғиб келади. Ўйинни биринчи бўлиб тутатган гурух ғолиб чиқади. Тошлар ўрнида тенинс тўпларидан ҳам фойдаланиш мумкин.

«Durrpa soldi»

Ўйинчилар доира шаклида ўтирадилар. Бошларини тиззага қўйиб, кўзларини юмадилар. Бир ўйинчи қўлидаги дуррани бирор ўйинчи орқасига қўяди, дурра қўйилган ўйинчи бошловчини кувиб кетади. Бошловчи ўз жойига ўтириб олса, кейинги ўйинчи дуррани солиш учун айланади. Ўйин шу тариқа давом эттирилади.

«Tepish»

Ўйинчилар бир сафга тизиладилар ва уларнинг ҳар қайсисини олдига тўплар қўйилади. Ҳар бир ўқувчи қўлини ерга қўйиб турган жойда 15—20 марта айланади. Сўнгра тўғри бориб тўпни тепади. Қайси ўқувчи адашмай тўпни тепса ғолиб ҳисобланади.

Бундай миллий ўйинларни ва кўнгил очишларни мактаб шароитидан келиб чиқиб, ўқувчиларни ёши, жинсига ва қизиқишлирага мос ҳолда қўллаш мумкин.

XXI боб. МАКТАБНИ БОШҚАРИШ ВА УНГА

РАҲБАРЛИК ҚИЛИШ

МАКТАБНИ БОШҚАРИШ МАСАЛАЛАРИ

Республикамиз ҳукумати ҳалқ таълими соҳасида уртага қўяётган вазифаларни бажариш кўп жиҳатдан ўқитувчига боғлиқ. Янги иқтисодий сиёсатга ўтиш шароитида таълим-тарбиядан кўзланган мақсадга эришиш вазифаси асосан ўқитувчи зиммасига юклатилган. Бу ўз навбатида мактаб ишини бошқарадиган раҳбарнинг фаолияти билан боғлиқдир. Қайси мактабда ички ва ташқи назорат ишлари яхши йўлга қўйилган бўлса, ўша мактабдаги таълим-тарбия ишлари ҳам изчил бўлади. Педагоглар жамоаси ишини системали назорат килиш бир томондан ҳар бир ўқитувчининг ўз ишида камчиликларни вактида аниқлаш ва тузатиш имконини беради. Мактаб ички назоратининг бир канча йўл-йўриклиари мавжуддир! Уларнинг биринчиси мактаб директори ва илмий бўлим мудирининг дарсларга киришлари, дарсларни ва машғулотларнинг бошқа шаклларини таҳлил килишларидир. Мактаб директори ва илмий бўлим мудири дарсларга мунтазам кириб туришлари шарт. Бунинг учун улар йил давомида дарсларга кириш режаларини кузатадилар ҳамда тартибларини келишиб оладилар.

Дарсларга кириш ва уларни кузатиш маълум мақсадга қаратилган. Бундай кириш ва кузатишлар ўқувчининг фаолияти хақида хulosалар чиқариш имконини беради.

Баъзан 4- синflарда ёки бир туркумдаги барча синflарда бирор масаланинг йўлга қўйилиши

ўрганилади. Масалан, директор бошланғич синфлардаги ёки фақат 1-синф ёки 2- синфлардаги дарсларда ғоявий тарбиянинг йўлга қўйилишини ўрганмоқчи. Бунда хар хил дарсларга ва турли ўқитувчиларнинг дарсларига кириш белгилаб олинади.

Агар директор дарсларга киришда ўқитувчининг иш системасини хамда ўқувчиларнинг билимларини аниқлашни мақсад қилиб олган бўлса, маълум ўқитувчининг туркум дарсларига киришни режалаштиради.

Мактаб раҳбарлари эндиғина муаллимлик қилалигдан ёшларга ва мактабнинг янги ходимларига хамиша эътибор билан қарашибари талаб қилинади. Бироқ анча тажрибали ва малакали педагоглар хам текширишга эҳтиёж сезадилар.

Бундай текшириш ўқитувчиларни рағбатлантиради хамда директорга энг яхши тажрибани ўрганишга имкон беради. Дарсда текширувчи қуидаги томонларга эътибор бериши керак: дарснинг мақсади қанчалик равshan, аниқ ва тушунарли қилиб ифодаланган; дарс яхлит холда ва унинг айрим босқичлари қанчалик ўйлаб олинган; мақсад юзасидан унинг мазмuni баён этилгани; материалнинг илмий-назарий савияси қандайлиги; ўқитувчи қўллаган методлар қанчалик самарали хамда замонавий бўлиши; дарсда ўқитувчининг дидактик қоидаларга риоя қилиши; ўқитувчининг дарсда хар бир ўқувчининг ақлий ўсишига қанчалик эришиши; таълимнинг кўрсатма ва техника воситаларидан қанчалик малакали фойдаланишига эътиборини қаратиши лозим. Дарснинг боши ва охирига, ташкилий томонига, дарснинг бир босқичдан иккинчи босқичга ўтилишига, уларнинг мантиқий боғланишига, дарсларига жамоа ишининг бирга қўшиб олиб борилишига, ўқувчилардан сўраш ва уларнинг билимларини баҳодашга хамда уйга бе-

риладиган топшириклар системасига эътибор бериш ғоят мухимdir. Шу билан бирга дарсда кетган вактни белгилаш жуда зарур. Булар дарснинг вактни обьектив баҳолаш имконини беради. Дарснинг тарбиявий томонига хам алоҳида эътибор қаратилиди. Дарснинг тузилиши, мазмuni, методлари, ўқитувчининг дарсдаги хатти-ҳаракатлари тарбиявий нуқтаи назардан баҳоланади. Директор ёки илмий мудир хар бир дарсни кўриб бўлгандан кейин ўқитувчи билан сұхбатлашиши даркор.

Директор ва унинг ўринбосари болалар билан олиб бориладиган ўкув ва синфдан ташқари ишларнинг барча шаклларига раҳбарлик киладилар ва уларни текшириб турадилар.

Директор ва унинг ўринбосари тадбирларни ғоявий йўналишини ташкил этишнинг илмий-методик даражаси, болаларнинг қизиқишлари ва уларнинг фаоллиги, машғулотнинг ўкув-тарбиявий қимматига алоҳида эътибор қаратадилар. Ўқитувчилар, синф раҳбарлари директор ва унинг ўринбосарларига ўзларининг ишлари ҳақида ҳисоб берадилар. Ҳисоб бериш ўқитувчилар ва мактаб раҳбарларига ўз ишларининг натижаларини таҳлил қилишга, камчиликларнинг сабабларини очишга, уларнинг бартараф этиш йўлларини белгилашга кўмаклашади. Мактабда хар бир ўкувчи жиддий ҳисобга олиб борилади: алфавит дафтари ва шахсий папка бўлади. Ўкувчиларнинг алфавит дафтарида қуидаги маълумотлар: ўкувчининг фамилияси, исми, отасининг исми, туғилган йили, адреси, мактабга қабул қилинган вакти ва ундан кетган вакти кўрсатилади. Агар ўкувчи бир мактабдан иккинчи мактабга ёки бошқа ўкув юртига ўтган бўлса, унда шу мактабга ёки бошқа ўкув юртига ўтганлиги ҳақидаги маълумотнома бўлиши керак.

. Шахсий папкада ўқувчи, унинг ўзлаштириши ва хулқининг аҳволи хақидаги умумий маълумотлар бўлади. Шахсий папка ўқувчи мактабни тутатгандан кейин мактаб архивида сакланади.

Ўқувчилар шахсий папкаларининг сакланиши ва юритилишига шахсан ўқитувчи, синф раҳбарлари, шунингдек, мактаб канцелярияси (идораси) ва директор жавобгардир

Ўқитувчининг ўқув ишини кундалик хисобга олиб бориш учун синф журнали тутилади. Бунга ўқитувчи хар бир машғулотини, уй вазифаларини ўқувчиларнинг оғзаки жавоблари, ёзма мустақил ишлари, контрол ишлари ёзиб борилади. Ҳар бир ўқувчининг ишидаги ютуқ ва камчиликларини журнал орқали билиш мумкин. Кўпгина ўқитувчилар синф журналига кўшимча равишда ўзларининг шахсий кундаликларини юритадилар. Унга ўқувчининг ўқиши ва хулқига доир энг қизиқарли фактлар, боланинг индивидуал ўсиши юзасидан олиб борган ўз кузатишлари, ўқувчининг ўзлаштириш ва хулқидаги қийинчиликлар ҳамда камчиликлар ёзиб борилади. Бундай кундалик ўқитувчига ўқувчининг ўсишини диккәт билан кузатиб боришга, унинг шахс сифатида шаклланиб бориш истиқболини белгилашга ёрдам беради.

Мактаб кундалигига ҳар кунги ўтилган дарслар, уйга берилган топшириқлар ва кундалик баҳолар ёзиб борилади. Синф журналига, қўйиладиган баҳолар билан бир вақтда кундаликка ҳам баҳо қўйиб борилади. Ҳафтанинг охирида кундаликка ўқитувчи ва ота-онанинг имзоси қўйилади.

Кичик ёшдаги ўқувчиларнинг ота-оналари кундаликни ҳар куни кўриш, ҳар кунги ютуқ ва камчиликлар хақида билиб боришга ўргатиш зарур.

Ўқувчилар кундаликка ўзларининг ўқув муваффақиятлари акс эттириладиган ҳужжат деб қараб, унга масъулият билан муносабатда бўлишлари керак.

Кундаликни бола устидан шикоят қиласиган воситага айлантириш, масалан, унга «У буфетда ўзини ёмон тутди» каби танбеҳларни ёзиш ярамайди. Бундай ёзувлар интизомни бузадиган болаларга нисбатан мустақил чора кўра билмайдиган ўқитувчининг ночорлиги, укувсизлигидан далолат беради.

Ўқув йилининг охирида бошланғич синф ўқитувчилари ва синф раҳбарлари ўқув дастурларини бажарилиши хақида хисобот тузадилар.

- Мактаб эса ҳалқ маорифининг туман (шаҳар) бўлимларига йиллик статистик хисобот тақдим қиласди.

Ўқув йилининг охирида ўқув йилининг якунларига доир ота-оналар мажлиси ўтказилади.Хисобот мажлисига ўқувчиларнинг ишлари, мактабнинг меҳнат тарбияси соҳасидаги ютуклари тўғрисида кўргазмалар тайёrlаш мумкин.

Ҳар бир ўқитувчи ўз вазифаларини бажариш, мактаб мулкини кабинетларда белгиланган тартибда саклашга нисбатан жиддий муносабатда бўлиши керак. Ўқув-тарбия ишлари устидан кундалик мактаб ички назорати мактабнинг барча ишларининг юксак дарражасини таъминлашга, ўқувчиларнинг қизиқарли тажрибаларини маъқуллаш ва ёйишга, баъзи ўқитувчилар ишидаги камчиликларни ўз вақтида аниқлашга ёрдам беради. Текшириш натижалари метод бирлашмалари ва предмет комиссияларида, директор қошидаги кенгашларда, педагоглар жамоасида ва ишлаб чиқариш кенгашларида муҳокама қилинади.

Бошқариш фаолиятида муайян тизимнинг бўлиши муҳимдир. Бунинг маъноси шундан иборатки, бу иш тасодифий бир-бирига алоқаси бўлган тадбирлар йиғиндисидан иборат бўлмай, шароит хусусиятларини қатъий хисобга олишни тақозо этади.

Мактаб ички назорати бўйича ишланган режа-

ни бир чоракка, ярим йиллик ва бир ўқув йилига мўлжаллаб тузиш мумкин. Лекин режани бир ўқув йилига мўлжаллаб тузиш мақсадга мувофиқдир.

Мактаб раҳбарлари томонидан амалга ошириладиган мактаб ички назоратининг режаси куйидаги масалаларни ўз ичига олиши мумкин:

1. Мактабнинг хамма кўрсаткичлари бўйича режанинг бажарилиши.

2. Ўқув-тарбия ишларининг ахволи.

3. Синфдан ва мактабдан ташқари олиб бориладиган тарбиявий ишлар.

4. Мактабдаги жамоатчилик хамда оталик ташкilotлари билан олиб бориладиган ишлар.

5. Мактабда педагог ходимлар билан ишлаш масаласи.

6. Мактаб хужжатларини юритиш холати.

7. Мактаб ўқувчи ёшлар ташкилотининг ишлари.

8. Мактабнинг молия хўжалик ишлари.

9. Мактаб, оила ва жамоатчилик хамкбрлиги.

10. Синф раҳбарларининг ишлари ва ҳоказо масалалар.

Бир ўқув йилига мўлжаллаб тузилган мактаб ички назоратининг мавзу режасини ўқув йилидаги педагогларнинг биринчи йиғилишида тасдиқлаш ва уни мактаб ўқитувчilar жамоасига маълум қилиш мақсадга мувофиқдир. Лекин назорат қилишда маълум тизим ва аниқ режанинг бўлмаслиги, мақсаднинг ноаниклиги, хужжатларни тартибга солишга ва маълум бир фикрга келиш учун тегишли материаллар тўплашга эътибор бермаслик, назорат ишларига етарлича фаол жалб этмаслик мактаб раҳбарларининг ўқитувчilar жамоаси тавсиясини яхши била олмаслигига сабаб бўлади.

Шуни алоҳида таъкидлаш керакки, мактаб ички назоратининг шакл ва усуслари турличадир. Буни қай даражада қандай қилиб амалга ошириш мактаб

раҳбарларининг илмий-методик, педагогик савилярига хамда мазкур масалага нисбатан қунт билан излағшшларига боғлиқдир.

Мактаб ички назоратини ўрганиладиган масалага караб асосан икки гурухга бўлиш мумкин: а) мактаб ишларини тематик назорат қилиш; б) мактаб ишларини комплекс (фронтал) назорат қилиш.

Тематик назорат қилиш куйидаги масалаларни ўз ичига олиши мумкин:

1. Мактабда гуманитар фанлар бўйича давлат ўқув дастурининг бажарилиш ахволи.

2. Фан асосларини ўқитиш жараённида ўқувчиларнинг қбилиятларини ўстириш.

3. Мактабда физика дарсларида таълимни тарбияга боғлаш тажрибасидан амалий фойдаланиш.

4. Она тили ва адабиёт фанларини ўқитишда ўқувчиларнинг нутқ маданиятини ўстириш.

5. Тарих, география дарсларида амалий ишларнинг кўйилиш холати.

6. Табиатшунослик фанларини ўқитишда ўқувчиларни илмий дунёқараш руҳида тарбиялаш кабилар.

Бундан ташқари хар хил мутахассисликдаги иккича-уч ўқитувчининг ишини ўрганиш, синф раҳбари, тарих-география, тил-адабиёт ўқитувчиларининг метод -бирлашма ишларини ўрганиш тематик назоратга киради.

Мактаб ишларини комплекс усулида назорат қилиш, таълим-тарбия ва хўжалик ишларини кенг камраб олган тўлиқ педагогик маънодаги масалаларни ўрганишни мақсад қилиб қўяди. Масалан:

1. Мактаб фаолиятида аниқ фанларнинг ўқитиш холати ва уни янада яхшилаш чоралари.

2. Мактабда синфдан ва мактабдан ташқари ишларнинг амалга оширилиш холати ва уни янада таомиллаштириш йўллари.

3. Мактаб фаолиятида ўқитувчилар малакасини оширишнинг ҳолати ва унинг самарадорлиги.

4. Ўқувчиларнинг дарслик ва ўқув анжомлари билан таъминланганлик ҳолати ва бу масалани яна-да яхшилаш чоралари.

5. Мактабнинг таълим-тарбия ишлари тизимида халқ педагогикасидан фойдаланишнинг ахволи ва бу ишни янада такомиллаштириш йўллари.

6. Мактабда гуманитар фанларнинг ўқитиш ҳолати ва ўқувчиларнинг билим даражаси.

7. Мактаб фаолиятида умумий ўрта таълимни ҳозирги давр талаблари асосида амалга оширишнинг ахволи ва шу кабилар. Бундай масалаларни текши-риш якуни мактаб педагоглар кенгашида ёки очик мажлисда мухокама қилиш мақсадга мувофиқдир.

Ички назорат тизимида имтихонлар даври мактаб ҳаётида масъулиятли даврлардан биридир. Имтихонларни ўтказиш натижасида ўқувчиларнинг билим, малака ва қўникмаларига умумий баҳо бериш мумкин.

МАКТАБ ИШНИ БОШҚАРИШ ВА УНГА РАҲБАРЛИК ҚИЛИШ

Мактаб ишини ҳар жиҳатдан тўғри ташкил қилиш, унинг самарадорлиги натижаси гаровидир. Бу эса жамоа меҳнати жараёнларини оқилона йўлга қўйиши тақозо этади. Бинобарин, ўқувчиларни тарбиялаш кўплаб кишиларнинг умумий меҳнати жараённида ҳал қилинار экан, демак бу меҳнатнинг муваффақияти кўп жиҳатдан уларнинг кучлари кан-чалик тўғри йўналтирилганлигига, мақсадлар бир-лиги ва ҳаракатар мувофиқлиги қандай таъминла-наётганлигига боғлиkdir. Акс ҳолда биргаликда қилинаётган жамоа меҳнатининг самарадорлиги-пасайиб кетиши мумкин. Мақсадларни тушуниш

бирлигини амалда юзага чиқариш, сўнгра бу мақсадларга эришиш жараёнида ўзаро алоқаларни таъминлаш мактабни бошқаришнинг мухим вазифаси бўлиб, бу вазифанинг пировард натижаси асосан мактаб директорининг фаолиятига боғлик. Таъкидлаш лозимки, мактабни чинакамига бошқаришни таъминлаш учун аслида директор бажариши керак бўлган мухим ва иккинчи даражали ишлар мавжуд. Хўш, мактабни бошқариш вазифаларнинг қайси бири мухим, мактаб директори ўз кучини нимага сарфлаши керак? Бунинг учун директорга:

1. Тизимни ташкил этишни ишлаб чиқиши, тад-кикот, лойихалаш ишларини йўлга қўйиб иш тартибини белгилаши, ўйлаб _иш кўриши ва шошма-шошарликка йўл қўймаслиги.

2. Амалий иш бажаришнинг белгиланган тартибга ва тизимга мувофиқ бажарилаётганлигини текшириш.

3. Иш меъёрининг бузилишига йўл қўймасликини, қийинчилик ва тўсиқларини ўз вактида барта-рафт этилишини кузатиши ва шу сингари бошқа мухим ишларни амалга ошириши лозим.

Демак, директор иш фаолиятини тўрт боскичга ажратиб кўрсатиш мумкин.

1. Олинган ахборот асосида қарор қабул қилиш. Ишнинг вазифаларини ва йўналишларини белгилаш. Маълум объектив маълумотларни тахлил қилиш ва умумлаштириш. Яқин ва истиқболли ре-жаларни белгилаш. Ишнинг мавжуд ҳақиқий ахволини белгилаш, уларни тақкослаш, имконият даражаларини хисобга олиш, вариантларни тан-лаш, мактабнинг ривожланиш йўлини белгилаш, ана шулар директорнинг асосий ва мухим вазифалари сирасига киради. Бу вазифаларнинг етарли даражада амалга ошмаслиги натижаси ўларок, жамоа меҳнатининг бесамар кетишига сабаб бўлади.

Натижа кутилгандек бўлиши учун эса директор қуидагиларни: мактабнинг хафталик ишларини режалаштириши, мактабнинг яқин даврлар учун иш режасини тушиб олиши, ишнинг айрим турлари бўйича эса истиқбол режасини тузиши, ўз мактаби фаолиятига оид нутқ, маколалар тайёрлаши, педагогик адабиётларни ўрганиши, педагогик йиғилишда принципиал масалани ҳал қилиши ва хоказоларни амалга ошириши;

2. Шунингдек, тегишли янги қарорларнинг асосий ғояларини уларни ижро килувчиларга тушуниши. Олинган маълумотларга асосан ишни кўриб чиқиб, камчиликларни тузатиши. Директор бу вазифаларни амалга оширишда ўқув-тарбияга оид турли кечалардан, ота-оналар мажлиси, маҳаллий қўмита, методик бирлашма мажлисларидан, ўқитувчилар билан йўлланма берувчи сухбатлардан, техник ходимларнинг кенгаши ва кадрлар танлашдан тўғри фойдаланиши;

3. Ўқув-тарбия жараёнининг ҳақиқий ахволи тўғрисида доимий ишончли маълумотлар олиб туриши. Давлат дастурларининг бажарилишини, талбларда ягоналикка эришилишини назорат қилиши; ўқитувчилар ва синф раҳбарларининг ҳисоботларини эшитиб бориши, дафтарлар, кундайлар, синф журналлари ва бошқа хужжатларнинг юритилишини текшириши;

4. Фавқулодда юзага келган камчилик ва нуқсонларни, тўсиқларни бартараф этиши. Ўқувчиларнинг интизомига оид сухбатлар уюштириши. Шикоят ёки илтимос билан келган ота-оналарни қабул қилиши. Мактабни бошқаришнинг асосий вазифаларидан чалғитмайдиган ишлар ва топширикларни бажариши. Хўжалик ишларидаги нуқсолларни тугатиши лозим. Директор ташкил этиш ва бошқариш фанининг элементлари асосини яхши били-

ши ва уни юқори даражага кўтаришга онгли равишда интилиши жуда муҳим. Булар директорга меҳнат самарадорлигини ошириш имконини беради. Директор кўпроқ тегишли асосий вазифаларни бажаришга интилар экан, бу унинг ўқув-тарбия жараёнининг ҳақиқий раҳбари бўлишига ва шу билан бирга ўз иш кунини муайян меъёрга солишига имкон беради. Мактаб директори эътибор қилиши лозим бўлган яна бир муҳим масала бу иш вактидан унумли фойдаланишидир. Айтайлик, ўқув йилининг сўнгги чораги тугаяпти, галдаги вазифа бу йил ўқиши тугаллайдиган синфларда иш олиб боришидир. Бундай пайтда мактаб директорини юқори ташкилотларининг ҳар хил сабаблар билан ҷақиришлари ва навбатдан ташқари шошилинч топшириклар берилиши ғоятда салбий таъсир кўрсатади. Бироқ, мактаб директори ўз меҳнатининг муунтазамлиги ва доимиyllигини таъминлашигина унинг самарадорлигини оширади.

Директор ўринbosари мактаб директорининг раҳбарлигига ишлади ва вакт-вақти билан унга хисоб бериб туради. Чунки, ўринbosар ишнинг муайян уч жабҳаларида раҳбарлик қилиш ваколатига этадир, бу хол унинг директор олдида нималарга жавобгар эканлигини янада равшанлаширади. Бироқ, бу хол директорни мактабнинг умумий иши учун жавобгарликдан халос қиласи дегани эмас. Директор ва ўринbosар ўртасидаги вазифаларнинг хусусияти ана шуни тақозо қиласи. Амалда баъзан шундай холларга ҳам дуч келинади. Баъзи мактаб директорлари кўпинча барча ишга жавобгар эканликларини била туриб, баъзан илмий мудирга мактабдаги бутун ўқув-тарбия ишларига ва шу сингари бошқа ишларга масъул эканлигини рўкач қиласидар ва барча ишни илмий мудирга юклаб,

педагогик жараёнга раҳбарлик қилишдан ўзларини четга оладилар. Илмий мудир эса ўқитувчилар фаолиятига кучи етганича умумий раҳбарлик қилиб боради. Оқибатда, шундай ҳол юз берадики, директор ўқув-тарбия иши юзасидан мустақил фикри бўлмайди. Бу ҳақда кўпроқ илмий мудирнинг гапларини такрорлайди. Вахоланки, педагогик жараён таълим ва тарбиянинг жуда кўп масалаларини ўзаро ҳамкорликда ҳал қилинишини назарда тутади. Ўқув-тарбия жараёнини дастурда белгилангандек тўғри йўлдан олиб бориш учун мактаб директори ишнинг кўзини биладиган бўлиши, ҳар қандай тартиб бузилишларни пайқashi ва уни бартараф этиш чораларини кўриш учун етарли даражада тезкор ҳаракат қилиши лозим.

Мактаб ишига раҳбарликнинг бир текис олиб борища қўйидагиларни амалга ошириш ёрдам беради: ишни якунлаш ва режалаштириш учун ҳар ҳафтада илмий мудир билан сухбатлашиш ва бунда унинг бажарилган ва белгиланган иши тўғрисидаги ахборотини тинглаш, илмий мудир билан биргаликда ўқитувчиларнинг дарсларига кириш ва уларни таҳлил қилиш, ўқитувчилар ва синф раҳбарларининг хисоботларини биргаликда тинглаш. Айтиш жоизки, илмий мудир тарбиявий ишларга ўқувчиларнинг ўқув фаолияти жараёнида, дарс вактида раҳбарлик қиласди. Шундай экан, синфдан ташқари ва мактабдан ташқари тарбиявий ишлар ташкилотчиси, лавозимининг киритилиши илмий мудирни юкорида айтиб ўтилган вазифалардан озод қилмайди. Балки, ўқитиш жараёни яъни, дарс ва факультатив машғулотларга, фан тўгараклари фаолиятига, ўқишига онгли муносабатда бўлиш хиссини таркиб топтириш ва ишда ўқувчиларнинг ўз-ўзини бошқариш органларига, олимпиада ва

мавзуй кечалар ўтказишга жиддий эътибор картиш, буларнинг ҳаммаси илмий мудирнинг доимий вазифаси сирасига киради. Синфдан ва мактабдан ташқари тарбиявий ишлар ташкилотчиси бўлган директор ўринбосари яна бутун мактаб миқёсида ўқувчиларнинг ижтимоий-фойдали меҳнатини, сиёсий-маорифий ишларни, физкультура-спорт, туристик ва шунга ўхшаш дарсдан ташқари олиб бориладиган бошқа фаолиятларини ташкил этувчи педагогларнинг ишига ҳам раҳбарлик қиласди. Ташкилотчи мактабнинг микрорайонида, мактабдан ташқари тарбиявий муассасалар ва жамоатчилик билан чинакам алокада бўлади, ўз ишида уларнинг ёрдамидан кенг фойдаланади.

Чунончи, ҳар қайси ўқув йили охирида педагогнинг ўқитувчилик фаолияти якунлари муайян шаклда аниқланади ва баҳоланади. Бу иш бундан кейинги ишларнинг ташкил этувчиси ва бошланиши бўлиб ҳам хизмат қилиши мумкин. Ўқитувчи ўқув йили охирида қилинган ишлардан олинган натижаларни солиштириб у ёки бу методларнинг қанчалик мухим эканлигига баҳо бериши ва шу асосда тажриба тўплаши, ўз ишини такомиллаштириб бориши мумкин. Болаларни тарбияланганлик даражасини билмаслик — тарбиявий ишнинг катта камчилигидир. Синф раҳбарлари, айникса янги синф қабул қилган синф раҳбарлари ўз фаолиятларини болаларни ўрганишдан бошлашларига, буни, айникса сентябрнинг боши ва августнинг охиридан бошлашга ҳаракат қилишлари учун имкон яратиб бермок керак. Ўз вазифасини тўғри бошлаган синф раҳбари бу ишни уддалашда кўпгина имкониятлар топади. Бунинг учун ўқитувчига қўйидагиларни тавсия этиш мумкин:

1. Болаларни жамоа меҳнати ва сайр чоғида кузатиши. Шу мақсадда августнинг охири ва сентябр ойида синф хоғгаларини дарсга ва қишига тайёрлаш борасида иш олиб бориши, ижтимоий-фойдали меҳнатнинг хар хил турларида гурух бўлиб иштирок этиши, кино ва турили томошаларга биргаликда бориши;

2. Ўқувчилар шахсий варақаларини, уларга берилган тавсияларни ўрганиши. Тарбияланувчининг мактабда ўтказаёттан турли йиллардаги ўқув фаолиятини солишибдириши, шахсий камолати йўлини аниқлаши муҳимдир. Бу материаллардан тарбиячи ўқувчига таъсир кўрсатишнинг ишончли далилларини ҳам топади.

3. Болалар бир-бирлари тўғрисида кўп нарсаларни биладилар ва кўп ҳолларда улар ўз ўртоқларини тарбиячига қараганда бирмунча объектив тарзда баҳолайдилар.

Бу эса ўқувчиларнинг кейинги муваффақиятли меҳнати ёки ўқув фаолиятлари учун уларнинг тарбияланганлик даражалари, шунингдек, мактаб ўқув-тарбия ишлари умумий даражасининг муҳим кўрсаткичи бўлиб ҳисобланади. Мактаб тарбиявий ишини самарали ташкил этишининг яна бир муҳим шарти раҳбарда таркиб топган келажак мақсадларининг мавжудЛиги, ўзининг бугунги тарбияланувчисининг эртанги қиёфаси тўғрисида аниқ тасаввурга эга бўлишдир. Шахсни тарбиялаш бу узоқ давом этадиган жараёндир.

Хуллас, мактаб директори тарбияга оид қўйилган вазифаларни ҳал қилиш ва ўқувчиларга таъсир кўрсатиш системасини нисбий равиша уч кўришишга ажратади. Булар қўйидагилардан:

- А. Мактабда тарбия беришдан;
- Б. Оилада тарбия беришдан;

В. Мактабдан ва оиладан ташқарида тарбия беришдан иборат. Буларнинг ҳар бирида раҳбарликнинг баъзи бир ташкилий воситаларини кўриб чиқамиз. Мактабдаги тарбия жараёнини директор ўз ёрдамчилари орқали, мактабдан ва синфдан ташқари тарбиявий иш ташкилотчиси, синф раҳбарлари ҳамда ўқитувчилар орқали бошқаради. Бунда у тарбиявий ишларни умуммактаб миқёсида режалаштиради. Йил давомида педагоглар жамоасида муҳокама қилиш учун барча ходимларнинг бир хилдаги тушуниши мумкин бўлган принципиал масалаларни кўйиб боради. Мактаб директори тарбиявий ишларнинг қундалик ахволини дарсларга, сұхбатларга, мажлисларга, турли мавзулардаги йиғилишларга кириш ҳамда ўқувчилар, ота-оналар, ўқитувчилар билан доимий сұхбатлашиб бориш орқали ўрганиб боради ва баъзи йўл қўйилган жузъий камчиликларни йўл-йўлакай тузатиб боради. Директор тарбиявий ишлар сифатини ҳамда таъсирчанлигини ошириш мақсадида ўқитувчиларнинг малака ошириш курсларини ташкил қилади. Ўқитувчиларнинг ўз-ўзини бошқаришини йўлга қўяди. Мактабда ўз-ўзини бошқариш органларининг таъсирчанлиги эса унга нисбатан маъмуриятнинг ва ўқитувчилар жамоат ташкилотларининг эътибори ҳамда яқиндан ғамхўрлик кўрсатишига боғлиқцир. Холоса шуки, мактаб директори синф раҳбарларисиз, ўқитувчилар жамоаси ва ота-оналарнинг фаоллигисиз, тарбия беришда кутилган самарага эриша олмас экан. Шунинг учун ҳам мактаб директори доимо улар кучига таянган ҳолда иш юритиши ва улар билан мунтазам алоқада бўлиб туриши лозим.

XXII боб. ЎҚИТИШ МЕТОДЛАРИ

ЎҚИТИШ МЕТОДИ ВА УСУЛИ ТҮФРИСИДА ТУШУНЧА, УЛАРНИНГ ТАСНИФИ

Мактабдаги ўқув жараёнининг сифати кўп омилларга боғлиқ бўлиб, улар орасида ўқитишнинг усул ва методлари ҳал қилувчи аҳамиятга эга. Бинобарин, улар билимларнинг онгли ва чукур ўзлаштиришига, ўқувчиларда мустақиллик ва ижодий фолликтининг ривожланишига ижодий таъсир кўрсатади. Усул ва метод тушунчалари ўзаро боғлиқдир, чунки уларнинг хар бири метод сифатида ҳам, усул сифатида ҳам намоён бўлади.

Педагогика амалиётида ўқитиш усуллари ва методларининг жуда катта бойлиги тўплланган. Уларни танлашда турли шароитлар, ўқитилаётган фаннинг характеристири, болаларнинг ёш хусусиятлари, олдинги тайёргарлиги даражаси ва хоказолар хисобга олинади.

Форобийнинг фан ва санъатнинг афзаллиги ҳақидаги рисоласида ўқув жараёнини ташкил этишга ва ўқитиш методларига кўйиладиган талаблар ифодаланган. Олим ўзининг ўқитиш методлари ҳақидаги тушунтиришларида ўқувчиларга турли билимлар бериш билан бирга, мустақил ҳолда билим олиш йўлларини ҳам кўрсатиш, уларни билимларнинг зарурлигига шак-шубҳасиз ишонтириш кераклигини уқтирган.¹

¹ Ал Форобий. Математические трактаты. Алма-Ата, Ильм, 1972, 327-328-бетлар.

Шарқ қомусий олимларининг асарларини тахлил қилиш хозирги терминологиядан фойдаланиб, мазкур асарлар муаллифларининг принциплари ва ўқитиш методлари билишнинг умумий қонунларига мувофиқлигини аниқлаш имконини беради. Барча қомусий олимлар фойдаланган ўқитиш методларини бир неча гурухга ажратиш мумкин. Булар: кўрсатмали тажриба-методлари (Ибн Сино), билимларни баён қилишнинг савол-жавобли йўллари (Абу Райхон Беруний, ал-Хоразмий), кўникма ва малакаларни шакллантириш методлари, билимларни текшириш методлари (Форобий, ал-Хоразмий) ва ҳоказолардан иборатдир. Шуниси дикқатга сазоворки, мазкур олимларнинг ҳаммалари ўқувчилар фаолиятини кучайтириш ва уларда мантиқий тафаккурни ривожлантириш мақсадини кўзлаганлар. Бурхониддин Заркужийнинг фикрича, инсоннинг билиш фаолияти билмасликдан билишга қараб боради. Ақл.— фаол, ижодий кучдир, коинотни билиш қуролидир. Аммо дастлабки тажрибасиз билишнинг бўлиши мумкин эмас. Чунки умуминсоний ақя тушунчаси таққослаш, кузатиш ва тажриба йўли билан таркиб топади. Бундан шундай педагогик хулоса чиқариш мумкинки, инсон хиссий идрокни бойитиш билангина ўзининг билимларини ошира олади. Шунинг учун таълимда ўқувчиларнинг ўзидаги тажрибага таянган методлардан иложи борича кенг фойдаланиш керак.

Методлар ва усулларни танлаш ўқитувчи дарсда ҳал қилиши мўлжалланган масалага боғлиқ бўлади, Чунончи, янги материални баён этишда бир_хил методлар қўлланса, уни мустаҳкамлашда иккинчи ва мавзууни умумлаштиришда яна бошка хил методлар қўлланади. Дарснинг турли босқичларида

пухта ўйлаш ва самарали усуллар ҳамда методларни танлаш жуда муҳимdir. Ўқитувчи дарснинг энг бошида 4—5 дақика умумий сўрашни амалга оширади ва ўқувчиларнинг қайси гурухи ўтган дарс бўйича етарли даражада ўзлаштирганини аникладиди ва кейинги сўрашда синфнинг диққат-эътиборини энг аввал ана шу масалага қаратади. Дастрраб саволларга батафсил жавоб бера оладиган ўқувчилардан сўрайди. Натижада синфнинг бир қисми учун мураккаблик қилган материал тушунарли бўлади. Бу усул ўқувчиларнинг машғулотлардаги нуқсонларини пайкаш ва шу заҳоти бартараф этишда ёрдам беради. Мазкур усулнинг самарадорлиги ҳам худди ана шундадир.

Гарчи ҳар бир ўқитувчининг ишида анчагина усул ва методлар мавжуд бўлсада, уларни қўллашдан кўзланадиган мақсад тарбияланувчининг таълимий ишларини фаоллаштиришdir. Бу тадбир жуда муҳим бўлиб, биринчидан, ўқувчиларни уларнинг эътиқодига, эътиқодни эса амалий фаолиятга, хатти-ҳаракатга айлантиради, иккинчидан, ўқитиш жараёнининг ишини осонлаштиради. Зотан, ўқиш-ўрганиш диққат-эътиборни талаб килалиган, мураккаб фаолиятдир ва унда ўткир акл, мустахкам ирода, тиник тасаввур, кучли хотира зарур. Ўқитувчининг вазифаси самарали усул ва методлардан фойдаланиб ўқувчиларда ана шу сифатларни таркиб топтириш ва уларга қийинчиликларни енгишни ўргатишидир.

Хозирги ўқитиш жараёнида қўйиладиган талаблар нима ва ўқувчиларда дарсга қизиқувчанликни оширадиган, уни янгилик элементлари билан бойитиш учун нима қилиш керак?

Хозирги замон таълими факат инсоният эришган билимларни ўзлаштиришни эмас, балки жа-

мият энди ҳал қилиши ва бунда бугунги ўқувчилар катнашиши лозим бўлган масалалар билан танишишни ҳам талаб қиласди. Бундай масалалар космосни ўзлаштириш, атом энергиясидан тинчлик мақсадларида фойдаланиш, чўлларни хосилдор ерларга ва боғ-роғларга айлантириш, қишлоқ хўжалигини интенсивлаштириш ва ҳоказолардан иборат бўлиши мумкин. Ҳалқ хўжалиги ва фаннинг ҳамма соҳаларида жуда катта бурилишлар рўй бермокда ва ҳар бир ўқитувчи ўзининг тарбияланувчиларини ўзи ўқитадиган фан соҳаси бўйича навбатдаги қайта қурилишлар ва эришилган ютуқлар билан кенг танишириши керак. Бу ишни ўқувчиларга мос шаклда ва ўқув дастурига мувофиқ амалга ошириши лозим.

Мазкур талабнинг иккинчи хусусияти ўқитувчининг ўқувчилар фикр доирасини кенгайтириш тўғрисида доимо ғамхўрлик қилишидир. Таълимнинг мана шу босқичида ўқитувчи олдида ўқувчиларга оддийгина билимлар бериш эмас, балки уларни фикр, доирасини кенгайтириш, қизиқувчанликни ошириш ва уларда ўзи ўқитадиган фанга муҳаббат ўйфотиши вазифаси турибди.

Шундай қилиб, ўқитиш методи ўқитувчи ва ўқувчилар назарий ҳамда амалий билиш фаолиятининг таълимий вазифаларини бажаришга қаратилган Йўлидир. Унга қуйидаги муайян талаблар қўйилади.

1. Ўқув материалини ўрганишнинг ўқитувчи тавсия этган йўли фикрлашнинг диалектик-материалистик усули мустақил карашлар, иродавий хусусиятлари ва хулкнинг шаклланишига олиб бориши керак. Ана шу талаб нуқтаи назаридан метод тарбиявий тусда бўлиши лозим.

2. Ўқитиш методининг илмий асоси якъол ва аник бўлиши зарур. Шундагина ўқитувчи мазкур

метод орқали қандай масалалар қўйилиши ва ҳал қилиниши мумкинлигини, қандай масалаларни ҳал қилиб бўлмаслигини кўра олади.

3. Ўқитишнинг тизимлилиги унинг самарадорлигини белгилайди.

4. Ўқитиш методининг тушунарлилиги: ўқитишнинг йўли ўқувчи учун қабул қилиниши ва қўлланниши, ўқув материалини ўрганишнинг усули эса билимларни ўзлаширишнинг имкониятларига мувофиқ бўлиши лозим.

5. Ўқитишнинг онглилик ва фаоллик зарурияти нихоятда жиддий талабдир.

6. Билимларнинг пухталиги ва асослилиги.

7. Ўқитиш методикасида назарий ва амалий ходисаларнинг мувофиқлиги.

Ҳар қандай методдан бирор мақсадга эришиш кўзда тутилади ва шунинг учун у қандайдир мақсад қўйишни, унга эришиш бўйича фаолият усулини, ана шу фаолиятни амалга оширишда ёрдам берадиган воситаларни билишни тақозо этади. Ҳар қандай фаолият унинг обьектини талаб қиласди. Нихоят, метод мақсадга олиб бориши керак, акс ҳолда, у қўйилган мақсад учун яроқсизлигини, ё бўлмаса, бу ҳолатда унинг умуман нотўғри қўлланганини эътироф этиш лозим. Шундай қилиб, ҳар қандай метод уни қўллашдан қўзланадиган мақсадни, шу мақсадни амалга ошириш фаолиятини ва фаолиятни бажариш воситаларини талаб қиласди. Бу воситалар фаолият обьекти тўғрисидаги предметли ёки ақлий билимлар, қўйилган мақсадга албатта эришишдан иборат бўлиши мумкин. Буларнинг ҳаммаси ҳар қандай методга нисбатан мақсадга мувофиқдир, лекин ўқитиш методи учун етарли эмас.

Метод структурасига ўқитиш усуллари киради. Лекин метод мазкур усуллар мажмуидан иборат эмас. Усул ўқитувчи ёки ўқувчилар ақлий ёки амалий ишининг алоҳида операциялари бўлиб, улар мазкур методда тавсия этилган материални ўзлашириш шаклини тўлдиради. Масалан, ўқитувчи эслаб қолиш усулини беради. Усул методдан ажралади, ўзининг билимларини ўзлаширишдаги ва кўникмалар ҳамда малакаларни шакллантиришдаги аҳамиятини йўқотади.

Ўқитиш усулларини қуидагиларга бўлиш мумкин:

— тафаккур, хотира, диккат ва хаёлнинг алоҳида операцияларини таркиб топтирадиган ва фаоллаштирадиган усуллар;

— фикрлаш фаолиятида муаммоли ва изланишли вазиятларни вужудга келтирадиган усуллар;

— ўқувчиларнинг ўқув материалини ўзлашириш билан боғлиқ кечинмалари ва хиссиётларини фаоллаштирадиган усуллар;

— назорат ва ўқувчиларнинг ўзини ўзи назорат усуллари;

— ўқитиш жараённада ўқувчиларнинг жамоавий ва шахсий ўзаро муносабатларини бошқариш усуллари.

Ўқитишнинг турли методларига бир хил усулларни киритиш мумкин. Сўнгги йилларда педагогика фани ва мактаб амалиётида ўқитиш методлари муаммосига алоҳида эътибор берилмоқда. Шу муаммо бўйича анчагина тадқиқотлар бажарилмоқда, илғор педагогик амалиётда ўқитишнинг самарадор методларининг ва уларнинг тизимларини қўллашнинг талайгина йўллари топилди. Аммо умумий таълим мактабига қўйилаётган янги талаблар

ўқитишининг методлари ва усулларини янада тако-
миллаштиришни талаб килмоқда.

Юкорида қайд этилганидек, таълимнинг мазму-
нига қўйилаётган янги талаблар — ёш авлодга ху-
сусан фанларнинг асослари бўйича юксак илмий-
назарий билимлар беришдан иборат бўлиб, бу иш
назарий билиш методларига, шу жумладан, ўкув-
чиларни мантикий фикрлаш, мантикий операция-
ларни бажариш усуллари билан қуроллантиришни
тобора кучайтиришни тақозо этади.

Шуни таъкидлаш керакки, ўқитиши методларининг ягона таърифи йўқ. Улар ўқитувчи ва ўкувчи-
ларнинг таълимий-тарбиявий вазифаларини ҳал
қилишга қаратилган ўзаро ҳамкорликдаги фаолияти
усулларининг тартибга солинишидир.

Умуман, ўқитиши методларининг мажмуаси —
атрофдаги воқеликни билишнинг йўли, дея хулоса
чиқариш мумкин. Ўкувчилар ақлий камол топиши-
нинг характеристини белгилайдиган йўл билимларни
ўзлаштириш имкониятини яратади, шахснинг ху-
сусиятларини шакллантиради. Ўқитишининг мақсади
ўкувчиларга инсониятнинг тажрибасини ўзгар-
тиришнинг ўзидир. Ўқитиши назарияси методларини
инсоният тажрибасидан олади ва уларни ўкув маш-
ғулотларига мослаштиради. Шунинг учун ўқитиши
методлари доимий равишда янгиланади, тақомилла-
шади, фан-техниканинг ривожланиши ва ижти-
моий ривожланиш асосида янги методлар вужудга
келади.

Ўқитиши методларининг жуда кўп турлари мав-
жуд ва уларнинг сонини аниқ белгилаб бўлмайди.
Методлар ўқитишининг мантикий томонларига,
компонентлари ва вазифаларига асосланиб тасниф-
ланади.

Мактабдаги ўқитиши методларининг ягона тас-
нифи йўқ. Назария ва амалиётда бир қанча тасниф-
лар мавжуд бўлиб, улар ўзаро зид келмайди, бири
иккинчисини инкор этмайди, балки бир-бирини
тўлдиради ўқитиши жараёнини кўриш имконияти-
ни яратади.

Тасниф тартиб ва тизимни вужудга келтиради,
умумий ва муайян назарий ва амалий, мухим ва
тасодифий ўқитиши методларини аниқлашга ёрдам
беради, шу орқали улардан амалиётда самарали-
рок фойдаланишга хизмат қиласади.

Ўқитиши методларини таснифлашда ўкувчига да-
стур материалини ўрганишининг мақсадга мувофиқ-
рок йўлларини танлаш имконини яратади, ўз иши-
даги ютуқ ва камчиликларни тушунишда ёрдам
беради, ўқитувчиларнинг фаолиятини тақомилла-
тириш учун қулай шароитни вужудга келтиради.

ЎҚИТИШ МЕТОДЛАРИНИНГ ТАСНИФИ

Педагогикада ўқитиши методларини таснифлаш-
га ягона ёндошиш мавжуд эмас. Ҳозирги дидакти-
када ўқитиши методларини билимлар манбаи бўйи-
ча (С. О. Лордкипанидзе, Е. Я. Голант), дидактик
мақсадлар бўйича (Б. Л. Есип), билиш фаолияти-
нинг савияси бўйича (И. Я. Лернер, М. Н. Скаткин,
М. И. Махмутов) фарқлаш энг кўп тарқалган.

Методларнинг бинар схемалари, уларни уч-
улчовли, ва ҳатто сетраэрдик фарқлаш ҳам учрай-
ди. Ана шу таснифларнинг ҳар бирида афзаллик-
лар ва камчиликлар мавжуд бўлиб, улар адабиёт-
ларда етарлича таҳлил килинган.

Ўқитиши методларини билиш манбалари бўйича
таснифлаш анча оддий бўлиб, улар мактаб амали-
ётида кенг тарқалган. Бу белги бўйича методлар қу-
йидаги уч гурухга бўлинади:

1. Оғзаки методлар (билимларни сўз билан баён килиш, сухбат, дарслик маълумотнома ва илмий адабиётлар билан ишлаш).

2. Кўрсатмали методлар расмлар, намойишлар, кузатишлар.

3. Амалий методлар (машқлар, лабораториядаги амалий ишлар).

Булар маълум даражада шартлидир, чунки мазкур методларнинг хаммаси ўзаро чамбарчас боғлик бўлиб, уларни доим ҳам аник чегаралаб бўлмайди.

Ҳар бир ўқитиш методининг ўз вазифаси бор. Адабиётларда ўқитиш методларининг рафбатлантирувчи (мотивлашган), таълимий, тарбиявий ва камол топтирувчи умумпедагогик вазифалари инфодаланган.¹

Ўқитувчи дарсга тайёрланишда ва унинг учун энг мувофиқ методларни танлашда ана ша методларнинг бажарилиши мумкинлигини ва уларнинг структурасини ҳисобга олиб, шу асосда, масалан, рафбатлантириш, тарбиявий ва камол топтириш вазифаларини кучайтирувчи мураббийдир.

*- Таснифлаш таълимнинг назарий асосларини кўришда ёрдам беради, педагогик фикрни чукурлаш-тиради ва шунга кўра ижод учун асос бўлади. Ўқитиш методларини таснифлаш ўқитувчилар фаолияти ўртасида таксимланади. Биринчи гурухга ўқитиш усуллари ва икkinchi гурухга эса ўкиш усуллари киради. Куйида ўқитиш методларининг таникли олимлар тавсия этган таснифларни кўриб чиқамиз. >

Хоразмий, Беруний, Юсуф Хос Хожиб, Ибн Сино, Бурхониддин Заркужийларнинг методлари таснифларида асосан мантикий билиш фаолиятини кучайтириш назарда тутилган бўлиб, улар кўникма ва малакаларни шакллантириш ҳамда мус-

таҳкамлаш, кўрсатмалилик — тажриба, амалий, назария билан амалиётни ўзаро боғлаш, изланиш методларидан иборатдир.

И. Я. Лернер ва М. Н. Скаткин ўқитиш методларини қўйидагиларга ажратадилар:

- тушунтириш — расмлар методи;
- репродуктив метод;
- муаммоли баён килиш методи;
- қисман изланиш методи;
- тадқиқот методи.

М. А. Данилов ва Б. П. Есиповнинг таснифи маълум турдаги дарсларда қўйиладиган вазифаларга боғлиkdir.

1. Билимларни баён килишда: ҳикоя — тушунтириш, маъруза, сухбатлар, кўрсатмали қўлланмаларни намойиш этиши.

2. Ўқувчиларда кўникма ва малакаларни шакллантириш: машқларни шакллантириш ва амалий ишлар.

3. Билим, кўникма ва малакаларни текшириш — жорий кузатишлар, оғзаки сўраш, ёзма ва амалий назорат ишлари.

С. И. Перовский ва Е. Я. Голянд таснифи: фаол ва пассив методларга бўлиш:

- агар ўқувчилар мустақил ишласа, фаол методлар (лаборатория методи, китоб билан ишлаш);
- агар ўқувчилар факат тингласа ва эшитса, пассив методлар (ҳикоя, маъруза, тушунтириш, намойиш килиш методи, эккурсия). Бундай таснифлаш маъкул эмас, чунки у ўқувчиларнинг онглилиги ва фаоллиги принципини бузади. "

Ю. К. Бабанскийнинг таснифи. Методларни учта катта гурухга бўлиш:

- ўқув-тарбия ишларини ташкил этиш ва амалга ошириш;

— уларни рағбатлантириш ва мотивлаштириш;
— назорат ва ўзини ўзи назорат қилиш методлари (Иккинчи гурухда ишнинг қатор янги методлари ва усуллари мавжуд). Муаллиф қуйидагиларни тавсия этади:

— билишга доир ўйинлар, ўкув мунозаралари, қизик вазиятларни вужудга келтириш, рағбатлантириш, танбех бериш ва назорат методлари.

Т. А. Илина олимларнинг таснифларини умумлаштириб, Ю. К. Бабанскийниғ таснифини маъқуллаган ва таснифлашнинг қуйидаги тартибини тавсия. этган:

— янги билимларни (ўқитувчининг сўзларига таянган ҳолда бериш учун фойдаланилган тушунтириш, хикоя, мактаб маъруза методлари;

— янги билимлар ўзлаштирилиши, мустахкам малакалар шаклланиши учун фойдаланиладиган методлар: сухбат, экспурсия, эксперимент ва лаборатория иши, дарслик ва китоб билан ишлаш, ўйинлар, машқлар;

— дарснинг ҳар бир босқичида фойдаланса бўладиган техник воситалар билан ишлаш методлари;

— мустакил иш.

С. П. Баранов ўз таснифини гурухлар бўйича таксимлайди. Биринчи гурухга ўқитишининг ўқитувчи энг асосий рол ўйнайдиган хикоя, сухбат, таснифлаш, тушунтириш ва хоказоларни киритади. Бунда ўкувчининг асосий вазифаси ўқитувчи мулоҳазаларининг мантиқига эргашиш, баён қилинаётган мазмунни тушуниш, эслаб қолиш ва кейинчалик ўрганилган материални қайта гапириб бера олишдан иборат бўлади. Унинг фикри ўқитувчи мулоҳазаларининг тизимига қанчалик яқин бўлса, ўкув материалини ўрганишнинг тавсия этилган йўли шунчалик ишончли бўлади. Ўкувчининг асосий вазифаси — ўқитувчининг гапларини тинглаш ва уларни тушуниб олипгдир.

Иккинчи гурӯхга ўқишининг йўллари: машқлар, мустакил, лаборатория, амалий ва контрол ишлар киради. Ўқувчи фаолиятининг характери тавсия этилган методнинг самарадорлигини белгилайди. Ўқитувчининг роли болаларнинг ўқишига мохирона раҳбарлик қилишдан иборат бўлади.

Таснифлашнинг шундай турлари хам мавжудки, уларда ўқитиши методлари ўқишининг тегишли методларига: ахборот — умумлаштириш ва ижрочилик тушунтириш ва репродуктив, инструктив — амалий ва маҳсулли — амалий, тушунтириш — давлат ва қисман изланишли, ундовчи ва изланиш тарзига мос келади.- (Л. Н. Махмутов).

Амалда ўқитиши методларини таснифлашга билимлар манбаи мантиқан асослар бўйича (Н. М. Верзилин) билимлар манбаи ва ўкувчиларнинг ўкув фаолиятидаги мустақиллик даражаси бўйича (А. Н. Алексюк), И. Д. Зверов ва бошқалар) баравар ёндошиш энг кўп учрайди.

С. Г. Шаповаленко методларнинг тўрт жиҳатини: мантикий — мазмуний, процессуал ва ташкилий ' бошқарилиши жиҳатларини кўриб чиқади.

Методларни таснифлаш муаммосига турлича қарашлар улар ҳакидаги билимлар табакаланиши ва бирлашишининг табиий жараёнини акс эттиради (Светловская , Суворова, Львов, Мавлонова ва бошқалар).

ЎҚИТИШНИНГ ОҒЗАКИ МЕТОДЛАРИ

1. Янги билимларни бериш **методлари**. Биз ўқитиши методларини таснифлашда етакчи методлардан бирини ажратдик. У билимлар манбаи, яъни янги билимлар хамда таърифларни бериш; тушунтириш, хикоя, мактаб маъруzasи методлари мажмуасидир.

Күйида ана шу методларнинг хар бирини алохидан кўриб чиқамиз.

Тушунтиришни айрим тушунчалар, воқеалар, харакат принципларини оғзаки талқин этиш деб англаш лозим. Ўқитишинг бу методида энг асосий нарса мушоҳадаларни илмий исботлаш мантиқидир. Илмий фикрлаш мантиқи тушунтиришга қўйиладиган асосий талабни белгилайди. Бу нимани билдиради (Аввало ўқитувчи янги материални ўтишда фойдаланиладиган ўқув предметининг илмий мазмунини чуқур билиши, дарс учун зарур материални танлай олиши ва тушунтиришнинг самарадорлигини белгилаши керак. Бундан ташқари, болалар мазкур материални ўрганишнинг мақсадини аник белгилаши, уларга қизиқарли бўладиган фактли материални танлаши лозим. Бунинг учун эса ўқитувчи ўқувчиларнинг психологик ва ёш хусусиятларини яхши билиши, тушунтиришда уларнинг дикқатини тез жалб этиши ва билишга доир ишларини фаоллаштириш зарур. Ўқитувчининг нутқи ёрқин, айтган сўзлари болаларга тушунарли бўлиши керак. Ана шу фикрларимизнинг далили сифатида математика дарсини олайлик.

Дарснинг мақсади: 1. Ўқувчиларни 6 ва 7 сонларини хосил қилиш билан танишириш, сонларни таққослашни, 1-7 ичидаги миқдорий ва тартиб сонлардан фойдаланишни машқ қилиш, 6 ва 7 ракамлари билан танишириш, 6 ракамнинг ёзилишини машқ қилиш.

2. Ўн ичидаги сонлар таркибига доир билимларни мустаҳкамлаш.

ЯНГИ МАТЕРИАЛ УСТИДА ИШЛАШ

1. Ўқитувчи янги материал устида ишлашни қўйидаги саволлар билан бошлиши мумкин: «Биз сиз-

лар билан қандай сонларни ўрганган эдик? (1—2—3—4—5). Шу сонларнинг қайсииниси энг катта сон? (5). Ҳисоблашда 5 дан кейин қандай сон келади? (6). 6 сони қандай хосил бўлади? 5 та доирача бор бўлса (полотнога қўйилган), улар олтита бўлиш учун нима қилиш кераклигини кўрсат». Чакирилган ўқувчи бунинг учун 5 та доирачага яна 1 та доирача қўшиш кераклигини кўрсатади. Ўқитувчи яна болалардан сўрайди: «Бола санок бўйича нечанчи доирачани қўшди? (Олтинчи). Доирачаларнинг ҳаммаси нечта бўлди? (6 та). Олти сони қандай ёзилишини биладиганлар борми? Чакирилган ўқувчи ёки (хоҳловчилар топилмаса) ўқитувчининг ўзи 6 ракамини кўрсатади ва полотнога қўяди. Шундан кейин ўқитувчи болаларга 6 сонини хосил қилиш (5 та бир хил доирачага яна 1 та бошқача рангли доирачани қўшиш) амалини нарсалар билан бажаришини, сўнгра 6 сони қандай хосил қилинганини кесма ракамлар билан ёзишини буюради. 7 сонини хосил қилиш ҳам худди шу йўсинда бажарилади: 6 та бир хил рангли учбурчакка яна 1 та бошқача рангли учбурчак қўшилади ва кесма ракамлар билан ($6+1=7$) ёзилади.

2. Шундан сўнг 5 ва 6 (6 ва 7) сонларини таққослаш ишлари бажарилади. Бунинг учун тўплам полотносида 5, 6 ва 7 та нарсадан иборат сонлар поғоначаси намойиш этилади. Бунда 6 нинг 5 дан 1 та кўплиги аникланади. Болалар тегишли ёзувларни кесма ракамлар билан бажарадилар. Кейин дарсликдаги расмлар бўйича ишлашга ўтиш мумкин.

Парашибилар тасвирланган расмга саволлар: «Олдин нечта парашютчи сакради? (5). Яна нечта парашютчи сакради? (1). Олтинчи парашютчи сакраганидан кейин ҳамма парашютчилар нечта бўлади? (6). 6 қандай хосил қилинди? (5 га 1 қўшилди).

Олтинчи парашютчи сакраганидан кейин парашютчилар кўпайдими ёки камайдими? (Кўпайди: 6>5 бўлди). Кейинги расмга саволлар: «Аввал нечта самолёт кўтарили? (6). Кейин нечтаси кўтарили? (1). Ҳамма самолётлар нечта бўлди? (7). 7 қандай хосил килинди? (6 га 1 кўшилди). 6 та кўпми ёки 7 та кўпми? (7>6). Учбurchакли ёки тўртбурчакли расмлар билан хам ана шу йўсинда ишланади (Бирликларни айириш билан 5 ва 6 сонлари хосил килинди).

Сахифанинг юкорисига ёзилган қатор сонлардан тартиб муносабатларини аниклашда фойдаланиш мумкин. Ўқитувчи: «Сизлар, масалан, кинотеатр. залининг бир қаторидаги ўриндиқлар: кўз олдингизга келтиринг», — дейди ва бир ўқувчидан: сенинг ўрнинг олтинчи, икки ёнингдаги қўшниларинг неchanчи ўринларда ўтирган бўлади?» — деб сўрайди. Бошқа ўқувчига мурожаат қилиб: «Сенинг ўрнинг еттинчи ва сен унга 1 номери кресло томондан борасан, бунда неchanчи номерли креслолар олдидан ўтишинг керак?» — дейди. Кейин ўқувчиларга шундай савол ташлайди: «Бола қаторнинг қок ўртасида (тўртинчи ўринда) ўтириби, унинг чап томонидаги (5, 6, 7) креслолар ва ўнг томонидаги (3, 2, 1) креслоларнинг номерларини айтинг». Ўқитувчи намунани кўрсатгач, болалар 6 ракамини ёзадилар, 6 сони хосил бўлишини кўрсатадиган нукталарни қўядилар (бу ишни дарсликда берилган намунага қараб бажарадилар) 2—3 та тенгсизликни ёзадилар.

ЎТИЛГАН МАТЕРИАЛ УСТИДА ИШЛАШ ВА ЯНГИ МАТЕРИАЛНИ ЎРГАНИШГА ТАЙЁРЛАНИШ

1. Навбатдаги дарсга тайёргарлик сифатида болаларга $4+1=5$, $5-1=4$, $2-1=1$, $4-1=3$ каби ми-

476

солларни бериш фойдалидир. Болалар танлаш методидан фойдаланиб ёки 2,3,4,5 сонларининг таркибини билиш асосида тушириб колдирилган сонларни қўядилар. Шундай саволлар ўртага ташланади: «5 хосил. бўлиши учун 4 га қанча қўшиш керак? 5 дан нечта олиб ташланса 4 колади?».

1-10 сонларнинг 2-қисмига доир дарс. Дарснинг мақсади. Ўтилганларни мустаҳкамлаш. Ўқитувчи дарсни ишнинг муайян шароитларини хисобга олиб ташкил этиши мумкин. Намойиш қилинадиган ва индивидуал материал билан ўtkазиладиган амалий машғулотда қатордаги сонларнинг қандай хосил бўлишини, уларнинг ўсиш ва камайишдаги тартибини такрорлаш фойдалидир. Ана шу мақсадда болалар сонлар қаторидаги бўш ўринларни тўлдирадилар, ўсиш ва камайиш тартибида берилган сонлардан фойдаланадилар, сонларни берилган ҳар қандай сондан бошлаб, тартиби бўйича, масалан, 2 дан 7 гача, 8 дан 3 гача айтадилар. (Санашни давом эттириш ўйини).

Мустакил ечиш учун хам мисоллар берилиши (уларни ечишда кўрсатмали сифатида «Сонлар поғонаси»дан фойдаланилиши) мумкин. Мисолларнинг бир қисмини мустаҳкамлаш дарсида тузса ҳам бўлади. Мисоллар қандай ечишганини текшириш учун ҳар бир устундаги мисолларни таққослаш ва болаларни: агар 1 ни айирсак, 1 та камаяди, деган ёки 1 ни қўшсак, 1 та кўпаяди, деган хulosага олиб бориш ғоят фойдалидир.

Хикоя — хабар шаклидаги янги материални ёритиш методидир. Ундан ҳамма синфларда фойдаланилади. Ўқувчилар айтиладиган маълумотларни билмайдиган ёки кам биладиган куйи синфларда бу методни қўллаш жуда қулайдир. Лекин янги ма-

477

териални ҳикоя методидан фойдаланиб тушунтириш учун ўқитувчи пухта тайёргарлик кўриши, ва:

- ҳикоянинг ғоявий йўналишини таъминлаши;
- унда етарли миқдордаги ёрқин ва ишонарли мисоллар хамда далиллар, тўғри текширилган маълумотлар бўлиши;
- асосий фикр ва муҳим жиҳатлар баён қилиниши;
- ҳикоя тушунарли, содда тилда айтилиши;
- материал жўшқин ифодаланиши керак.

Мактаб маърузаларидан асосан юкори синфларда фойдаланилади. Чунки улар ҳикояга нисбатан узокроқ давом этади. Мазкур маърузалар факат ўкув дастурининг йирик ва муҳим масалалари бўйича ўқилади.

Янги билимларни ўзлаштириш ва мустаҳкамлаш, кўнирма ва малакалар ҳосил қилиш учун фойдаланиладиган методлар. Ўқитиш методларининг биринчи гуруҳидан фарқли ўлароқ уларнинг иккинчи гуруҳида ўқувчилар янги материални билишда фаолроқ катнашадилар. Улар ўқитувчининг саволларига жавоб қайтарадилар (сұхбат); кузатишлар ўтказадилар (экскурсия); таълим воситалари орқали мустақил билим оладилар (китоб, дарслик билан ишлаш); олган билимларини турли воситалар билан мустаҳкамлайдилар (ўйинлар, машқлар).

Сұхбат таълимнинг кенг тарқалган усули бўлиб, дарснинг исталган боскичида қўлланиши мумкин. Сұхбатнинг тўрт хил тури мавжуд бўлиб, улар: янги билимлар беришда, билимларни мустаҳкамлашда, олинган билимларни текширишда, ўтилган материални такорлашда қўлланадиган сұхбатлардир. Янги материални тушуниришдаги сұхбат асосан ўқувчининг шахсий тажрибасига таянади. Унинг

манбаи кўрсатмали қўлланмалар, дарслик материаллари, жадвал ва хоказолар бўлиши мумкин.

Янги билимлар беришга доир сұхбатни индуктив йўл билан (яъни, хусусий маълум ёки зарур воқеалардан умумий воқеаларга караб бориш тарзida) ёки дедуктив йўл билан (яъни, умумий ходисадан хусусий холларга караб бориш тарзida) ўтказиши мумкин. Билимлар беришнинг индуктив ва дедуктив йўллари ўзаро боғлиқдир. Масалан, ўқитувчи қатор мисолларни айтиши ва кейин хулоса чиқариши ёки умумлаштириши мумкин (индукция).

Янги билимлар беришда эвристик сұхбатдан фойдаланилади. Бу метод ўқитувчи ўқувчилар олдига маълум бир вазифа қўйиб, уларни оғзаки саволлар орқали ана шу вазифани ҳал қилишга одиб боришда қўлланади. Сұхбатнинг муваффакиятли ўтиши саволларнинг моҳирлик билан қўйилишига боғлиқдир. Ўқитувчининг саволлари аввало кисқа ва аник бўлиши, мантикий изчиликда берилиши, ўқувчининг фикрини уйғотиши: уни ўйлашга, тахлил қилишга, таққослашга мажбур этиши, янги ходисаларни тушунишга ундаши керак. Ўқувчилар саволларга тўла, онгли равишда ва асосли жавоб беришлари, мустақил фикрларини акс эттиришлари лозим. Сұхбатни билимларни мустаҳкамлаш учун ҳам ўтказиш мумкин. У ўқитувчининг ахборотидан кейин ёки дарсликдаги материални мустақил ишлаб чиқилгандан кейин ўтказилади. Сұхбат мустаҳкамловчи метод сифатида билимларни текшириш ва баҳолашда ҳам ўтказилиши мумкин. Мунозара ва мубоҳаса методларига киради. Битта дарсни мисол қилиб келтирамиз:

Ўқиши дарси. Мавзу: урғу.

«Жонажон ўлкамизнинг ҳайвонот дунёси». 1. Ўқитувчи дарснинг бошида илгари бажарилган ишларни умумлаштиради ва шундай дейди: «Энди сизлар нуткимиз гаплардан тузилишини, гаплар эса сўзларга бўлинишини биласиз: схемалар ёрдамида ёза оласиз, сўзларни қисмларга, бўғинларга ажратиш мумкинлигини билиб олдингиз ва сўзда нечта бўғин борлигини аниқлашни ўргандингиз.

2. Уй вазифаларини текшириш. Болаларнинг ёзда ўрмонга килган сайдлари ҳақидаги хикоялари тингланди. Улар хикояда учраган икки бўғинли сўзларни ажратадилар. Қийналиб колсалар, ўқитувчининг ўзи бўғинли таҳлил килинадиган сўзларни кўрсатади. Кейин уч ва бир бўғинли сўзлар ажратилади. Сўзларни олдин бутунлигича, сўнгра бўғинлаб талаффуз килинади. Доскага тегишли схемалар чизилади.

3. Мазкур жойда яшайдиган ҳайвонлар ва қушлар ҳақида сухбат ўтказилади. Болаларнинг ҳайвонлар уларнинг хатти-харакати, яшаш тарзи тўғрисидаги билимлари аниқланади. Ўқитувчи тулки ҳақидаги топишмоқни айтади, болалар уни топадилар ва қандай қилиб топганликларини тушунтирадилар. Кейин ўзлари мустакил холда бошка ҳайвонлар (куён, бўри, ва хоказолар) ҳақидаги топишмоқларни айтадилар. Ўқитувчи ҳайвонлар тўғрисидаги сухбат давомида табиатни кузатишда ҳайвонларга эътибор бериш ва эҳтиёткорлик билаи муносабатда бўлиш кераклигини уқтиради.

4. Турли нарсаларнинг расмлари кўриб чиқилади, чойнак, пиёз, бургут, девор каби сўзларнинг бўғинлари аниқланади. Сўзларни бир неча марта

бутунлигича ва бўғинлаб, кейин, аксинча, бўғинлаб ва бутунлигича талафуз килинади.

5. Урғу устида ишлаш бошланади. Ўқитувчи болаларга қуйидагиларни айтади: «Сизлар расмларнинг остидаги сўзлар схемаларида бўғинлар чегарасини билдирадиган кўндаланг чизикчалардан ташқари сўзлар устида қия чизикчалар ҳам борлигига эътибор бергандирсиз. Ҳозир ана шу чизикчалар нималигини билиб оласиз.

Чап томоннинг юкорисидаги расмга яна бир марта қаранг. Унда нима тасвиранган? (Булбул). Шу сўзни хор бўлиб айтинг. Энди уни бўғинлаб талафуз килинг.

Унда нечта бўғин бор экан? (Иккита). Энди ҳар бирингиз сўзни қаттиқ айтинг ва унинг ҳар бир қисми, ҳар бир бўғини бир хил овозда талафуз килиниши ёки қилинмаслигига эътибор беринг. (Бўғинларнинг бири кучлироқ овоз билан талафуз килинади). Бу қайси бўғин? (Биринчи — бул). Ана шу бўғин сўзда кучлироқ овозда айтилиши билан ажралади, у урғу билан талафуз килинади. Мана шу сўзнинг схемасига яна бир марта қаранг. У нечта қисмга бўлинган? (Икки қисмга). Улардан қайси бирининг тепасига қия чизик кўйилган? (Биринчисининг тепасига). Бу сўзнинг қисмларидан қайси исси кучлироқ овоз билан талафуз қилинади? (Биринчиси). Демак, унга урғу тушади, тепадаги чизикча эса ана шу бўғин урғу остида эканини билдиради. Бошка сўзлар устида ҳам шу йўсинда ишланади.

Ўқитувчи қуйидагича хulosса чиқаради: «Одатда ҳар бир сўзда канча бўғин бор бўлса ҳам, унда факт битта урғу бўлади. Сўзлардаги урғуни тўғри ва тез аниқлаш жуда мухимdir. Агар урғу нотўғри

қўйилса, сўзни билиш ва уни нимани англатиши ни тушуниш қийин бўлади».

6. Дарс охирида ўйин ўтказилади: «Билмасвой иккита қандай схемани кўрсатаяпти? Ана шу икки схема нимаси билан фарқланади? Ким билади? 1-схема қайси сўзга мос келади? Билмасвойга сўзларга тўғри урғу беришда кўмаклашинг.

7. Уйга вазифа. Билмасвой кўраётган ҳар қайси схемага икки-учтадан, масалан, ойна, парта, сумка сингари сўзларни танлаш.

Таълимий сухбати. Экскурсия, амалий иш ва янги материални тушунтиргандан кейин уларни мустаҳкамлашда, такрорлашда, шунингдек, экскурсия ва янги материални тушунтириш давомида ўқитувчи синф билан сухбатлашади. Сухбатни ўқувчилар шахсий тажрибалари ва кузатишлари, мавжуд билимлари асосида ўқитувчининг саволини тушунадиган ва унга жавоб қайтара оладиган бўлганларидан кейин ўтказиш мумкин. Агар ана шундай шароит (билимлар, тажриба ва кузатишлар) бўлмаса, ўқувчилар хеч қандай тасаввурга эга бўлмаган нарсалар, ходисалар тўғрисидаги сухбатни ўтказишнинг мутлако фойдаси йўқ.

Ҳар қандай сухбатларнинг асосини дидактик масала ташкил этади. Ана шу масала сухбатнинг вазифасини ва характерини, хатто унинг турини ҳам белгилайди. Шунга кўра таълимий ва эвристик — таълимий сухбатлар бўлади.

Таълимий сухбат ўрганиладиган материални янада мустаҳкамлаш, чукурлаштириш ва такрорлаш Максадларига хизмат қиласди. Янги мавзу тушунтирилгач, гарчи ҳар бир бола фаол қатнашмаса ҳам, уларнинг хотираси ва тафаккурини ривожлантириш учун сухбат ўтказиш зарур. Унда тўғри фикр юри-

тиш учун мисолларнинг намуналари бўлади. Бундан ташкари адабиёт, жамиятшунослик ва бошқа фанларга доир дарсликлардаги сухбатларда ўқувчиларнинг ўқитувчи айтган ғояларига тўғри келмайдиган хусусий фикрлари ёки тушунчалари ҳам маъқулланади, ўқитувчи ўқувчиларнинг жавобларини эътироф этишга ёки рад қилишга шошилмайди. Аксинча, синфда улар ўз фикрларини ёки мустакил мулоҳазаларини эркин айтишлари учун шароит яратишга харакат қиласди.

Жавобларни баҳолашда эса уларнинг шунчаки тўғри ёки нотўғрилигини кайд қилиш билан чекланмайди, балки ўқувчиларнинг жавобларидан озгина бўлсада, тўғри фикрларини излайди. Улардан заррача хақиқатни топса, уни ўзи қисқа ва яккол килиб такрорлайди, ўқувчининг мустакил фикр юритганини таъкидлайди ва уни шундай қилишга даъват этади. Муваффакиятли фикрлар, хатто айрим ифодалар мазкур мавзуда нима ҳақида гап бораётганини тушунишга йўл очса, таълимий сухбатнинг эвристик — таълимий сухбатга айланиши учун хизмат қиласди. Нотўғри жавоблар, агар жиддий бўлмаса, ўқитувчи томонидан кайд қилинмайди ёки йўл-йўлакай тузатиб кетилади. Нотўғри жавоблар эса ўқувчилар томонидан ойдинлик киритилгунинг қадар муҳокама қилинади. Тўлиқ қайтарилимаган жавобларни ўқувчиларнинг ўзлари тўлдирадилар.

Хозирча мактабларимизда ўқувчиларнинг билиш эҳтиёжларига тааллукли долзарб масалалар бўйича сухбатлардан кўп фойдаланилмаётир. Фан, техника, санъат ва ишлаб чиқаришнинг долзарб масалалари ёки айрим муаммолари ўқувчиларни хаяжонлантириши мумкин. Ихтисосликка доир ўқув предмети бўйича дарсларда хусусан ҳозирги пайт-

да ўқувчиларни қизиқтирадиган масалалар мухокама қилинади. Баъзан эса бундай масалалар ўқув дастурининг чегарасидан анча чиқиб кетади. Шундай сұхбатда ўқитувчи ўқувчилар мухокама қилинаётган масала бүйіча унинг фикрига әхтиёжманд бўлишларига кўра қатнашади. Мазкур сұхбат ўқувчиларнинг шахсий әхтиёжи ва қизиқишиларини, шунингдек уларни қизиқтирадиган муаммони аниклаш имконини беради. Унда ўқувчилар ўзаро эркин фикр алмашадилар.

Мунозара. Таълимий сұхбат билимларни ўзлаштиришга замин тайёрлаб, эвристик-таълимий сұхбат ана шу билимларни хар томонлама кўллашга ёрдам берса, эркин сұхбат билишдаги мустақилликни оширади. Шу билан бирга билишдаги мустақилликни ривожлантиришга қаратилган таълим ўқув машғулотларининг хар қандай турлари, шакллари ва усуслари ўртасидаги бевосита изчилликни вужудга келтиради.

Мунозара — сұхбатнинг янада ривожланишидир. У иккита қарама-қарши нұқтаи назарнинг түғрилигини исботлаш зарурати туғилганида вужудга келади.

Мунозара давомида ўқувчиларнинг фикрлашидаги хусусий чекланиш барҳам топади, билишга қизиқиши ортади ва мустақил муроҳаза юритиш ривожланади.

ЎҚИТИШНИНГ ИНДУКТИВ ВА ДЕДУКТИВ МЕТОДЛАРИ

Ўқитишининг индуктив ва дедуктив методлари — ўқув материали мазмунининг характеристикаларынан мантиқини ёритиш усулидир.

Ўқитишининг индуктив методи — ўқитувчи ва ўқувчинингтурли вариантлардаги фаолиятдир. Бунда

да ўқитувчи аввал фактларни тушунтиради, тажрибаларни, кўрсатмали қўлланмаларни намойиш қиласи, умумлаштириш ва тушунчаларни таърифлаш бўйича машқлар бажаришни ташкил этади. Ўқувчилар олдин хусусий фактларни ўзлаштирадилар, кейин холосалар чиқарадилар ва ўқув материалини умумлаштирадилар. Ёки, ўқувчилар олдига хусусий қоидалардан умумий холосаларгача мустақил муроҳаза юритишни талаб қиласиган муаммоли топшириклар қўйилади. Ўқувчилар эса фактлар устида мустақил холда фикрладилар ва тегишлича холосалар чиқарадилар ҳамда умумлаштириш қиласиган.

Дедуктив метод— ўқитувчининг аввал умумий қоидаларни, таърифларни айтиши, кейин аста-секин хусусий ҳолларни, муайян вазифаларни келтириб чиқариш усулидир. Бунда ўқувчилар умумий қоидаларни идрок этадилар, формулаларни ўзлаштирадилар, кейин эса улардан келиб чиқадиган натижаларни эгалладилар.

Агар мана шу методлар тақкосланса, ўқувчилар маълум муроҳазадаларни келтириб чиқарадиган фактлар ва материални ўзлаштиришларига кўра индуктив метод фойдалирокдир. Масалан, ўқитувчи математик масаланинг ечимини ёритади, кейин ўқувчиларга ана шу хилдаги масалани мустақил холда ечишни тавсия қиласи, лекин бунда фикрлаш тез ривожланмайди ва материални ўрганишга кўп вакт кетади. Дедуктив метод ўқув материалини тезроқ ўтишга ёрдам беради ва бунда мавхум фикрлаш фаолрок ривожланади. Ўқитишининг индуктив ва дедуктив методларида унинг оғзаки, кўрсатмали ва амалий методлари, шунингдек, репродуктив ёки муаммоли изланиш методи ҳам қўлланилади.

Таълимнинг репродуктив характеристи, асосан, ўқувчиларнинг ижодий фаолиятидир. Фикрлашнинг характеристи — ўқитувчи берган ўқув ахборотини фалорок идрок этиш ва эслаб қолиш ўқитишнинг оғзаси, кўрсатмали ва амалий методларидан ҳамда усулларидан фойдаланмай мазкур методларни қўллаб бўлмайди. Репродуктив методда ўқитувчи фактларни, исботларни, тушунчалар таърифини тўла баён қиласи, асосий масалага алоҳида эътибор беради.

Ўқитишнинг репродуктив методида кўрсатмалик хам қўлланилади. Репродуктив йўсингидаги амалий ишлар ўқувчиларнинг намуна бўйича илгари ёки эндиғина ўзлаштирилган билимларни қўллаши билан фарқланади. Аммо бундай ишларда билимларни мустакил ҳолда бойитиш амалга ошмайди. Ўқитишнинг муаммоли — изланиш методи муаммоли таълимда қўлланади.

РЕПРОДУКТИВ ТАЪЛИМДАН АМАЛИЙ ТАЪЛИМГА ЎТИШ

Биз мактабда инсонга хаётин масалаларни мустакил ҳолда ҳал қилишни ўргатамиз. Бунинг учун факат билимлар эмас, балки уларни ишлатиш ва турли шароитларда қўллаш кўникмаси хам керак. Ана шу нуқтаи назардан хозирги мактабда устунлик қиласиган ўқитишнинг репродуктив усули максадга мувофик эмас.

Масалан, хозир театрлаштириш кенг тарқалган. Бунда жиддий спектаклларни қўйиш хақида гап бораётгани йўқ. Дарсда кичик саҳнани ўйнаш: болаларга тасодифан қадимги одам учраб қолса, у билан нималарни гаплашишларини ўйлаб кўришни таклиф қилиш мумкин. Шу пайт бирдан шкафнинг эшиги очилиб, ундан «қадимги одам» чиқади.

У терига ўралган ва қўлига сўйил ушлаб олган. Тери бўлмаса ағдарма ним пўстин кийган. Сўйилнинг оғирлигини чамалаб ва терини сийпалаб кўриб, «қадимги одамдан» унинг қабиладошлари ва юз минг йил аввал қандай яшаганини сўраш ўқувчилар учун қизиқарлидир. Ундан гугуртсиз олов ёқишини хам ўрганиш мумкиндири.

Билишга доир юришлар ва экспедициялар ҳали барчага маълум. Лекин бунда болаларнинг ўзлари муаммоларни қўйишлари, гипотезаларни баён килишлари ва уларга жавоб топишлари муҳимдир. Бу борада даладаги ўсимликларнинг нима учун ҳар хил ўсиши, гунафшанинг чиройлилиги ва хоказолар хақида фикр юритиш ғоят фойдалидир. Синфда ўқув жараёнини болаларни қизиқтирадиган саволларга жавоб топиш йўсинида ташкил қилиш мумкин.

Хеч қачон унутмаслик керакки, педагогик жараённинг иккита катнашчисида — ўқитувчи ва ўқувчидаги иккиси хил мақсад бўлиши мумкин. Масалан, ўқитувчи ўқувчини табиат ҳодисалари билан таништиришни истаса, ўқувчи ўйин учун вакт топиш хақида ўйлади. Буни битта йўлдан иккиси хил мақсадга қараб бориш деса бўлади.

Фаолиятга интилишнинг энг яхши омилларидан бири ҳайратланишdir. Ўқитувчилардан ўқувчи дарсдан нима одиб кетиши кераклигини сўралса, улар уйга вазифа, янги билимлар, баҳолар, деб жавоб берадилар. Аслида ўқувчи уйига завқ-шавқ ва қоникиш билан, яна дарсга келиш иштиёқи билан қайтиши керак. Ўқитувчининг дарсда ниманидир амалга оширишда улгурмагани хеч гап эмас. Унинг болаларда уйғотган қизиқиши кейинги сафар камчиликни тўлдиришда унга ёрдам беради.

Дарс охирида ўқитувчи болаларни ҳайратлантирадиган саволни очик колдирса, болалар саргузаштларнинг давомини кутгандек у билан яна учрашишга интиладилар.

Афсуски, дарслеримиздаги матнларда ақлга номувофиқ фикрлар учрамайди, барча зиддиятлар бартараф этилган ва шунга кўра дарслер зерикали. Одатда дастлабки манбаларда ақлга номувофиқ фикрлар, зиддиятлар, тўқнашувлар жуда кўп бўлади. Дастлабки манбалардан фойдаланиш яхши, лекин уларни ўқиш қийин. Шунинг учун, бир томондан, болалар тушунадиган тилда ёзилган, иккинчи томондан, ўзаро зид фикрлар уйғотадиган мазмундаги ўқув матнлари зарур.

Бизнинг жуда бўш ўқув материалларимизни хаёлий қўшимчалар билан жонлантириш мумкин ва бу иш мураккаб эмас. Масалан, ўқитувчи дарсни қуидагича бошлайди: «Ўзимизни космик кемада узоқ галактикадаги номаълум планетага учиб келгандек хис қиласиз. Ундаги ҳамма шароит худди, ердагидек, лекин фақат тортиш кучи кам. Унда қандай ҳайвонлар яшashi мумкин?» Бу ҳолда болаларнинг мақсади мазкур планетада ҳайвонот дунёсини кўпайтиришдан иборат бўлади. Ўқитувчи эса уларга Ердаги ҳайвонот дунёсини ўргатишини кўзладайди. Ўқитувчи ҳам, ўқувчилар ҳам ўз мақсадларига эришадилар, бинобарин тақкослаш билишнинг яхши йўлидир.

Мактабларимиздаги ўқув предметларимизнинг мазмунида асосий эътибор дефиницияларга, яъни тушунчаларни таърифлашга қаратилган. Лекин ана шу тушунчаларга турли нуктаи назардан қараш ғоят фойдалидир. Ҳар қандай обьект ўзи ҳақидаги тушунчанинг таърифидан анча бойдир. Боланинг

488

миясига тушуичалар таърифини қанчалик кўп ти-киштирсан, ана шу бойликнинг имкониятлари шунчалик йўколиб боради.

Ўқитувчининг материални такрорлаш ва мустахкамлашга қаратилган вазифалари ҳам ўқувчиларнинг фаолиятини кучайтириши лозим. Уйга бериладиган вазифанинг ўқиши ва сўзлашдангина иборат бўлиши маъқул эмас. Ундан кўра болаларнинг ўқитувчига саволлар бергани яхшироқцир. Аммо ўтилган мавзу бўйича берилган саволлар ўқувчиларни янги билимларни ўзлаштиришга тайёрлаши керак. Сув солинган идиш иситилса, итарилиш кучи қандай ўзгаради. Ўқитувчи дарсда исботлаган қоидаларни амалда синаб кўришни болаларга тавсия этиш мумкин. Чунки баҳслашиш учун билим керак.

Хозир мактабларда ўқувчиларга ўзлари ўрганадиган предметларни ёки мавзуларни танлаш хуқуқини бериш мумкинлиги хусусида гаплар бўлаётир. Боладан кўчага чиқишдан олдин этигини кийиш ёки киймаслигини сўраш керак эмас. Чунки у «киймайман» дейиши мумкин ва сўраган киши мулзам бўлиб қолади. Ундан этикни аввал чап ёки ўнг оёққа кийишини сўраш бошқа гап. У ўзининг танлаш хуқуқидан қоникиш билан фойдаланади.

ЎҚИТИШНИНГ АМАЛИЙ МЕТОДЛАРИ

I. *Таълимий топшириқлар.* Мактаблардаги таълимнинг ҳамма босқичларида ўқувчиларнинг ижодий имкониятларини ривожлантириш жуда мухимdir. Лекин кичик ёшлигидан бошлаб уларнинг ижодий фикрлашини шакллантириш алоҳида аҳамиятга эга. Чунки бошланғич синфларда, хусусан таълимнинг биринчи йили болаларда ўқиш қобилияtlари шакллана бошлайди.

489

Ўқувчининг ижодий фикрлаши янгилик кашф этишида, кўрилаётган нарсани яратишнинг бошқача усулини топишда, ўқув материалидан ўзгача боғланишларни очиб бериши ва хоказоларда акс этади. Ўқувчиларнинг намунага таянмай қағшайдир янги нарсани яратиш қобилияти ижодкорликни талаб қиласидан фаолиятда ривожланади.

Кичик мактаб ёшидаги ўқувчиларда ижодий фикрлашни ривожлантиришда таълимий топшириқлар мухим рол ўйнайди. Бундай топшириқлар фикрлаш фаолиятининг мақсади сифатида хизмат қиласидан унинг характеристини белгилайди.

Топшириқларнинг хар хил турлари кичик мактаб ёшидаги ўқувчиларнинг фикрлашининг ривожланишига турлича таъсир кўрсатади. Ўқув фаолиятида репродуктив топшириқларнинг кўп қўлланиши болада илгари ўзлаштирган билимларини ва иш усуllibарини кайта тиклашга интилишни. Намунага қараб ишлаш одатини вужудга келтиради ва бу одат фикрлаш жараёнининг репродуктив асосига айланади. Лекин ижодий фикрлаш ишнинг андазасиз усуllibарини амалга оширишни, янги мақсадлар қўя олишни, назорат қила билиш ва баҳолашни, режалаштиришни, таҳлил, таққослаш ва умумлаштиришнинг ўзига хос усуllibарини, баҳолаш мезонларини шакллантиришни талаб қиласидан. Ўқувчиларда мазкур фикрлаш жараёнларини таркиб топтириш учун дарсда продуктив топшириқларни қўллаш, уларнинг бевосита ижодий фикрлаши мақсадлар қўйишга, режалаштиришга, умумлаштиришга, шунингдек назорат қилишга ва баҳолаш каби жараёнларни ривожлантиришга каратилиши керак.

Мақсадлар қўйиш жараёни матн, расм мазмунига саволлар тузиш, жавоб қайтараётган ўқувчига қўшимча савол бериш, масаланинг шартларига

490

турли саволлар қўйиш ва хоказоларда амалга ошади.

Бошланғич синф ўқувчиларида ишни режалаштириш кўникмасини ривожлантириш учун улар билан ўзларининг келгусидаги дарсларда ҳар қандай топшириқларни бажаришдаги характеристарини кандай тасаввур этишларини доимий равишида муҳокама қилиб бориш зарур. Шунингдек, дарсларда хикоянинг режасини тузиш, баён ёзиш, масалалар ечиш каби топшириқлардан кенг фойдаланиш керак.

Кичик мактаб ёшидаги ўқувчиларда ижодий фикрлашни шакллантириш зарурлиги ўқитувчнинг олдига ўқув жараёнида ўқувчиларда таҳлил қилиш, таққослаш ва умумлаштириш кўникмаларини ривожлантиришга каратилган топшириқлардан ҳам кенг фойдаланиш вазифасини қўяди. Ана шу жиҳатдан математика дарсларида, хусусан масалалар ечишда катта имкониятлар мавжуд бўлади.

Фикрлаш фаолиятининг назорат — баҳолаш механизмини шакллантириш хар бир дарсда ўқувчиларни факат фаолиятнинг натижасини эмас, балки ана шу фаолият жараёнида тегишлича баҳолашни ҳам амалга оширишга ундайдиган топшириқлардан фойдаланишни талаб қиласидан.

Дарс структурасига продуктив топшириқларни киритиш кичик мактаб ёшидаги ўқувчиларда янги мақсадлар қўйиш, режалаштириш, андазасиз таҳлил қилиш, таққослаш, назорат қилиш ва баҳолаш каби фикрлаш жараёнларини шакллантиришнинг асосий шартларидан биридирки, бу жараёнлар ижодий фикрлашнинг ривожланишида катта рол ўйнайди.

НАЗАРИЙ БИЛИМЛАРДАН ФОЙДАЛАНИЛАДИГАН МАШҚЛАР

Мактаб амалиётида машқлар ўтказиш учун ўқувчиларнинг назарий билимларига мурожаат қилишнинг баъзи йўллари белгиланган. Бу ишнинг энг кенг тарқалган, лекин энг кам самарали усули дарс режасида кўзда тутилган машқларни бажаришда таяниладиган маълум тушунчалар ва қоидаларни оғзаки қайта тиклашдир.

Машқларни бажаришдан олдин назарий материални такрорлашнинг самаралироқ усули мазкур материални кўллаш бўйича амалий топширикларни қўйишидир. Бундай топширикларга танланма диктант ўтказишида маълум сўзлар ёзиши, нуткнинг маълум бўлакларини қиска вакт ичидаги таҳлил қилишни, нуткнинг ахамиятли қисмларини ажратишни, дидактик тарқатма материал билан ишлашда маълум орфограммаларни қайд қилишни, масалалар ечишда асос бўладиган математик ифодалар билан ишлаш ва хоказоларни киритиш мумкин.

Машқлар ўтказишида назарий материалга мурожаат қилишнинг навбатдаги усули ўқувчининг кейинги амалий ишни бажаришдан олдин унинг йўлларини асослашдир.

Амалий ишларни бажариш вақтида назарий асослаш педагогик жиҳатдан ўзини оқлаган. Бу усулни икки вариантда бажариш мумкин. Булар навбатдаги ишни кенг тушунтириш ва шарҳлашдан иборат-

х

Ўқувчилар билан уларнинг тайёргарлиги Гидаги айрим камчиликларини тўлдириш бўйича ишлашда навбатдаги ишларни кенг тушунтириш ўзини анча оқлаган. Бунда аввал ўқувчидан кенг мушоҳа-

492

да юритиши талаб қилиш лозим ва талабни бажариш эса хисоблаш усулини чуқурроқ англашни таъминлайди.

Мушоҳада жараёни аста-секин кенгая боради ва харакатлар маълум тартибда кетма-кет амалга ошади. Хисоблаш усулини асословчи қоиданинг йўналтирувчи роли йўқолади ва у факат қийинчилик туғилганида эсланади.

МАШҚ ЎҚУВЧИЛАРДА МАЛАКАЛАРНИ ШАКЛЛАНТИРИШ ФАОЛИЯТИНИНГ АСОСИЙ ТУРИ

Ўқувчилар малакаларининг савияси ана шу ишнинг қандай ташкил этилишига боғлиқ. Машқларни таснифлашнинг бир неча тизимлари мавжуд бўлиб, унинг хамма турларини малакалар хосил бўлиши жараёнидаги ўрнига қараб уч гурухга: *тайёргарлик, ўқув ва ўрганиш* машқларига бўлиш мумкин.

Тайёргарлик машқларининг вазифаси дастурдаги янги материални онгли равишда ўзлаштириш учун зарур билимлар ва амалий иш усулларини эсга туширишдан иборатdir. Масалан, III синфда «феълларни» ўрганиш тажрибаси бўйича олдин феълларни эшитиб идрок этиш, феълнинг замон шаклларини аникдаш машқлари ўтказилади. Болалар сўзлар орасидаги феълларни ажратадиган бўлганларидан кейин ана шу сўз туркумини онгли равишда кўллаш машқ қилинади.

Бошқа бир мисол. Математика дарслигининг муаллифи И. Охунжонов, Н. У. Бикбоеваларнинг фикрича, 10 ичидаги амалларни мустаҳкамлашда ва иккинчи ўнликдаги сонларни номерлашни ўрганишда таркибли масалаларни кўллашдан олдин куйидаги тайёргарлик машқларини мунтазам ўтказиш керак:

1. Оддий масаланинг шартига савол қўйиш. Чунончи, бир қутичада 6 та иккинчи қутичада ундан 2 та кам қалам (Опасида 10 та ва укасида 8 та марка) бор. Масаланинг ана шу шартидан нимани билиш мумкин?

2. Масаланинг берилган шартидаги етишмайдиган сонни тўлдириш.

Чунончи, акасида 4 та дафтар бор, aka ва сингилнинг дафтарлари кўшилса, нечта бўлади? (Майдонда турган машиналарнинг 3 таси кетса, нечта машина қолади?).

3. Берилган саволга жавоб учун керакли маълумотларни танлаш.

Чунончи, иккита яшикда қанча олма борлигини (Қизчада неча тийин қолганини) аниглаш учун нимани билиш керак?).

Ўкув машқлари янги материал ёритилиши биланок бошланади ва ана шу материални ўзлаштириша ёрдам беради. Уларнинг фарқли хусусияти ўқувчиларга ўқитувчининг доимий ёрдам беришидан иборатdir. Бу ёрдам кўпинча бажариладиган ишнинг усуллари ва натижаларини жамоа бўлиб муҳокама килишда, шарҳлашда ўзининг ифодасини топади. Биринчи ўкув машқида болага баҳо қўйиш маъқул эмас, чунки ундан ҳали ўргатилмаган нарсани сўраш педагогик жихатдан нотўғридир. Ўкув машқларини ўтказишида алгоритмик кўрсатмалар, яъни ақлий ва амалий харакатларнинг дидактик жихатдан ўзини оқлаган турлари белгиланган ўзига хос хотираномалар ғоят фойдаидир. Алгоритмик кўрсатмаларнинг кенг доирадаги бир хил масалаларни ечиш учун қўлланиши мақсадга мувофиқ бўлиб, улар ишда тўғри натижаларга эришиш имконини беради.

Ўқиши дарсида хикоянинг режасини тузиш учун қуидагича хотиранома жуда фойдаидир: 1. Ҳикояни ўқиши. 2. Уни қисмларга ажрат. 3. Ҳар бир қисмдаги асосий масалаларни топ. 4. Ҳар бир қисмга сарлавҳалар қўй. 5. Қисмларнинг сарлавҳаларидан режа туз.

Ўкув топширикларининг ҳар хил турларидан фойдаланиш ўқувчиларни ишга ижодий ёндошишга ва назарий билимларни амалда қўллашга ёрдам беради. Бунга эришиш учун ўқувчиларнинг билимларини уларнинг дастлабки тушунча, тасаввур ва кўнилмаларини шакллантирган материаллардан бошқача материаллар асосида мустаҳкамлаш ва тақомиллашириш керак. Шунингдек, бу материаллар кўп вариантили топшириклардан ташкил топиб, уларнинг ҳар бири ўзига хос билишга доир ва мантикий топширик бўлиши мақсадга мувофиқдир. Ўрганиш машқларининг ана шундай йўлга қўйилиши ўқувчилар онгиде янги боғланишлар хосил бўлишида ва шунга кўра материалнинг яхширок ўзлаштирилишида ёрдам беради.

Амалий методлар ўқитишининг оғзаки ва кўрсатмали методлари билан узвий бирликда қўлланилади. Чунки машқларни бажариш, тажрибаларни ўтказиши ва меҳнат операцияларини амалга оширишдан олдин педагог инструктив тушунтиришлар ўтказиши керак. Оғзаки тушунтириш ва расмларни кўрсатиш одатда машқларни бажариш жараённида амалга оширилади ва унинг натижасини аниглаш ва таҳлил қилиш билан тугалланади.

4. Лаборатория иши тадқиқотчилик методлари категорига киради ва бундай методлар ёрдамида ўқувчилар ўзлари учун янгилик кашф этадилар. Бошлан-

тич синфларда лаборатория ишлари асосан табиатшунослик ва меҳнат дарсларида ўтказилади.

Меҳнат дарсларида қоғоз, газлама, лой ва бошқа ашёларнинг хоссалари ўрганилади. Ўқув-тажриба участкасида турли ўсимликларнинг ривожланиши кузатилади.

Мактаб лабораториясида амалга ошириладиган ишлар болаларда меҳнат маданиятини тарбиялайди, асбобларни эҳтиётлаб ишлаши, иш ўрнини батартиб тутиш одатини вужудга келтиради.

5. Ўйин хозирча, ҳатто бошланғич мактабда хам ўқитишнинг методи сифатида тегишлича ўрин олган эмас. Ўйинлар ўқувчиларнинг бўш вақти бекор ўтмаслиги ва уларни жисмонан чиниктириш учун ўтказилади. Таълимий ўйинлар дарсда- ёки дарсдан ташқари ўтказилишидан катъи назар беихтиёр эслаб қолиш жараёнларини анча фаоллаштиришда, билиш фаолиятига қизиқишини оширишда, мустакил меҳнатга тайёрлашда катта аҳамиятга моликдир.

Ўйинларни психологик-педагогик ташкил этиш, тайёрлаш ва ўтказиш босқичлари— ўқитувчининг ўйинни ташкил қилиш ва ўтказишга назарий-методик тайёргарлиги;

— кичик мактаб ёшидаги ўқувчиларнинг ёш, ўзига хос психологик ва типологик хусусиятларини ўрганиш, ана шу хусусиятларни хисобга олиш хамда улар ўйинининг мақсади, вазифаси ва мазмунига мувофиқ равишда тузатишни режалаштириш;

— ўқувчиларнинг хаётий тажрибасини, қизиқишлигини, майллари ва кобилиятларини ўрганиш хамда ўйинда улардан фойдаланиб ҳар бир ўқувчида тўла қоникиш хосил қилишни режалаштириш;

— техник воситалардан фойдаланиб намунавий ўйинларни кўрсатиши ва тушунтириш;

— ўқувчиларни ўйиннинг мазмуни, сюjetи, мақсади ва вазифалари, босқичлари, бориши ва қоидалари билан таништириш;

— ўқувчиларни ўйин жараёнида ўзини ўзи назорат қилишга шайлаш;

— ўйинга раҳбарликнинг характеристини, ўйинда ўқитувчининг ўзи ҳам ёки ҳакам ёки кузатувчи сифатида қатнашишини ёки раҳбарликни пешқадам ўқувчига беришини бўлгилаш;

— ўйин жараёнида ўқитувчининг ўқувчиларга тарбиявий таъсир кўрсатиши;

— ўтказилган ўйинни мухокама қилиш: қўйилган вазифалар юзасидан ўйиннинг натижаларини, иштирокчиларининг ҳаракатларини баҳолаш ва уларни рағбатлантириш;

— мазкур ўйиннинг ўқувчиларни ватанпарварлик ва байналмилалчилик руҳида тарбиялашдаги самарадорлигини педагогик таҳлил қилишдан иборатdir.

Ўйинларни ташкил қилишда қўйидаги педагогик омилларни хисобга олиш зарур:

• — ўқувчиларни ўйиннинг моҳияти, мазмuni, босқичлари ва натижасини тўла тушунишини;

— уларнинг навбатдаги ўйин фаолиятига шахсан қизиқиши билан ижобий муносабатда бўлишини: ўйинда зарур билим, кўникма ва малакаларини сафарбар этишини;

— ўйингача, ўйин жараёнида ва ундан кейин ўқитувчининг барча талабларини бажаришларини.

— Муаммони хал қилишнинг оптимал психологик-педагогик шартлари қўйидагилардан иборатdir:

— мазмунан долзарб ўзбек халқ ўйинлари мажмуасини танлаш;

- ўқувчиларни ўйин фаолиятига эмоционал жиҳатдан шайлаш;
- ўқитувчининг кичик мактаб ёшидаги ўқувчиларни ўзбек халқ ўйинларига қизиктира олиши;
- ўзбек халқ ўйинларига раҳбарлик қилиш мазмунини, шакллари ва методларининг бирлиги;
- ўйин жараёнининг хаётийлиги, унинг хаққонийлиги;
- кичик мактаб ёшидаги ўқувчиларнинг ўйин фаолиятида қатнашувининг ихтиёрийлиги;
- ўйинларнинг мазмунини аста-секин мураккаблаштириб бориш.

Ўзбек халқ ўйинларини танлашга қўйиладиган талаблар:

- ўйинлар мазмунининг хаётийлиги- ва хаққонийлиги;
- Мазмуни бўйича мослиги;
- сюжетнинг соддалиги, қизикарлилиги ва ҳиссиётлилиги;
- ўйинда фаол фикрлашни, ижодкорликни, сезигирликни, ташаббускорлик ва фаолликни, хиссий таъсирчанликни, ўткир зехн ва кузатувчанликни, дикқат-эътиборлиликни талаб қилиш;
- ўйиннинг ўқувчилар ёшига, психологияси ва уларнинг педагогик тайёргарлигига мослиги.

Ўқитувчи синфлар бўйича ўйинларни «Миллий харакатли ўйинлар» (Т. Усмонхўжаев ва б. «Миллий харакатли ўйинлар. Тошкент, «Ўқитувчи», 2000) китобидан ёки маҳаллий болалар ўйинларидан фойдаланиши мумкин.

Ўйинларни ўтказишнинг тарбиявий максади ва вазифалари учта (бошланғич, асосий, **якунловчи**) босқичда амалга оширилади.

Бошланғич босқич — ўқувчилар билан уларнинг ёшига мос, тушунарли, ижодий йўсингдаги тайёргарлик ишларини олиб боришdir.

Ана шу ишлар орқали ўйинлар ўқувчиларда ўз халқининг тарихига, анъаналарига: халқ ижодига, шу жумладан, ўйинларига, ўзбек халқининг қаҳрамонона, инқилобий ўтмишига қизикиш хамда меҳнатга хурмат ва муҳаббат уйғотиши лозим. Шунингдек, уларда республиканизнинг меҳнатдаги ютуқлари билан фахрланиш хиссини; халқяратган гўзал нарсаларга муҳаббат туйғусини, табиатдаги бойликларни кўриқлаш эктиёжини таркиб топтириш зарур.

Асосий босқич — болаларни бевосита ўйинга тайёрлаш, ўйин жараённада болаларнинг ҳар хил ўйин фаолиятини бошқариши, уйга вазифа бериш ва ҳоказолардан иборатdir.

Якунловчи босқич — мазкур ўйиндаги барча педагогик-психологик жараёнларнинг натижаларини жамлашdir.

Ўйинларнинг самарадорлигини оширишнинг энг муҳим шартлари қуидагилардан иборатdir:

Психологик йўналишда:

- ўқувчиларнинг хиссиётли кайфияти;
- эмоционал фондни вужудга келтириш;
- ўйин фаолиятида хошишни таркиб топтириш;
- хаёл ва тасаввур кайфиятини хосил қилиш;
- фаол идрок этиш, кузатувчанлик ва онгли фикрлаш, иродалилик.

Педагогик йўналишда:

- ўйин жараёнининг изчил ва яққол мақсадга қаратилиши;
- ўйиннинг вазифаларини белгилаш;

- ўқувчиларни ўйиннинг мазмуни билан яққол ва ифодали танишириш;
- ўйинда ўқитувчининг болалар билан баравар-катнашуви;
- ўйин жараёнида шеърлар ўқиш, куйлаш, ракс тушиш, тақлид қилиш, имо-ишораларни бажариш, шунингдек, ўйинга тайёрланиш жараёнида ўйинда ва уйга берилган топширикларни бажаришда тас-вирий ижод билан шуғулланиш.

Дидактик ўйинлар.

Дидактик ўйинлар қоидали ўйинлар жумласига киради ва ролли ўйинларни ривожлантириш предмети хисобланади. Бундай ўйинлар асосини билишнинг у ёки бу мазмунини, ўйиннинг бориши белгилайдиган харакатларни бажаришга қаратадиган аклий ва иродавий уринишини ташкил этади. Дидактик ўйинларда асосий фикрлаш жараёнлари – таҳлил қилиш, таққослаш, хулоса чиқариш ва ҳоказолар такомиллашади.

Дидактик ўйинлар таълим жараёнида болаларни ўқитиш, тарбиялаш ва камол топтиришда муҳим аҳамият касб этади.

Ўйин пайтида боланинг ижобий иш фаолиятини кучайтиради, ихтиёрий дикқатини, хотирасини такомиллаштиради. Ўйинда ўқувчилар ўзлари сезмаган ҳолда жуда кўп харакатларни, машқларни бажарадилар, турли масалаларни ечадилар.

Дидактик ўйинларга қўйиладиган талаблар:

1. Дидактик ўйинлар ўқув предметлари бўйича дастур материалига мувофиқ йўсинда танланиши лозим.

2. Дидактик ўйин унда қатнашувчиларга билимлар бўйича маълум талаблар қўйиладиган йўсинда ишлаб чиқилиши керак.

3. Дидактик ўйиннинг муваффакиятли ўтиши унинг мақсадини яққол англашига боғлик. Чунки бунда ўқувчиларнинг фикрини мақсадли йўналишга солиш, уларнинг ишини бажаришга қизиқишини ошириш имконияти туғилади.

4. Ўйинларни танлашда маълум изчиликка риоя •қилиш ҳам зарур. Мазмунан қийин ўйинлардан олдин осонроқ ўйинларни ўтказиб, ўқувчиларни навбатдаги ўйинларга пухтароқ тайёрлаш жуда муҳимdir. Шу тариқа таҳлил, синтез, таққослаш, таснифлашда, мавҳумлаштириш, муайянлаштириш, умумлаштириш сингари ақлий операцияларни аста-секин мурракблаштириб бориш шарт.

5. Дидактик ўйинларнинг қоидасини ва ташкил этилишини тузиш ва ишлаб чиқишида ўқувчиларнинг ўзига хос хусусиятларини, уларнинг турли (бўш ва кучли, фаол ва локайд) гурухларини хисобга олиш керак.

6. Ўйиннинг қоидалари содда, аниқ бўлиши ва яққол ифодаланиши лозим.

7. Ҳар бир ўқувчи бутун ўйин жараёнида фаол иштирок этиши, ўз «навбатини» узок кутиш ўйинга қизиқиши сусятириши мумкинлигини унутмаслик керак.

8. Ҳар бир ўйинга умумий ва якка тартибда ёндошиш, ундаги топширикларнинг қийинлик даражасини ва қанчаси мустакил ҳолда бажарилишини хисобга олиш керак.

ДАРСЛИКЛАР БИЛАН ИШЛАШ

Ўқувчилар илгари дарсликлардан уйда билимларини мустахкамлаш учун фойдаланган бўлсалар, мактаб ривожланишининг хозирги босқичида эса

улардан янги материал баён қилиниши биланок фойдаланишмоқда.

Ўқувчи китоб билан муваффақиятли ишлай олиши учун тегишли кўникма ва малакаларни эгаллаши керак. Таълимнинг хозирги босқичида ўқувчиларга дарслик билан мустакил ишлашни ўргатиш ўқитувчининг муҳим вазифасидир. Бинобарин, улар келажакда турли билимларни ўзларича таҳлил қилишга, ўрганишга ва умумлаштиришга хам мажбур бўладилар.

Китоб билан ишлашни ўргатишнинг дастлабки босқичида изоҳли ўқиш методидан фойдаланилди. Ўқитувчи болаларга китобни дикқат билан ўқиши, ундаги ҳар бир сўз ва ифоданинг маъносини ўйлаб кўриш хамда бутун мазмунни қамраб олиши ўргатади.

Дарслик билан ишлашнинг асосий босқичлари:

— ўқувчилар синфда ва уйда ўзлари учун янги материални мустакил ҳолда ўрганадилар. Ишнинг бу усули қуии синфлардаги дарсларда дастлабки кўникмаларни шакллантириш учун бир оз кийинчилик қиласди. Шундай экан, дарслик ва китоб билан ишлашнинг ўқитиш методи сифатидаги моҳиятини қандай таърифлаш мумкин?

Бу методнинг моҳияти билимларни ўзлаштириш ва мустаҳкамлаш ўқувчиларнинг дарслик ва китоб билан мустакил ишлаши жараёнида амалга ошишидан, ва айни пайтда, улар китоб билан ишлаш малакаларини эгаллашидан иборатdir. Мазкур методнинг ўзаро боғлиқ иккита муҳим томони мавжуд бўлиб, улар ўқувчиларнинг ўрганиладиган материални мустакил ўзлаштиришлари ва уларда ўқув адабиёти билан ишлаш кўникмасини шакллантиришdir. Дарс машғулотлари тизимида дарслик би-

лан ишлашнинг тўғри йўлга қўйилишида ўқитувчининг таълимий ишлари билан ўқувчилар фаолиятининг ўзаро мувофиқлиги масаласи ғоят муҳим аҳамиятга моликдир.

Дарсликни машғулотларни ташкил қилиш учун фойдаланиладиган қандайдир ёрдамчи восита деб билмаслик керак. Дарслик аввало ўқувчилар учун муҳим билим манбаларидан биридир. Лекин у баён этилган материални мустаҳкамлашнинг ва ўқувчилар бажарадиган ақлий ишларни фаоллаштиришнинг самарали воситаси сифатида хам хизмат қиласди. Аммо бунинг учун ўқитувчи дарсликни қўллашда энг муҳим методик талабларга риоя қилиши зарур. У машғулотларни ўтказишдаги муайян ҳолатда дарсликни қай йўсинда қўллаш мақсадга мувофиқлигини аниклаб олиши, шу орқали болаларни фикрлаш фаолиятига рағбатлантириши, уларнинг ўрганиладиган материални куруқ ёдлаши ва юзаки эслаб колишига йўл қўймаслиги керак. Шу боисдан дарс машғулотлари жараёнида дарслик устида ишлашни ташкил этишга қўйиладиган айrim умумдидактик талаблар хақида бир оз тўхталиш жоиздир.

1. Аввало ўқувчилар дарсда мустакил ўрганиши учун керакли материални тўғри танлаши муҳим аҳамиятга эга. Маълумки, ўқувчилар барча масалаларни ўқитувчининг олдиндан тушунтиришилиз ўзлаштиравермайдилар. Кўп мавзулар мутлақо янги маълумотларни ўз ичига олган ва улар умумлаштирувчи характеристда бўлади.

2. Дарслик ва ўқув китоблари билан ишлашдан олдин доимо ўқитувчи муфассал кириш сухбати ўтказиши шарт. Унда ўқувчиларни ўрганиладиган мавзудан хабардор қилиши, янги материалнинг асосий масалаларига эътибор бериши (лозим бўлса доскага ёзиши ёки олдиндан тайёрланган жадвал-

ни илиб қўйиши), шунингдек, мустақил ишнинг тартибини белгилаши керак.

3. Дарслик билан ишлаш бутун дарс мобайнида давом этмаслиги керак. Уни ўқитишнинг бошқа шакллари ва методлари билан бирлаштириш лозим. Масалан, дарслик билан ишлаб бўлингач материал қандай ўзлаштирилганини текшириш, кўникума ва малакалар хосил қилиш, ўқувчиларнинг билимларини янада чуқурлаштириш бўйича амалий машқлар ўтказиш керак.

Ўтилган материал устида ишлашда, янги материални баён этиш ва мустаҳкамлашда дарсликдан фойдаланиш йўлларини кўрсатамиз.

Юқорида айтилганидек, сўнгги йилларда ўтилган материал устида ишлашда қўлланилган методика уй вазифаларига ўхшаш тайёрланиш машқлари билан боғлик анчагина усулларни ўз ичига олади ва бундай машқлар дарслик билан бажарилади. Ўқувчилар масалаларни ечадилар, машқларни кўчирадилар, дарсликдаги саволларга ёзма жавоблар кайтарадилар ва хоказо. Лекин ўтилган материал бўйича дарслик билан ишлашнинг яна бир тури борки, уни кўпчилик ўқитувчилар билмайди. Ишнинг бу тури ўқувчилар дарсликдаги материални машғулотнинг бошида билимларни текшириш олдидан ўқишидир.

Ўқитиш жараёнидаги раҳбарлик дидактик саволлар ёки ўқитувчининг саволлари ёрдамида амалга оширилади. Ўқувчи ўқитувчининг саволларига тобе бўлиб қолмаслиги учун ўзи ўзига мустақил холда саволлар қўйишини ўрганиши, яъни ўзича фикр юритиш кўникумасини ўзлаштириши керак. Бунга ўқитиш жараёнида эришилади. Бунда ўқитувчи нима қилиши лозим? У аввало зарур тушунчалар ва

операцияларни ўргатади. Буни муайяф! мисоллар оркали бажаради. Аммо хар бир ўқитувчи янги материални, янги тушунча ва операцияларни ўргатганидан кейин ҳам ўқувчи уларни мустақил холда қўллашга кийналишини билади.

Қоида тушунтирилиши биланок таклиф этилган топширик устида ишлашда ўқувчидаги аввал иккита фаолият, яъни қоидани ўзлаштириш ва қоиданинг мазмунини тушуниш фаолиятлари қўшилиб кетади. Қоидани ўзлаштириш фаолиятини нуктаи назар ёки ўқитувчининг саволи бошқаради. Айни пайтда ўқувчи қоиданинг мазмунини тушунишга ҳам ҳаракат қиласи. Кейинги фаолият музайян мисолга қаратилади. Буларнинг ҳаммаси мазкур вазиятда қўшилиб кетади. Агар қоида факат битта мисол ёрдамида кўрсатилса, уни ўқувчилар тушунтирилган вазиятга ўхшаса-да, бошқа вазиятларга мустақил холда кўчира олмайдилар. Шунинг учун ўқувчиларга олдин бир неча мисолларни ўқитувчининг раҳбарлигига ечиш имконияти яратилади. Улар қоидани яхши ўргангач ва машқлар билан мустаҳкамлагач, уларга аста-секин мураккаблашиб борадиган мисоллар топшириклар асосида мазкур қоидани қўллаш бўйича мустақил ишлар таклиф этилади.

Бошланғич синфларда ўқувчиларни дарсда эндиғина ўрганилган мазмуннинг ўзини эмас, балки ана шу мазмунни ўрганишда қўлланган усулларни тақорорлаш йўли билан янги тушунчани мустақил холда ўзлаштиришга тайёрланади. Синфдаги ҳамма ўқувчилар ўқитувчи раҳбарлигига қандайдир мавзуни ўрганганларидан кейин ўқитувчи уларга «тескари юриш» қилишни, яъни дарснинг хар бир нуқтасига қайтишни ва унда нима қилингани ҳамда

қандай килинганини кузатишни тавсия этади. Бунда энг мухими дарснинг мазмуни эмас, балки ўқувчиликнинг ана шу мазмун устида қандай ишлаганидир. Бу эса уларга таълимий ишнинг усулларини англашда ёрдам беради. Синф қандай масалалар қўйилганини, ходисани тушунишга ёки муаммони ечишга қандай килиб эришилганини билиб оладилар. Бу иш ўқиш усулларини эгаллаш машқидир. Мана шу машқнинг натижаларини бир ўқувчи доскага ёзди, колган ўқувчилар дарснинг қандай ўтганини қайта тиклашда унга ёрдам берадилар. Бунинг учун Доска икки қисмга бўлинади ва унинг чап томонига дарсдаги энг мухим фактлар ҳамда фикрлар кисқача режа кўринишида ёзилади. Ўнг томонга масалалар, синф бажарган барча ишлар, айтайлик, кузатишлар, мўлжаллар, топширикдарнинг ечимлари ва хоказолар ёзилади. Бу машқ орқали нималарга эришилади?

Дарснинг асосидаги барча масалалар, харакатлар ва ифодалар дарснинг умумий мазмунидан ажратилади ва шу тариқа ўқувчиларнинг тушуниши учун мослаштирилади. Натижада, ўқувчилар дарсда нйма қилиш лозим бўлганини ва қандай килинганини билишга ҳамда тушунишга одатланадилар. Вакт ўтиши билан билиш харакатларини янги ходисаларга ёки мисолларга кўчириш кўникмалари таркиб топади. Лекин билиш харакатларини кўчириш машқи ўқувчилар учун дарсдаматериалнинг ўзини ўзлаштиришга нисбатан анча қийинроқдир. Ушбу машқдан кўзланадиган мақсад материал ва ўқитиш воситалари орқали айнан билиш жараёнини англашдан иборат бўлиши мумкин.

Кўрсатиб ўтилган изланишлар топширикдари саволларга ёдланган дарслик матнидан ёки ўқитув-

чининг тушунтиришидан тайёр ҳолда олинган жавобларни қайтариш эмас, балки ҳар бир саволга тегишли жавоб топишни тавсия қилишдан иборатдир. Улар аслида эвристик — таълимий саволлардир. Ана шу мақсадда қуйидаги топширикларни тавсия этиш мумкин.

а) кузатиш материалларини ёки ўқитувчи берган мавзу бўйича тўпланган фактларни тизимлаштириш: асосий масалаларни ажратиш, режа тузиш, фактларни гурухлаштириш;

б) тақкослаш ва умумлаштириш, хулоса чиқариш ва уни асослаш;

в) билимларни қўллаш: янги фактлар ва мисоллар билан тасдиқлаш, янги ходисани ўрганилган ходиса даражасида тушунтириш.

Кузатишлар, амалий ишлар, тажрибалар, экспериментлар давомида яхши ўзлаштирилган билимларни эмас, балки уларни қўллашни ҳам талаб киласидаги саволлар ва муаммоларни ўз ичига олади, мураккаброқ изланишлар амалга оширилади.

Дарсда билишдаги мустакилликнинг ривожланиши аввал ўқитувчининг ёрдамидан, дарслик, маълумотнома, луғат, шахсий кузатиш ва тажрибалардан фойдаланиб саволларга мустакил ҳолда жавоб топиш кўникмасини эгаллаш, кейин эса ҳеч қандай ёрдамсиз ўрганилган материалга мустакил ҳолда саволлар кўйиш кўникмасини эгаллаш асосида амалга ошади. Кейинчалик ўқувчи бошқача шароитда намунага тақкослаб топширикларни ҳал қилиш ва саволларга жавоб бериш кўникмасини ўзлаштиради. Бунда индуктив ва дедуктив мушоҳада юритиш кўникмаси таркиб топади.

Умуман олганда, дарсликлар билан ишлаш натижасида ўқувчи фанлар соҳалари бўйича билимларни эгаллаш билан бирга миллий истиқлол ғояси ва мағкурасининг туб моҳиятини тушуниб этадилар. Бунда, айниқса, ўқитувчини роли каттадир.

МУНДАРИЖА

КИРИШ.....	3 *
I боб. Педагогиканинг баҳси ва унинг илмий-тадқиқот методлари.....	6
Педагогика ва унинг баҳси.....	6
Тарбиянинг ижтимоий ҳодиса эканлиги.....	6
Педагогика — тарбия ҳақидаги фан.....	8
Асосий псдагогик тушулчалар.....	10
Педагогика фанининг тузилиши ва унинг бошқа фанлар билан боғлиқлиги.....	П
Псдагогиканинг илмий-тадқиқот методи.....	13
II боб. Ҳар томонлама ривожланган инсон тарбиясининг максад ва вазифалари.....	16
III боб. Бола шахсиинг ривожланиши, тарбияси ва камолати.....	26
Асосий тушунчалар.....	26
Шахс ривожланишига таъсир этувчи омиллар.....	30
Исон камолати ва унинг шахсини ривожланишида мухитнинг роли.....	32
Инсоннинг камол топишида тарбиянинг роли.....	33
IV боб. Ўқитувчи ва унинг жамиятда тутган ўрни.....	37
Ўқитувчининг шахсига қўйилган касбий талаблар	39
Ўқитувчининг касбий шаклланиш жараёни.....	43
V боб. Ўзбекистонда халқ таълими тизими.....	46
"Халқ таълими тизими ҳақида тушунча ва уни ташкил <- этиш тамойиллари.....	46
1-Ўзбекистонда халқ таълими ташкилотларининг турлари.....	49
ч-Ўзбекистонда узлуксиз таълим тизими.....	->*
Умумий ўрта таълимийг давлат таълим стандарти....	65
VI боб. Таълим назарияси.....	76
Дидактиканинг предмети ва унинг вазифалари.....	76
Дидактиканинг асосий категориялари.....	84 -:
'кШахси шакллантириш ва камол топтириш тушунчаси ..	92

I боб- Ўқитиш жарасни	99
Ўқитиш жараёнинг моҳияти.....	99
Ҳозирги ўқитиш жараснига қўйиладиган талаблар..	105
Ўқитиш жараёнига ноанъанавий сидошиш	112
Тенглаштириш синфлари тўғрисида.....	118
^Бошланғич мактабдаги ўқитишнинг таълимий-тарбиявий ва камол топтириш вазифалари<7.....	119
Дидактик тадқиқот мостодлари.....	133
1 боб. Бошланғич таълим мазмуни технологияси	143
Ўқувчиларни педагогик жиҳатдан баҳолаш технологияси.....	156
Ўқув-тарбия жараёнида ривожлантириш усулининг технологияси.....	157
Дарс таълимида ривожлантириш технологияси	166
Ўқувчи билимини текшириш ва баҳолаш технологияси.....	172
Ўқитувчининг хатолари.....	179
боб. Таълим қонуниятлари ва қоидалари.....	185
Принцип тушунчаси.....	185
об. Ўзбекистон мактабларидаги таълимнинг мазмуни... 223	223
Таълим мазмунини белгилашнинг умумий асослари .	223
Бошланғич мактаб таълими мазмунини қайта кўриб чиқишининг асосий йўналишлари.....	227
Чет эл мамлакатларидаги таълимнинг мазмуни.....	240
боб. Ўқув жараёнини ташкил этишнинг шакллари.....	253
Ўқув ишини ташкил этиш шакллари ҳақида тушунча 253	253
Таълимда синф-дарс тизимининг вуждудга келиши .	255
Дарс мактабда ўқув ишларини ташкил қилишининг асосий шакли.....	257
Дарснинг структураси, элементлари ва типлари ..	263
боб. Муаммоли таълим.....	278
Муаммоли таълимнинг моҳияти..... *	278
Кичик мактаб ёшидаги ўқувчилар таълимига муаммоли ёндошишнинг хусусиятлари.....	279
Муаммоли вазиятларни яратиш ва ҳал қилишининг йўллари.....	283
Дидактик масала.....	287
Муаммоли таълим методлари.....	303
боб. Тарбия назарияси.....	303

Тарбия жараёни ва унинг моҳияти.....	303
Тарбияда ўқувчиларнинг ёши ва ўзига хос ҳусусиятларини хисобга олиш.....	312
Тарбиявий ишларнинг изчилиги, тизимлиги ҳамда бирлиги.....	314
 XIV боб. Миллий тарбиянинг ўзига хослиги ва мезонлари ...	323
Миллий, шарқона тарбия мезонлари.....	334
Тарбияда миллий удум ва одатлар.....	342
XV боб. Тарбия усуллари.....	352
XVI боб. Мехнат тарбияси.....	365
Оиласда меҳнат тарбияси.....	370
XVII боб. Нафосат тарбияси.....	381
XVIII боб. Ахлоқ-одоб тарбияси.....	395
XIX боб. Экологик тарбия.....	410
Шарқ алломаларининг табиат ва экология ҳақидағи фикрлари.....	420"
XX боб. Бадан тарбияси.....	427
Жисмоний тарбия воситалари.....	436
Бадан тарбиясида ҳаракаттар "ўйинларнинг аҳамияти..	439
Бадан тарбиясида халқ "ўйинларидан фойдаланиш ..	444
XXI боб. Мактабни бошқариш ва унга раҳбарлик қилиш . . .	447
Мактабни бошқариш масалалари.....	454
Мактаб ишини бошқариш ва унга раҳбарлик қилиш ..	454
 XXII боб. Ўқитиш методлари.....	46
Ўқитиш методи ва усули түғрисида тушунча, улар- нинг таснифи.....	462
Ўқитиш методларининг таснифи.....	469
Ўқитишнинг оғзаки методлари.....	473
Ўтилган материал устида ишлаш ва янги материални үрганишга тайёрланиш.....	476
Ўқитишнинг индуктив ва дедуктив методлари.....	484
Ўқитишнинг амалий методлари.....	489
Назарий билимлардан фойдаланиладиган машқлар	492
Машқ ўқувчиларда малакаларни шакллантириш фаолия- тининг асосий тури.....	493
Дарсликлар билан ишлаш.....	501